

ADAD AUT
CIÓN GEN

4

SACERD

BX2230

V4

1900


NON

AL

00748



1080020530



EX LIBRIS

HEMETHERII VALVERDE TELLEZ
Episcopi Leonensis

M. M. Y. Sr. Dignidad
Maestro-Escuelas de la San-
ta Iglesia Metropolitana de
México Lic. S. Emeterio
Valverde Feltes en señal
de respeto y estimación

Bro. Rafael Garay

México, 23 de Agosto de 1909.



SACERDOS

DEVOTO CELEBRANS

SS. MISSÆ SACRIFICIUM.



Capilla Alfonsina
Biblioteca Universitaria

44286

68244

BU 2230

1/4

1900



FONDO EXTERIOR
VALVERDE Y TELLEZ

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

888AA

SACERDOS

DEVOTE CELEBRANS

SS. MISSÆ SACRIFICIUM

PRÆCES ET MEDITATIONES ANTE ET POST OBLATIONEM
SS. SACRIFICII MISSÆ, QUAS EX VARIIS PROBATIS-
SIMIS AUCTORIBUS COLLEGIT, ET IN SINGULOS
DIES MENSIS DISTRIBUIT

P. F. ARCHANGELUS VENDORICKX,

ORDINIS FRATRUM MINORUM RECOLLECTORUM BELGII.

EDITIO TERTIA.

correcta et meliori ordine disposita.



MECHLINIÆ.

H. DESSAIN,

SEMI-PONTIFICIS, SS. CONGREGATIONUM RITUM ET DE PROPAGANDA FIDE
NECNON ARCHIEP. MECHL. TYPOGRAPHUS.

M. CM.

UNIVERSIDAD DE NUEVO LEÓN

Biblioteca Valverde y Tellez

2 APPROBATIONES 2

PRIMÆ EDITIONIS.

Præsens opusculum, cui titulus: SACERDOS DEVOTE CELEBRANS, juxta decretum Concilii Tridentini *De editione librorum* a duobus Theologis nostræ Provinciæ examinatum et approbatum, accedente Ordinarii licentia, imprimi poterit.

Datum Mechliniæ in Conventu FF. Min. Recoll. die 30 Decembris 1863.

Fr. Bernardus Van Loo, Min. Prov.

Imprimatur.

Mechliniæ 6 Januarii 1866.

J. B. VAN HEMEL, Vic. Gen.

APPROBATIONES

NOVÆ EDITIONIS.

Opus cui titulus SACERDOS DEVOTE CELEBRANS, ab A. R. P. Fr. Archangelo Vendrickx, *Exprovinciali*, compositum, noviter auctum et meliori ordine dispositum, servatis servandis, iterum typis mandari libentissime permitimus et omnibus Religiosæ nostræ Provinciæ Sacerdotibus enixe commendamus.

Datum Mechliniæ in Conventu FF. Min. Recoll. die 22 Decembris 1881.

Fr. Victorinus Cartuyvels, Min. Prov.

Imprimatur.

Mechliniæ, 25 Decembris 1881.

P. C. C. BOGAERTS, Vic. Gen.

Reimprimatur.

Mechliniæ in Conventu Fratrum Min. die 8 Septembris 1899.

Fr. Venantius Jansen, Min. Prov.

Reimprimatur.

Mechliniæ, 9 Septembris 1899.

H. J. DE CLERCK, Vic. Gen.

- 3 -

VENERABILIBUS

CHRISTI-DOMINI

SACERDOTIBUS.

Prima inter omnes functiones sacerdotales proculdubio est augustissimi Sacrificii Missæ oblatio, in qua Christus Dominus, verus Deus et Homo, cum Corpore et Sanguine, cum Anima et Divinitate vere adest; in cujus conspectu tremebundi assistant angeli, provolvuntur throni et quem tota cœlestis supplex adorati curia; proin primaria Sacerdotis occupatio, quinimo et tota ejus vita, circa hujus sanctissimi Sacrificii contemplationem præcipue oportet versari, sive sese preparando ad illud per sedulas preces, sive pro eo peracto fervidas gratias agendo. Gratum ergo vobis fore confido, Venerabiles Sacerdotes, præsens hoc opusculum, in quo pulcherrimas orationes et meditationes ex variis piis libellis desumptas, in singulos mensis dies distribui; quibus, ut verbis utar piissimi Cardinalis Bona, si quis assueverit, a distractionibus præservari Deique amore facile poterit succendi. Libelli porro illi sunt: *Cardinalis Bona Tractatus asceticus — Memoriale vite Sacerdotalis. — Vade mecum piorum Sacerdotum, Vesuntione 1826. — Via Franciscana, Campidoniæ 1772. — Modus pie et devote celebrandi R. P. Justinelli, Coloniae 1724 — Enchiridion piorum precum M. S. Verepæi, Antverpiæ 1376 — Veni mecum piorum Sacerdotum, Venetiis 1804 — Preces ante et post Missam, Mechliniæ 1826. — Methodus pie et devote celebrandi, Mechliniæ 1747. — et Dies Sacerdotalis R. P. Anselmi Van Esch M. C. Luxemburgi 1759.*

Precibus his tum ante tum post Missam præfixi MEDITATIONES DE PRÆCIPUIS JESU-CHRISTI IN EUCHARISTIA QU-

2 APPROBATIONES

PRIMÆ EDITIONIS.

Præsens opusculum, cui titulus: SACERDOS DEVOTE CELEBRANS, juxta decretum Concilii Tridentini *De editione librorum* a duobus Theologis nostræ Provinciæ examinatum et approbatum, accedente Ordinarii licentia, imprimi poterit.

Datum Mechliniæ in Conventu FF. Min. Recoll. die 30 Decembris 1863.

Fr. Bernardus Van Loo, Min. Prov.

Imprimatur.

Mechliniæ 6 Januarii 1866.

J. B. VAN HEMEL, Vic. Gen.

APPROBATIONES

NOVÆ EDITIONIS.

Opus cui titulus SACERDOS DEVOTE CELEBRANS, ab A. R. P. Fr. Archangelo Vendrickx, *Exprovinciali*, compositum, noviter auctum et meliori ordine dispositum, servatis servandis, iterum typis mandari libentissime permitimus et omnibus Religiosæ nostræ Provinciæ Sacerdotibus enixe commendamus.

Datum Mechliniæ in Conventu FF. Min. Recoll. die 22 Decembris 1881.

Fr. Victorinus Cartuyvels, Min. Prov.

Imprimatur.

Mechliniæ, 25 Decembris 1881.

P. C. C. BOGAERTS, Vic. Gen.

Reimprimatur.

Mechliniæ in Conventu Fratrum Min. die 8 Septembris 1899.

Fr. Venantius Jansen, Min. Prov.

Reimprimatur.

Mechliniæ, 9 Septembris 1899.

H. J. DE CLERCK, Vic. Gen.

- 3 -

VENERABILIBUS

CHRISTI-DOMINI

SACERDOTIBUS.

Prima inter omnes functiones sacerdotales proculdubio est augustissimi Sacrificii Missæ oblatio, in qua Christus Dominus, verus Deus et Homo, cum Corpore et Sanguine, cum Anima et Divinitate vere adest; in cujus conspectu tremebundi assistunt angeli, provolvuntur throni et quem tota cœlestis supplex adorati curia; proin primaria Sacerdotis occupatio, quinimo et tota ejus vita, circa hujus sanctissimi Sacrificii contemplationem præcipue oportet versari, sive sese preparando ad illud per sedulas preces, sive pro eo peracto fervidas gratias agendo. Gratum ergo vobis fore confido, Venerabiles Sacerdotes, præsens hoc opusculum, in quo pulcherrimas orationes et meditationes ex variis piis libellis desumptas, in singulos mensis dies distribui; quibus, ut verbis utar piissimi Cardinalis Bona, si quis assueverit, a distractionibus præservari Deique amore facile poterit succendi. Libelli porro illi sunt: *Cardinalis Bona Tractatus asceticus — Memoriale vite Sacerdotalis. — Vade mecum piorum Sacerdotum, Vesuntione 1826. — Via Franciscana, Campidoniæ 1772. — Modus pie et devote celebrandi R. P. Justinelli, Coloniae 1724 — Enchiridion piorum precum M. S. Verepæi, Antverpiæ 1376 — Veni mecum piorum Sacerdotum, Venetiis 1804 — Preces ante et post Missam, Mechliniæ 1826. — Methodus pie et devote celebrandi, Mechliniæ 1747. — et Dies Sacerdotalis R. P. Anselmi Van Esch M. C. Luxemburgi 1759.*

Precibus his tum ante tum post Missam præfixi MEDITATIONES DE PRÆCIPUIS JESU-CHRISTI IN EUCHARISTIA QU-

LITATIBUS, *juxta exemplar Ipris impressum anno 1781.*
 Tandem subjunxi Orationes ad B. M. Virginem, progredientes juxta ordinem Litaniarum Lauretanarum, uti et invocationes ad S. Angelum Custodem et Sanctos quarum usum, ante et post Missam, ascetæ plurimum commendant.

His ergo utimini, Venerabiles Sacerdotes, et mei in Sacrificiis vestris dignemini esse memores.

Hæc scribebam in capite Primæ Editionis : nunc autem addendum judico, hanc Alteram Editionem auctam et meliori ordine esse dispositam. Meditationes siquidem prædictas pro facilitate illorum, qui libentius his quam precibus vocalibus utuntur, ad calcem libri posui; multas preces, quæ sive ante sive post Missam in priore editione desiderabantur, addidi. Orationes ad B. M. Virginem et ad Sanctos amplificavi, et Precibus preparatoris præfixi unam alteramve sententiam sanctorum Patrum de Excellentia Sacrificii Missæ aut de Eminentia dignitatis Sacerdotalis, quæ celebrantem ad devotionem excitare poterunt.

SUMMUS SACERDOS

CHRISTUS-JESUS

AD SACERDOTES.

Piscatores hominum, sacerdotes mei,
 Præcones veridici, lucerna dei,
 Charitatis radio fulgentes et spei,
 Auribus percipite verba oris mei,
 Vos in sanctuario mihi deservitis,
 Vos vocavi palmites, ego vera vitis,
 Cavete ne steriles aut inanes sitis,
 Si mecum perpetuo vivere velitis.

Vos estis Catholice legis protectores,
 Sal terre, lux hominum, ovium pastores,
 Muri domus Israël, morum correctores,
 Vigiles Ecclesie, gentium doctores.
 Si legis protectio cadat, lex labetur,
 Si sal evanuerit, in quo salietur ?
 Nisi lux appareat, via nescietur ;
 Et ni pastor vigilet, ovile frangetur.


Vos cœpistis vineam meam procurare,
 Hanc doctrinæ rivulis debetis rigare,
 Spinas atque tribulos prorsus extirpare,
 Ut radices fidei possit germinare.

Vos estis in area boves trituranter,
 Prudenter a palea grana separantes,
 Vos habent pro speculo legem ignorantes
 Populi, qui fragiles sunt et inconstantes.

Quidquid vident laici vobis displicere,
 Dicent procul dubio sibi non licere ;
 Et quidquid vos opere vident adimplere,
 Credunt esse licitum et culpa carere.

Cum pastores ovium sitis constituti,

UNIVERSIDAD AUTÓNOMA DE PUEBLA
 DIRECCIÓN GENERAL DE BIBLIOTECAS



Non estote desides, sicut canes muti,
 Vobis non deficiant latratus acuti ;
 Lupus rapax invidet ovium saluti.
 Grex fidelis triplici cibo sustentetur ;
 Meo sacro corpore, quo grex adaugetur ;
 Sermonis compendio, quod discrete detur ;
 Ciboque corporeo, ne periclitetur.

Ovibus tenemini vestris prædicare ;
 Sed quid, quibus, qualiter, ubi, quando, quare,
 Debetis sollicitè præconsiderare ;
 Ne quis in officio dicat vos errare.

Vestra conversatio sit religiosa,
 Munda conscientia, vita virtuosa,
 Regularis habitus, mensque gratiosa,
 Nulla vos coinquinet labe criminosa.

Templum vestrum niteat semper venerandum ;
 Sit in Tabernaculo mei adorandum
 Sacramentum Corporis, luce luminandum,
 Paratum Viaticum ægris ministrandum.

Nullus fastus elevet ad id quod non estis,
 Gravis in intuitu habitus sit testis,
 Nihil vos illaqueet curis inhonestis,
 Quibus claves traditæ sunt regni cœlestis.

Estote breviloqui, ne vos ad reatum
 Pertrahat loquacitas, nutrix vanitatum ;
 Verbum quod loquimini, sit abbreviatum ;
 Nam in multiloquio non deest peccatum.

Estote benevoli, sobrii, prudentes,
 Justi, casti, simplices, pii, patientes,
 Hospitales, humiles, subdites docentes,
 Consolantes miseros, pravos corrigentes.

Quod si sic gesseritis curam pastoralem,
 Vereque vixeritis vitam spiritualem,
 Postquam exueritis chlamydem carnalem,
 Ipse vobis conferam stolam immortalẽ.

Transibunt enim, sicut folia arborum, et
 sicut herba, et sicut flos campæ, et sicut
 flos prælii, et sicut flos vitiæ, et sicut
 flos hominis, et sicut flos animalium,
 et sicut flos omnium creaturæ, et sicut
 flos universi, et sicut flos cuncti
 mundi, et sicut flos cuncti temporis,
 et sicut flos cuncti ævæ, et sicut flos
 cuncti mundi, et sicut flos cuncti
 temporis, et sicut flos cuncti ævæ,
 et sicut flos cuncti mundi, et sicut flos
 cuncti temporis, et sicut flos cuncti ævæ,

O Sacerdos ! quis es tu ?
 Non es a te, quia de nihilo.
 Non es ad te, quia mediator ad Deum.
 Non es tibi, quia sponsus Ecclesia.
 Non es tui, quia servus omnium.
 Non es tu, quia Deus es.
 Quid ergo es ? nihil et omnia !
 O Sacerdos !

UNIVERSIDAD AVILA

UNIVERSIDAD AVILA
 LIBRERIA DE BIBLIOTECA GENERAL DE BIBILIOCA
 AUTÓNOMA DE NUEVO LEÓN



®

Timendum est, inquit piissimus Thomas-a-Kempis, quod multi ideo parvum fructum accipiant de mensa Christi, quia nec ante nec postea sunt in sufficienti custodia sui; nec satis reverenter præcogitant, quis est, qui venturus est, nec postea ruminant, quia hodie *Sanctus Sanctorum* ingressus est ad eos. Lib. de sil. § 25.

« Volumus » ait Illustrissimus Archiepiscopus Meehliensis Humbertus-Guilielmus a Precipiano in sua gravissima et elegantissima Epistola Pastoralis anni 1700, « Volumus, ut Sacerdotes omnes peracta Missa, nisi forte velox charitas, aliave res gravis momenti, quæ moram non fert, eos alio avocet, aliquamdiu pro summi beneficii munere Deo gratias agant vel in sacrario vel etiam in ipso templo. Quippe laici, qui hac in parte plerumque religiosiores videntur esse, non leviter scandalizantur, quando vident Sacerdotes, peracto sacrificio continuo in plateas prodire, neque adeo, sicut debent, imitatores esse apostolorum, utpote qui e cœnaculo ubi divino illo Eucharistiæ epulo recreati fuerant, non ante quam hymno dicto, exierunt in montem Oliveti. Solus proditor Judas, iste filius perditionis, ante exivit et introverat in eum satanas. Talem habent Sacerdotes isti præproperi sui post Eucharistiam perceptam discessus ducem et auctorem. »



PRÆPARATIO AD MISSAM

PRO OPPORTUNITATE SACERDOTIS FACIENDA,

EX MISSALI ROMANO.

Añã. Ne reminiscaris, Domine, delicta nostra vel parentum nostrorum, neque vindictam sumas de peccatis nostris. *Tempore Paschali additur Alleluia. Hæc antiphona in festis duplicibus duplicatur.*

Psalmus LXXXIII.

Quam dilecta tabernacula tua, Domine virtutum; concupiscit et deficit anima mea in atria Domini. Cor meum et caro mea, exultaverunt in Deum vivum.

Etenim passer invenit sibi domum; et turtur nidum sibi, ubi ponat pullos suos.

Altaria tua, Domine virtutum; Rex meus et Deus meus.

Beati qui habitant in domo tua, Domine: in sæcula sæculorum laudabunt te.

Beatus vir, cujus est auxilium abs te: ascensiones in corde suo disposuit, in valle lacrymarum, in loco quem posuit.

Etenim benedictionem dabit legislator, ibunt de virtute in virtutem; videbitur Deus deorum in Sion.

Domine Deus virtutum, exaudi orationem meam: auribus percipe, Deus Jacob.

Protector noster aspice, Deus; et respice in faciem Christi tui.

Quia melior est dies una in atris tuis, super millia.

Elegi abjectus esse in domo Dei mei; magis quam habitare in tabernaculis peccatorum.

Quia misericordiam et veritatem diligit Deus; gratiam et gloriam dabit Dominus.

Non privabit bonis eos, qui ambulant in innocentia: Domine virtutum, beatus homo qui sperat in te. Gloria Patri, etc.

Psalmus LXXXIV.

Benedixisti Domine terram tuam: avertisti captivitatem Jacob.

Remisisti iniquitatem plebis tuæ; operuisti omnia peccata eorum.

Mitigasti omnem iram tuam: avertisti ab ira indignationis tuæ.

Converte nos, Deus salutaris noster: et averte iram tuam a nobis.

Numquid in æternum irasceris nobis; aut extendes iram tuam a generatione in generationem?

Deus, tu conversus vivificabis nos: et plebs tua lætabitur in te.

Ostende nobis, Domine, misericordiam tuam; et salutare tuum da nobis.

Audiam quid loquatur in me Dominus Deus: quoniam loquetur pacem in plebem suam.

Et super sanctos suos; et in eos qui convertuntur ad eor.

Veruntamen prope timentes eum salutare ipsius: ut inhabitet gloria in terra nostra transiens.

Misericordia et veritas obviaverunt sibi: justitia et pax osculatæ sunt.

Veritas de terra orta est: et justitia de cælo prospexit.

Etenim Dominus dabit benignitatem: et terra nostra dabit fructum suum.

Justitia ante eum ambulabit: et ponet in via gressus suos.

Gloria Patri, etc.

Psalmus LXXXV.

Inclina, Domine, aurem tuam et exaudi me: quoniam inops et pauper sum ego.

Custodi animam meam, quoniam sanctus sum: salvum fac servum tuum, Deus meus sperantem in te.

Miserere mei, Domine, quoniam ad te clamavi tota die: lætifica animam servi tui, quoniam ad te, Domine, animam meam levavi.

Quoniam tu, Domine, suavis et mitis, et multæ misericordiæ omnibus invocantibus te.

Auribus percipe, Domine, orationem meam: et intende voci deprecationis meæ.

In die tribulationis meæ clamavi ad te: quia exaudisti me.

Non est similis tui in diis, Domine: et non est secundum opera tua.

Omnes gentes quascumque fecisti venient, et adorabunt coram te Domine: et glorificabunt nomen tuum.

Quoniam magnus es tu, et faciens mirabilia: tu es Deus solus.

Deduc me, Domine, in via tua et ingrediar in veritate tua: lætetur cor meum, ut timeat nomen tuum.

Confitebor tibi, Domine, Deus meus, in toto corde meo, et glorificabo nomen tuum in æternum.

Quia misericordia tua magna est super me: et eruisti animam meam ex inferno inferiori.

Deus, iniqui insurrexerunt super me : et synagoga potentium quæsierunt animam meam, et non proposuerunt te in conspectu suo.

Et tu, Domine Deus, miserator et misericors : patiens et multæ misericordiæ et verax.

Respice in me et miserere mei, da imperium tuum puero tuo ; et saluum fac filium ancillæ tuæ.

Fac mecum signum in bonum, ut videant qui oderunt me, et confundantur : quoniam tu, Domine, adjuvisti me et consolatus es me.

Gloria Patri, etc.

Psalmus CXV.

Credidi, propter quod locutus sum : ego autem humiliatus sum nimis.

Ego dixi in excessu meo : Omnis homo mendax.

Quid retribuam Domino : pro omnibus quæ retribuit mihi ?

Calicem salutaris accipiam : et nomen Domini invocabo.

Vota mea Domino reddam coram omni populo ejus : pretiosa in conspectu Domini mors sanctorum ejus.

O Domine, quia ego servus tuus ; ego servus tuus et filius ancillæ tuæ.

Dirupisti vincula mea, tibi sacrificabo hostiam laudis ; et nomen Domini invocabo.

Vota mea Domino reddam in conspectu omnis populi ejus : in atriis domus Domini, in medio tui Jerusalem.

Gloria Patri, etc.

Psalmus CXXIX.

De profundis clamavi ad te, Domine : Domine exaudi vocem meam.

Fiant aures tuæ intendentes : in vocem deprecationis meæ.

Si iniquitates observaveris, Domine : Domine quis sustinebit ?

Quia apud te propitiatio est : et propter legem tuam sustinui te, Domine.

Sustinuit anima mea in verbo ejus : speravit anima mea in Domino.

A custodia matutina usque ad noctem : speret Israel in Domino.

Quia apud Dominum misericordia : et copiosa apud eum redemptio.

Et ipse redimet Israël, ex omnibus iniquitatibus ejus.

Gloria Patri, etc.

Deinde repetitur Antiphona :

Ne reminiscaris, Domine, delicta nostra vel parentum nostrorum, neque vindictam sumas de peccatis nostris.

Tempore Paschali additur : Alleluia.

Deinde Sacerdos dicit :

Kyrie eleison, Christe eleison, Kyrie eleison. Pater noster.

Ÿ. Et ne nos inducas in tentationem.

R. Sed libera nos a malo.

Ÿ. Ego dixi : Domine miserere mei.

R. Sana animam meam, quia peccavi tibi.

Ÿ. Convertere, Domine, aliquantulum.

R. Et deprecare super servos tuos.

Ÿ. Fiat misericordia tua, Domine, super nos.

R. Quemadmodum speravimus in te.

Ÿ. Sacerdotes tui induantur justitiam.

R. Et sancti tui exultent.

Ÿ. Ab occultis meis munda me, Domine.

- r. Et ab alienis parce servo tuo.
ŷ. Domine, exaudi orationem meam.
y. Et clamor meus ad te veniat.
ŷ. Dominus vobiscum.
r. Et cum spiritu tuo.

Oremus.

Aures tuæ pietatis, mitissime Deus, inclina precibus nostris; et gratia Sancti Spiritus illumina cor nostrum, ut tuis mysteriis digne ministrare, teque æterna charitate diligere mereamur.

Deus, cui omne cor patet et omnis voluntas loquitur, et quem nullum latet secretum: purifica per infusionem Sancti Spiritus cogitationes cordis nostri, ut te perfecte diligere et digne laudare mereamur.

Ure igne Sancti Spiritus renes nostros et cor nostrum, Domine: ut tibi casto corpore serviamus et mundo corde placeamus.

Mentes nostras quæsumus Domine, Paraclytus, qui a te procedit, illuminet; et inducat in omnem, sicut tuus promisit Filius, veritatem.

Adsit nobis, quæsumus Domine, virtus Spiritus Sancti, quæ et corda nostra clementer expurget et ab omnibus tæatur adversis.

Deus, qui corda fidelium Sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere.

Conscientias nostras, quæsumus Domine, visitando purifica: ut veniens Dominus noster Jesus-Christus, Filius tuus, paratam sibi in nobis inveniat mansionem: Qui tecum vivit et regnat, in unitate Spiritus Sancti Deus, per omnia sæcula sæculorum. Amen.

ORATIONES

PRO OPPORTUNITATE SACERDOTIS ANTE CELEBRATIONEM DICENDE.

Oratio Sancti Ambrosii Episcopi.

Die Dominica.

Summe Sacerdos et vere Pontifex, Jesu-Christe, qui te obtulisti Deo Patri hostiam puram et immaculatam in ara Crucis pro nobis miseris et peccatoribus, et qui dedisti nobis Carnem tuam ad manducandum et Sanguinem tuum ad bibendum, et posuisti mysterium istud in virtute Spiritus Sancti tui, dicens: Hæc quotiescumque feceritis, in mei memoriam facietis. Rogo per eundem Sanguinem tuum, magnum salutis nostræ pretium: rogo per hanc miram et ineffabilem charitatem, qua nos miseros et indignos sic amare dignatus es, ut lavares nos a peccatis nostris in Sanguine tuo. Doce me servum tuum indignum, quem inter cætera dona tua etiam ad officium Sacerdotale vocare dignatus es, nullis meis meritis, sed sola dignatione misericordiæ tuæ: doce me, quæso, per Spiritum Sanctum tuum, tantum tractare mysterium ea reverentia et honore, ea devotione et timore, quibus oportet et decet. Fac me per gratiam tuam semper illud de tanto mysterio credere et intelligere, sentire et firmiter tenere, dicere et cogitare, quod tibi placet et expedit animæ meæ. Intret Spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem. Profunda quippe sunt nimis et sacro tecta velamine. Propter magnam clementiam tuam concede mihi missarum solemniam mundo

corde et pura mente celebrare. Libera cor meum ab immundis et nefandis, vanis et noxiis cogitationibus. Muni me beatorum Angelorum pia et fida custodia ac tutela fortissima, ut hostes omnium bonorum confusi discedant. Per virtutem tanti mysterii, et per manum sancti Angeli tui, repelle a me et a cunctis servis tuis durissimum spiritum superbiæ et coenodoxiæ, invidiæ et blasphemiæ, fornicationis et immunditiæ, dubietatis et diffidentiae. Confundantur qui nos persequuntur: pereant illi qui nos perdere festinant.

Feria II.

Rex virginum et amator castitatis et integritatis, cœlesti rore benedictionis tuæ extingue in corpore meo fomitem ardentis libidinis, ut maneat in me tenor castitatis corporis et animæ. Mortifica in membris meis carnis stimulos omnesque libidinosas commotiones et da mihi veram et perpetuam castitatem cum cæteris donis tuis, quæ tibi placent in veritate, ut sacrificium laudis casto corpore et mundo corde valeam tibi offerre. Quanta enim cordis contritione et lacrymarum fonte, quanta reverentia et tremore, quanta corporis castitate et animæ puritate istud divinum et cœleste Sacrificium est celebrandum, ubi Caro tua in veritate sumitur, ubi Sanguis tuus in veritate bibitur, ubi ima summis, terrena divinis junguntur, ubi adest sanctorum Angelorum præsentia, ubi tu es Sacrificium et Sacerdos mirabiliter et ineffabiliter constitutus!

Feria III.

Quis digne hoc Sacrificium celebrare poterit, nisi tu, Deus omnipotens, offerentem feceris dignum? Scio, Domine, et vere scio, et idipsum pietati tuæ

confiteor, quia non sum dignus accedere ad tantum mysterium propter nimia peccata mea et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc Sacrificium celebrare cum timore et tremore, cum cordis puritate et lacrymarum fonte, cum lætitia spiritali et cœlesti gaudio. Sentiat mens mea dulcedinem beatissimæ præsentiae tuæ et excubiassanctorum angelorum tuorum in circuitu meo.

Feria IV.

Ego enim, Domine, memor venerandæ Passionis tuæ, accedo ad Altare tuum, licet peccator, ut offeram tibi Sacrificium, quod tu instituisti et offerri præcepisti in commemorationem tui pro salute nostra. Suscipe illud, quæso, summe Deus, pro Ecclesia sancta tua et pro populo quem acquisivisti Sanguine tuo. Et quoniam me peccatorem inter te et eundem populum tuum medium esse voluisti, licet in me aliquid boni operis testimonium non agnoscas, officium saltem dispensationis credita non recuses, nec per me indignum eorum salutis pereat pretium, pro quibus victima salutaris dignatus es esse, et redemptio. Profero etiam Domine (si digneris propitius inveni) tribulationes plebium, pericula populorum, captivorum gemitus, miserias orphanorum, necessitates peregrinorum, inopiam debiliū, desperationes languentium, defectus senum, suspiria juvenum, vota virginum, lamenta viduarum.

Feria V.

Tu enim misereris omnium, Domine, et nihil odisti eorum quæ fecisti. Memorare quæ sit nostra substantia, quia tu Pater noster es, quia tu Deus noster es; ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras, et ignem Sancti Spiritus in nobis clementer accende. Aufer cor lapideum de carne nostra, et da nobis cor carneum quod te amet, te diligat, in te delectetur, te sequatur, te perfruatur. Oramus, Domine, clementiam tuam, ut sereno vultu familiam tuam, sacri tui nominis officia præstolantem, aspicerè digneris; et ut nullius sit irritum votum, nullius vacua postulatio, tu nobis preces suggere, quas ipse propitius audire et exaudire delecteris.

Feria VI.

Rogamus etiam te, Domine, Sancte Pater, et pro spiritibus fidelium defunctorum, ut sit illis salus, sanitas, gaudium et refrigerium hoc magnum pietatis Sacramentum. Domine, Deus meus, sit illis hodie magnum et plenum convivium de te, Pane vivo, qui de cælo descendisti, et das vitam mundo, de tua Carne sancta et benedicta, Agni videlicet immaculati qui tollis peccata mundi, quæ de sancto et glorioso Beatæ Virginis Mariæ utero est assumpta et de Spiritu Sancto concepta; ac de illo pietatis fonte, qui per lanceam militis ex tuo sacratissimo latere emanavit, ut, exinde refecti et satiati, refrigerati et consolati, exultent in laude et gloria tua. Peto clementiam tuam, Domine, ut descendat super Panem

tibi sacrificandum plenitudo tuæ benedictionis et sanctificatio tuæ Divinitatis. Descendat etiam, Domine, illa Sancti Spiritus tui invisibilis incomprehensibilisque majestas, sicut quondam in Patrum hostias descendebat, qui et oblationes nostras Corpus et Sanguinem tuum efficiat, et me indignum Sacerdotem doceat tantum tractare mysterium cum cordis puritate et lacrymarum devotione, cum reverentia et tremore, ita ut placide ac benigne suscipias Sacrificium de manibus meis ad salutem omnium tam vivorum quam defunctorum.

Sabbato.

Rogo etiam te, Domine, per ipsum sacrosanctum mysterium Corporis et Sanguinis tui, quo quotidie in Ecclesia tua pascimur et potamur, abluimur et sanctificamur, atque unius summæ Divinitatis participes efficimur, da mihi virtutes tuas sanctas, quibus repletus, bona conscientia ad Altare tuum accedam; ita ut hæc cælestia Sacramenta efficiantur mihi salus et vita. Tu enim dixisti ore tuo sancto et benedicto: « Panis, quem ego dabo, Caro mea est pro mundi vita. Ego sum Panis vivus, qui de cælo descendi. Si quis manducaverit ex hoc Pane, vivet in æternum. » Panis dulcissime, sana palatum cordis mei, ut sentiam suavitatem amoris tui: sana illud ab omni languore, ut nullam præter te sentiam dulcedinem. Panis candidissime, habens omne delectamentum et omnem saporem, qui nos semper reficis et numquam in te deficis: comedat te cor meum, et dulcedine saporis tui repleantur viscera animæ meæ. Manducat te Angelus ore pleno, manducet te peregrinus homo pro modulo suo, ne deficere possit in via, tali recreatus viatico. Panis sancte, Panis vive, Panis munde, qui descendisti de cælo, et das vitam mundo, veni in cor meum,

et munda me ab omni inquinamento carnis et spiritus. Intra in animam meam, sana et munda me interioris et exterioris. Esto tutamen et continua salus animæ et corporis mei. Repelle a me insidiantes mihi hostes: recedant procul a præsentia potentiæ tuæ, ut, foris et intus per te munitus, recto tramite ad tuum regnum perveniam, ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo et Patri, et eris Deus omnia in omnibus. Tunc enim me de te satiabis satietate mirifica, ita ut nec esuriam nec sitiam in æternum: Qui cum eodem Deo Patre et Spiritu Sancto vivis et regnas per omnia sæcula sæculorum. Amen.

Oratio S. Bonaventuræ.

Ad mensam dulcissimi convivii tui, pie Domine Jesu Christe, ego peccator de propriis meis meritis nihil præsumens, sed de tua confidens misericordia et bonitate accedere vereor et contremisco: nam cor et corpus habeo multis criminibus maculatum, mentem et linguam non caute custoditam. Ergo, o pia Deitas! o tremenda Majestas! ego miser, inter angustias deprehensus, ad te fontem misericordiæ recurro, ad te festino sanandus, sub tuam protectionem fugio; et quem Judicem sustinere nequeo, Salvatorem habere suspiro. Tibi, Domine, plagas meas ostendo, tibi verecundiam meam detego; scio peccata mea multa et magna, pro quibus timeo: spero in misericordias tuas, quarum non est numerus. Respice ergo in me oculis misericordiæ tuæ, Domine Jesu-Christe, Rex æternæ, Deus et Homo, crucifixus propter hominem: exaudi me sperantem in te, miserere mei pleni misericordiis et peccatis; tu qui fontem miserationis nunquam manare cessabis. Salve salutaris Victima, pro

me et omni humano genere in patibulo Crucis oblata. Salve nobilis et pretiosæ Sanguis, de vulneribus Crucifixi Domini mei Jesu-Christi profluens et peccata totius mundi abluens. Recordare, Domine, creaturæ tuæ, quam tuo Sanguine redemisti. Pœnitet me peccasse, cupio emendare quod feci. Aufer ergo a me clementissime Pater, omnes iniquitates et peccata mea, ut purificatus mente et corpore, digne degustare merear Sancta Sanctorum, et concede ut hæc sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio ac bonorum sensuum regeneratio, operumque tibi placentium salubris efficaciac; animæ quoque et corporis contra inimicorum meorum insidias firmissima tutio. Amen.

Oratio S. Thomæ Aquinatis.

Omnipotens sempiternæ Deus, ecce accedo ad Sacramentum Unigeniti Filii tui, Domini nostri Jesu-Christi: accedo tamquam infirmus ad medicum vitæ: immundus ad fontem misericordiæ; cæcus ad lumen claritatis æternæ; pauper et egenus ad Dominum cœli et terræ. Rogo, ergo immensæ largitatis tuæ abundantiam, quatenus meam curare digneris infirmitatem, lavare fœditatem, illuminare cæcitatem, ditare paupertatem, vestire nuditatem, ut Panem Angelorum, Regem regum et Dominum dominantium tanta suscipiam reverentia et humilitate, tanta contritione et devotione, tanta puritate et fide, tali proposito et intentione, sicut expedit salutem animæ meæ. Da mihi, quæso, Domini Corporis et Sanguinis non solum suscipere Sacramentum, sed etiam rem et virtutem Sacramenti. O mitissime Deus, da mihi Corpus Unigeniti Filii tui,

Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facile perpetuo contemplari: Qui tecum vivit et regnat in unitate Spiritus Sancti Deus, per omnia sæcula sæculorum. Amen.

His precibus Missalis Romani utiliter sequentes addi poterunt.

Ego volo celebrare Missam et conficere Corpus et Sanguinem Domini nostri Jesu Christi, juxta ritum sanctæ Romanæ Ecclesiæ ad laudem omnipotentis Dei totiusque curiæ triumphantis, ad utilitatem meam totiusque curiæ militantis; pro omnibus, qui se commendaverunt orationibus meis, in genere et in specie ac pro felici statu sanctæ Romanæ Ecclesiæ. Amen.

Gaudium cum pace, emendationem vitæ, spatium veræ poenitentiae, gratiam et consolationem Sancti Spiritus, perseverantiam in bonis operibus tribuat nobis omnipotens et misericors Dominus. Amen.

Gregorius XIII concessit indulgentiam 50 annorum cuilibet Sacerdoti predictam orationem ante Missam recitanti. Illi orationi adjungi potest Cardinalis Baronii, aliorumque Virorum, sanctitate eminentium, devota preavis, in hunc modum:

Ego volo in hac Missa ex peculiari intentione, sumere Sanctissimum Eucharistiæ Sacramentum per modum Viatici; ea scilicet mente, ut, si mors ex improviso mihi accideret, Divino præcepto de hoc Sacramento in fine vitæ sumendo, a me foret satisfactum. In nomine Patris, et Filii, et Spiritus Sancti. Amen.

Memento vivorum.

1. Memento, Domine, mei, *exprimat hic Sacerdos gratias et beneficia, que per Sanctum Sacrificium consequi intendit.*
2. Memento parentum meorum et amicorum viventium (*Exprimi hic poterunt pater, mater, fratres, sorores, consanguinei, affines et amici celebrantis.*)
3. Omnium benefactorum in spiritualibus et temporalibus.
4. Omnium mihi commissorum in genere et in specie.
5. Omnium Sacerdotum et Ministrorum Ecclesiæ.
6. Omnium inimicorum meorum et eorum quibus sui occasio peccati.
7. Omnium hæreticorum et infidelium ad conversionem.
8. Omnium, qui se commendaverunt precibus meis, et omnium pro quibus scis et vis me debere orare.

Memento mortuorum.

1. Memento etiam, Domine, animarum parentum meorum defunctorum. (*Exprimantur ut supra.*)
2. Amicorum defunctorum.
3. Defunctorum benefactorum.
4. Defunctorum inimicorum.
5. Eorum defunctorum, quibus sui occasio peccati.
6. Eorum defunctorum, qui meis precibus sunt commendati.
7. Tandem illorum defunctorum pro quibus teneor et vis me orare, et orationibus meis præ cæteris indigent.

Oratio ad B. V. Mariam.

O mater pietatis et misericordiæ, beatissima Virgo Maria, ego miser et indignus peccator ad te confugio toto corde et affectu; et precor pietatem tuam, ut,

sicut dulcissimo Filio tuo in Cruce pendenti adstisti, ita et mihi misero peccatori et Sacerdotibus omnibus hic et in tota sancta Ecclesia hodie offerentibus clementer assistere digneris; ut, tua gratia adjuvi, dignam et acceptabilem hostiam in conspectu summe et individue Trinitatis offerre valeamus.

Oratio ad S. Joseph.

Cum indulgentia 1 anni concessa a Pio VII.

O felicem virum, beatum Joseph, cui datum est Deum, quem multi reges voluerunt videre et non viderunt, audire et non audierunt, non solum videre et audire, sed portare, deo seculari, vestire et custodire.
r. Ora pro nobis, beate Joseph. r. Ut digni efficiamur promissionibus Christi.

Oremus

Deus, qui dedisti nobis regale Sacerdotium, presta quesumus, ut sicut beatus Joseph, unigenitum Filium tuum, natum ex Maria Virgine, suis manibus reverenter tractare meruit et portare: ita nos facias, cum cordis munditia et operis innocentia tuis sanctis Altaribus deservire; ut, sacrosanctum Filii tui Corpus et Sanguinem hodie digne sumamus, et in futuro sæculo præmium habere mereamur æternum. Per eundem Christum Dominum nostrum. Amen.

Oratio ad Sanctum

Cujus eo die Missa legitur.

O Sancte N. ecce ego miser peccator de tuis meritis confisus, offero nunc sacratissimum Sacramen-

tum Corporis et Sanguinis Domini nostri Jesu Christi, pro tuo honore et gloria. Precor te humiliter et devote, ut pro me hodie intercedere digneris, ut tantum Sacrificium digne et acceptabiliter offerre valeam, ut eum tecum, et cum omnibus electis ejus, æternaliter laudare atque cum eo regnare valeam: Qui vivit et regnat in sæcula sæculorum. Amen.

ORATIONES

DICENDÆ CUM SACERDOS INDUITUR

SACERDOTALIBUS PARAMENTIS.

Cum lavat manus, dicat:

Da, Domine, virtutem manibus meis ad abstergendam omnem maculam: ut sine pollutione mentis et corporis valeam tibi servire.

Ad Amictum, dum ponitur super caput dicat:

Impone, Domine, capiti meo galeam salutis, ad expugnandos diabolicos incursus.

Ad Albam, cum ea induitur:

Dealba me, Domine, et munda cor meum: ut in sanguine Agni dealbatus, gaudiis perfruar sempiternis.

Ad Cingulum, dum se cingit:

Præcinge me, Domine, cingulo puritatis, et extingue in lumbis meis humorem libidinis: ut maneat in me virtus continentie et castitatis.

Ad manipulum, dum imponitur brachio sinistro :

Merear, Domine, portare manipulum fletus et doloris : ut cum exultatione recipiam mercedem laboris.

Ad stolam, dum imponitur collo :

Redde mihi, Domine, stolam immortalitatis, quam perdidisti in prævaricatione primi parentis : et quamvis indignus accedo ad tuum sacrum mysterium, merear tamen gaudium sempiternum.

Ad casulam, cum assumitur :

Domine, qui dixisti : Jugum meum suave est et onus meum leve : fac, ut istud portare sic valeam, quod consequar tuam gratiam. Amen.



GRATIARUM ACTIO

POST MISSAM.

Antiphona. Trium puerorum cantemus hymnum, quem cantabant sancti in camino ignis, benedicentes Dominum. *Tempore Paschali.* Alleluia. *Hæc antiphona in duplicibus duplicatur.*

Canticum trium Puerorum.

Benedicite omnia opera Domini Domino ; laudate et superexaltate eum in sæcula.

Benedicite angeli Domini, Domino : benedicite cœli Domino.

Benedicite aquæ omnes, quæ super cœlossunt Domino : benedicite omnes virtutes Domini Domino.

Benedicite sol et luna Domino : benedicite stellæ cœli Domino.

Benedicite omnis imber et ros Domino : benedicite omnes spiritus Dei Domino.

Benedicite ignis et æstus Domino : benedicite frigus et æstus Domino.

Benedicite rores et pruina Domino : benedicite gelu et frigus Domino.

Benedicite glacies et nives Domino : benedicite noctes et dies Domino.

Benedicite lux et tenebræ Domino : benedicite fulgura et nubes Domino.

Benedicat terra Dominum : laudet et superexaltet eum in sæcula.

Benedicite montes et colles Domino : benedicite universa germinantia in terra Domino.

Benedicite fontes Domino : benedicite maria et flumina Domino.

Ad manipulum, dum imponitur brachio sinistro :

Merear, Domine, portare manipulum fletus et doloris : ut cum exultatione recipiam mercedem laboris.

Ad stolam, dum imponitur collo :

Redde mihi, Domine, stolam immortalitatis, quam perdidisti in prævaricatione primi parentis : et quamvis indignus accedo ad tuum sacrum mysterium, merear tamen gaudium sempiternum.

Ad casulam, cum assumitur :

Domine, qui dixisti : Jugum meum suave est et onus meum leve : fac, ut istud portare sic valeam, quod consequar tuam gratiam. Amen.



GRATIARUM ACTIO

POST MISSAM.

Antiphona. Trium puerorum cantemus hymnum, quem cantabant sancti in camino ignis, benedicentes Dominum. *Tempore Paschali.* Alleluia. *Hæc antiphona in duplicibus duplicatur.*

Canticum trium Puerorum.

Benedicite omnia opera Domini Domino ; laudate et superexaltate eum in sæcula.

Benedicite angeli Domini, Domino : benedicite cœli Domino.

Benedicite aquæ omnes, quæ super cœlossunt Domino : benedicite omnes virtutes Domini Domino.

Benedicite sol et luna Domino : benedicite stellæ cœli Domino.

Benedicite omnis imber et ros Domino : benedicite omnes spiritus Dei Domino.

Benedicite ignis et æstus Domino : benedicite frigus et æstus Domino.

Benedicite rores et pruina Domino : benedicite gelu et frigus Domino.

Benedicite glacies et nives Domino : benedicite noctes et dies Domino.

Benedicite lux et tenebræ Domino : benedicite fulgura et nubes Domino.

Benedicat terra Dominum : laudet et superexaltet eum in sæcula.

Benedicite montes et colles Domino : benedicite universa germinantia in terra Domino.

Benedicite fontes Domino : benedicite maria et flumina Domino.

Benedicite cete et omnia quæ moventur in aquis Domino : benedicite omnes volucres cœli Domino.

Benedicite omnes bestias et pecora Domino : benedicite filii hominum Domino.

Benedicat Israël Dominum : laudet et superexaltet eum in sæcula.

Benedicite Sacerdotes Domini Domino : benedicite servi Domini Domino.

Benedicite spiritus et animæ iustorum Domino : benedicite sancti et humiles corde Domino.

Benedicite Anania, Azaria, Misael Domino : laudate et superexaltate eum in sæcula.

Benedicamus Patrem et Filium cum Sancto Spiritu : laudemus et superexaltemus eum in sæcula.

Benedictus es, Domine, in firmamento cœli : et laudabilis et gloriosus et superexaltatus in sæcula.

Psalmus CL.

Laudate Dominum in Sanctis ejus : laudate eum in firmamento virtutis ejus.

Laudate eum in virtutibus ejus : laudate eum secundum multitudinem magnitudinis ejus.

Laudate eum in sono tubæ : laudate eum in psalterio et cithara.

Laudate eum in tympano et choro : laudate eum in chordis et organo.

Laudate eum in cymbalis benesonantibus, laudate eum in cymbalis jubilationis, omnis spiritus laudet Dominum.

Gloria Patri, etc.

Repetitur Antiphona. Trium puerorum, etc.

Kyrie eleison. Christe eleison. Kyrie eleison. Pater noster, etc.

ÿ. Et ne nos inducas in tentationem. ñ. Sed libera nos a malo.

ÿ. Confiteantur tibi, Domine, omnia opera tua. ñ. Et Sancti tui benedicant tibi.

ÿ. Exultabunt Sancti in gloria. ñ. Laetabuntur in eubilibus suis.

ÿ. Non nobis, Domine, non nobis. ñ. Sed nomini tuo da gloriam.

ÿ. Domine, exaudi orationem meam. ñ. Et clamor meus ad te veniat.

ÿ. Dominus vobiscum. ñ. Et cum spiritu tuo.

Oremus.

Deus, qui tribus Pueris mitigasti flammam ignium, concede propitius, ut nos famulos tuos non exurat flamma vitiorum.

Actiones nostras, quæsumus Domine, aspirando præveni et adjuvando prosequere, ut cuncta nostra oratio et operatio a te semper incipiat, et per te cepta finiatur.

Da nobis, quæsumus Domine, vitiorum nostrorum flammam extinguere, qui beato Laurentio tribuisti tormentorum suorum incendia superare. Per Christum Dominum nostrum. Amen.

Oratio S. Thomæ Aquinatis.

Grazias tibi ago, Domine sancte, Pater omnipotens, æterne Deus, qui me peccatorem, indignum famulum tuum, nullis meis meritis, sed sola dignatione misericordiæ tuæ satiare dignatus es pretioso Corpore et Sanguine Filii tui, Domini nostri Jesu Christi. Et precor te, ut hæc sancta Communio non sit mihi reatus ad penam sed intercessio salutaris ad veniam ; sit mihi armatura fidei et scutum bonæ voluntatis. Sit vitiorum meorum evacuatio, concupiscentiæ et libidinis exterminatio, charitatis et pa-

tientia, humilitatis et obedientia, omniumque virtutum augmentatio; contra insidias inimicorum omnium, tam visibilium quam invisibilium, firma defensio; motum meorum, tam carnalium quam spiritualium perfecta quietatio; in te uno ac vero Deo firma adhesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu, cum Filio tuo et Spiritu Sancto, Sanctis tuis es lux vera, sactietas plena, gaudium sempiternum, jucunditas consummata et felicitas perfecta. Per eundem Christum Dominum nostrum.

Oratio S. Bonaventurae.

Transfige, dulcissime Domine Jesu Christe, medullas et viscera animae meae suavissimo ac saluberrimo amoris tui vulnere; vera, serenaque et apostolica sanctissima charitate; ut langueat et liquefiat anima mea solo semper amore et desiderio tui: te concupiscat et deficiat in atriâ tua; cupiat dissolvi et esse tecum. Da ut anima mea te esuriat Panem Angelorum, refectionem animarum sanctarum, Panem nostrum quotidianam supersubstantialem, habentem omnem dulcedinem et saporem et omne delectamentum suavitatis; te in quem desiderant Angeli prospicere, semper esuriat et comedat cor meum, et dulcedine saporis tui repleantur viscera animae meae; te semper sitiât fontem vitae, fontem sapientiae et scientiae, fontem aeterni luminis, torrentem voluptatis, ubertatem domus Dei: te semper ambiat, te quaerat, te inveniat, ad te tendat, ad te perveniat, te meditetur, te loquatur, et omnia operetur in laudem et gloriam nominis tui, cum humilitate et discretionem, cum dilectione, et delectatione, cum facilitate et affectu, cum perseverantia usque in finem: et tu sis solus sem-

per spes mea, tota fiducia mea, divitiarum mearum, delectatio mea, jucunditas mea, gaudium meum, quies et tranquillitas mea, pax mea, suavitas mea, odor meus, dulcedo mea, cibus meus, relectio mea, refugium meum, auxilium meum, sapientia mea, portio mea, possessio mea, thesaurus meus: in quo fixa et firma et immobiliter semper sit relecta mens mea et cor meum. Amen.

Rhythmus

DEIUSDEM S. THOMAE AD SS. SACRAMENTUM.

Adoro te devote latens Deitas,
 Quae sub his figuris vere latitas:
 Tibi se cor meum totum subiecit,
 Quia te contemplans totum deficit.
 Visus, gustus, tactus in te fallitur;
 Sed auditu solo tuto creditur,
 Credo quidquid dixit Dei Filius,
 Nil hoc verbo veritatis verius.
 In Cruce latebat sola Deitas,
 At hic latet simul et Humanitas:
 Ambo tamen credens, atque confitens,
 Peto quod petivit latro poenitens.
 Plagas sicut Thomas non intueor,
 Deum tamen meum te confiteor;
 Fac me tibi semper magis credere,
 In te spem habere, te diligere.
 O memoriale mortis Domini,
 Panis vivus, vitam praestans homini:
 Praesta meae menti de te vivere,
 Et te illi semper dulce sapere.
 Pie pellicane, Jesu Domine,
 Me immundum munda tuo Sanguine;
 Cujus una stilla salvum facere,

Totum mundum quit ab omni scelere.
Jesu, quem velatum nunc aspicio,
Oro, fiat illud quod tam sitio;
Ut te revelata cernens facie,
Visu sim beatus tuæ gloriæ.
Amen.

Utiliter his orationibus Missalis ad dentur sequentes :

Oratio ad B. V. Mariam.

Respice in me gloriosissima Virgo Maria, quia dignum objectum oculorum tuorum nunc factus sum. Loquere pro me bona dilectissimo Filio tuo, qui me Corpore et Sanguine suo suavissime refecit, et offer ei merita tua in supplementum imperfectionis mee. Gratias age ei pro me, et impetra mihi, ut Sacramentali sua præsentia non discedat a me, nisi relinquat post se animæ meæ et corpori meo largissimam benedictionem. Amen.

Oratio ad S. Joseph

CUM INDULGENTIA I ANNI, CONCESSA A PIO VII.

Virginum Custos et Pater, Sancte Joseph, cujus fideli custodiæ ipsa Innocentia, Christus Jesus, et Virgo Virginum Maria commissa fuit : te per hoc utrumque charissimum pignus, Jesum et Mariam, obsecro et obtestor, ut me ab omni immunditia præservatum, mente incontaminata, puro corde et casto corpore Jesu et Mariæ semper facias castissime famulari. Amen.

Oratio ad Sanctum

DE QUO LECTA EST MISSA.

Sancte N, in cujus honorem incruentum Corporis et Sanguinis Christi Sacrificium obtuli, fac tua po-

tenti apud Deum intercessione, ut usu hujus mysterii Passionis et Mortis ejusdem Christi, Salvatoris nostri, merita consequar, ac cum illius frequentatione continuo crescat meæ salutis effectus. Amen.

PRECES

PRO LUCRANDIS INDULGENTIS PLENARIIS DIEBUS
QUIBUS SUNT CONCESSÆ.

Oratio præparatoria.

Omnipotens sempiternæ Deus, cujus misericordia a peccatis omnibus æternæque damnationis reatu me absolutum confido, quamvis temporalibus pœnis obnoxius permaneam, cum his diluendis opera mea non sufficiant, ad inexhaustum meritorum unigeniti Filii tui, Domini nostri Jesu Christi, Sanctorumque thesaurum confugio, ut hujus abundantia tenuitati et indigentia meæ subveniatur. Promptum me ad omnia, quæ in hunc finem præstanda sunt offero. Suscipe ea, o Pater misericordiarum, in unione Passionis ut Mortis ejusdem Filii tui, plenariæque hujus indulgentiæ me, licet indignum, fac participem (*Si indulgentiam lucrari intendis pro defunctis, adde : quam applicare intendo, per modum suffragii, Purgatorii animabus, in specie autem animæ N.*) Amen. ®

Oratio

AD DEUM PATREM PRO EXALTATIONE S. MATRIS
ECCLESIAE.

Memento, o Pater æternæ, congregationis tuæ, quam possedisti ab initio. Agnosce Ecclesiam velut

sponsam unigeniti Filii tui, pro qua ipse Sanguinem suum profundere non dubitavit. Hanc, obsecro, sanctitatis decore, gratiarum opibus, et hæreditatis amplitudine ita exalta, ut digna compareat tali sponso, tantoque Redemptionis pretio. Respice benignissime ejusdem S. Matris filios, eorumque numero universas gentes associa, ut omnes te, Deum Patrem, et quem misisti, Jesum Christum, una cum S. Spiritu, fide viva agnoscant, spe firma invocent et charitate perfecta complectantur. Amen. *Pater et Ave.*

Oratio

AD DEUM FILIUM PRO EXTIRPATIONE HÆRESUM.

O Jesu, lux vera, quæ illuminas omnem hominem venientem in hunc mundum: fac, oro, per inestimabilem Passionis et Mortis tuæ virtutem, ut pulsas hæresum et errorum tenebris, veritatis tuæ lumen omnes amplectantur et in optatum Ecclesiæ tuæ gremium confluant. O Pastor bone, qui animam tuam pro ovibus tuis posuisti, gregem tuum protege, et contra vim insidiasque eorum defende, qui veniunt in vestimentis ovium, intrinsecus autem sunt lupi rapaces. Fac, ut unum omnes pastorem admittant, et unum omnium sit ovile. Mane nobiscum, Domine, quoniam dixisti: Ecce ego vobiscum sum omnibus diebus usque ad consummationem sæculi. Ostende Ecclesiam tuam esse ædificatam super petram et portas inferi non prævalere adversus eam. Amen. *Pater et Ave.*

Oratio

AD S. SPIRITUM, PRO CONCORDIA CHRISTIANORUM PRINCIPUM.

O Sancte Spiritus, Spiritus amoris et pacis, qui

tot tantasque gentes in unitate fidei congregasti, largire Christianis Principibus, eorumque consulariis abundantiam tuæ gratiæ, novoque charitatis tuæ munere præveni eorum corda, ut ex hoc omnes agnoscant, eos in numero electorum censendos et Christiano nomine dignos esse. Fac, ne ulla unquam cupiditate abducti, quidquam moliantur, quod divinæ tuæ gloriæ, concordie Ecclesiæ adversetur: sed unitis potius viribus, ad pacis æternæ visionem et cælestem Jerusalem populum sibi subjectum una secum perducere nitantur. *Pater et Ave.*

Oratio

PRO SS^{MO} DOMINO PAPA

Deus, omnium fidelium Pastor et Rector, famulum tuum N., quem Pastorem Ecclesiæ tuæ præesse voluisti, propitius respice: da ei, quæsumus, verbo et exemplo quibus præest proficere, ut ad vitam, una cum grege sibi credito, perveniat sempiternam. Per Christum Dominum nostrum. *Pater et Ave.*

Oratio

CUM INDULGENTIA PLENARIA, APPLICABILI ANIMABUS PURGATORII, DICENDA POST MISSAM.

Qui confessus et sacra Communionem refectus cum corde vere contrito et devoto recitaverit sequentem Orationem, coram qualicumque imagine Jesu Crucifixi, consequi potest Indulgentiam plenariam.

Primitus concessa fuit hæc indulgentia a Clemente VIII. et Benedicto XIV.

De novo concessa et confirmata fuit in perpetuum a Pio VII die 10 Aprilis 1821.

Dein applicabilis facta animabus Purgatorii a Leone XII die 17 Sept. 1825.

Tandem de novo confirmata a Pio IX die 51 Julii 1858, modo *insuper per aliquod temporis spatium juxta mentem Sanctitatis suæ pie oraverint*; ut dicitur in Decreto.

Oratio cum Indulgentia plenaria.



Oratio.

En ego, o bone et dulcissime Jesu, ante conspectum tuum genibus me provelvo, ac maximo animi ardore te oro, atque optestor, ut meum in cor vividos Fidei, Spei et Charitatis sensus, atque veram peccatorum meorum poenitentiam, eaque emendandi firmissimam voluntatem velis imprimere: dum magno animi affectu et dolore tua quinque vulnera mecum ipse considero, ac mente contemplor, illud præ oculis habens, quod jam in ore ponebat tuo David Propheta de Te, o bone Jesu: *Foderunt manus meas et pedes meos: dinumeraverunt omnia ossa mea.* 1^o s. 21 y. 18.)

PRECES ANTE ET POST MISSAM

PRO SINGULIS MENSIS DIEBUS.

DIES I.

ANTE MISSAM.

Sacerdos, ait Sanctus Alphonsus, Missam ea, qua decet, devotione celebrare non poterit nisi magnam habeat hujus Sancti Sacrificii estimationem. Attenta proinde mente consideret: « Nullum aliud opus, juxta S. Concilii Tridentini essatum, adeo Sanctum a Christi fidelibus tractari posse quam hoc tremendum mysterium. » (Sess. 22.)

Quasi mundus illi universus concreditus sit, atque omnium ipse pater sit, sic sacerdos ad Deum accedit. (S. Chrys. lib. de Sacerd.)

Oblatio Sacrificii qua latentici

Offero tibi, summe Deus, Sacrificium Unigeniti tui, quod per me indignum peragi voluisti, ad recognoscendum super me et omnes creaturas supremam dominationem tuam, potestatem et imperium. Profite or igitur hujus Sacrificii actione, et coram omnibus viventibus, quod sumus hic in terra respirantes præcise tamquam nihilum ante te, quodque tu sis solus Dominus, cui omnis honor, virtus et gloria debetur ab omnibus creaturis et nunc et in perpetuum.

Qua eucharistici.

Offero etiam illud tibi, beneficentissime Deus, in

Dein applicabilis facta animabus Purgatorii a Leone XII die 17 Sept. 1825.

Tandem de novo confirmata a Pio IX die 51 Julii 1858, modo *insuper per aliquod temporis spatium juxta mentem Sanctitatis suæ pie oraverint*; ut dicitur in Decreto.

Oratio cum Indulgentia plenaria.



Oratio.

En ego, o bone et dulcissime Jesu, ante conspectum tuum genibus me provelvo, ac maximo animi ardore te oro, atque optestor, ut meum in cor vividos Fidei, Spei et Charitatis sensus, atque veram peccatorum meorum poenitentiam, eaque emendandi firmissimam voluntatem velis imprimere: dum magno animi affectu et dolore tua quinque vulnera mecum ipse considero, ac mente contemplor, illud præ oculis habens, quod jam in ore ponebat tuo David Propheta de Te, o bone Jesu: *Foderunt manus meas et pedes meos: dinumeraverunt omnia ossa mea.* 1^o s. 21 y. 18.)

PRECES ANTE ET POST MISSAM

PRO SINGULIS MENSIS DIEBUS.

DIES I.

ANTE MISSAM.

Sacerdos, ait Sanctus Alphonsus, Missam ea, qua decet, devotione celebrare non poterit nisi magnam habeat hujus Sancti Sacrificii estimationem. Attenta proinde mente consideret: « Nullum aliud opus, juxta S. Concilii Tridentini essatum, adeo Sanctum a Christi fidelibus tractari posse quam hoc tremendum mysterium. » (Sess. 22.)

Quasi mundus illi universus concreditus sit, atque omnium ipse pater sit, sic sacerdos ad Deum accedit. (S. Chrys. lib. de Sacerd.)

Oblatio Sacrificii qua latentici

Offero tibi, summe Deus, Sacrificium Unigeniti tui, quod per me indignum peragi voluisti, ad recognoscendum super me et omnes creaturas supremam dominationem tuam, potestatem et imperium. Profite or igitur hujus Sacrificii actione, et coram omnibus viventibus, quod sumus hic in terra respirantes præcise tamquam nihilum ante te, quodque tu sis solus Dominus, cui omnis honor, virtus et gloria debetur ab omnibus creaturis et nunc et in perpetuum.

Qua eucharistici.

Offero etiam illud tibi, beneficentissime Deus, in

perpetuas gratiarum actiones pro omnibus donis, quibus me continuo praevenisti in corpore et in anima, simul et pro iis, quibus non desinis creaturis omnibus benefacere: demitte, quaeso, oculos de caelo in Altare, et respice in faciem Christi tui; ibi adest ut grates debitas nobiscum et pro nobis majestati tuae persolvat.

Qua propitiarii.

Offero quoque illud, justissime Judex, in redemptionem iniquitatum mearum, et omnium, quibus haec terra exilii obruitur: concede, quaeso, meritis Sanguinis Christi, qui est propitiatio pro peccatis nostris, et non pro peccatis nostris tantum, sed et pro totius mundi; concede, inquam, omnibus peccatoribus donum verae poenitentiae, eosque et justos omnes, ac animas in Purgatorio detentas, a reatu cujusvis poenae misericorditer absolvas.

Qua impetratorii.

Offero tandem tuae Majestati divinae Sacrificium illud magni Mediatoris ad impetrandum mihi et universo orbi Christiano omnia subsidia spiritualia et temporalia, quibus adjuti valeamus in tuo famulatu ad finem usque fideliter perseverare, et ad portum salutis feliciter pervenire. Respice etiam, clementissime Deus, ad tot nationes barbaras; paganis, judaeis, haereticis et aliis a via salutis errantibus veritatem tuam ostende; ut lumine illius adducti in promptuarie familiae tuae, fiant nobiscum unum ovile, sitque unus omnium Pastor Jesus Christus Filius tuus, qui tecum vivit et regnat in saecula saeculorum. Amen.

Actus virtutum Theologicarum.

Te in hoc augustissimo Sacramento vere praesentem credo, Domine Jesu, quia tu ipse hoc dixisti et Sancta Ecclesia credendum proponit; Spero in te, qui vitam digne te summentibus promisisti et fidelis es in tuis promissis; Amo te, qui, praecipue in hoc Sacramento, tam amabilis es, et proximum meum, propter te, amo sicut meipsum. Sed quia, eheu, tam tepide ad te accedo, offero tibi omnia illa sensa fidei, spei, charitatis, sanctaeque desideria, cum quibus sancti tui amici ad tremendum altare accedebant, rogans cum omni humilitate et fiducia, ut sanctis illis dispositionibus animam meam ornare digneris.

Actus contritionis.

Doleo quoque, benignissime et amantissime Deus, de omnibus et singulis peccatis totius vitae meae, eaque detestor super omnia mala ex gratuito tui amore; quia Deus es totus in te bonus, totus in te amabilis, et in sanctitate tua magnificus; firmiterque propono quaelibet mala potius sustinere, quam in posterum peccato consentire. Contristor etiam quam maxime, mi Deus, super infirmitates meas et imperfectiones quotidianas, necnon ob ariditatem animae meae, quibuscum accedere praesumo ad vivificum Corporis et Sanguinis tui Mysterium. Purifica me, quaeso, ab omni terreno amore et inflamma cor meum igne amoris tui ardentissimo; ut sine impedimento in Altari tibi serviam, et tibi sic intime uniar, ut in te solo deinceps vivam et requiescam. Amen.

N. B. Sacerdos numquam omitat ante Celebrationem formare suam intentionem, pro quibus nempe vivis et defunctis principaliter SS. Sacrificium inten-

dat offerre, et quas gratias ex Sacrificio obtinere tum pro te, tum pro aliis desideret. — Ad quod, Missa perfecta, similiter attendere debet; quatenus pretioso illo tempore, quo Jesum Christum, omnium bonorum largitorem, sibi habet jam intime presentem, utatur, ad illa omnia petenda, pro quibus obtinendis SS. Missæ Sacrificium obtulerit. Fructuose etiam post Missam Sacerdos Regularis vota sua religiosa renovabit.

Oratio ad B. M. V.

Sancta et immaculata virgo Maria, per conceptionem tuam immunem ab originali peccato obsecro te, ut mihi impetres remissionem omnium peccatorum meorum; quatenus in conspectu Filii tui, Domini mei Jesu Christi, sine macula appaream, et velis orare pro me, ut copiosos gratiarum fructus mihi et illis, pro quibus Sanctissimum Sacrificium offerre proposui, ex illo reportare merear. Amen.

Oratio ad Sanctos.

Intercedant pro me, Domine Jesu Christe, apud tuam clementiam S. Angelus Custos, S. Joseph, SS. Patroni mei N. N. et Sanctus N. (ad ultimam litteram N. in oratione ad Sanctos exprimitur nomen Sancti, de quo illa die Missa celebratur,) ut sanctissima Mysteria corporis et sanguinis tui, ad quæ, quamvis indignus, accedo, animam meam sanctificent, illamque ad Sanctorum sectanda vestigia efficaciter stimulent. Amen.

DIES I.

POST MISSAM.

Gratiarum actio.

Domine mi, infinitæ Bonitatis et Magnitudinis, tu ad me creaturam adeo vilem venire dignatus es! Tu qui es Rex regum et Dominus dominantium, ad me abjectissimum terræ vermiculum, qui tanto tempore fui vas reprobum et servus diaboli. Ad me, qui te toties offendi, toties contempsi, contumeliis affeci et crucifixi. Ad me, qui tibi toties fel pro potu suavi propinavi, quoties peccavi. Cui toties cordis mei januam oclusi, et ita te a me repuli. Indignus ergo imo indignissimus eram visitatione tua. Hac mea non obstante ingratitude ad me venire et sub tectum meum intrare voluisti, ut animam meam præsentia tua dulcissima sanares et a peccato revocares. Quid pro dignatione tanta rependam? quam gratum me pro hac misericordia exhibebo? quo amore redamabo? Quibus officiis tantum beneficium, tantamque bonitatem remunerabo? Non tibi sufficit, quod mihi in hoc mysterio sanctissimam tuam communicaveris Humanitatem, sed et tuæ Divinitatis me participem facere voluisti. O admirabile Mysterium! O thesaurum nullo comparandum pretio: dignum ejus præconia decantentur in æternum! O clementissime animæ meæ Reparator! quibus majoribus divitiis et pretiosioribus monilibus me locupletare potuisti hoc Augustissimo Sacramento, ejus virtute omnia mihi condonantur peccata, et ex filio diaboli transformor in filium Dei! quas itaque pro misericordia hac gratiarum referam actiones? Quas tibi decantabo laudes? Si gratitudo dono correspondere debeat, quod

gratitudinis genus tali sufficere dono? Dulcissime Jesu, quas referam gratias, nescio: quia si solus omnia Angelorum et Sanctorum possiderem corda, omnibusque illis Divinam tuam Majestatem laudarem, vix minimam illius gratiæ, quam mihi fecisti partem adæquarem. Quid ergo ego potero tibi reddere pro tot beneficiis? Offero tibi, Domine Jesu, cor meum, offero tibi totum meipsum. Te sine fine et ex omnibus viribus animæ meæ laudare et benedicere desidero. Vellem omnium corda habere, ut his te in æternum laudarem, misericordiæque tuæ magnitudinem decantarem.

Actus petitionis.

Liberalissime Jesu, qui prodigioso amoris conatu te totum dedisti mihi, Corpus tuum, Animam et Divinitatem tuam, quid mihi jam supplicanti denegare posses? Ideo non dimittam te nisi benedixeris mihi.

Indulge ergo, obsecro, quidquid negligentia, precipitatione, aut quovis alio modo deliqui in hujus Missæ celebratione.

Da mihi sedium tuarum assistricem sapientiam, ut mecum sit, mecum ambulet, et mecum laboret omnibus diebus vitæ meæ.

Da mihi, Rex Virginum et amator castitatis, donum perfectæ continentiæ, ut casto corpore et pura mente tibi servire valeam.

Da mihi amorem pariter et timorem nominis tui, ut te in omnibus et super omnia diligens, inter mundanas varietates et hujus vitæ tentationes tibi fixum sit cor meum, ubi est verum gaudium.

Da mihi juncti ministerii vices ad majorem nominis tui gloriam, mei et proximi salutem exacte et fideliter implere.

Convertite miseros peccatores ad te; revoca hereti-

cos atque schismaticos; illumina infideles te ignorantes; adesto omnibus, qui in aliqua necessitate et tribulatione sunt constituti, maxime iis qui in extrema cum morte lucta versantur.

Esto propitius propinquis et benefactoribus meis. Miserere omnium mihi adversantium, vel qui me aliqua affecerunt molestia. Succurre eis, qui se meis precibus commendarunt. Da fidelibus defunctis lucem et requiem sempiternam. Amen.

Piissimæ Invocationes S. Ignatii post Missam.

Cum indulg. 7 annorum, et indulg. plen. semel in mense pro iis, qui illas quotidie recitant. Concessæ a Pio IX.

Anima Christi, sanctifica me.

Corpus Christi, salva me.

Sanguis Christi, inebria me.

Aqua lateris Christi, lava me.

Passio Christi, conforta me.

O bone Jesu, exaudi me.

Intra vulnera tua absconde me.

Ne permittas me separari a te.

Ab hoste maligno defende me.

In hora mortis meæ voca me.

Et jube me venire ad te.

Ut cum Sanctis tuis laudem te.

In sæcula sæculorum. Amen.

Oratio ad B. M. V.

Sancta Maria, quæ in Conceptione tua caput serpentis contrivisti et ab omni semper peccato fuisti aliena, intercede pro me, ut per horum Sacramentorum sumptionem a peccatis præteritis munder et præserver a futuris, et ita per animæ puritatem di-

gnus sim, qui a Deo puritatis et a Matre semper pura et casta ut filius diligar. Amen.

Oratio ad Sanctos.

Concede mihi, misericors Deus, per intercessionem S. Angeli Custodis, S. Joseph, SS. Patronorum meorum NN et Sancti N., ut Sacramenta, quæ sumpsi, præsent mihi robur et tutamen contra tentationes inimici, et gratiæ abundantiam pro vitæ meæ emendatione: quatenus a via justitiæ numquam amplius recedam et in bono quotidie proficiam. Amen.

DIES II.

Ante Missam.

Mis a est memoriate totius dilectionis Dei, et quasi compendium omnium beneficiorum suorum. Immo, non minus videtur facere in hoc, quod quotidie dignetur descendere super Altare, quam cum naturam humani generis assumpit. (S. Bonav. de Institut. p. l. c. 11.)

Directio intentionis ante missam.

Domine Deus, ego intendo hoc mane quam maximo amoris, reverentiæ et devotionis affectu sanctissimum Missæ Sacrificium majestati tuæ, cui soli debetur, offerre juxta ritum Sanctæ Romanæ Ecclesiæ, et ex nunc offero illud cum omnibus sacrificiis tibi gratissimis, simulque pretium Sanguinis Jesu Christi, merita Beatæ Mariæ Virginis et omnium Sanctorum, totiusque Ecclesiæ preces et laudes, in unione illius Sacrificii, quod Christus in ultima Cœna instituit et in Cruce consummavit, factus ipse Sa-

cerdos et Victima, affectu et nomine ejusdem Domini nostri Jesu Christi, totiusque Ecclesiæ, ex puro tui amore et desiderio tui beneplaciti semper et in omnibus perficiendi.

Offero tibi illud secundo in protestationem supremæ ac increatæ tuæ excellentiæ, domini tui in omnes creaturas, et nostræ subjectionis et dependentiæ a te, in gratiarum actionem omnium beneficiorum ulli unquam creaturæ collatorum et conferendorum; in plenam abolitionem omnis injuriæ ab ullo unquam tibi irrogatæ vel inferendæ, ac in cultum latræ tibi soli debitum, cum omnibus adorationibus Christi, Beatæ Virginis ac omnium Angelorum et Sanctorum, item in Augmentum gaudii Humanitatis Domini nostri Jesu Christi, in memoriam Vitæ et Passionis ejusdem, et in augmentum gloriæ ac beatitudinis immaculatissimæ Virginis omniumque Angelorum et Sanctorum.

Offero etiam illud in gratiarum actionem pro omnibus beneficiis mihi collatis, in satisfactionem pro peccatis meis, de quibus summo opere doleo propter offensam et injuriam, quam tibi irrogavi cum firmo emendationis proposito, et pro omnibus meis præsentibus et futuris animæ et corporis necessitatibus.

Offero demum pro omnibus vivis atque defunctis, pro quibus Dominus noster Jesus Christus et Virgo Maria sciunt et volunt ut sacrificem, pro parentibus, amicis, consanguineis et benefactoribus meis, pro omni gradu Sanctæ Catholicæ Ecclesiæ, Christianorum principum unione, hæresum et schismatum extirpatione, omnium infidelium nationum conversione, pro totius cleri et omnium religiosorum statuum conservatione et augmento et pro animarum in Purgatorio existentium liberatione: maxime autem pro N. N., qui eleemosynam dederunt et reliquerunt, ut secundum eorum voluntatem hanc Mis-

sam celebrarem, quibus intendo hunc fructum applicare quantum scis me posse vel debere.

Respice ergo me indignissimum famulum tuum, quem pro vivis et defunctis legatione apud te fungi voluisti; ut defunctis requiem indulgeas, et vivis veniam gratiamque concedas, tibi recte fideliterque serviendi, et in amore tuo usque in finem perseverandi. Amen.

Oratio

AD SS. TRINITATEM.

Dens, Pater omnipotens, ego indignus peccator accedo ad Sacramentum Corporis et Sanguinis Domini nostri Jesu Christi unigeniti Filii tui, tamquam im-mundus ad fontem misericordiae; ideo precor tuae potentiae immensitatem, ut digneris meam purificare foeditatem et me ad dilectionem inflammare, quatenus tanta munditia et devotione Sacrosanctum Missae Sacrificium celebrare valeam, ut tibi cedat ad honorem, mihi et proximo ad salutem.

Domine Jesu Christe, Sacerdos et Rex aeternae, per meritum tuae Passionis amarissimae, atque pretiosi Sanguinis effusionem, concede mihi, misero peccatori et indigno Sacerdoti, mysterium Corporis et Sanguinis tui debita reverentia et puritate conscientiae celebrare, ut tibi fiat ad laudem et animae meae, proximoque meo, ad charitatis et omnium virtutum incrementum.

Spiritus Sancte, Dens, qui in virtute tua mirabiliter uterum Beatissimae Virginis Mariae fecundasti, visita me famulum tuum gratia salutaris, ut Corpus Domini mei, Jesu Christi, virtute tua conceptum et ex Maria Virgine natum, tam devote valeam conficere, ut ejus Mysterio obtineam vitam aeternam. Amen.

Oratio ad B. M. V.

O Sancta Dei Genitrix et Mater Christi sanctissima, fac tua potenti apud Deum intercessione, ut ego quoque digne et sancte suscipiam Dominum meum Jesum Christum, et per quotidianum et sanctum Eucharistici cibi usum, magis magisque in virtute stabilis, ac continuo in via Dei proficere merear. Amen.

Oratio ad Sanctos.

S. Angele Custos, S. Joseph, SS. Patroni mei N. N. et Sancte N. pro me apud Dominum meum, Jesum Christum intercede, ut vestra me fide, spe, charitate, devotionis ardore, ceterisque virtutibus ornare dignetur, quatenus digne ac fructuose ad Aram valeam accedere. Amen.

DIES II.

Post Missam.

Gratias ago tibi, benignissime Domine Jesu Christe, qui me vilissimum peccatorem admittere dignatus es ad splendidum, vivificumque Sacrae Mensae tuae convivium. O bone Jesu, dilecte mi, charissime sponse, unica spes, et vita animae meae! o dulcedo cordis mei! o aeternum bonum meum, mellifluae Jesu! uni me tibi intime ad gloriam nominis tui. Heu mihi, Domine Jesu, quia nimis indigne complevi hoc sanctum Sacrificium. Miserere mei, ignosce mihi: ego quod egi commendo mellifluae cordi tuo emendandum ad aeternam gloriam tuam, ad profectum meum et ad salutem omnium. Responde, satisfac, supple pro me plenissime, o misericordissime Jesu. Amen.

Oratio S. Gertrudis.

Hoc igitur Sanctissimum Sacramentum, o Christe Jesu, quod ex intimis tui amorosi cordis produxit efficax dulcor tuæ investigabilis Deitatis, quodque mihi tam benigne modo communicasti, offero tibi, ex affectu totius universitatis, in unione illius excellentissimæ charitatis, qua tu Altissimi Patris Unigenitus omnem influxum Divinitatis, qui in tuam deificatam Humanitatem descendit, cum plena gratitudine offerens, refundisti in abyssum originis tuæ. Orans eum desiderio et affectu omnium creaturarum, ut ipsum tibi intrahas per affectum suavissimi spiritus tui in laudem æternam, et immensam, et incommutabilem, quam inscrutabilis sapientia tua altissime cognoscit superexcellens Dei patris omnipotentiam concedere, ac inestimabiliter suavissimam Spiritus Sancti benevolentiam oblectare. Nec non et in plene sufficientem gratiarum actionem omnis boni et gratiæ, quam per idipsum operatus es, et in æternum operaberis in corde et anima ipsum recipientis. Item et in dignam emendationem omnium, in quibus negligentius studium præparatio et devotio mea omisit idipsum digne suscipere. Et demum in summam gratiarum actionem, quod incomprehensibilis bonitas tua me extremæ vilitatis vermiculum admittere dignata est ad regale convivium cœlestium deliciarum tuarum. Pro quo, cum in nullo parvitas mea tibi respondere possit, offero tibi Cor tuum dulcissimum, ac unice dignissimum in ea dignitate, qua plenum est divina gratitudine, ac omnimoda beatitudinis perfectione superexcellens in perpetuum. Amen.

Pii affectus ad Jesum.

Inveni quem diligit anima mea, tenui eum nec dimittam. Te, mi Jesu, amplector et amoris mei gaudium obtineo. Te cordis mei thesaurum comprehendendo, in quo omnia possideo. Sentiat, obsecro, mens mea virtutem præsentis tuæ, gustet quam suavis sis, Domine; ut, amore tui capta, nil extra te quærat, nil diligat, nisi propter te. Tu es Rex meus, ne obliviscaris inopiæ et tribulationis meæ. Tu es Judex meus, parce peccatis meis et miserere mei. Tu es Medicus meus, sana omnes infirmitates meas. Tu es Sponsus animæ meæ, sponsa te mihi in sempiternum. Tu es Dux et Defensor meus, pone me juxta te, et cujusvis manus pugnet contra me. Tu Victima pro me factus es, et ego tibi sacrificabo hostiam laudis. Tu Redemptor meus es, redime animam meam de manu inferi et salva me. Tu es Deus meus et Omnia. Quid enim mihi est in cœlo, et a te quid volui super terram? Deus cordis mei et pars mea Deus in æternum!

Anima Christi, etc. pag. 45.

Oratio

EX MISSALI ROMANO.

Omnipotens sempiterne Deus, qui me peccatorem sacris Altaribus adstare voluisti et sancti Nominis tui laudare potentiam: concede propitius per hujus Sacramenti Mysterium, meorum mihi veniam peccatorum; ut tuæ Majestati digne merear famulari. Per Dominum nostrum Jesum Christum, Filium tuum, qui tecum vivit et regnat in unitate Spiritus Sancti, Deus. Per omnia sæcula sæculorum. Amen.

Oratio ad B. M. V.

Rogo te, *Sancta Dei Genitrix et Mater Christi* incli-
clyta, ut eundem Jesum, quem in castis tuis porta-
sti visceribus, et quem ego nunc in cordis mei ha-
bitaculo suscepi, semper per gratiam suam mihi præ-
sentem retineam, et nunquam amplius ab ipso
separer per peccata N. et N. quibus, eheu! toties illum
ex corde meo expuli, et damnabili protervia locum
ejus dedi diabolo. Vitam præsta puram, o Mater,
iter para tutum. Amen.

Oratio ad Sanctos.

Tribue mihi, piissime Domine Jesu Christe, per in-
tercessionem S. Angeli Custodis, S. Joseph, SS. Pa-
tronorum meorum N. N. et Sancti N., ut Sacrificium
immaculatum Corporis et Sanguinis tui, quod modo
indignus obtuli, sis mihi et cuncto populo in salu-
tem mentis et corporis, et animabus fidelium defun-
ctorum in refrigerium. Amen.

DIES III.

ANTE MISSAM.

*Sacerdos, non legitime impeditus, celebrare omit-
tens, quantum in eo est, privat sanctissimam Trini-
tatem gloria, angelos letitia, peccatores veniam, justos
subsidio, in purgatorio existentes refrigerio, Ecclesiam
beneficio et seipsum medicina. (V. Beda de Sacrif.
Missæ.)*

Actus Fidei, Spei, Charitatis et Contritionis.

Credo in te, Deum meum, vivum et verum, trinum
in Personis, unum in Deitate. Credo in Deum Patrem

Creatorem, in Deum Filium Redemptorem, in Deum
Spiritus Sanctum Sanctificatorem meum. Credo in
Deum, ultimum finem meum, bonorum Retributo-
rem, malorum Vindicem justissimum. Credo et con-
fiteor fidem illam sanctissimam, quam Jesus Christus
docuit, quam Apostoli prædicarunt, quam Sancta,
Romana et Catholica tenet Ecclesia. Credo Jesum
Christum vere esse præsentem in augustissimo Alta-
ris Mysterio, illumque æterno Patri ibidem offerri
pro vivis et defunctis. In hac autem sancta et salvi-
fica fide protestor me vivere et mori velle; quia tu,
Deus, qui omniscius nec falli, nec ut æterna Veritas
fallere potes, illam revelasti, et per sanctam Eccle-
siam tuam credendam proposuisti.

Spero in misericordia tua infinita, o Deus, auxilia-
tor unice, et potentissime corporis et animæ meæ;
et spero in pretioso Sanguine Jesu Christi, Salvatoris
mei, cum tanta charitate in Golgotha pro me fuso et
in Altari pro totius mundi salute continuo adhuc obla-
to, quod remissurus mihi sis omnia et singula pecca-
ta totius vitæ meæ et daturus mihi gratiam et vitam
æternam; quia tu, Deus, omnia illa promisisti, ac fide-
lis et omnipotens es in tuis promissis adimplendis.

Amo te, o amabilissime Deus, summum et infinitum
bonum, abyssum omnis perfectionis; amo te
propter tuam essentialem et intrinsecam bonitatem,
pulchritudinem et amabilitatem; amo te, quia infini-
te bonus erga nos homines, de summo cælo misisti
Unigenitum Filium tuum, qui pro nobis Homo
factus, Crucis supplicium pertulit et in æternum amo-
ris sui testimonium Corpus et Sanguinem suum in
cibum et potum nobis relinquere dignatus est. O!
Utinam te amare possem omni illo amore ardentis-
simo, quo te amant et in æternum amabunt omnes
sancti Angeli et Beati in cælo; quo te amant et ama-
re possunt omnes creature in terra! Illorum omnium

amori ardentissimo jungo imperfectissimum amorem meum.

Et quia te amo, o Deus, ideo te offensum ex animo doleo; singula peccata totius vite mee, imo totius mundi, abominor et execror. Utinam mi Deus, facere possem, ut ea numquam facta fuissent! Milles malo mori, quam te posthac ullo umquam peccato, praesertim mortali, offendere.

Propono etiam, cum praemissa frequentius Sacramentali Confessione, Sacrosanctum Missae Sacrificium, quotidie, nisi legitime impeditus, celebrare; desiderans pariter, quando cumque Divinae Voluntati tuae me ex hac vita evocare placitum fuerit, non aliter quam Sacro Corporis tui Viatico munitus decedere. Da mihi gratiam, mi Deus ut haec Sanctissima Mysteria semper in vita, et praesertim in morte, digne obire valeam. Amen.

Oratio S. Bonaventurae.

Ecce, caelestis Pater, recolens mortem illam Unigeniti Filii tui, Domini nostri Jesu Christi, offero tibi hanc hostiam, quam ipse obtulit pro mea et totius mundi salute. Ecce ad Altare tuae Majestatis transmitto oblationem vivam, quam tu in miseratione multa misisti ad Altare Crucis immolandam pro nobis. Recordare ergo illius Sacrosancti Sudoris, quasi guttae sanguinis, decurrentis in terram. Respice illam virgineam Carnem, verberibus crudeliter flagellatam, colaphis et alapis cresam, tumoribus lividam, sputis maculatam, sanguine cruentatam, spinis perforatam, clavis confixam, lancea vulneratam. Illa ergo pietas, quae Filium tuum traxit et vicit, ut in statera Crucis totius mundi peccata libreret, ipsa te cogat, Pater, misereri nobis miseris. Respice, obsecro, non nostra peccata, sed in faciem Christi tui, non enim

in justificationibus nostris preces nostras proster-nimus sed in multitudine miserationum tuarum. Amen.

Oratio

EX MISSALI ROMANO.

Omnipotens et misericors Deus, humilitatis meae preces benignus intende: et me, famulum tuum, quem nullis suffragantibus meritis, sed immensa clementiae tuae largitate, caelestibus Mysteriis servire tribuisti, dignum Sacris Altaribus fac Ministrum: ut, quod mea voce depromitur, tua sanctificatione firmetur. Per Dominum nostrum, Jesum Christum, Filium tuum, qui tecum vivit et regnat in unitate Spiritus Sancti, Deus. Per omnia saecula saeculorum. Amen.

Oratio ad B. M. V.

Ne permittas, O Mater Divine gratiae, ut umquam indigne tractem Sacramentum Corporis et Sanguinis dilectissimi Filii tui Jesu; fac e contra, ut sim et semper maneam sacerdos secundum cor Dei utque, per quotidianam sanctissimam Missae celebrationem, ferventiori usque zelo tum propriam tum alienam salutem et perfectionem curare studeam. Amen.

Oratio ad Sanctos.

Deus, Pater misericordiarum, per merita et intercessionem S. Angeli Custodis, S. Joseph, SS. Patronorum meorum N. N. et Sancti N. concede mihi fidem vivam, spem firmam et charitatem ardentem ut pie, devote augustissimum Missae Sacrificium offerre et ex illo quotidie nova incrementa gratiarum et caelestium benedictionum haurire valeam. Amen.

DIES III.

POST MISSAM

Oratio ad Jesum.

Adoro te et gratias ago tibi, benignissima Domine Jesu Christe, qui me vilissimum peccatorem admittere dignatus es ad splendidum, vivificumque Sacræ Mensæ convivium. Hæc mihi ! quia nimis indigne complevi hoc Sanctum Sacrificium. Miserere mei et ignosce mihi. Ego, quod egi commendo divino Cordi tuo emendandum et corrigendum. Suscipe, quæso, hæc sacrosancta Corporis et Sanguinis tui Mystéria, quæ tibi obtuli ad gloriam nominis tui sempiternam ; ad honorem omnium Sanctorum tuorum et omnium beatorum angelorum ; ad salutem meam et omnium fidelium tam vivorum quam defunctorum. Suscipe hoc præcellentissimum Sacrificium in plenam emendationem, expiationem atque satisfactionem pro omnibus peccatis ac negligentis meis, et pro peccatis totius mundi.

Alia Oratio ad Jesum.

O Domine Jesu Christe, in memoriam immensæ tuæ charitatis, qua propter me natus, passus, crucifixus et mortuus es, offero tibi hujus Missæ et omnium Missarum, quæ in toto mundo fiunt, hostiam Sacrosancti Corporis et Sanguinis tui, obsecrans per viscera misericordiæ tuæ, ut suscipias et Patri tuo offeras in ea virtute, qua illi, in Cruce moriens, spiritum tuum tradidisti ; ut vivis gratiam et veniam et defunctis requiem et lucem sempiternam, et omnibus nobis misericordiam vitamque largiaris sempiternam : singulariter tamen oro pro N. N.

Noli me propter peccata mea damnare, Domine, sed per hanc perceptionem redemptionis nostræ ab ira tua et a peccatis me liberare digneris : et præsta, salutaris meus, ut cum frequentatione Mysteriorum tui crescat meæ salutis effectus. Obsecro te, ut mihi sis cibus qui me confortet, nutriat et protegat. Da mihi gratiam ut hujus Sacramenti perceptio sit mihi nunc et in morte plena reconciliatio, plena peccatorum purgatio et ad vitam æternam introductio. Amen.

Anima Christi, etc. pag. 45.

Oratio

EX MISSALI ROMANO.

Hujus, Domine, virtute Sacramenti, peccatorum meorum maculas absterge, et præsta : ut ad exequendum injuncti officii Ministerium me tua gratia dignum semper efficiat. Per Dominum nostrum, Jesum Christum, Filium tuum, qui tecum vivit et regnat in unitate Spiritus sancti Deus. Per omnia sæcula sæculorum. Amen.

Oratio

EX IMITATIONE CHRISTI.

Adjuvet nos gratia tua, omnipotens Deus, ut qui officium Sacerdotale suscepimus, digne ac devote in omni puritate et conscientia bona tibi famulari valeamus. Et si non possumus in tanta innocentia vitæ conversari, ut debemus ; concede nobis tamen digne flere mala, quæ gessimus, et in spiritu humilitatis ac bonæ voluntatis proposito tibi ferventius de cætero deservire.

Oratio

S. FRANCISCI XAVERII.

O Deus ! ego amo te ;
 Nec amo te, ut salves me,
 Aut quia non amantes te
 Eterno punis igne.
 Tu, tu mi Jesu, totum me
 Amplexus es in Cruce :
 Tulisti clavos, lanceam,
 Multamque ignominiam.
 Innumeros dolores,
 Sudores et angores,
 Ac mortem, et hæc propter me,
 Ac pro me peccatore.
 Cur igitur non amem te ?
 O Jesu amantissime !
 Non ut in cælo salves me,
 Aut ne æternum damnes me,
 Nec præmii ullius spe,
 Sed sicut tu amasti me,
 Sic amo, et amabo te,
 Solum quia Rex meus es,
 Et solum quia Deus es.

Oratio ad B. M. V.

Obsecro te, o Mater Divinæ gratiæ, ut pro me intercedas, quatenus, dum auctorem gratiæ in interioris domus meæ recepi hospitio, ab ipso gratis spiritualis profectus et perseverantiæ merear ditari, et, te opitulante, in Jesu jugiter amore crescam, donec ad æternalem ejus fruitionem tecum perveniam in cælis. Amen.

Oratio ad Sanctos.

S. Angele Custos, S. Joseph, SS. Patroni mei N. N. et Sancte N. intercedite pro me, indigno cliente vestro, ut Dominus, Deus meus, mei misereatur et Sacrificium, quod hodie obtuli, fructus perennes sanctimoniæ animæ meæ, et cunctis fidelibus vivis atque defunctis dona gratiæ suæ abunde conferat. Amen.

DIES IV.

ANTE MISSAM.

Omnium apex est Sacerdotium (S. Ign. Ep. ad Smyrn.)

Miraculum et stupendum, magna, immensa, infinita Sacerdotii dignitas. (S. Ephr. de Sacerd.)

Excedit omnem cogitationem donum dignitatis sacerdotalis. (Idem.)

Devota exercitia ex S. Francisco Salesio.

Actus Adorationis.

O Deus, trine in personis et tu Domine Jesu Christe, verus Deus et Homo, ex toto corde te adoro, ac confiteor te meum esse verum et unicum Creatorem, Salvatorem et meum ultimum finem. Et quia mea adoratio nimis exigua est et debilis, tibi offero excellentes illas adorationes, quas continuo tibi persolvit tua sanctissima Humanitas et tua gloriosissima Genitrix, Virgo Maria, totaque Curia cœlestis ac sancta Ecclesia Catholica, tua dilecta Sponsa.

Actus Amoris.

Insuper, o Domine, ex toto corde, ex tota anima,

ex omnibus viribus te amo; et te super omnia amare desidero, et si possibile esset, te amare cuperem illo amore perfectissimo, quo te ipsum amas, et quo tua sanctissima Humanitas et gloriosissima Virgo Maria, cum tota celesti Curia et Sancta Ecclesia Catholica te amant.

Actus Contritionis.

Et cum, o Domine, sis infinite bonus, sapiens, potens, justus et misericors, ideo ex toto corde doleo, et super omnia detestor omnia mea peccata mortalia et venialia, quæ unquam cogitatione, verbo et opere a primo instanti, quo usum rationis habui, usque ad præsentem horam commisi. Et loco mei imperfecti doloris tibi offero amaram illam contritionem, quam Sanctus Propheta David, Sanctus Petrus et Sancta Maria Magdalena, imo omnes vere poenitentes unquam habuerunt ab origine mundi usque ad præsens, cum voluntate absoluta te nunquam amplius, adjuvante tua Divina gratia, offendendi.

Actus Satisfactionis.

Et quia, o Domine, in mea non est potestate, ut satisfaciam tot debitis, quibus ob mea peccata et offensa plus quam obligatum me profiteor, ideo in satisfactionem eorum offero tibi totam vitam meam, omnia opera mea, omnes labores, pœnas et dolores, quos sustinui et adhuc sustenturus sum, cum meritis vite, passionis, et mortis tui Unigeniti Filii, humillime petens veniam omnium meorum delictorum et efficacem gratiam, ut de iis ante mortem veram poenitentiam agere possim.

Actus oblationis.

Præterea, o Domine, cum hoc meo Sacrificio me tibi totum ad tuum honorem et æternam gloriam offero et consecro, in unione illius ardentissimi amoris et purissimæ intentionis, quibus te ipsum in ultima Cœna nobis in Cibum tradidisti, et in ara Crucis Sacrificium cruentum pro nobis obtulisti. Et loco meæ exiguæ præparationis ac præsentis meæ parvæ devotionis tibi offero profundam illam humilitatem, charitatem, puritatem, cum quibus tua Sanctissima Mater et omnes tui fideles famuli ad hoc Sanctissimum Sacramentum accesserunt, et quibus ornati tui Sancti Apostoli, imo omnes sancti Sacerdotes hoc tremendum Sacrificium obtulerunt a prima sua institutione usque ad præsens, et quibus nunc adornata tua sancta Ecclesia catholica ubique locorum offert.

Terna amoris ad Jesum suspiria.

Accende, o Jesu, igne amoris tui cor meum, quod tibi in holocaustum offero, omnesque terreni amoris flammæ exstingue, ut nihil in mundo mihi placeat præter te. In amore tui vivere cupio et mori exopto.

Vota tua, mi Jesu, sunt: Venite ad me omnes, qui laboratis et onerati estis, et ego reficiam vos. Et expansis in Cruce brachiis me expectas. En venio, o Jesu, admitte me, obsecro, et concede ut in amoris tui complexu tibi semper conjunctus permaneam.

Præcipitur mihi, ne appaream in conspectu tuo vacuus. Sed quid dabo tibi, mi Jesu? accipe tuæ bonitatis dona, animæ meæ facultates, quas tibi in obsequium offero, memoriam, intellectum et voluntatem. Tui solius meminerim, nihil sciam extra te,

nihil præter te amem, nec in ulla re mea, sed tui solius voluntas fiat. Amen.

Oratio ad B. M. V.

Mater purissima et castissima, quæ semper pura et casta Domino placuisti, intercedere pro me digneris, ut, ab omni sordē et inquinamento peccati mundatus, purus ad Deum puritatis valeam accedere, et per continuam castissimi hujus Mysterii sumptionem, castioribus quoque moribus coram Deo et hominibus indes merear fulgere. Amen.

Oratio ad Sanctos.

Praesta, quæsumus, omnipotens Deus, ut intercedentibus S. Angelo Custode, S. Joseph, SS. Patronis meis N. N. et Sancto N., ita ad sacra Mysteria accedam, ut copiosum inde fructum reportare merear pro continuo meo in via sanctitatis progressu, et omnium mihi commissorum et commendatorum salute. Amen.

DIES IV.

POST MISSAM.

AD JESUM, EX FRANCISCO SALESIO.

O Domine Jesu Christe, unice Salvator mi! lex toto corde meo cum omni possibili reverentia et devotione adoro te, Deus meus et omnia, et infinitis modis gratias ago pro tanto beneficio, quod me hujus sacrosancti Sacrificii Missæ Ministrum ordinaveris et ad me venire dignatus sis. Quoniam autem dignus sis omni amore, Domine, ideo amo te super omnes creaturas; et valde doleo, quod te neque amaverim hu-

cusque, neque adhuc te tantum amem, quantum tu amari dignus es. In hujus ergo mei defectus supplementum offero tibi, Jesu benignissime, illam adorationem, illas gratias, amplexus, affectus amoris, reverentiam et gratitudinem, quæ tua Sanctissima Mater, et Virgo Maria, et omnes Sancti atque servi tui tibi obtulerunt et hodie etiam offerunt, cum universa Sancta Ecclesia Catholica, tua dilecta sponsa.

Doleo, mi Domine Jesu, supra omnem modum, quod qualicumque modo in aliquo Majestatem tuam offenderim; vehementer angor, quod non talem ac tantum dolorem inde sentiam, quantum mereantur summa tua Bonitas et suprema tua Majestas; a qua ego, miser peccator, precor humillime omnium delictorum meorum condonationem ac remissionem per merita tuæ Sacratissimæ Passionis.

Vicissim autem cum eadem sacra Passione tua offero supplex et indignus servus tuus totum meipsum, meos labores et miserias, quæcumque amore tui aggrediar et exantlabo, vel etiam acerbe perferam toto decursu vitæ meæ in satisfactionem et remissionem omnium peccatorum meorum. Quemadmodum autem confido in infinita Bonitate et Clementia tua, ut indulgeas peccatis meis; ita precor eandem tuam Clementiam, ut mihi uberem gratiam errata corrigendi et in servitio tuo usque ad finem perseverandi voluntatem largiaris. Amen.

Aliæ Orationes ad Jesum.

O amantissime Domine Jesu, dulcissime Sponse animæ meæ, utinam omnes pulsus ac motus cordis mei excites moveasque spiritu tuo amoroso et vivifico.

Per tuum transvulneratum Cor, transfige, amantissime Jesu, cor meum jaculo amoris tui, in tantum

ut nihil terreni contineat, sed a sola efficacia tue Divinitatis contineatur.

Domine, fateor, quod secundum merita mea non sum dignus accipere portiunculam donorum tuorum. Sed tamen, meritis Sacratissimæ Passionis tue, ac Sanctæ Genitricis tue et omnium Sanctorum atque Electorum tuorum, supplico pietati tue, ut transfigas cor meum tui amoris sagitta. Amen.

Anima Christi, etc. pag. 47.

Oratio ad B. M. V.

O Maria, Mater purissima et castissima, pro me, humili clienti tuo, intercedere materna benignitate digneris; ut, castis hisce Mysteriis reffectus, omnia, quæ fœdum impuritatis vitium sapiunt, summo semper cum horrore fugiam et castis usque moribus Domino Deo merear famulari. Amen.

Oratio ad Sanctos.

Obsecro te, Domine Jesu Christe, per intercessionem S. Angeli Custodis, S. Joseph, SS. Patronorum meorum N. N. et Sancti N., ut Divina Mysteria, quorum tua gratia nunc particeps factus sum, tribuant mihi et omnibus, pro quibus illa obtuli, fidei, spei et charitatis augmentum, et animas nostras custodiant in vitam æternam. Amen.

DIES V.

ANTE MISSAM.

O potestas ineffabilis, que in nobis habitare dignata est per impositionem sanctorum Sacerdotum. O quem magnam in se continet dignitatem formidabile et admirabile Sacerdotium! (S. Ephr. de Sac.)

O miraculum! O benignitatem! qui cum Patre sursum sedet, in illo ipso temporis articulo sacerdotum manibus pertractatur! (S. Chrys. Dial., L. III.)

Actus adorationis et Gratiarum Actionis.

O dulcissime Salvator, Christe Jesu, qui eximia charitate nos misere perditos redemisti pretio Sanguinis tui; et in hujus amoris tui memoriam, nec non in pignus futuræ gloriæ, tam admirabili potentia, sapientia et bonitate dedisti nobis, in cibum et potum, ipsum Corpus et Sanguinem tuum: denique ad hæc divina Mysteria me vilissimum peccatorem in numerum tuorum Sacerdotum ineffabili clementia vocare dignatus es. Adoro te ex toto corde, et gratias tibi ago ex intimis visceribus animæ meæ pro tam immensis beneficiis tuis, et affectus omnium electorum mihi medullitus opto, ut placere tibi possim in hoc opere quod facturus sum.

Actus contritionis.

Sed heu me miserum! qui hæcenus tam indigne in vocatione mea vixi, et toties et tam graviter te Deum meum offendi peccatis meis; sed nunc de iis doleo ex intimo corde meo ob amorem tui super omnia; et deinceps tibi soli servire, placere et adherere propono.

ut nihil terreni contineat, sed a sola efficacia tue Divinitatis contineatur.

Domine, fateor, quod secundum merita mea non sum dignus accipere portiunculam donorum tuorum. Sed tamen, meritis Sacratissimæ Passionistue, ac Sanctæ Genitricis tue et omnium Sanctorum atque Electorum tuorum, supplico pietati tue, ut transfigas cor meum tui amoris sagitta. Amen.

Anima Christi, etc. pag. 47.

Oratio ad B. M. V.

O Maria, Mater purissima et castissima, pro me, humili clienti tuo, intercedere materna benignitate digneris; ut, castis hisce Mysteriis reffectus, omnia, quæ fœdum impuritatis vitium sapiunt, summo semper cum horrore fugiam et castis usque moribus Domino Deo merear famulari. Amen.

Oratio ad Sanctos.

Obsecro te, Domine Jesu Christe, per intercessionem S. Angeli Custodis, S. Joseph, SS. Patronorum meorum N. N. et Sancti N., ut Divina Mysteria, quorum tua gratia nunc particeps factus sum, tribuant mihi et omnibus, pro quibus illa obtuli, fidei, spei et charitatis augmentum, et animas nostras custodiant in vitam æternam. Amen.

DIES V.

ANTE MISSAM.

O potestas ineffabilis, quæ in nobis habitare dignata est per impositionem sanctorum Sacerdotum. O quem magnam in se continet dignitatem formidabile et admirabile Sacerdotium! (S. Ephr. de Sac.)

O miraculum! O benignitatem! qui cum Patre sursum sedet, in illo ipso temporis articulo sacerdotum manibus pertractatur! (S. Chrys. Dial., L. III.)

Actus adorationis et Gratiarum Actionis.

O dulcissime Salvator, Christe Jesu, qui eximia charitate nos misere perditos redemisti pretio Sanguinis tui; et in hujus amoris tui memoriam, nec non in pignus futuræ gloriæ, tam admirabili potentia, sapientia et bonitate dedisti nobis, in cibum et potum, ipsum Corpus et Sanguinem tuum: denique ad hæc divina Mysteria me vilissimum peccatorem in numerum tuorum Sacerdotum ineffabili clementia vocare dignatus es. Adoro te ex toto corde, et gratias tibi ago ex intimis visceribus animæ meæ pro tam immensis beneficiis tuis, et affectus omnium electorum mihi medullitus opto, ut placere tibi possim in hoc opere quod facturus sum.

Actus contritionis.

Sed heu me miserum! qui hæctenus tam indigne in vocatione mea vixi, et toties et tam graviter te Deum meum offendi peccatis meis; sed nunc de iis doleo ex intimo corde meo ob amorem tui super omnia; et deinceps tibi soli servire, placere et adherere propono.

Actus puræ intentionis.

Proinde nunc accedens ad mensam sacri Convivii tui, ex omni affectu cordis mei tibi hoc Sacrificium Missæ, dignissimam hostiam Corporis et Sanguinis tui, quam ipse semel pro nobis in ara Crucis obtulisti, offerre intendo ad laudem et gloriam æternæ Majestatis tuæ, in memoriam Sanctæ Incarnationis, Vitæ, Passionis ac Mortis tuæ ; in gratiarum actionem pro omnibus donis, et beneficiis toti cœtui Electorum, et mihi indignissimo peccatori hucusque præstitis vel umquam præstandis : pro salute quoque fidelium vivorum NN. et solatio defunctorum NN. Et utinam ex omni affectu, fervore et desiderio amicorum tuorum, seu jam regnantium in cœlis, vel adhuc militantium in terris, hoc tam grande tuæ pietatis opus peragere possem.

Actus fidei.

Corde siquidem credo, mi Jesu, et ore confiteor, quia Pater æternus, Deus in seipso summe beatus, potens, perfectus et nullius egens, secundum infinitam misericordiam suam sic dilexit mundum, ut te, Filium suum Unigenitum, nobis daret Salvatorem. Credo quoque, quod tu ipse Patri æqualis per omnem, ex vi immensæ charitatis tuæ de sinu Patris descendisti in uterum Virginis et propter nos Homo factus es ; et quod ex amore nostri hoc Sacramentum in ultima Cœna instituens, verum Corpus et Sanguinem tuum, idest teipsum nobis ad manducandum dedisti ; et denique Patri tuo factus obediens usque ad mortem, teipsum pro nobis hostiam in ara Crucis obtulisti.

Actus spei.

Ideoque spero in te, magnaque fiducia venio ad te, o Domine, qui nostri causa tam mira facere et tam

dira pati voluisti. Quid enim negabis, qui sic amasti ut teipsum dares ?

Actus amoris.

Amo te quoque, o bone Jesu, ex tota virtute cordis mei, et semper deinceps et in æternum amabo, si tu dederis.

Actus humilitatis.

Verum quid habeo, quod non acceperim ? quid vilis creatura et miser peccator præstare poterit Deo, Creatori ac Domino suo ? Tu ipse ergo, supplex te oro, Domine Jesu, Patri tuo pro me representa merita tua et per illa supple omnem defectum meum, præcipue hujus, eheu ! tam imperfectæ præparationis, qua ad hæc sacra Mysteria venio ; ut sic per te ei placeat obsequium indignissimæ servitutis meæ.

Actus postulationis.

Fac etiam, o bone Jesu, ut hoc tremendum Mysterium debita semper fide, reverentia et gratitudine prosequar, idque puro et ardenti corde nunc et semper recipiam. Statum quoque Sacerdotalem, ad quem me singulari gratia vocare dignatus es, charitate, castitate, mansuetudine, humilitate, patientia, sobrietate moribusque tibi placitis, et Sacerdote dignis, semper excolere studeam, ut ita servitus mea tibi placeat ad majorem gloriam tuam, Ecclesiæ utilitatem et propriam proximique salutem.

Actus unionis cum Deo.

Unde tandem supplex rogo, ut per virtutem Corporis et Sanguinis tui, abstrahas cor meum efficaciter ab omnibus noxiis affectibus NN., qui gustum

et fructum hujus Sacramenti impediunt; et me intime tibi unias et incorpores; ut gustem quam suavis sis, Domine, et unus tecum efficiar spiritus; ut tu in me, et ego in te maneam; ideoque nihil sit, quod me unquam separare valeat a te: nam tibi adherere mihi bonum est. Quid enim mihi est in caelo, et a te quid volui super terram! Deus cordis mei, et pars mea in æternum.

VALERE FLAMMAM
VERITATIS **Oratio ad B. M. V.**

O Maria, Mater inviolata et intemerata, ab omni peccato et imperfectione semper immunis, omnique virtutum splendore coruscans, pro me misero intercede peccatore, ut, gratiæ stola circumdatus, Sanctissimum Missæ Sacrificium digne offeram, et quotidie majus peccati et iniquitatis odium et virtutum Sacerdotalium amorem ex illo hauriam. Amen.

Oratio ad Sanctos.

Rogo te, piissime Deus, ut suffragiis S. Angeli Custodis, S. Joseph, SS. Patronorum meorum NN. et Sancti N. ab omni peccato absolutus, mundo corde et corpore ad sacras aras accedere, ibique hostiam puram, hostiam sanctam, hostiam immaculatam omnipotenti Deo pie et devote merear offerre. Amen.

DIES V.
POST MISSAM.

Oblatio sacrificii Patri æterno.

Sanctissime Pater, en ego indignissima creatura tua suscepi dilectissimum Filium tuum, eumque

tamquam rem meam, mihi conjunctam, in pectore meo adhuc contineo: illum ergo in modum justii Simeonis in ulnas meas suscipiens, tali affectu et intentione, quali semetipsum tibi obtulit jacens in præsepio et pendens in Cruce, offero Majestati tue ad supremam laudem et gloriam tuam, in recognitionem tui supremi dominii, in gratiarum actionem omnium beneficiorum ulli unquam creaturæ concessorum et in plenam abolitionem omnis injuriæ ab ullo unquam tibi irrogatæ.

Offero illum quoque ad supremam laudem et gloriam ejusdem Domini nostri Jesu Christi, in cultum et memoriam sanctissimæ Incarnationis, Nativitatis Passionis, Resurrectionis et Ascensionis, omniumque Mysteriorum vitæ et mortis ejus: item in cultum et augmentum gaudii, gloriæ et beatitudinis Sanctæ et Immaculatæ Virginis, Matris ejus, omniumque Angelorum et Sanctorum, maxime illorum, quorum hodie memoriam agimus et Patronorum meorum.

Et quia, o Domine, suscipiendo Filium tuum, factus sum particeps omnium ipsius meritorum, his innixus audeo te rogare pro sanctissima gratia tua, qua perficere possim ejus sanctam voluntatem; ad hoc enim ipse me tanti Sacramenti consortem fecit, ut deinceps tibi vivam, mihi moriar; ut sim humilis, patiens, charitate repletus, castus et perfectus. Da ergo mihi, Sanctissime Pater, ut adimpleam hanc divinam Filii tui voluntatem; exorna me his sanctis virtutibus, Fide, Spe, Charitate, Patientia, Castitate, Mortificatione, omnibusque grâtiis, quas scis mihi esse necessarias: largire purissimam illuminationem intellectus ad cognoscendum beneplacitum tuum, et ad faciendam semper voluntatem tuam corroborata me: ut in omnibus et per omnia tibi placeam, tibi fideliter serviam, teque constanter ac sincere amem et diligam. — Sanctifica, o Pater piissime, Ecclesiam

tuam, aufer ab ea omnia scandala et schismata, ut fiat unum ovile et unus Pastor. Effunde misericordiam tuam in gentes, quæ te non noverunt, et illumina corda illarum, ut te cognoscant et ament; dissipa consilia impiorum, ne regno tuo officiant et propagationi gloriæ tuæ: da Summo Pontifici, Prælati, Ordinibus Ecclesiasticis ac omnibus Religiosis tuum amorem, et ut suis officiis rite fungantur; da Regibus, Principibus, cunctisque Magistratibus sapientiam, qua justitiam fideliter administrent, pacemque sequantur, ac populo tuo tuam da benedictionem; tribus agonizantibus veram contritionem tuumque amorem, peccatoribus veniam et veram emendationem, inimicis meis tuam charitatem, amicis, benefactoribus et consanguineis meis tuam dilectionem et dulcedinem; huic Congregationi bona spiritualia et temporalia; nosque et omnia nostra dirige, ut cultus tuus hic semper vigeat et perseveret; animabus in Purgatorio detentis, illis maxime, quæ suffragia mea expectant, vel quibus sum obligatus, requiem sempiternam ac beatam tui fruitionem.

Anima Christi. etc pag. 45.

Oratio ex Missali, pro vivis et defunctis.

Purificent nos, quæsumus Omnipotens et Misericors Deus, Sacramenta quæ sumpsimus; et intercedentibus omnibus Sanctis tuis præsta: ut hoc tuum Sacramentum non sit nobis reatus ad pœnam, sed intercessio salutaris ad veniam: sit ablutio scelerum, sit fortitudo fragillium, sit contra mundi pericula firmitermentum; sit vivorum atque mortuorum fidelium remissio omnium delictorum. Per Dominum nostrum Jesum Christam, Filium tuum, qui tecum vivit et regnat in unitate Spiritus Sancti, Deus, per omnia sæcula sæculorum. Amen.

Oratio cum indulgentiâ trium annorum

CONCESSA A PIO IX.

Obsecro te, Dulcissime Domine Jesu Christe, ut Passio tua sit mihi virtus, qua muniar, protegar atque defendar; Vulnere tua sint mihi cibus potusque, quibus pascar, inebrier atque delecter: aspersio Sanguinis tui sit mihi ablutio omnium delictorum meorum: Mors tua sit mihi gloria sempiterna. In his sit mihi refectio, exultatio, sanitas et dulcedo cordis mei. Qui vivis et regnas in sæcula sæculorum. Amen.

Oratio ad B. M. V.

O Mater inviolata et intemerata, semper pura, casta, ab omni peccati labe semper immunis et cunctarum virtutum sacrarium, pro me pauperculo orare digneris, ut in Dei amore semper vivam, jugiter cresciam et tandem cursu hujus labilis vitæ feliciter peracto, beato sine quiescam, Deum æternaliter tecum possessurus in cœlis. Amen.

Oratio ad Sanctos.

Ad vos, o S. Angele Custos, S. Joseph, SS. patroni mei NN. et Sancte N. suppliciter recurro, ut vobis intercedentibus fructus hujus Sacrificii perpetuo conservem, in fortitudine cibi illius ambulem per hujus mundi desertum usque ad montem Dei, et ibi, Jesum revelata cernens facie, visu sim beatus ejus gloriæ. Amen.

DIES VI.

ANTE MISSAM.

Nullum aliud opus adeo sanctum a Christi fidelibus tractari potest, quam hoc tremendum Sacrificium, unde satis apparet omnem operam in eo ponendam esse, ut quanta maxima fieri potest cordis munditia atque exteriori devotione ac pietatis specie peragatur.
(S. Conci. Trid. sess. 22.)

Actus adorationis.

Pronus te adoro, Suprema Majestas, te veneror et nihilum meum ante te profiteor. Utinam omnium tuorum Electorum adorationis actus corde, ore et opere exercere possem; Sed pro me adorent te omnes Angeli; pro me ante te flectatur omne genu celestium, terrestrium et infernorum. Amen.

Actus fidei.

Credo in te, JESU Veracissime, credo et confiteor te in augustissimo Sacramento Corporis et Sanguinis tui vere presentem esse, Deum meum et Dominum meum. Credentem adjuva, ut in hac fide constanter vivam et sancte moriar. Amen.

Actus spei.

In te confidit peccatrix anima mea, Eucharistice Jesu, quia in hoc Sacramento salus es omnium in te sperantium. Sperantem benignus respice et concede ut peccatorum sordibus ablutus, immaculatam Corporis et Sanguinis tui hostiam sic suscipiam, ut digne te sumentibus promissam consequar vitam æternam. Amen.

Actus charitatis.

O Jesu, qui, ut immensum tuum in me amorem probares, Corpus tuum in cibum et Sanguinem tuum in potum reliquisti: te amo toto corde, tota mente, tota virtute. Atque utinam omnium hominum et Angelorum affectus et amores in mea essent potestate, omnibus et singulis intensissime super omnia nunc et in perpetuum amare te vellem, quia omni amore dignissimus es. Da, Domine Jesu, ut te semper in vita et in morte ita diligam, sicut tu amari dignus es. Amen.

Actus desiderii.

Quem admodum desiderat cervus ad fontes aquarum, ita desiderat anima mea ad te, Deus, Salvator meus. Ad te venio, post te clamo esuriens et sitiens: da mihi Panem tuum supersubstantialem, da Vinum quod miscuisti, ut refocilletur anima mea: te unice semper desideret et æternum in te quiescat. Amen.

Actus humilitatis.

O Supremæ Majestatis Deus, qui Rex regum es, et Dominus dominantium, quomodo præsumam ad te accedere vermiculus terræ, tot oneratus miseriis et peccatis? Qua fiducia coram te apparebo, Justissime Judex, in cujus conspectu columnæ cæli contremiscunt? Respice misericorditer, Piissime Jesu, servum tuum, et quem tam amanter invitās, beneficio tuo reddas dignum. Amen.

Actus contritionis.

Doleo, mi Jesu, ex intimis animi mei visceribus,

et utinam infinite dolere possem, quod te Deum, Redemptorem meum benignissimum offenderim, qui me usque adeo dilexisti, ut mortem acerbissimam pro me subire non renueris. Ignosce, quæso, suppliciter veniam petenti; miserere servi tui, pro quo vox Sanguinis tui interpellat. Ecce firmissime statuo universa deinceps peccata fugere, et hactenus commissa in amaritudine animæ tibi recogitare. Adjuvet me, Deus, gratia tua! Amen.

Directio intentionis.

Onnipotens, Sempiternus Deus, en ego omnium indignissimus famulus tuus, quem sacris Altaribus tuis pro summa pietate tua adstare voluisti, assiste conspectui ter adorandæ Majestatis tuæ timens ac tremens et apud te legationem fungens. Quam maximo possum amoris, reverentiæ et devotionis affectu volo et intendo Sacrosanctum Sacrificium Missæ juxta ritum Sanctæ Romanæ Ecclesiæ tibi offerre, et ex nunc illud tibi offero una cum omnibus Sacrificiis, tibi unquam oblati, et in ævum offerendis, in unione admirabilis illius Sacrificii, quod Unigenitus tuus, Summus et Æternus Sacerdos in ultima Cæna instituit, et in Cruce consummavit. Et primo quidem in holocaustum tamquam Creatori ac Summo Principio meo, rerumque omnium Supremo Domino; in hostiam eucharisticam pro innumeris beneficiis, quæ Beatissimæ Virgini, Angelis et hominibus et speciatim mihi indignissimo hactenus contulisti; in victimam propitiatoriam pro meis omniumque hominum peccatis; et tandem in Sacrificium impetratorium pro totius Ecclesiæ militantis et patientis meisque tibi notis necessitatibus. Fac me ergo, Domine, dignum Altaribus tuis Ministrum; ut quod mea voce depromitur tua sanctificatione firmitur. Amen.

Oratio ad B. M. V.

O Mater Jesu Christi, *Mater amabilis*, amabilis Deo, amabilis hominibus, amo te toto cordis affectu; merear quoque amari a te, quæ cum Ecclesia nobis inclamas: *Ego diligentes me diligo!* monstra te meam esse Matrem, et ora pro me, ut digne ad Sancta Sanctorum ingrediar. Amen.

Oratio ad Sanctos.

Domine Jesu Christe, qui me ad officium Sacerdotale eligere dignatus es, nunc ad sacra Mysteria recolenda accedens, indignitate mea sum perterritus. Quapropter Sancti Angeli Custodis, S. Joseph, SS. Patronorum meorum N. et N. et Sancti N. merita et virtutes tibi offero, orans ut horum intuitu mihi meam indignitatem condonare digneris. Amen.

DIES VI.

POST MISSAM.

Gratiarum actio.

Verum ergo est, mi Jesu, et firmissime teneo, te intra me taliter existere; ita te mihi esse unitum, verum Deum et Hominem, ut unum sis mecum et ego unum tecum. O miradignatio! O amor immensus! Audite insulæ et attendite populi de longe et narrabo vobis quanta fecit Deus animæ meæ: cum essem abjectus in domo mea, de pulvere erexit me et constituit me cum Principibus populi sui, ut comederem Panem et biberem Vinum in Mensa sua omnibus diebus vitæ meæ. Quas ergo tibi modo gratias referam, mi Misericordissime Jesu, pro tam ex-

celso et incomparabili beneficio; aut quid retribuam tibi pro omnibus quæ tribuisti mihi? Tantum tibi debeo, quanti tu vales qui infinitus es; sed en totum me tibi in holocaustum offero et plus quam me totum, et ex toto corde meo, et plus quam ex toto corde meo. Jubilent et benedicant tibi, (utinam infinite) cor meum, anima mea, vires, sensus, potentiæ et quidquid in me est motus. Jubilent et benedicant tibi mecum universi populi, tribus et linguæ, omnes Angeli et Electi tui, et laudem tibi perpetuam dicant cunctæ creaturæ, quæcumque cœli, terræ et abyssi ambitu continentur. Tibi soli, Regi sæculorum immortalium, omni honor, laus, gloria et gratiarum actio, qui es benedictus Deus et laudabilis in sæcula. Amen.

Piæ petitiones.

Piissime Jesu, qui me Corpore tuo immaculato et pretiosissimo Sanguine refecisti, ignosce obsecro indignitati meæ, et quidquid in hujus Missæ celebratione deliqui, misericorditer indulge, meritorumque tuorum excessu benignissime supple. Ne me patiaris ob defectum meum sine fructu a te recedere, sed operare mecum misericorditer, sicut cum Sanctis tuis operatus es mirabiliter, et fac me ambulare in fortitudine cibi illius usque ad montem perfectionis. Dirige corpus et animam meam, omnes cogitationes, verba et actiones meas, omnia interiora et exteriora mea secundum voluntatem tuam ad majorem nominis tui gloriam et honorem, et concede mihi quæ tibi sunt placita ardentè concupiscere et perfecte adimplere. Averte a me omnem vanitatem, inanis gloriæ appetitum, divitiarum cupiditatem, carnis concupiscentiam, oris scurrilitatem, ventris intemperantiam, scelera odii et detractionis omnemque vindictæ affectum. Esto, mi Eucharistice Deus, mo-

tuum meorum tam carnalium quam spiritualium perfecta quietatio, contra insidias inimicorum meorum tam visibilium quam invisibilium firma defensio, omnium vitiorum meorum evacuatio; charitatis et patientiæ, humilitatis et obedientiæ, mansuetudinis et prudentiæ, sobrietatis et continentiæ, omniumque virtutum augmentatio; et sic in hoc sæculo in præceptis tuis et in vocatione mea me fac perseverare, ut ad illud ineffabile convivium aliquando merear admitti, ubi tu cum Patre et Spiritu Sancto Sanctis tuis es plena satietas, consummata jucunditas et perfecta felicitas. Amen.

Alia Oratio ad Jesum.

Obsecro te, Mitissime et Bone Jesu, ut hæc immortalis Hostia pro me tibi gratias referat, me tibi reconciliet, me tibi restituat, mihi peccatori veniam tribuat et ad vitam perducat æternam. Amen.

Anima Christi. etc. pag. 45.

Oratio

EX MISSALI ROMANO.

Sumptis Redemptionis nostræ muneribus, præsta quæsumus, Misericors Deus, eorum nobis celebratione tuæ Protectionis contra omnes adversitates subsidium. Per Dominum nostrum Jesum Christum Filium tuum, qui tecum vivit et regnat in unitate Spiritus Sancti, Deus, per omnia sæcula sæculorum. Amen

Oratio

S. FRANCISCI ASSISIENSIS.

Domine Deus, cœlestis Pater, respice in hanc glo-

riosam Christi tui faciem, et miserere mei et cæterorum peccatorum, pro quibus benedictus Filius tuus et Dominus noster dignatus est mori, et pro quorum salute et consolatione in Sancto Sacramento Altaris nobiscum voluit remanere : cum quo Divino Filio tuo et Spiritu Sancto tu es unus Deus, et vivis in sæcula sæculorum. Amen.

Oratio ad B. M. V.

Beatissima Mater Jesu, *Mater amabilis* quæ cunctis ad te confugientibus misericordie tuæ sinum aperis, ad te suppliciter recurro, orans et obsecrans, ut fructus hujus sanctissimi Sacrificii copiose animæ mee donentur, illos sollicitè custodiam, et per sanctum eorum usum, te juvante, me ad majora indices percipienda disponam. Amen.

Oratio ad Sanctos.

Intercedite pro me, S. Angele Custos, S. Joseph, SS. Patroni mei N. N. et Sancte N. et piissimo vestro interventu et patrocinio obtinete mihi, ut semper per charitatem in Domino meo Jesu Christo permaneam et ipse, sicut promittere dignatus es, in me maneat per gratiam suam. Amen.

DIES VII.

ANTE MISSAM.

Sacerdotium in terris peragitur, sed in rerum cælestium ordinem referendum est (S. Chrys. Dial. L.III.)

O Sacerdos Dei, si altitudinem cæli contempleris, altior es ; si Dominorum sublimitatem, sublimior es, sólo Deo et Creatore tuo inferior es. (Cass. de Cat. Glor.)

Actus Fidei.

Credo, Veracissime Jesu, te Deum et Dominum meum sub candido specierum Sacramentalium velamine esse præsentem, et pro hac assertione miles mori paratus sum, Credo inquam, quod in hoc Sacramento Corpus tuum gloriosissimum vere adest sole splendidius, electum ex millibus cum ea integritate, pulchritudine et Majestate, qua in cælo existit. Ibi adest Sanguis, olim pro omnium salute effusus. Ibi Anima tua, in qua sunt omnes thesauri gratiæ, sapientiæ et scientiæ Dei. Ibi que denique latet Divinitas tua, Verbum scilicet omnipotens, per quod Pater loquitur ; et quia tu in Patre et Pater in te est, adest etiam Pater, te Verbum suum generans ; adest et Spiritus Sanctus utriusque nexus et amor. Hoc est compendium omnium mirabilium tuorum, cujus veritatem infallibilem, te largiente, per gladios, enses et flammam omnes profitebor.

Actus desiderii.

Quemadmodum desiderat cervus ad fontes aquarum, ita et multo plus ad te, Salvator meus, desiderat anima mea ; sitio enim, Domine, lassatus in via iniquitatis ; sitio te venam aquarum viventium ; sitio Sanguinem tuum, quem in potum nobis tribuisti ; renuitque consolari anima mea, donec epuletur in mensa tua. Miserere ergo mei, Fili David, et da mihi Panem vitæ æternæ et Vinum germinans Virgines, ut refocilletur deficiens anima mea.

Actus humilitatis.

Desiderat ad te, Domine, anima mea, sed me re-

tinent in via summa dignitas tua et ima indignitas mea. Tu es Rex regum et Dominus dominantium ; tu sanctitas increata, in cuius conspectu ipsi Angeli non sunt mundi ; tu sol mirabiliter illuminans a montibus æternis ; ego vero vermis terræ, animal immundum, omnium calamitatum ludibrio expositum, insanis passionum motibus continuo agitatam, vas contumeliæ et filius tenebrarum. Quomodo præsumam ad te accedere ? ego in quo nullus ordo sed sempiternus horror inhabitat. Qua fiducia miserabilis peccator coram te apparebo, Justissime Judex, in cuius præsentia columnæ cæli contremiscunt ?

Actus fiducia.

Non audeam, Celsissime ac Sanctissime Deus, ad aram tuam gressus meos dirigere, teque in eo immolare et suscipere, nisi fiduciam præberes mihi ; sed tu qui noscis figmentum meum, et quod in peccatis conceperit me mater mea, invitas me ad Altare tuum, et vis ut sumam te Deum meum, dicens : venite, comedite Panem meum et bibite Vinum, quod miscei vobis ; nisi manducaveritis Carnem Filii Hominis, et biberitis ejus Sanguinem, non habebitis vitam in vobis. De tua igitur benignitate confisus accedo ad te, ut ovis morbida ad pastorem, ut infirmus ad medicum, ut reus morti obnoxius ad advocatum ; ut me foveas, protegas et salves. Abyssus nihili mei abyssum invocatur bonitatis tuæ ; et licet peccata mea plura et gravissima sint, ea tamen nihil sunt, quamvis plura et graviora forent, si cum misericordia et pretio Sanguinis tui conferantur. In hoc reposita est fiducia mea, et gaudeo quod nihil in me sit, in quo possim confidere. Misereberis mei et salvabis me ; quia numquam deseris sperantes in te.

Actus amoris.

Amantissime Jesu, qui exiturus ex hoc mundo exitum pignus amoris dedisti mihi, parans in conspectu meo Mensam habentem omne delectamentum, redamo te unicum meum solatium in hoc exilio, unica spes languentis animæ, unica mea felicitas, et summum bonum, quo in terra frui licet : redamo te ex toto corde meo, et utinam omni momento te ferventius semper amarem. Amorem, quæso, meum teipso indamma, qui esca et pabulum amoris es. O ignis ardens et numquam deficiens, ure renes et cor meum, ut ardeant amore tui. Ignem venisti mittere in terram, accende illum et eventila, ut semper crescat : potius pereat omnis substantia mea, quam amor tui in me pereat.

Actus contritionis.

Sed eheu ! Domine Jesu, tam miser sum, tam indigne usque huc in sancta mea vocatione vixi, tam sæpe et tam graviter Divinam tuam offendi Majestatem ; vere iniquitates meæ supergressæ sunt capillos capitis mei ; sed de iis nunc sincere doleo ob amorem tui super omnia, et potius mori volo, quam te posthac offendere.

Directio intentionis.

Tibi, Domine Deus, offero Sacrificium corporis et Sanguinis unigeniti Filii tui, in recognitionem supremæ tuæ Majestatis. In gratiarum actionem pro gloria tua, pro gloria Sanctæ Humanitatis Domini nostri, Jesu Christi, sicut et pro omnibus beneficiis mihi et toti humano generi concessis. In remissionem peccatorum meorum et peccatorum totius mun-

di, uti et in reparationem omnis injuriæ tibi per peccata illatæ. Tandem in impetrationem gratiarum N. et N. pro me et illis vivis et defunctis, pro quibus offerre intendo. Simul cum hoc meo Sacrificio offero tibi omnia Sacrificia et bona opera per universum mundum tibi hodie oblata, enixe rogans, ut ea accepta habere digneris, nosque eorum fructuum reddere participes.

Oratio ad B. M. V.

O *Mater admirabilis*, o prodigium naturæ et gratiæ, quæ immaculata in tua conceptione, omnibus donis corporis et animæ meruisti ditari et in Matrem eligi Redemptoris, in me abjectissimum digneris respicere, ut sine noxa altari ministrem, et a dilectissimo Filio tuo, Domino nostro, Jesu Christo, omnibus virtutibus merear ornari, quibus digne ejus ad sanctum Altare locum queam tenere. Amen.

Oratio ad Sanctos.

Per merita et intercessionem S. Angeli Custodis, S. Joseph, SS. Patronorum meorum N. N. et Sancti N. te suppliciter deprecor omnipotens Deus, ut salutaris hostia hodie per manus meas ad thronum majestatis tuæ cum odore suavitatis ascendat et gratia tua super me et super omnes, vivos atque defunctos, pro quibus sanctum Sacrificium offerre propono, copiose descendat. Amen.

DIES VII.

POST MISSAM.

Gratiarum actio.

Quid retribuam Domino pro omnibus, quæ in Mensa cœlestis convivii retribuit mihi? Venite ad me omnes Electi et Sancti Dei, audite et narrabo vobis, quanta Deus fecerit animæ meæ: cum essem pauper et abominabilis, nec auderem oculos meos elevare in cœlum præ multitudine iniquitatum mearum, magnificata est super me misericordia ejus: mihi dedit saturari de Carnibus suis et proprio suo Sanguine inebriari. Laudes agite ei pro me universi populi, tribus et linguæ; jubilate ei omnes creaturæ, quas universus orbis in suo ambitu comprehendit. Benedic in idipsum anima mea Domino, et omnia, quæ intra me sunt, nomini Sancto ejus. Benedic anima mea Domino, qui coronat te in misericordia et miserationibus, et noli oblivisci omnes retributiones ejus.

Actus oblationis.

Servus tuus sum ego, Domine Deus, et pro tributo servitutis meæ aliquid tibi offerre vellem, quod Majestate tua dignum foret; sed hoc excedit facultatem meam et debitum meum, quia tantum tibi debeo, quanti tu vales, qui infinitus es. Offeram interim Majestati tuæ quod possum: trado enim me tibi in servum perpetuum abjecta de me omni cura et sollicitudine. Quidquid mihi evenire permiseris a Divina manu tua illud amantissime suscipiam. Vivat semper et regnet super me beneplacitum tuum, quod in omni verbo, actione, cogitatione et levissimo quoque motu implere desidero. Suscipe igitur me, Do-

mine, animam meam et corpus meum, ut sim perpetuum holocaustum, jugiter ardens coram te. Præsta, ut deinceps nec membra, nec sensus, nec potentias, nec vitam habeam, nisi ut te amem et serviam tibi.

Devoti affectus et aspirationes ad Jesum.

Salve mi Jesu, dulcis hospes animæ; te saluto ex intimis animæ meæ visceribus, et qua possum devotione et veneratione te excipio. Fac ut deinceps nil aliud desiderem, nil aliud in votis habeam, nisi ut serviam tibi; omnibus enim votis me tibi in servum perpetuum offero, et ad omne beneplacitum tuum me totum resigno.

Salve Corpus Jesu Sacratissimum, quinque vulneribus sauciatum; pone te ut signaculum super cor meum, et imprime illi charitatem tuam, ut hoc sancto succensus igne, jugiter tibi ardeam.

Salve Sanguis Jesu pretiosissime, qui omnem hominem abluis et purificas; lava animam meam, et pone signum in faciem meam, ut nullum præter te unquam amatorem admittam.

Salve Jesu, Rex cordium admirabilis, et affectuum nostrorum triumphator nobilis; sim modo totus cor, ut totus amem te: sint omnes sanguinis mei guttule tot corda, ut singulis te intensissime amare valeam. Quoties aspiro, quoties respiro, imo ad omnem ictum oculi, ad singulos arteriæ pulsus, toties repetere volo: Adoro te profundissime, mi Jesu Eucharistice; te amo corde et affectu omnium, quia me amasti in immensū.

Salve Jesu, Amor meus! O quam amare et sincere doleo, quod te, Deum meum, summum et unicum bonum meum toties et tam graviter offenderim. Unum nunc a te peto, id ne, quæso, deneges mihi: Moriar potius millies et millies, quam vel in minimo amplius deliberate delinquam!

Salve Jesu, sola jucunditas mea, unica salus animæ meæ, Deus meus et omnia! Vive nunc, et regna in me semper! Verte mihi terrena omnia in amaritudinem, omnia infima et creata in contemptum et oblivionem. Attrahe cor meum ad te in cælum et ne dimittas me vagari super terram. Aufer a me amorem hujus sæculi, et nihil mihi ultra sapiat, nihil me alliciat, nihil delectet nisi tu.

Anima Christi. etc. pag. 45.

O Jesu, mi dilecte!
Amabo te perfecte.
Dum me amoris telo
Transfixeris e cælo.
Transfige, ah transfige me!
O Jesu dilectissime!

Oratio ad B. M. V.

Confugio ad te, *Mater admirabilis*, quæ Jesu-Christi Mater esse meruisti, ipsum nutritivisti, illique ut pia Mater semper et in omnibus adfuisti; sis etiam mihi *Mater admirabilis*, me custodiendo et protegendo, ne unquam a via justitiæ recedam, sed e contra viam perfectionis, sicut ex vocatione mea Sacerdotali teneor, firmo gressu percurram. Amen.

Oratio ad Sanctos.

Te laudent et pro me benedicant, Domine Jesu Christe, S. Angelus Custos, S. Joseph, SS. Patroni mei N. N. et Sanctus N. et apud thronum gratiæ tuæ pro me deprecari dignentur, ut prospera mundi despiciens, nullaque ejus adversa formidans, securus tandem ad te perveniam, et te sine fine, cum Angelorum et Sanctorum agminibus, laudem, benedicam et amem in cælis. Amen.

DIES VIII.

ANTE MISSAM.

In Lege Veteri Deus a Sacerdotibus omnimodam exigebat mundiciam, dicens: « Mundamini qui fertis vasa Domini! » quanto mundiores esse oportet, qui in manibus et in corpore suo portant Christum? (Petr. de Blois Ep. 123.)

Oratio ad Patrem.

Respice, Clementissime Pater de sanctuario tuo et de excelso caelorum habitaculo et intuere hanc immaculatam Hostiam, quam tibi offert Magnus Pontifex noster, Jesus Christus, Filius tuus, Salvator mundi: pro peccatis fratrum suorum. Esto placabilis super multitudinem malitiæ nostræ: quia vox Sanguinis Domini nostri clamat ad te de Cruce. Hic est justitia mea et sanctificatio, ac redemptio mea. Averte faciem tuam a peccatis meis et respice in faciem Christi tui: ejus enim merita tibi offero omnemque fiduciam in eis defixam habeo. Impellit me ministrandi necessitas, terret conscientia indebiti Sacerdotii: sed rogo te ne despicias mihi creditæ dispensationis officium, licet in me boni operis testimonium non agnoscas. Et quia me indignum mediatorem esse voluisti inter te et populum tuum, ne me repellas a tua pietate cum divinissimis donis tuis venientem ad te: ut, inculpate accedens ad gloriam tuam, dignus sim, qui operiar protectione Unigeniti Filii tui et illuminatione Spiritus Sancti; utque, pro omnibus deprecans, pro omnibus exaudiar, te præstante, Deus meus, Pater misericordiarum, qui cum eodem Filio tuo in unitate ejusdem Spiritus Sancti vivis et regnas in sæcula sæculorum. Amen.

Oratio ad Filium.

Gratias ago tibi Domine Jesu Christe, pro ineffabili tua charitate, qua transiturus de hoc mundo ad Patrem, Mensam mihi parasti in dulcedine tua. Mensam prorsus regalem, omne delectamentum in se habentem; Mensam pretiosissimam Corporis et Sanguinis tui: ut adipe et pinguedine repleatur anima mea, et secreto illapsu nutritionis tuæ roboretur infirmitas mea. Sed quomodo accedam ad te ego homo miserimus et omni ornamento destitutus? Obsecro ergo te, benignissime Salvator, cujus charitas immensa est, cujus bonitas, infinita, ut Sanguine tuo animam meam lavare et super nivem dealbare, atque meritis tuis induere digneris. Obsecro quoque Beatissimam Virginem, Matrem tuam, et omnes Electos tuos, ut pro me tibi offerant charitatem, fidem et devotionem, qua hoc augustissimum Sacramentum susceperunt ab initio institutionis ejus usque in presentem diem. Et quia particeps sum omnium timentium te, offero tibi omnium Sacerdotum, omniumque fidelium hac die celebrantium et communicantium pietatem et puritatem; offero omnium justorum, a mundi origine usque ad ejus consummationem, virtutes et merita, ac pios affectus erga te, dulcissime Jesu, in Venerabili Sacramento vere presentem. Hos, inquam, aliosque sanctos affectus offero tibi in supplementum insufficientiæ meæ, et eas, si possem, cum maxima intentione elicere ad laudem et gloriam tuam, quia dignus es. Suscipe, Domine, hoc desiderium meum meritisque placatus Electorum tuorum, ne a Mensa tua repellas me; quatenus hoc cibo satiatas, hoc recreatus potu, vitam habeam et abundantius habeam, hic et in æternum. Amen.

Oratio ad Spiritum Sanctum.

Veni Sancte Spiritus, Amor Patris et Filii ; veni e patria felicitatis et cordis mei penetralibus tam potenter illabere, ut vitia omnia et defectus meos tuo igne consumas, et cuncta peccata mea remittas. Fac me dignum Sacris Altaribus Ministrum, meque torrente tuæ voluptatis inebria, ut cœlesti suavitate in hac Divinissima Mensa degustata, nihil venenatæ mundi dulcedinis libeat amplius degustare. Imbuat me et perficiat Septiformis Spiritus tuus et ad illum scientiæ gradum fac me pertingere ad quem pervenit Apostolus tuus cum dicebat, se nihil scire nisi Jesum Christum et hunc Crucifixum. Roboretur infirmitas mea fortitudine tua, vincat bonitas tua malitiam meam, et deformitas mea tua pulchritudine decoretur. Sursum erige me per æternorum affectionem, uni me tibi per Divinum amorem, conserva per finalem perseverantiam ; ut tuo ductu revolet anima mea ad te principium et finem suum, a quo nunquam separetur. Amen.

Oratio ad B. M. V.

Sancta Virgo Maria, quæ *Mater Creatoris* fieri meruisti, me famulum tuum, Hostiam immaculatam in Altari oblaturum, clementer respice ; ut in conspectu Divinæ Majestatis pro mea et totius mundi salute cum odore suavitatis ascendat, et gratia e summo cœlorum habitaculo super me et super omnes pro quibus celebrare intendo, per illam copiose descendat. Amen.

Oratio ad Sanctos.

Obsecro clementiam tuam, piissime Domine Jesu Christe, præsent mihi hæc immaculata Mystera per

intercessionem S. Angeli Custodis, S. Joseph, SS. Patronorum meorum N. N. et Sancti N., fidei, spei, et charitatis augmentum, sintque mihi et omnibus, tam vivis quam defunctis, pro quibus sacrificium offerre intendo, causa salutis æternæ. Amen.

DIES VIII.

POST MISSAM

Oblatio.

Quid retribuam tibi pro dignatione hac, Jesu mi dulcissime? quodnam donum hoc prægrande exæquabit beneficium? Si corpus et animam dedero pro hac dilectione, quasi nihil reputabitur. Quid igitur deferam, o animæ meæ Sponse dilectissime? Utinam Seraphinorum corda, tuo amore successa nimium, una cum cordibus Sanctorum omnium in cœlo terraque tibi placentium possiderem ; omnia illa corda in gratiarum actionem pro tanto offerrem beneficio. Verum, o piissime Jesu, hæc corda mea non sunt ; quid igitur tibi offeram? Audio vocem tuam super mel et favum dulciorem: Fili, præbe cor tuum mihi! O amator noster, cujus deliciae sunt esse cum filiis hominum, petisne in remunerationem cor meum? Quomodo illud tibi denegabo, qui fabricasti illud? Utinam purum et sine macula tibi illud offerre valerem! Sed, eheu! multis illud criminibus maculavi! Utinam modo præsentia tua Sanctissima liquefiat, purificetur ; ut, despectis quibus adhæret, transitoris, tibi soli placeat! Accipe cor meum, quod tibi voluntate integra offero, ut igne amoris tui reformetur. Jaculo amoris tui transige illud, quia sinit te. In signum vero amoris reciproci renuntio omni delectationi terrenæ propter te ; mundum ejusque vanitatem contemno et semper contemnam. Ne ergo

permittas me posthac amplius separari a te ; ne patiaris ut profana cor meum subeant, in quo mansionem tuam dignatus es eligere ; ne admittas cogitationes aut desideria vana vel peccaminosa ad lectum, in quo ipse requiescis. Quantum in me est, gratia tua propono fortiter me facturum, ut proposita hæc amore tui concepta, opere compleam.

Oratio ad Jesum.

O Patris Sapientia, natus de Virgine, qui non es dedignatus Venerabile Corpus tuum tangi et sumi a me indigno peccatore ; quid tibi digne reddam pro omnibus quæ retribuisti mihi ? Si totius mundi merita in unum essent congesta, non valent tuæ dignationi aliquatenus comparari. Gratias ergo ago tibi Domine Jesu Christe, Fili Dei vivi, et gratiarum actiones pro posse fragilitatis meæ tuæ tremendæ Majestati et immensæ Pietati refero, quod Sacro Corpore tuo et Sanguine animam nimis aridam dulciter refecisti. Rogo te, ut quidquid in me vitiosum ac tuæ voluntati contrarium invenitur, Communione hujus Sacramenti funditus evacuetur et cor meum dignum Sancti Spiritus habitaculum præparetur. O dulcissime Jesu, sit hoc Sacramentum Corporis et Sanguinis tui sanitas et dulcedo animæ meæ, salus et sanctitas in omni tentatione, pax et gaudium in omni verbo et opere, solamen et tutela finalis in omni morte, ut in illa hora suprema, Divino tuo Corpore refectus, et firmatus, et Sanctissimo Sanguine ablutus et mundatus, cum fiducia in conspectu tuo appaream. Amen.

Oratio in postulationem beneficiorum.

Clementissime et misericordissime Jesu, miserere Ecclesiæ tuæ, miserere mei et hujus loci. Concede,

ut sit in me, hic et ubique, humilitas, pax, charitas, continentia, puritas et sanctitas. Concede, ut omnes digne emendemus et corrigamus nos, et timeamus te, et serviamus tibi fideliter, et diligamus te, et placeamus tibi. Commendo pietati tuæ omnia negotia et necessitates nostras. Miserere omnium hominum pro quibus omnibus ac singulis Sanguinem tuum fudisti. Eja converte et revoca miseros peccatores. Da vivis gratiam et veniam : da fidelibus defunctis requiem lucemque sempiternam. Amen.

Anima Christi, etc. pag. 45.

Oratio

S. FRANCISCI ASSISIENSIS.

Absorbeat, quæso Domine, mentem meam ab omnibus, quæ sub cælo sunt, ignita et melliflua vis amoris tui : ut amore amoris tui moriar, qui amore amoris mei dignatus es mori : per temetipsum Filium Dei, qui cum Patre et Spiritu Sancto vivis et regnas in sæcula sæculorum. Amen.

Oratio ad B. M. V.

O beatissima Virgo Maria, digna quæ Mater Creatoris fieres, suppliciter te invoco, pro me intercede, ut usque ad ultimum vitæ meæ habitum Christo-Jesu, Creatori meo, fidele servitium exhibeam, et tandem, cum in sæculorum fine ad judicandum venerit, stola gloriosæ immortalitatis, fidei servo promissa, ab ipso merear vestiri. Amen.

Oratio ad Sanctos.

Tibi, Domine, merita et laudes offero S. Angeli Custodis, S. Joseph, SS. Patronorum meorum N.N. et

Sancti N., te humiliter deprecans, ut, ipsis intercedentibus, per hujus Sacramenti virtutem bonum certamen certare, cursum consummare, fidemque servare valeam, et tandem a te justo Iudice coronam justitiæ obtineam in cælis. Amen.

DIES IX.

ANTE MISSAM.

Quidquid est effectus Dominicæ Passionis, est effectus hujus sacrificii. (S. Thom. in Eph. 6.)

Quoties hujus Hostiæ commemoratio recolitur, toties opus nostræ Redemptionis exercetur. (Orat. Dom. IX post Pent.)

Una enim eademque est Hostia, idem nunc offerens sacerdotis ministerio, qui seipsum in Cruce obtulit, sola ratione offerendi diversa. (S. Conc. Trid. sess. 22.)

Actus Fidei, Spei, Charitatis et Contritionis.

Credo in te, Domine Jesu Christe, quia tu es summa veritas, qui dixisti : Caro mea vere est cibus et Sanguis meus vere est potus. Spero in te, o Misericordia infinita, quia tu bonus erga nos promisisti : Si quis manducaverit ex hoc Pane, vivet in æternum. Amo te, o Bonitas æterna, super omnia, charitate quæ diffusa est in cordibus nostris per Spiritum Sanctum, qui datus est nobis ; et ideo doleo ex toto corde de peccatis commissis, eaque detestor cum proposito non peccandi de cætero ; cor contritum et humiliatum Deus non despicies.

Confessio Sacerdotis ante Missam.

Confiteor tibi Deo omnipotenti omnia peccata mea, quæcumque ab infantia usque nunc scienter aut igno-

ranter commisi, et quæcumque præsertim in hac die ac nocte in verbo, in facto, et cogitatione contra tuam sanctissimam voluntatem patravi. Tibi confiteor et veniam peto, ut ira tua non veniat super me miserum peccatorem, sed benedictio tua descendat super me et maneat semper. Suscipe hanc confessionem meam, Domine Deus meus, unica spes salutis meæ, de quibuscumque peccatis, gulæ, ebrietatis, luxuriæ, acediæ, somnolentiæ, iræ, cupiditatis, invidiæ, detractionis, murmurationis, mendacii, vanæ gloriæ, levitatis, inobedientiæ, atque superbiæ ; de omni cogitatione, locutione, atque multis peccatis meis, quorum unquam coram te reus fui. Qui justificas impium et vivificas mortuos, resuscita me, Domine Deus meus, et indulge famulo tuo. Sum enim peccator indignus, qui præsumo ad tuum sanctum Altare accedere, et te invocare. Peccavi coram te Domine, et coram angelis tuis sanctis. Tribue mihi indulgentiam omnium delictorum meorum. Confirma me in operibus bonis et doce me facere voluntatem tuam omnibus diebus vitæ meæ. Præsta, ut tuum Sacrosanctum Corpus et Sanguinem percipere merear cum recta fide, spe firma, et perfecta charitate, non in judicium et condemnationem animæ meæ, sed in remissionem omnium peccatorum meorum, et ad profectum in scientia Sanctorum, et stabilitatem in via salutis æternæ, ut tandem illuc merear introire, ubi tu summum bonum es, et ineffabile gaudium Angelorum et Sanctorum omnium. Amen.

Oratio ad Sanctum Spiritum.

Spiritus gratiæ et misericordiæ, ecce accedo ad Sanctum Altare, locum terribilem et metuendum, scalam cæli, per quam Deus ad nos descendit, et nos ad Deum ascendimus, ad ministerium omnium mi-

Sancti N., te humiliter deprecans, ut, ipsis intercedentibus, per hujus Sacramenti virtutem bonum certamen certare, cursum consummare, fidemque servare valeam, et tandem a te justo Judice coronam justitiæ obtineam in cælis. Amen.

DIES IX.

ANTE MISSAM.

Quidquid est effectus Dominicæ Passionis, est effectus hujus sacrificii. (S. Thom. in Eph. 6.)

Quoties hujus Hostiæ commemoratio recolitur, toties opus nostræ Redemptionis exercetur. (Orat. Dom. IX post Pent.)

Una enim eademque est Hostia, idem nunc offerens sacerdotis ministerio, qui seipsum in Cruce obtulit, sola ratione offerendi diversa. (S. Conc. Trid. sess. 22.)

Actus Fidei, Spei, Charitatis et Contritionis.

Credo in te, Domine Jesu Christe, quia tu es summa veritas, qui dixisti : Caro mea vere est cibus et Sanguis meus vere est potus. Spero in te, o Misericordia infinita, quia tu bonus erga nos promisisti : Si quis manducaverit ex hoc Pane, vivet in æternum. Amo te, o Bonitas æterna, super omnia, charitate quæ diffusa est in cordibus nostris per Spiritum Sanctum, qui datus est nobis ; et ideo doleo ex toto corde de peccatis commissis, eaque detestor cum proposito non peccandi de cætero ; cor contritum et humiliatum Deus non despicies.

Confessio Sacerdotis ante Missam.

Confiteor tibi Deo omnipotenti omnia peccata mea, quæcumque ab infantia usque nunc scienter aut igno-

ranter commisi, et quæcumque præsertim in hac die ac nocte in verbo, in facto, et cogitatione contra tuam sanctissimam voluntatem patravi. Tibi confiteor et veniam peto, ut ira tua non veniat super me miserum peccatorem, sed benedictio tua descendat super me et maneat semper. Suscipe hanc confessionem meam, Domine Deus meus, unica spes salutis meæ, de quibuscumque peccatis, gulæ, ebrietatis, luxuriæ, acediæ, somnolentiæ, iræ, cupiditatis, invidiæ, detractionis, murmurationis, mendacii, vanæ gloriæ, levitatis, inobedientiæ, atque superbiæ ; de omni cogitatione, locutione, atque multis peccatis meis, quorum unquam coram te reus fui. Qui justificas impium et vivificas mortuos, resuscita me, Domine Deus meus, et indulge famulo tuo. Sum enim peccator indignus, qui præsumo ad tuum sanctum Altare accedere, et te invocare. Peccavi coram te Domine, et coram angelis tuis sanctis. Tribue mihi indulgentiam omnium delictorum meorum. Confirma me in operibus bonis et doce me facere voluntatem tuam omnibus diebus vitæ meæ. Præsta, ut tuum Sacrosanctum Corpus et Sanguinem percipere merear cum recta fide, spe firma, et perfecta charitate, non in judicium et condemnationem animæ meæ, sed in remissionem omnium peccatorum meorum, et ad profectum in scientia Sanctorum, et stabilitatem in via salutis æternæ, ut tandem illuc merear introire, ubi tu summum bonum es, et ineffabile gaudium Angelorum et Sanctorum omnium. Amen.

Oratio ad Sanctum Spiritum.

Spiritus gratiæ et misericordiæ, ecce accedo ad Sanctum Altare, locum terribilem et metuendum, scalam cæli, per quam Deus ad nos descendit, et nos ad Deum ascendimus, ad ministerium omnium mi-

nisteriorum altissimum, ut in eo æterno Patri offeram de te in utero Virginali conceptum, et in Salvatorem populorum per te unctum Jesum, Deum et Dñum meum, qui te Paraclitum a Patre nobis misit, et per te charitatem suam in cordibus fidelium diffudit. Sed quia sine te non possum in ministrando gratus apparere, tu me, quæso, virtute et operatione tua ad digne sacrificandum præpara. Tu Sacro Altari tuo ipsius in cor meum illapsu me dignum effice. Te enim Spiritum omnium gratiarum invoco, te inlamo. Veni dolentis animæ consolator et in tribulationibus adjutor. Veni mundator scelerum, veni fortitudo fragillum, relevator labentium, humilium doctor et superborum destructor. Veni orphanorum pius pater, viduarum dulcis iudex. Veni spes pauperum, refocillator deficientium. Veni navigantium sidus, naufragantium portus. Veni Sanctissime Spiritus, et aufer a me quicquid displicet tibi et Patri et Filio in me, et infunde id omne quo magis possim mereri gratiam, et nunc ad digne et sancte augustissima Mystera offerenda, et post, toto tempore meæ vitæ, secundum divinam voluntatem Jesu mei vivendum.

Directio intentionis.

Sanctissimum Missæ Sacrificium offerre intendo, Domine Deus, ut per illud recognoscam Supremam tuam excellentiam, cui soli Sacrificium competit; ut tibi gratias referam pro beneficiis, quæ ulli unquam creaturæ exhibuisti; ut mihi et cunctis peccatoribus indulgentiam et veniam obtineam, et ut ego et cuncti vivi et defuncti, pro quibus celebrare volo, gratias desideratas ex illo valeamus haurire.

Oratio ad B. M. V.

Sanctissima Mater Salvatoris, quæ Ipsi in Cruce

Sacrificium suum cruentum offerenti adstitisti, me nunc idem Sacrificium in Altari oblaturum auxilio tuo firma et orationibus tuis adjuva, ut Sacrosancta illa Hostia Deo accepta, mihi que et omnibus, quos in hac Missa specialiter commendare intendo, sit in salutem animæ et corporis. Amen.

Oratio ad Sanctos.

Concede mihi, misericors Deus, per intercessionem S. Angeli Custodis, S. Joseph, SS. Patronorum meorum N. N. et Saneti N. remissionem peccatorum meorum, ut, mundus ab omni sorde peccati, sancte divina Mystera peragam, mihi que et omnibus mihi commissis et commendatis sint in augmentum gratiæ, et in pignus futuræ gloriæ. Amen.

DIES IX.

POST MISSAM.

Oratio Eucharistica.

Benedic anima mea Domino, et omnia quæ intra me sunt nomini sancto ejus. Benedic anima mea Domino, et noli oblivisci omnes retributiones ejus. Qui redimit de interitu vitam tuam, qui coronat te in misericordia et miserationibus. Ingressus es ad me, benignissime Jesu, dulcis Hospes animæ meæ. Non dimittam te, nisi benedixeris mihi. Benedic igitur servo tuo, et fac tibi perpetuam in corde meo mansionem. Tu solus illud posside. Recedant vetera de ore et corde meo, nova sint omnia: tibi que deinceps præparentur cunctæ cogitationes meæ. Exurge, te rogo misericordissime Jesu, in adjutorium meum, et largire mihi amodo sensuum, linguæ et cogitatio-

num mearum custodiam. Averte oculos meos, ne videant vanitatem. Gressus meos dirige secundum eloquium tuum. Ne declines cor meum in verba malitiæ. Pone custodiam ori meo et ostium circumstantiæ labiis meis. Tua solius vox sonet in auribus meis, tua solius facies mihi obversetur : Vox enim tua dulcis et facies tua decora. Apprehendam te, o Dilecte votorum meorum, ponam te ut signaculum super cor meum. Non me derelinquas in omni certamine, Jesu bone, sed respice in me oculis misericordiæ tuæ et porrige mihi dexteram tuam, ut fidelis in tua dilectione permaneam et amplius in æternum non committam, quod tibi displiceat, aut a te me separet. Vigila quoque super me, defende me, et gratiam hanc mihi concede, ut spiritu ferventi tuum deinceps honorem et beneplacitum sitiam et perficiam, et flam amodo tecum unus spiritus, unum cor, anima una. Amen.

Oblatio sacrificii peracti.

O Domine Jesu Christe, in memoriam immense tuæ charitatis, qua pro me natus, passus, crucifixus et mortuus es, offero tibi hujus Missæ, et omnium Missarum, quæ hodie in toto mundo fiunt, Hostiam sacrosancti Corporis et Sanguinis tui. Obsecrans per viscera misericordiæ tuæ, ut suscipias et Patri tuo offeras in ea virtute, qua illi, in Cruce moriens, Spiritum tuum tradidisti : ut vivis tuam gratiam et defunctis requiem et omnibus nobis misericordiam vitamque largiaris sempiternam. Singulariter tamen oro pro N. et N. Noli me propter peccata mea damnare, Domine Jesu, ab ira tua et a peccatis me liberare digneris, et præsta, salutaris meus, ut cum frequentatione Mysterii tui crescat meæ salutis effectus. Obsecro te, ut mihi sit cibus, qui me confortet, nu-

triat et protegat. Da mihi gratiam, ut hujus Sacramenti perceptio sit mihi nunc et in morte, plena reconciliatio, plena peccatorum purgatio, et ad vitam æternam introductio. Amen.

Oratio ad Spiritum Sanctum

Quid tibi, o Sancte Spiritus, rependam ; qui omnis amoris, a Patre et Filio in me effusi, fons es et origo ? Per te Pater commotus dedit Filium suum unigenitum ; per te Filius inductus seipsum pro nostra redemptione obtulit. Tu illi Mariam Virginem in Matrem præparasti ; tu illi purissimum Corpus ex ejusdem Virginis carne præparasti, quod nunc ego, tuo quoque beneficio in Sanctissimo Eucharistiæ Sacramento suscepi. Tu hujus meritorum participem me facis : a te gratiarum omnium dona fluxerunt. Quas tibi gratias referam, o Sancte Spiritus ? Accipe cor meum, quod amoris tui et benignitatis scopum constituere dignatus es. Tu illud, obsecro, ab omnibus peccatorum sordibus emunda et septenis illud gratiarum tuarum donis exorna, tibi que gratum habitaculum præpara. Veni Sancte Spiritus. Veni Pater pauperum. Veni Lumen cordium. Veni Dator munerum. Sine tuo numine, nihil est in homine, nihil est innoxium. Da virtutis meritum, da salutis exitum, da petente gaudium. Amen.

Anima Christi, etc. pag. 45.

Ad SS. Cor Jesu.

Fac nos, Domine Jesu, sanctissimi Cordis tui virtutibus indui et affectibus inflamari, ut et imaginis bonitatis tuæ conformes et tuæ redemptionis mereamur esse participes.

O, mi Jesu amatissime, ego N., ut gratitudinem

tibi exhibeam, necnon infidelitates meas resarciam, tibi cor meum dono, et ex integro me tibi dedico et consecro, atque, te auxiliante mihi, propono non amplius peccare.

Oratio ad B. M. V.

O Mater Salvatoris, adsis mihi, qui nunc eundem Salvatorem sub speciebus Panis et Vini latentem suscepi; ut animam meam ab omni peccato immunem conservem et post hanc labilem vitam, Salvatoris Jesu-Christi gratis, ad vitam perveniam sempiternam, quam repromittere dignatus est iis, qui diligunt eum. Amen.

Oratio ad Sanctos.

Per intercessionem S. Angeli Custodis, S. Joseph, SS. Patronorum meorum N. N. et Sancti N. te, Domine, suppliciter precor, ut dum consumptis sacris speciebus realem tuam præsentiam mihi subtrahis, non discedas a me, pauperulo tuo famulo, nisi relinquas post te animæ meæ et corpori meo largissimam benedictionem. Amen.

DIES X.

ANTE MISSAM.

Cum videris sacerdotem offerentem, ne ut sacerdotem esse putas hoc facientem; sed manum Dei invisibiliter extensam. (S. Chrys. Hom. 83 in Matth.)

Quis fidelium habere dubium possit, in ipsa immolationis hora ad sacerdotis vocem caelos aperiri, in illo Jesu Christi Myserio Angelorum choros adesse, summi et ima sociari? (S. Greg. Dial. lib. 4.)

Oblatio Sacrificii.

Deus cæli et terræ infinite amabilis, ego N. miserimus peccator et Ecclesiæ tuæ Minister indignissimus augustissimum hoc Sacrificium Corporis et Sanguinis Filii tui offero Divinæ Majestati tuæ in tributum honoris et amoris debiti. Ad tuam maximam laudem et gloriam, in protestationem supremæ tuæ Excellentiæ, Domini tui in omnes creaturas et nostræ subjectionis et dependentiæ a te. In memoriam et honorem benedictæ Incarnationis, Vitæ, Passionis, Mortis, Resurrectionis et Ascensionis ejusdem Filii tui; et in obedientiam ejusdem mandati, quo præcepit, ut idem in ejus commemorationem faceremus. In gratiarum actionem pro universis beneficiis tuis, quæ mihi indignissimo peccatori cunctisque creaturis tuis conferre dignatus es. In honorem et augmentum gloriæ Beatæ Virginis Mariæ, omnium Angelorum et Sanctorum præsertim Sancti N. ejus hodie Festivitas celebratur. In propitiationem et satisfactionem pro peccatis meis, et totius mundi. Pro meis præsentibus atque futuris tum animæ tum corporis necessitatibus et parentum, fratrum, sororum, consanguineorum, affinium, benefactorum, amicorum, omnium Sacerdotum et Ministrorum Ecclesiæ tuæ, omnium mihi commissorum, omnium inimicorum, omnium quibus fui scandalum vel occasio peccandi, omniumque illorum, quibus quocumque titulo obligor. In exaltationem Sanctæ Ecclesiæ Catholiæ; in extirpationem hæresum; in concordiam et unionem principum Christianorum; in consolationem, auxilium, remedium, patientiam et salutem afflictorum, pauperum, captivorum, tentatorum, infirmorum et agonizantium; in conversionem infidelium; in resurrectionem lapsorum; in perseve-

rantiam justorum ; in refrigerium, requiem et pacem omnium fidelium defunctorum. Primario tamen hoc sanctum Sacrificium offero ad intentionem N..... Suscipe, Domine, hanc oblationem meam in unione amoris illius, quo dilexit nos et tradidit semetipsum pro nobis Dominus noster Jesus Christus, Filius tuus : Qui tecum vivit et regnat in unitate Spiritus Sancti, Deus, per omnia sæcula sæculorum. Amen.

Actus humilitatis et fiducia.

Altissime Domine, et Deus cæli et terræ, ego sum creatura vilissima, indigna quæ cælum aspiciam. Et ecce infinita tua Bonitas inestimabilem illam mecum vult facere misericordiam, ut habitaculum suum in anima et corpore meo stabiliat. Sed quis sum ego Domine Jesu, ut ad te, Deum meum, creatorem omnium audeam accedere ? Sanctus Præcursor tuus, in utero matris suæ sanctificatus, indignum se testatus est, qui solveret calceamenti tui corrigiam ; princeps quoque Apostolorum tuorum exclamabat : « Exi a me, Domine, quia homo peccator sum. » Altissimi Seraphini velant facies suas et in conspectu tuo tremant : quomodo itaque ego terre vermiculus præsumam te in domum meam introducere, ego qui toties te offendi, ego qui vere sum pauper et nudus, miser et cæcus et miserabilis ! Quia tamen scio, o Jesu misericordissime, quod mortem peccatoris non velis, sed magis ut convertatur et vivat ; quia audio te tam benigne invitantem : « Venite ad me omnes, qui laboratis et onerati estis et ego reficiam vos, » en venio ad te, pondere peccatorum gravatus, ut me exoneres. Venio laborans et miseris ac peccatis oneratus, ut me reficias. Manducasti olim cum peccatoribus : en habes hic magnum peccatorem, qui dolens et gemens ad te venit, ut ipse miserearis, ut ei peccata sua et

ignorantias remittas, sicque te puro recipere corde mereatur. Veni igitur, o Jesu misericordissime, ut anima mea tua mundetur præsentia, semelque tuo amore accensa, numquam amplius per peccatum a te separetur. Amen.

Oratio

EX LITURGIA S. JACOBI.

Deus omnipotens, Domine magni nominis, qui nobis aditum ad Sancta Sanctorum dedisti, per adventum unigeniti Filii tui Domini ac Dei Salvatoris nostri Jesu Christi, supplices tuam imploram clementiam, quandoquidem contremiscimus ac trepidamus ad sanctum Altaris tuum accessuri. Fac, illabatur in nos, Deus, tua bona gratia, et animas nostras sanctifica ; corporaque et spiritus, nec non cogitationes nostras ad pietatem converte ; ut pura conscientia tibi dona offeramus et munera ; ut deleantur delicta, quæ admisimus, et ut toti populo tuo sis propitius, idque gratia et miseratione ac benignitate unigeniti Filii tui.

Oratio ad B. M. V.

Virgo super omnes prudentissima, Angelis et hominibus veneranda et a cunctis predicanda, mihi famulo tuo, qui te in vita et in morte laudare, venerari et prædicare volo, materna pietate succurre ; ut Corpus et Sanguinem Filii tui Jesu-Christi digne suscipiam, et fructus salutis uberrimi, tam mihi quam illis, pro quibus ex charitate vel ex justitia sacrificare volo et debeo, ex illa communionem obveniant. Amen.

Oratio ad Sanctos.

Tribue mihi, piissime Deus, per intercessionem S.

Angeli Custodis, S. Joseph, SS. Patronorum meorum, N. N. et Sancti N. hoc Sacrosanctum Missæ Sacrificium ita peragere, ut mihi et omnibus, pro quibus illud offerre propono, quosque vel præsens sæculum adhuc in carne retinet, vel futurum jam exutos corpore suscepit, copiosus ex eo gratiæ fructus obveniat. Amen.

ALERE FLAMMAM
VERITATIS

DIES X.

POST MISSAM

Gratiarum actio.

O Dulcedo cordis mei, et Vita animæ meæ, et jucunda Requies spiritus mei, dulcis Jesu, immortales tibi ago gratias pro omnibus beneficiis mihi umquam collatis; signanter vero, quia hodie singulari miseratione, verum et immaculatum Corpus et Sanguinem tuum pretiosum consecravi, pertractavi, illoque in salutem et consolationem animæ meæ cibari ac nutrirî dignus fui. Suscipe hoc Sacrificium meum in memoriam tuorum mirabilium, ad tuam gloriam et in remissionem omnium peccatorum tam meorum quam illorum, pro quibus orare, sacrificare et offerre proposui. Nunc vere dicere audio: Cibus meus Christus, qui manet in me et ego in illo. Multiplico ergo, et quotiescumque respiro multiplicare intendo meam voluntatem in infinitum in tuis laudibus. Precor nunc quoque Beatissimam Virginem, Angelos, Sanctos, Sanctas, imo et creaturas universas, pro me immensas tibi referre gratias. Sed quia istæ minime sufficiunt, te supplico, ut temetipsum laudare et glorificare complaceas. Et quia dignatus es istam indignam cordis mei, tuam tamen facere habitationem, dignare quoque in ipso perpetuam facere mansionem.

Effice me hominem secundum cor tuum. Uni me tibi intime, et totum transforma et transmuta in te. Salva me, Jesu Christe, et eunctam a me hostis antiqui repelle nequitiam. Per tuam Sanctissimam Passionem exoro te, ut digneris gratias et indulgentias omnes, quas mediante hoc Sacrificio acquirere et lucrari possum, concedere tam mihi, quam aliis vivis et defunctis, quibus applicare proposui; quia te ipsum et pro ipsis exoro, pro quibus et tu vis et Sanctissimus Pontifex intendit hac de causa me debere orare. Amen.

Oratio Eucharistica.

Omnipotens, sempiterna Deus, conservator animarum, mundique Redemptor, me famulum tuum ante Majestatem tuam prostratum benignissime respice, et Sacrificium, quod in honorem Nominis tui pro salute fidelium tam vivorum quam defunctorum, et pro peccatis et offensionibus meis obtuli, piissime respice. Iram tuam a me remove; gratiam et misericordiam tuam mihi concede; januam Paradisi mihi pande; ab omnibus malis me potenter eripe, et quidquid proprio commisi reatu elementer indulge. Sic quoque in hoc sæculo in præceptis tuis fac me perseverare, ut dignus Electorum gregi copulari efficiar, te præstante, Deus meus, cujus Nomen benedictum, honor atque regnum permanet in sæcula sæculorum. Amen.

Piæ aspirationes ad Jesum.

O bone Jesu! Verbum Patris, converte me. O bone Jesu! Agnus Dei, purifica me. O bone Jesu! Magister meus, doce me. O bone Jesu! Præceptor meus, instrue me. O bone Jesu! Princeps pacis, governa me. O bone Jesu! Refugium meum, suscipe me. O

bone Jesu ! Patientia mea, conforta me. O bone Jesu ! Consolatio mea, solare me. O bone Jesu ! Lux mundi, illumina me. O bone Jesu ! Pax mea, recrea me. O bone Jesu, Rex meus, defende me. O bone Jesu ! Panis vivus de cœlo descendens, satia me. O bone Jesu ! Gaudium meum, visita me. O bone Jesu ! Adjutor meus, adjuva me. O bone Jesu ! Protector meus, protege me. O bone Jesu ! Amor meus, transforma me. O bone Jesu ! Via salutis, dirige me. O bone Jesu ! Veritas æterna, informa me. O bone Jesu ! Vita mea, vivifica me. O bone Jesu ! Fili David, suscipe me. O bone Jesu ! Pater meus, custodi me. O bone Jesu ! Salvator meus, salva me. O bone Jesu ! Mediator meus, interpella pro me. O bone Jesu ! Propitiatio mea, intra Vulnere tua absconde me. O bone Jesu ! Justitia mea, justifica me. O bone Jesu ! Judex meus, absolve me. O bone Jesu ! Dominus meus et Deus meus, posside me. O bone Jesu ! Sanctificatio mea, sanctifica me. O bone Jesu ! Vita perennis, in numerum Electorum tuorum recipe me. Amen.

Anima Christi, etc. pag. 45.

Oratio ad E. M. V.

Sancta Virgo Maria, *Virgo prudentissima, veneranda et predicanda*, tuæ fideli custodiæ me iterato commendo, rogans, ut, te protegente, et adjuvante, omnium virtutum Sacerdotalium exercitio, jugiter Domino meo Jesu Christo placeam, et, sacerdotali zelo inflammatus, animas, pretioso ejus sanguine redemptas, ad æternæ beatitudinis bravium perducam. Amen.

Oratio ad Sanctos.

Orent pro me, Domine, S. Angelus Custos, S. Jo-

seph, SS. Patroni mei N. N. et Sanctus N. ut dum immaculata Mysteria contrectavi et sumpsi, per eorum contactum corpus et anima mea ab omni peccatorum macula mundentur, et semel te, Deum meum, in cœlis videam, sicut illis qui mundo sunt corde promisisti. Amen.

DIES XI.

ANTE MISSAM.

Si viderem per viam venientem Presbyterum et Angelum, ad manus sacerdotis deosculandas citius me conferrem et Angelo dicerem; Expecta me Angele, quia manus hujusmodi Verbum vitæ contrectant et ultra humanum aliquid possident. (S. Franc. Ass. Orac. 22.)

Sacerdotes reverendi, Dei familiares et domestici estis et illius pane vescimini; vestram agnoscite dignitatem, devotionem proferte, contemplationi insistite. Spiritus sit vestri lumen intellectus; vestra flamma voluntatis! (Idem Serm. VII.)

Directio intentionis.

Ad laudem et gloriam Sanctissimæ Trinitatis, in memoriam Salvatoris nostri Jesu Christi, Vitæ, Passionis, Mortis et Resurrectionis, ac in operum et meritorum ipsius; ad laudem quoque et exaltationem Beatissimæ Virginis Mariæ, Cœlestium Angelorum, Sanctorum ac Sanctarum et signanter S. N.; offero etiam cum ipsorum Beatorum Spirituum laudibus, Sanctorumque omnium precibus et meritis, nunc et semper, hoc et omnia alia Sacrificia, Officia, Orationes et bona opera totius mundi pro meis presentibus et futuris corporis et animæ necessitatibus, in auxilium et consolationem meam, et in remissio-

nem omnium peccatorum meorum, quorum veram contritionem semper habere intendo, conor et cupio, omniumque vivorum et defunctorum meorum parentum, consanguineorum, affinium, amicorum, inimicorum, benefactorum in spiritualibus et temporalibus, ac illorum quibus fui gravamen, scandalum aut occasio peccati, vel qui se meis precibus et sacrificiis commendarunt. Pro omni gradu Sanctæ Catholice Ecclesiæ, ac illius conservatione, augmento aut exaltatione, Christianorum Principum unione, hæresum extirpatione, Summi Pontificis salute, et animarum in Purgatorio existentium liberatione. Pro conservatione et augmento omnium Ordinum Religiosorum, pro conversione omnium infidelium, et pro illis omnibus, qui curæ meæ sunt commisi. Denique pro illis omnibus, vivis et defunctis, pro quibus Dominus noster Jesus Christus scit et vult, me debere orare et sacrificare; sic oro et obsecro, ac orare, obsecrare et sacrificare intendo atque propono juxta intentionem Sanctæ Catholice Ecclesiæ, Ego N. Minister, licet indignus, Domini nostri Jesu Christi. In nomine Patris et Filii et Spiritus Sancti. Amen.

Oratio ad Jesum

EX IMITATIONE CHRISTI.

O Dulcissime atque Amantissime Domine, quem nunc devote desidero suscipere, tu scis infirmitatem meam et necessitatem quam patior: in quantis malis jaceo: quam sæpe sum gravatus, tentatus et inquinatus. Pro remedio ad te venio, pro consolatione et sublevamine te deprecor. Ad omnia scientem loquor, cui manifesta sunt omnia interiora mea, et qui solus potes me perfecte consolari et adjuvare. Tu scis quibus bonis indigeo præ omnibus et quam pauper sum

in virtutibus. Ecce sto ante te, pauper et nudus, gratiam postulans et misericordiam implorans. Refice esurientem mendicium tuum: accende frigiditatem meam igne amoris tui; illumina cecitatem meam claritate præsentis tuæ. Verte mihi omnia terrena in amaritudinem, omnia gravia et contraria in patientiam, omnia infima et terrena in contemptum et oblivionem. Erige cor meum ad te in cælum, et ne dimittas me vagari super terram. Tu solus mihi ex hoc jam dulcescas usque in sæculum, quia tu solus cibus et potus meus, amor meus et gaudium meum, dulcedo mea et totum bonum meum. Utinam me totaliter per tuam præsentiam accendas, comburas et in te transmutes; ut unus tecum efficiar spiritus per gratiam internæ unionis et liquefactionem ardentis amoris. Ne patiaris me jejunum et aridum a te recedere, sed operare mecum misericorditer, sicut sæpe operatus es cum sanctis tuis mirabiliter. Quid mirum, si totus ex te ignescerem et in melpso deficerem; cum tu sis ignis semper ardens et nunquam deficiens, amor corda purificans et intellectum illuminans?

Vox Christi ad Sacerdotem.

Zachæe, festinans descende, quia hodie in domo tua oportet me manere.

Vox Sacerdotis ad Christum.

Domine, exultans et festinans ad te descendo; per te, precor, salva fiat anima mea!

Oratio ad B. M. V.

Corpus et Sanguinem Domini mei Jesu Christi æterno Patri oblaturus, ad te, o *Virgo potens et cle-*

mens recurro ; ut quæ cunctos juvare potes et neminem a te repellis, me dignum reddas Altaris Ministrum, quatenus quotidie, per piam Missæ celebrationem in gaudio aquas gratiarum et celestium charismatum hauriam de fontibus Salvatoris. Amen.

Oratio ad Sanctos.

Ad altare tuum, Domine, accedens, merear S. Angeli Custodis, S. Joseph, SS. Patronorum meorum N. N., Sancti N. suffragiis fulciri, et virtutibus indui, ut puris manibus et conscientia mundâ Sanctum Sanctorum valeam atrectare, et ex angustissimo hoc Corporis et Sanguinis Domini nostri Jesu-Christi Mysterio omnia subsidia vitæ temporalis et æternæ obtinere valeam. Amen.

DIES XI.

POST MISSAM.

Gratiarum actio.

Gratias tibi ago, piissime Domine Jesu Christe, quod me ad officium Sacerdotale elegisti. Gratias tibi ago, dulcissime Deus, quod me tuo Sacro Corpore et Sanguine refecisti. Gratias tibi ago, Domine clementissime, pro devotione, qua me in hac Missa specialiter respexisti. Gratias tibi ago, benignissime Deus, quod me protegendo a periculosis negligentis custodisti. Mi Domine, Deus, ecce pro tam grata electione, pro tam dulci refectione, pro tam pia respectione, pro tam benigna protectione et custodia, tibi, optime Deus, ex toto corde gratias ago, te benedico, te laudo, te glorifico in æternum. Eja nunc oro, piissime Deus, ut sit mihi hoc dulcissimum Sacramentum contra omnium peccatorum meorum vulnera

efficacissimum medicamentum. Sit mihi, benignissime Deus, hoc dulcissimum Sacramentum omnis virtutis et gratiæ victoriosum complementum. Sit mihi, piissime Deus, hoc dulcissimum Sacramentum tam in vita quam in morte contra omnia pericula validum tutamentum. Sit mihi, amantissime Deus, hoc dulcissimum Sacramentum ad æternam beatitudinem solidum fulcimentum. Mi Domine, Deus, per sumptam quæso Eucharistiam, da mihi, ut a peccatis emundatus, merito fœcundatus, sine bono consummatus, tecum in perpetuum sim beatus: cui est honor et gloria in sæculorum sæcula. Amen.

Oratio ad Jesum.

Domine Jesu Christe, qui hoc Sacramento amoris et pietatis infinitæ memoriæ renovas Passionis illius et Mortis, quam inter dolores et ignominias Crucis extremas immaculatus Agnus passus es pro meis et mundi peccatis tollendis, et pro felicitate æterna mihi communicanda: hauriam, quæso, ex vulneribus tuis, et ex livore Corporis tui Sacratissimi, in quo a planta pedis usque ad verticem capitis non erat sanitas; hauriam ex illo sanguine, tam affluenter et tanto ardore charitatis effuso, ardentem charitatem et amorem tui. Inflammet me hoc ipsum præsens beneficium tuum, Domine Jesu Christe, qui tantum pietate mihi te comunicas, tam familiariter et intime mihi conjungeris; nec solum domum meam pauperem non dedignaris, et plagas meas non exhorres, sed ex Corpore etiam et Sanguine tuo Sanctissimo, ad me sanandum, præservandum et confirmandum, medicinam conficis. O piissime Jesu, an deerant tibi, Omnipotenti, alii modi reparandi, et adjuvandi me, meque ad ultimum finem deducendi? Non sane, sed hoc eligere, ut amorem in me et pie-

tatem abundantius demonstrares, voluisti. Quem ergo amorem, bonitas infinita, quam gratitudinem huic beneficentiæ et amoris tuo retribuam? Quid ego agere, quid pati propter te digne potero? Auge tu ipse in me, precor, dona gratiæ tuæ, ut plus habeam quod impendam servitio tuo. Deus meus et omnia, quid ego bonorum tuorum non sperabo a te, cum etiam teipsum mihi tam amanter donaveris, et in te omnia illa esse videam divina attributa, quæ spem meam firmam reddere debeant? Potes enim et vis mihi benefacere; potes omne bonum conferre quia omnipotens es, et indigentias meas non ignoras. Quomodo ergo, si ipsi conjungar fonti, imo mari immenso bonorum omnium, non hauriam aquas gratiarum cum gaudio de fontibus Salvatoris? Vis etiam omne bonum conferre, quia summe benignus es, quia magis quam ego ipse me diligis, quia magis tu conferre, quam ego recipere, desideras. Et ne defectus meritorum me a tua liberalitate excludat, tua ipse merita mihi donas, qui mihi justitia factus es in conspectu Dei. Magnanimiter itaque Spes mea dulcis Jesu, bonorum tuorum copiosam communicationem a te sperabo! et ut paupertatem meam omnium virtutum et gratiarum spiritualium thesauris locupletes, petam per te ipsum. Qui cum Patre et Spiritu Sancto vivis et regnas, Deus: per omnia sæcula sæculorum. Amen.

Anima Christi, etc. pag. 45.

Oratio ad B. M. V.

Virgo potens et clemens, tu omne bonum mihi potes conferre, et omne bonum vis conferre, quia potens et clemens es, intercede igitur pro me; ut Dominus meus Jesus-Christus illas omnes mihi et aliis gratias concedat, pro quibus obtinendis Sanctissi-

mus Missæ Sacrificium obtuli; præcipue tamen ardentem devotionem erga illum, in Eucharistia, vere, realiter et substantialiter præsentem. Amen.

Oratio ad Sanctos.

Misericordissime Domine Jesu-Christe, rogo te per intercessionem S. Angeli Custodis, S. Joseph, SS. Patronorum meorum N. N. et Sancti N., ut te, Deum meum, qui me Corpore et Sanguine tuo cibare dignatus es, ex toto corde, ex tota anima et ex omnibus semper viribus diligam hic in terris et posthac æternum te amem in cælis. Amen.

DIES XII.

ANTE MISSAM.

Sacerdos, sanctissimum Missæ sacrificium celebrans, est legatus totius mundi apud Deum, ut ab Ipso gratias pro cunctis creaturis obtineat (S. Alph. Selva Cap. 1.)

Pro universo terrarum orbe legatus intercedit apud Deum. (S. Chrys. de Sac. l. 6.)

Oratio ad SS. Trinitatem.

O Trinitas Sancta, suscipe hoc sanctum Sacrificium ad honorem, laudem et gloriam tuam, salutemque animæ meæ atque proximi mei. Accipe, o sancta Trinitas, oblationem istam pro me et pro illis, quibus promisi et teneor, et vis a me orari.

Oratio ad Jesum.

O Domine Jesu Christe, ego intendo celebrare et consecrare eo modo, quo tu instituisti et dedisti mihi

auctoritatem, intendo offerre istud Sacrificium in tui memoriam, sicut tu ipse præcepisti. Te precor, Domine, pro omnibus illis, pro quibus orare decrevi, et quibus sum conjunctus spirituali participatione, consanguinitate, affinitate, familiaritate, commendatione, devotione, eleemosynarum suarum largitione et qui pro me orant et qui se commendarunt orationibus meis; et pro cuncto populo Christiano et pro Congregatione nostra; et pro omnibus Prælati sanctæ Romanæ Ecclesiæ et Congregationis nostræ; ut eos in tuo sancto servitio humiliter, fideliter et devote perseverare facias; et pro omnibus Fidelibus Christianis vivis atque defunctis, in quacumque angustia et tribulatione positis tam in terra quam in mari; ipsorum miserere et tribulatis succurre. Amen.

Alia Oratio præparatoria.

Domine Jesu Christe, unde hoc mihi beneficium quot tu Angelorum Dominus et cælorum gloria, a quo et ad quem omnia, ad me veniem impurum venire et me tecum in augustissimo Sacramento unire desideras? o quanta contritione, quali lacrymarum fonte, timore et reverentia, quamque perfecta cordis et corporis puritate hoc sublime Mysterium mihi percipiendum est, in quo tua Caro virginea sumitur et divina humanis et summa imis ineffabili modo miscentur. Benedictus qui venis in nomine Domini ad alendos pauperes, ad pascendas oves tuas in hujus mundi deserto; et cui deliciae sunt esse cum filiis hominum. O Bonitas immensa, quod non modo justos sed et peccatores ad Mensam tuam Divinam invitans, nec solum sanos sed etiam ægros hujus efficacissimæ Medicinæ participes reddis! Peto et obsecro dulcissime et piissime Salvator, ut proprios hujus Sacramenti fructus mihi largiens, peccata præterita

deleas et a futuris præserve; affectus et motus vitiosos, extinguas, intellectum illustres, virtutes infundas ac augeas, adversus hostes et tentationes roboret, animæ et corporis remedium præbeas, in vita et in morte auxiliaturus accedas; ac me denique mirabiliter in te transformes, ut unus tecum spiritus effici ac manere possim. Nulla, quæso, peccati in me hæreat macula, quem tam augusto et salutari reficere vis Sacramento, quod contra omnium peccatorum venena præstantissimum est antidotum, omnisque virtutis et gratiæ copiam recte accedenti subministrat.

Ex Liturgia S. Joannis Chrysostomi.

Deus sanctus, qui in Sanctis quiescis, et trisagia voce a Seraphim laudaris, et a Cherubim glorificaris et ab omni cælesti Virtute adoraris: qui de non-ente ad esse deduxisti omnia et creasti hominem ad imaginem et similitudinem tuam, et multa gratia insignisti: qui das petentibus sapientiam et intellectum: qui non despicias peccantem, sed ponis in salute poenitentiam: qui dignatus es nos humiles et indignos servos tuos stare in conspectu gloriæ sancti Altaris tui, et debitum tibi obsequium et glorificationem offerre: tu, Domine, visita nos in bonitate tua, sanctifica cum corporibus et animas nostras, et da nobis in sanctitate servire tibi omnibus diebus vitæ nostræ, intercessionem Reginæ nostræ, Matris Dei et omnium Sanctorum, qui a sæculo tibi placuerunt. Amen.

Oratio ad B. M. V.

O Maria, o *Virgo fidelis*, fidelis Deo per cooperationem gratiæ, fidelis hominibus, quibus promisisti et numquam recusas auxillum: succurre mihi materna pietate, ut fidelis semper Jesu-Christi minister

existam, et per hanc sanctissimi Corporis, et Sanguinis ejus susceptionem omnibus illis per eum virtutibus merear ornari, quibus digne ejus ad sanctum altare locum tenere. Amen.

Oratio ad Sanctos.

Obsecro te, Domine Jesu Christe, per intercessionem S. Angeli Custodis, S. Joseph, SS. Patronorum meorum N. N. et Sancti N. ne me proicias a facie tua propter multitudinem delictorum meorum, sed dignum me fac sacri tui Altaris ministrum; ut, in gratia semper perseverans et crescens, post mortalis mei corporis depositionem, Angelicis in cœlo merear sociari choris. Amen.

DIES XII.

POST MISSAM.

Oblatio sui-ipsius.

Suscipe, Pater cœlestis, clementissime Domine et Pater Misericordiarum, per manus servi tui hoc, quod modo obtuli, Sacrificium sacrosanctum, verum Corpus et Sanguinem Unigeniti Filii tui, Domini nostri Jesu Christi, ad maximam tui Nominis gloriam et honorem, in gratiarum actionem pro universis beneficiis tuis, in remissionem peccatorum meorum et totius mundi; ad impetrandum mihi, et N. N. pro quibus oravi et orare debeo, omnia subsidia vite temporalis et æternæ, atque etiam pro animabus omnium Fidelium defunctorum. Suscipe, Domine, cum hac sacratissima oblatione animam meam et corpus meum, omnes vires et affectus meos; ut sim perpetuum holocaustum, jugiter ardens Majestati tuæ.

Præsta, ut deinceps nec membra, nec potentias nec vitam habeam, nisi ut te amem et serviam tibi. Tu, sapientia mea et robur meum, doce me, illumina me et corrobora me; ut cognoscam et faciam voluntatem tuam. Offero me tibi in servum perpetuum, meque totum resigno in beneplacitum tuum, abjecta de me omni cura et sollicitudine. Quidquid mihi evenire permiseris, a divina manu tua amantissime recipiam. In tempore et in æternitate illud volo, quod tu ab æterno de me decrevisti, sive prosperum illud sit, sive adversum. Vivat semper et regnet super me beneplacitum tuum, quod in omni verbo, actione, cogitatione implere desidero. Domine, ante te omne desiderium meum, et gemitus meus a te non est absconditus. Desunt enim mihi verba, quibus explicem affectum meum; sed projicio me in ardentissimam fornacem amoris tui, quo succensus ad me venire dignatus es et mansionem apud me facere. Succende me, Domine, inflamma cor meum, viscera combure; ut jugiter ardeam tibi, in te vivam et in te moriar. Amen.

Actus diversarum virtutum.

O Sapientia infinita! O æterna Veritas, quæ nec falli nec fallere potes, credo in te et credo tibi in omnibus quæ revelasti et per Sanctam Ecclesiam tuam mihi credenda proponis. Imprimis vero credo te in Sanctissimo hoc Sacramento esse præsentem, prout apertis verbis asseruisti, quibus plus tribuo quam ingenio omnibusque meis sensibus. Pro hac fide per tuam gratiam mori sum paratus. Aduge in me, Domine Clementissime, fidem hanc firmam et vivam, quæ est vere anima vite Sacerdotalis, et sine qua non stat Sacerdotalis vitæ nec vigor, nec zelus, nec sanctitas.

Spero in te, o Bonitas infinita, teque per inexhaustam misericordiam tuam veniam, gratiam et gloriam mihi promissam, daturum confido.

Amo te et amabo te, o Fons omnis boni, et omnia que tu amas amabo propter te; quia tu omni amore dignus es.

Gaudeo de infinita perfectione, beatitudine et amabilitate tua, et de omni obsequio, laude, honore et gloria tibi ab Electis tuis et creaturis omnibus unquam reddita et in æternum reddenda.

Te, tuumque beneplacitum in omnibus amplector, omnique possibili reverentia, fiducia, amoris et pietatis affectu veneror et exosculor.

Quidquid in me est affectus erga creaturas in te solum Deum meum, in Sacramento tuo erga nos tam amabilem, transfero; quidquid egero, quidquid passus fuero, in æternum cedat ad tuam gloriam.

Totus sum tuus; fac de me quidquid vis nunc et in æternum. Amen.

Anima Christi, etc. pag. 45.

Commendatio sui SS. Cordi Jesu.

Commendo me tibi, o bone Jesu! intra mellifluum Cor tuum absconde me, nec permitte me unquam separari a te. Sis mihi in vita solatium, in morte vaticum, in æternitate præmium. Id rogo te pro me, et omnibus amiceis meis, per Lacrymas, Sudorem et Sanguinem tuum pretiosissimum. Amen.

Oratio ad B. M. V.

Sanctissima Virgo Maria, Virgo fidelis, qua nunquam gratiæ defuisti, et nobis in cunctis adea necessitatibus, pro me Dominum Jesum ora, ut per quotidianam augustissimi Mysterii celebrationem et

sanctissimam ejus Corporis et Sanguinis sumptionem, in sanctis propositis firmus, usque in finem viam mandatorum ejus inoffenso pede percurram. Amen.

Oratio ad Sanctos.

Intercedant pro me, Domine Jesu-Christe, S. Angelus Custos, S. Joseph, SS. Patroni mei NN, et Sanctus N., ut per virtutem salvifici hujus Sacramenti spiritus orationis et fervoris mihi largiatur, et semper de tanto Mysterio illud credam, illud sentiam et firmiter teneam, quod tibi placet et expedit animæ meæ. Amen.

DIES XIII.

ANTE MISSAM.

O venerabilis sanctitudo manuum! O felix exercitium! qui creavit me, si fas est dicere, dedit mihi creare se; et qui creavit me sine me, ipse creavit se mediante me. (S. Aug. in Ps. 37.)

Potestas sacerdotis est sicut potestas Divinarum Personarum, quia in transsubstantiatione panis tanta requiritur virtus quanta in mundi creatione (S. Bernardinus Sen. Tom. I. Serm. 2.)

Oratio præparatoria

O Sanctissime Jesu! Ego miser peccator, spiritu egenus idoneisque affectibus destitutus, celebrandi vero munere longe indignissimus, offero tibi omnium Sanctorum et Electorum tuorum piissimos affectus, quos unquam elicuerunt, aut modo eliciunt, ac deinceps elicient; omnes virtutum actus, quos in hoc tam tremendo Mysterio decet exercere, obsecrans te, per pretiosissimum Sanguinem ac Mortem tuam, ut di-

Spero in te, o Bonitas infinita, teque per inexhaustam misericordiam tuam veniam, gratiam et gloriam mihi promissam, daturum confido.

Amo te et amabo te, o Fons omnis boni, et omnia que tu amas amabo propter te; quia tu omni amore dignus es.

Gaudeo de infinita perfectione, beatitudine et amabilitate tua, et de omni obsequio, laude, honore et gloria tibi ab Electis tuis et creaturis omnibus unquam reddita et in æternum reddenda.

Te, tuumque beneplacitum in omnibus amplector, omnique possibili reverentia, fiducia, amoris et pietatis affectu veneror et exosculor.

Quidquid in me est affectus erga creaturas in te solum Deum meum, in Sacramento tuo erga nos tam amabilem, transfero; quidquid egero, quidquid passus fuero, in æternum cedat ad tuam gloriam.

Totus sum tuus; fac de me quidquid vis nunc et in æternum. Amen.

Anima Christi, etc. pag. 45.

Commendatio sui SS. Cordi Jesu.

Commendo me tibi, o bone Jesu! intra mellifluum Cor tuum absconde me, nec permitte me unquam separari a te. Sis mihi in vita solatium, in morte vaticum, in æternitate præmium. Id rogo te pro me, et omnibus amiceis meis, per Lacrymas, Sudorem et Sanguinem tuum pretiosissimum. Amen.

Oratio ad B. M. V.

Sanctissima Virgo Maria, Virgo fidelis, qua nunquam gratiæ defuisti, et nobis in cunctis adea necessitatibus, pro me Dominum Jesum ora, ut per quotidianam augustissimi Mysterii celebrationem et

sanctissimam ejus Corporis et Sanguinis sumptionem, in sanctis propositis firmus, usque in finem viam mandatorum ejus inoffenso pede percurram. Amen.

Oratio ad Sanctos.

Intercedant pro me, Domine Jesu-Christe, S. Angelus Custos, S. Joseph, SS. Patroni mei NN. et Sanctus N., ut per virtutem salvifici hujus Sacramenti spiritus orationis et fervoris mihi largiatur, et semper de tanto Mysterio illud credam, illud sentiam et firmiter teneam, quod tibi placet et expedit animæ meæ. Amen.

DIES XIII.

ANTE MISSAM.

O venerabilis sanctitudo manuum! O felix exercitium! qui creavit me, si fas est dicere, dedit mihi creare se; et qui creavit me sine me, ipse creavit se mediante me. (S. Aug. in Ps. 37.)

Potestas sacerdotis est sicut potestas Divinarum Personarum, quia in transsubstantiatione panis tanta requiritur virtus quanta in mundi creatione (S. Bernardinus Sen. Tom. I. Serm. 2.)

Oratio præparatoria

O Sanctissime Jesu! Ego miser peccator, spiritu egenus idoneisque affectibus destitutus, celebrandi vero munere longe indignissimus, offero tibi omnium Sanctorum et Electorum tuorum piissimos affectus, quos unquam elicuerunt, aut modo eliciunt, ac deinceps elicient; omnes virtutum actus, quos in hoc tam tremendo Mysterio decet exercere, obsecrans te, per pretiosissimum Sanguinem ac Mortem tuam, ut di-

mittas quæ conscientia agnoscit vel metuit, et adicias quod oratio non præsumit. Et quia tu, Domine Jesu Christe, in sacratissimo Missæ Sacrificio primarius es Offerens et Mediator inter Deum et homines, dignare, obsecro, totius humani generis, atque adeo creaturarum omnium nomine, teipsum, infinite gratum, offerre æterno Patri, una cum omnibus meritis et actibus internis et externis Passionis, Mortis et Vitæ tuæ: idque amore illo perfectissimo, quo illum Deus et Homo semper amasti, amabisque in omnem æternitatem. Amen.

Oblatio sui-ipsius,

EX IMITATIONE CHRISTI.

Domine Jesu Christe, in simplicitate cordis mei offero meipsum tibi hodie in servum sempiternum, in obsequium et Sacrificium laudis perpetuæ. Suscipe mecum sancta Oblatione tui pretiosi Corporis et Sanguinis, quam tibi hodie in præsentia Angelorum invisibiliter assistentium offero; ut sit pro me et pro cuncto populo tuo in salutem. Domine, offero tibi omnia peccata et delicta mea, quæ commisi coram te et Angelis tuis a die, qua primum peccare potui usque ad diem hanc super placabili Altari tuo; ut tu omnia pariter incendas et comburas igne charitatis tuæ, et deleas universas maculas peccatorum meorum, et conscientiam meam ab omni delicto emundes, et restituas mihi gratiam tuam, quam peccando amisi; omnia mihi plane indulgendo et in osculum pacis me misericorditer assumendo. Quid possum agere pro peccatis meis, nisi humiliter ea confitendo et plorando, et tuam propitiationem incessanter deprecando! Deprecor te, exaudi me propitius, Deus meus. Omnia peccata mea mihi maxime displicent: nolo ea

umquam amplius perpetrare; sed pro eis doleo et dolebo, quamdiu vixero, paratus pœnitentiam agere et de eis pro meo posse satisfacere. Dimitte mihi, Deus, dimitte peccata mea. Propter nomen sanctum tuum salva animam meam, quam pretioso Sanguine tuo redemisti. Ecce committo me misericordiæ tuæ; resigno me in manibus tuis. Age mecum secundum bonitatem tuam, non secundum meam malitiam et iniquitatem. Offero etiam tibi omnia bona mea, quamvis valde pauca et imperfecta; ut tu ea emendes et sanctifices, atque grata habeas tibi que accepta facias, et semper ad meliora trahas, necnon ad beatum et laudabilem finem me pigrum et inutilem homuncionem perducas. Offero quoque tibi omnia desideria devotorum, necessitates parentum, fratrum, propinquorum, amicorum, omniumque charorum meorum, et eorum qui mihi vel aliis propter amorem tuum benefecerunt, et qui orationes et Missas pro se suisque omnibus dici a me desideraverunt et petierunt; sive in carne adhuc vivant, sive jam sæculo defuncti sint: ut omnes sibi auxilium gratiæ tuæ, opem consolationis, protectionem a periculis, liberationem a pœnis advenire sentiant, et ut ab omnibus malis erepti, gratias tibi magnificas læti persolvant. Offero etiam tibi preces et Hostias placationis pro illis specialiter, qui me in aliquo læserunt, contristaverunt aut vituperaverunt vel aliquod damnum et gravamen attulerunt. Pro his quoque omnibus, quos aliquando contristavi, conturbavi, gravavi et scandalizavi verbis, factis, scienter vel ignoranter; ut nobis omnibus pariter indulgeas peccata nostra et mutuas offensiones. Aufer, Domine, a cordibus nostris omnem suspicionem, indignationem, iram et dissensionem, et quidquid potest charitatem lædere et fraternam dilectionem minuere. Miserere, Domine Jesu Christe, misericordiam tuam poscentibus; da gratiam indi-

gentibus; et fac nos tales existere, ut simus digni gratia tua perfui, et ad vitam proficiamus æternam. Amen.

Oratio ad B. M. V.

O piissima Virgo, quæ *Speculum justitiæ* vocaris et es, mihi peccatori, qui toties injuste egi, remissionem impetra omnium delictorum, ut citra reatum ad sanctum Domini Altare accedam, et ex sancto Sacrificio, a me nunc offerendo, zelum pro gloria Dei Exercituum, pro mea sanctificatione et pro animarum mihi commissarum salute haurire merear. Amen.

Oratio ad Sanctos.

Ad vos, o S. Angele Custos, S. Joseph, SS. Patroni mei N. N. et Sancte N. suppliciter recurro, ut gratiam mihi obtineatis, quatenus ea, qua decet, cordis munditia ter venerandum Missæ Sacrificium pro meis et totius mundi peccatis offerre, et fructus intentos pro me et omnibus, pro quibus sacrificare propono, ex illo valeam percipere. Amen.

DIES XIII.

POST MISSAM

Oratio Eucharistica.

Gratias tibi ago, Deus, gratias tibi ago, vera Vita viventium, Spes æterna credentium, Jesu Christe, Redemptor alme, qui solus es adorandus, amandus et laudandus, qui facis mirabilia solus. Qui propter nos pauperes consolandos, quos in hac miseriarum valle tamquam peregrinos et orphanos reliquisti, per ministerium Sacerdotis et per verba ex ejus ore in

nomine tuo prolata, aperis cœlos, et descendis et imples animas nostras benedictione, Qui non dedignaris manibus hominis atrectari, benedici et consecrari in nostram salutem. Ille suo ministerio foris exhibet signa Sacramenti; sed tu Deus invisibilis manens, ipse facis opera. Tibi ergo, Domine, Deo nostro magno et immenso, æterno et excelso, tibi laus, tibi gloria, tibi gratiarum actio nunc et in perpetuum. Qui hoc ipsum incomprehensibile Mysterium imminente articulo salutiferæ Passionis tuæ tam gratuita pietate discipulis tradidisti. Qui misericordia motus, et affectu paterno eos allocutus es, dicens: « Desiderio desideravi hoc Pascha manducare vobiscum antequam patiar. » Ac si diceres: Desiderio desideravi me ipsum tradere vobis. Deinde offerens te ipsum mirabiliter manibus tuis sacrosanctis protestatus es dicens: « Hoc est Corpus meum, Hic est Calix Sanguinis mei. » Hoc accipite in vestram salutem quotiescumque sumpseritis; hoc quoque facite in meam commemorationem et in memoriam dilectionis, qua vos dilexi, dum me ipsum pro vobis reliqui pignus salutis. O inestimabilis dilectio charitatis tuæ, Domine Jesu Christe, ut nos indignos Patri tuo reconcilies, te ipsum exhibes Victimam salutarem. Igitur immensam misericordiæ tuæ clementiam suppliciter exoro, quatenus hoc summæ charitatis et dilectionis tuæ Sacramentum mihi cunctisque fidelibus tuis sit contra omnium peccatorum nostrorum vulnera efficacissimum medicamentum, ac omnis virtutis et gratiæ complementum; sit contra omnia mala validissimum tutamentum et æternæ beatitudinis solidissimum fulcimentum. Mi Domine Deus, te deprecor per Sanctam Eucharistiam, ut, a peccatis emundatus, merito fœcundatus, sine bono consummatus tecum sim sine fine beatus. Oro te quoque, Amantissime Jesu, pro omnibus curæ meæ commissis, pro omnibus fa-

miliaribus, et pro omnibus benefactoribus meis ; ut per adjutricem hujus Sacramenti virtutem adjuves et dirigas eos ad æternam salutem. Deprecor te similiter pro omnibus mihi aliquando in orationibus commissis, ut per confirmatricem hujus Sacramenti virtutem eos confirmes et munias ad æternam salutem. Precor te, benignissime Deus, pro peccatoribus universis : ut per reparatricem hujus Sacramenti virtutem repares et confirmes eos ad æternam salutem. Tandem oro te, mi Domine Jesu Christe, pro omnibus Fidelibus defunctis : ut per liberatricem hujus Sacramenti virtutem liberes eos atque perducas ad æternam salutem. Amen.

Anima Christi, etc. pag. 45.

Adoratio SS. Sacramenti.

Consummatum est, o Domine Deus, opus remissivum meorum et totius mundi peccatorum. Sacrificium salvificum animarum nostrarum. Laudetur igitur sanctissimum Sacramentum, Jesus Christus, Filius æterni Patris, verus Deus et Hæmo, pro me olim natus, passus, crucifixus et mortuus, et nunc sub speciebus Panis et Vini in cor meum ingressus ; quem non equidem fallibilibus et infirmis sensibus meis comprehensum, sed infallibili vivæ fidei lumine agnitum pro tanta dignatione et amore incessabiliter laudo, infinites adoro, desideratissime benedico et ardentissime super omnia amo. Sit tibi, Domine, pro hoc summo beneficio a me et omnibus creaturis tuis ; imo quia hæc non sufficiunt, a tua infinita perfectione, æterna benedictio, claritas, gratiarum actio, honor, virtus et fortitudo in sæcula sæculorum. Amen.

Ex Jubilo S. Bernardi.

Jesu, dulcis memoria,
 Dans vera cordis gaudia,
 Sed super mel et omnia,
 Ejus dulcis presentia.

Nil canitur suavius,
 Auditur nil jucundius,
 Nil cogitatur dulcius,
 Quam Jesus, Dei Filius.

Jesu, Rex admirabilis,
 Et triumphator nobilis,
 Dulcedo ineffabilis,
 Totus desiderabilis.

Quem prosequamur laudibus,
 Votis, hymnis et precibus :
 Ut nos donet cœlestibus,
 Secum perfrui sedibus.

Oratio ad B. M. V.

O Virgo Maria, *Speculum justitiæ*, quæ semper ea quæ Domino placita sunt fecisti, auxiliare mihi, ut, cibo cœlesti confortatus, cuncta semper peccata et peccatorum occasiones vitare, virtutes sublimi meo statui congruentes exercere, et Sacerdotalia mea munia zelose usque obire valeam. Amen.

Oratio ad Sanctos.

Sacramenta, quæ sumpsi, Domine Deus meus, cor et corpus meum ab omni sorde peccati purificent, me contra relapsum muniant et in via salutis stabiliant ; ut in sanctitate et justitia ambulem coram te omnibus diebus meis ; hoc rogo te per intercessionem S. Angeli Custodis, S. Joseph, SS. Patronorum meorum N. N. et Sancti N. cujus hodie solemnia celebramus. Amen.

DIES XIV.

ANTE MISSAM.

Sacerdotes, antequam celebrent, se colligant, et orantes mentem in tanti Mysteriorum cogitationem desigant. (S. Car. Conc. Mediol.) Dicant propterea cum Sancto Bernardo : Cura, sollicitudines, seruitutes expectate me hic, donec illuc cum ratione et intelligentia mea properantes, postquam adoraverimus, revertamur ad vos ; revertemur enim et quam cito revertemur. (S. Bern. de am. Dei.)

Oratio præparatoria.

Domine, non sum dignus, ut sub tectum meum intres, et in me velut sordido stabulo habites ac requiescas. Quoniam vero in hoc Sacramento Deus et Homo manes absconditus, et sub specie Panis a peccatoribus etiam infimis tangi et manducari voluisti: propitius esto mihi, qui ad Mensam tuam invitatus, licet indignus accedo et eum fructum sentire desidero, de quo ipse dixisti : « Qui manducat meam Carnem et bibit meum Sanguinem, in me manet et ego in eo. Qui manducaverit ex hoc Pane, vivet in æternum. »

Esto igitur mihi iste Panis, qui dat vitam mundo, et in hac vita peregrinantes sustinet et omne bonum egentibus præstat. Sit mihi Corporis et Sanguinis tui sumptio tam salutaria et efficax, ut cor meum in timore tuo hoc Pane Sanctissimo reficiatur atque in omni gratia mihi necessaria confirmetur. O Jesu ! Manna dulcissimum, me famelicum pasce. Tu Panis de cælo descendens et mundo vitam præstans, in me, mortem promerente, operare vitam. In periculis,

in tenebris, in afflictione versor ; Tu laborantem, ut promisisti, excipe. Tu domum meam, sicut Zachæi, qui te gaudens excepit, visita cum nova benedictione ; ut totus renovatus tecum conjunctissime vivam, qui mihi omnia in omnibus esse decrevisti. En tu mihi et ego tibi : mane in me semper, Jesu dulcissime, spes, fortitudo et salus mea sempiterna. Amen.

Directio intentionis.

Pater cælestis, clementissime Pater misericordiarum, suscipe hodie per manus servi tui hoc sacrosanctum Sacrificium, verum Corpus et Sanguinem Filii tui, Domine nostri Jesu Christi, in satisfactionem et remissionem omnium peccatorum meorum. In salutem et fortitudinem animæ meæ et omnium illorum, quibus aliqua obligatione teneor et omnium superiorum meorum : ut eis gratiam Sancti Spiritus impertiri digneris ad salutem animarum suarum et regimen totius populi Christiani : et omnium peccatorum totius mundi, ut eos convertas et ducas ad viam salutis. In consolationem omnium tribulatorum, ut eis adjutorium et veram penitentiam tribuas. In refrigerium et liberationem omnium animarum existentium in Purgatorio, et maxime illarum, quæ a me auxilium jure expectant, et ad illuminationem et conversionem omnium gentium infidelium et hæreticorum et schismaticorum, ut cognoscant et ament te, summam Veritatem, Patrem omnipotentem, qui cum Filio et Spiritu Sancto es laudabilis Deus, et benedictus in sæcula sæculorum. Amen.

Oblatio sui-ipsius.

O Deus, scrutator cordis mei, cupio sumere mirabile et cæleste Sacramentum Corporis et Sanguinis

tui omni, qua par est, reverentia, pietate et religio-
ne, omni affectu, desiderio, et fervore Angelorum, at-
que Electorum tuorum. Domine, ante te omne desi-
derium meum; paratum cor meum, Deus, paratum
cor meum. Offero tibi, totum cor meum et omnia.
Desiderium pauperis exaudi; o Domine, preparatio-
nem cordis mei audiat auris tua. Suppleat divina et
immensa tua benignitas, quicquid humana mea non
valet infirmitas. Amen.

Oratio ad B. M. V.

O Virgo Maria, quæ merito vocaris *Sedes Sapientie*,
quia Sancti Spiritus donis ornata et æternæ Sapi-
entiæ habitaculum effecta es: rogo te, ut illa dona
mihi impetres, donum Sapientiæ et Intellectus, do-
num Consilii et Fortitudinis, donum Scientiæ et Pie-
tatis, et donum Timoris Domini, quibus donis cor
meum pariter dignum Filii tui efficiatur habitacu-
lum. Amen.

Oratio ad Sanctos.

Intercedite pro me, S. Angele Custos, S. Joseph,
SS. Patroni mei N. N. et Sancte N., ut piissimo ve-
stro interventu vestris virtutibus et meritis, vestro
amore et ardore induar, et ita dignus reddar, qui ho-
stiam puram, hostiam sanetam, hostiam immacula-
tam pro mea et totius mundi salute Domino Deo meo
offeram. Amen.

DIES XIV.

POST MISSAM.

Oratio Eucharistica.

O Jesu, piorum cordium dulcedo, refice me tua
suavissima præsentia, exuberantemque Sancti Spi-
ritus gratiam, simul et gaudium ac consolationem te-
cum in tabernaculum cordis mei, ad quod ingressus
es, afferre non dedigneris. Tu diligenti te et sermones
tuos servanti promisisti, quod ad eum venies et man-
sionem apud eum facies; quomodo non idem præsta-
bis teipsum in penetralia cordis sui introducenti?
Hoc ego nunc de tua misericordia confisus feci. Fac
et tu, o bone Jesu, quod promisisti. Veni. Mane in
me, o Salvator misericordissime, qui stans ad ostium
cordis nostri et pulsans promisisti ei, qui tibi aperue-
rit, quod intrabis ad illum, et cœnabis cum illo et
ille tecum. Ecce ego, Domine mi, aperui tibi cubicu-
lum animæ meæ. Ingressus igitur domum servi tui,
semper in ea requiesce. Da animæ meæ tecum in
dulcedine spiritus epulari; etsicut de Zachæo hospiti
tuo olim dixisti; dic idem et de animæ meæ domici-
lio: Hodie huic domui salus facta est. Et qui dixisti;
qui manducat meam carnem et bibit meum sangui-
nem in me manet et ego in illo; et qui manducat me
et ipse vivet propter me; da mihi, Domine, per hanc
Corporis et Sanguinis tui susceptionem perpetuo in
te manere et propter te vivere; ita ut in æternum a
te non separer, neque per mortem peccati unquam
amplius a te divellar. Amen.

VIXITIO
Oratio

QUA PETITUR UNIO ANIMÆ CUM CHRISTO.

Gratias tibi ago ex toto corde meo, bonitas effusissima, abyssus infinite misericordiæ, qui tam indigenti servo tuo omne bonum in teipso conferre, et tam indigno peccatori fructum Passionis per Corporis et Sanguinis tui sumptionem tam amanter applicare voluisti. Gratias ago tibi de tanto et tam singulari beneficio et de charitate illa inestimabili, cum qua id mihi contulisti. Precor eandem bonitatem tuam, ut tu ipse dona tua in me conserves et angeas ad honorem et gloriam tuam: sollicitam sensuum, linguæ et cogitationum custodiam mihi tribuendo; ut ita in me nihil tibi displiceat. Da mihi strenue operari, ex puro et ferventi amore tuo, quæ ad honorem tuum et animarum salutem peragenda videro. Concede, ut in cunctis meis actionibus tibi placeam, et ut nunquam a me separari velis, qui tam dignanter et intime te mihi conjunxisti; donec in unione beatissimæ gloriæ tuæ tibi inseparabiliter et æternaliter adhaream. Amen.

Alia oratio ad Jesum.

Hæc sunt convivia, quæ tibi placent, quæque nobis orphanis in memoriam tuæ dilectionis reliquisti. O Patris sapientia, natus de Virgine, qui non es dedignatus venerabile Corpus tuum tangi et sumi a me indigno peccatore, quid tibi digne reddam pro omnibus quæ retribuisti mihi? si enim totius mundi merita in unum essent congesta non valerent tuæ dignationi aliquatenus comparari. Gratias ergo ago tibi, Domine Jesu Christe, Fili Dei vivi, Rex regum et Dominus dominantium, et gratiarum actiones pro

posse fragilitatis meæ tuæ tremendæ Majestati et immense pietati refero, quod sacro Corpore tuo et Sanguine animam nimis aridam dulciter refecisti. Rogo te, ut quidquid in me vitiosum ac tuæ voluntati contrarium invenitur, communionem hujus Sacramenti funditus evacuetur, et cor meum dignum Sancti Spiritus præparetur habitaculum. O Dulcissime Jesu, sit hoc Sacramentum Corporis et Sanguinis tui sanitas et dulcedo animæ meæ, salus et sanctitas in omni tentatione, pax et gaudium in omni verbo et opere solamen et tutela finalis in morte. Amen.

Anima Christi, etc. pag. 45.

Oratio ad B. M. V.

Sanctissima Virgo Maria, tu vere *Sedes Sapientiæ*, quæ sola cœlestia semper in votis habuisti; inclina aures benignitatis tuæ ad preces meas, et fac, ut exemplo tuo edoctus, per continuam legis Domini meditationem et sanctæ orationis exercitium, mundana cuncta despiciere et sola illa, quæ Dei sunt, sapere discam. Amen.

Oratio ad Sanctos.

Respice in me oculis misericordiæ tuæ, Domine Jesu-Christe, et quem sacris Altaribus adstare voluisti tuique nominis laudare potentiam, per hæc sacra mysteria corrobora, ut, ascensiones in corde meo disponens, de virtute in virtutem progrediar; quæ ut mihi concedas, suffragia implero S. Angeli Custodis, S. Joseph, SS. Patronorum meorum N. N. et Sancti N. cujus hodie memoriam recolimus. Amen.

DIES XV.

ANTE MISSAM.

Prætulit vos Deus, o, Sacerdotes, regibus et imperatoribus, prætulit Angelis (S. Bern. ad Past. in Syn.) Attendite ergo, et videte cuius ministerium vobis traditum est per impositionem manus Episcopi (Th. a Kemp. Lib. 4.)

Oblatio Sacrificii, quatenus Latreutici.

Sancta Trinitas, unus Deus, rerum omnium principium et finis, cuius potentia, sapientia, bonitas et magnitudo incomprehensibilis est, toto corde et corpore prostratus adoro te, tibi quæ hodie Sacrificium offerre intendo Corporis et Sanguinis Domini mei Jesu Christi pure propter te, ad majorem tuam gloriam, in protestationem supremi domini tui in omnes creaturas et nostræ subjectionis et dependentiæ a te. In recognitionem infinitæ tuæ perfectionis et in cultum patriæ tibi soli debitum, cum omnibus obsequiis, laudibus et adorationibus, quibus idem Jesus Christus, Filius tuus, te olim glorificavit in terris, una cum meritis, laudibus et adorationibus Beatissimæ Virginis Mariæ, omniumque Angelorum et Sanctorum.

Quatenus Eucharistici.

Gratias tibi ago, Domine Deus, omnium bonorum fons et origo, pro maximis et innumerabilibus beneficiis tuis; pro quibus omnibus et singulis infinita tibi et interminabilis gratiarum actio singulis momentis temporis et æternitatis debetur. Specialiter

autem gratias tibi hoc Sacrificio persolvere intendo propter magnam gloriam tuam, quæ tibi jure debetur propter infinitas tuas perfectiones et innumeras et incomprehensibiles tuas erga nos misericordias. Pro immensis gratiarum opibus, quas Beatissimæ Virgini Mariæ, innumerabilibus Angelorum exercitibus, ingenti Sanctorum et Electorum turbæ largitus es. Pro infinito amore, quo me es prosecutus, eligens me ante mundi constitutionem, ut sim sanctus et immaculatus in conspectu tuo; pro cunctis donis, quæ mihi contulisti, sed præcipue pro sublimissima Sacerdotali dignitate, ad quam me prorsus immerentem evehere es dignatus. Nomine ergo totius Ecclesiæ Calicem salutaris hodie accipiam et Missæ Sacrificium tibi pro me et omnibus immolabo; ut tam digna victima de perceptis gratias exhibentes, beneficia potiora sumamus.

Quatenus Propitiatorii.

Procidam coram te, Domine, cum tremore et rubore gravissima onustus flagitiorum meorum sarcina. Nec mea solum sed et totius populi peccata coram te porto; quia me pro omnibus legatione fungijussisti, ut, quod illi pro se non possunt, ipse tamquam mediator merear impetrare. Verumtamen quia nullum exstat pretium, quo infinitæ bonitati tuæ offensæ condigne satisfacere valeamus, nisi pretium Sanguinis Filii tui, Domini nostri Jesu Christi, ipsum tibi offero hostiam placationis sufficientissimam pro meis et totius mundi peccatis. Esto igitur placabilis super multitudinem iniquitatum nostrarum et audi Sanguinem Filii tui dilectissimi clamantem ad te, non vindictam, sed veniam et misericordiam.

Quatenus Impetratorii.

Cum autem infinita tua pietate et misericordia me indignum famulum tuum legatione apud te fungi voluisti pro omnibus hominibus, vivis atque defunctis; offero tibi, clementissime Pater, hoc tremendum Sacrificium, quod vim impetratoriam habet infinitam, pro singulorum necessitatibus et indigentis. Da Summo Pontifici nostro, cunctis Prælati, Sacerdotibus omnibus, ut oves sibi commissas fideliter pascant fructu orationis, exemplo bonæ conversationis verbo prædicationis, subsidio charitatis. Illumina sapientia tua omnes reges et principes, cunctosque magistratus, ut justitiam fideliter administrent, pacem diligant, Ecclesiam venerentur. Effunde misericordiam tuam in gentes, quæ te non cognoverunt. Sanctifica Ecclesiam tuam, et libera eam de manibus inimicorum suorum, ejusque filios omnes ab omni malo tum corporis tum animæ præserva. Mihi indigno tuo Sacerdoti gratias necessarias, præcipue N. et N. largiri digneris. Custodi omnes mihi commissos et commendatos, in specie N. et N. pro quibus orare teneor; animabusque in purgatorio detentis præcipue animabus N. et N. requiem æternam concede. Per Christum Dominum nostrum. Amen.

Actus Fidei, Spei, Charitatis et Contritionis.

Credo in te, Domine Jesu, quia es summa veritas; Spero in te, quia es infinita bonitas; Amo te quia es perfecta charitas. Doleo, quod umquam offenderim te per peccata mea, præsertim N. et N., præfero millies morti quam te adhuc per illa offendere.

Oratio ad B. M. V.

O dulcissima Mater, quæ es *Causa nostræ lætitiæ*

nacendo, nosque protegendo, quæque æternum eris causa nostræ lætitiæ in cælo; misericordiæ tuæ oculos ad me converte, ut, tua intercessione peccatorum meorum remissione percepta, lætus in occursum Domini mei Jesu-Christi properem, et in sacra communionem Corporis et Sanguinis ejus gustem, quam suavis sit Dominus. Amen.

Oratio ad Sanctos.

Domine, Deus meus, non sum dignus, ut ad sanctum Altare tuum accedam, nec ut intres sub tectum meum, quapropter meritis et virtutibus S. Angeli Custodis, S. Joseph, SS. Patronorum meorum N.N. et Sancti N. me ornare digneris, ut ita gratia tua suppleatur, quod meis meritis noveris deesse, et dignus reddar, qui Hostiam salvificam pro mea et totius mundi salute tibi, Deo meo, offeram. Amen.

DIES XV.

POST MISSAM.

Gratiarum Actio.

Quid retribuam Domino pro omnibus, quæ retribuit mihi? O Jesu mi infinite amabilis, totis votis desiderabilis, Deus meus! Unde mihi tam indigno servo tuo tanta dignatio? Liceat mihi modo res omnes creatas invocare, ut pro me et mecum tibi gratias agant ingentes, infinitas: aut certe liceat mihi cælestes illos spiritus, tuis utique laudibus assuetos et peritos præcones compellare, ut inter amenissimas illas divinasque voces meam quoque quamvis ineptissimam commisceam, totoque cordis affectu concinam: Sanctus, Sanctus, Sanctus Domi-

nus Deus Sabaoth. Nimirum sanctificeris absque fine, et lauderis et exalteris ab omnibus super omnia, idque propter te et in æternum.

Oratio ad Jesum.

Benignissime Jesu, gratias ago tibi, quod me hujus tui Sanctissimi Sacrificii nunc participem fecisti, quo amarissimæ passionis et mortis tuæ memoriam innovavi. Fac, oro, ut ejusdem Mysterii virtute et operatione in fide, spe, charitate et puritate mentis et corporis vivam et moriar, vitamque consequar æternam. Amen.

Anima Christi, etc. pag. 45.

Invocatio Sanctorum

Kyrie eleison.

Christe eleison.

Kyrie eleison.

Christe audi nos.

Christe exaudi nos.

Pater de cœlis Deus, qui per cœternum Filium cuncta creasti, eumque pro mundi reparatione carnem suscipere voluisti : ut ego indignus Sacerdos ejusdem Filii tui Corporis et Sanguinis Sacrificium digne tibi et acceptabiliter semper offerre valeam, miserere mei.

Fili, Redemptor mundi Deus, qui Sacrificium istud in memoriam dolorosæ Passionis tuæ instituisti : ut ego ejusdem Divinissimi Sacrificii dignus semper minister inveniar, miserere mei.

Spiritus Sancte, Deus, qui Incarnationis Domini nostri Jesu Christi cooperator fuisti : ut ego Corpus et Sanguinem ejusdem Domini nostri corde puro et incontaminato in Sacrificio digne semper offeram et sumam, miserere mei.

Sancta Trinitas, unus Deus, qui me indignum sacris Altaribus adstare voluisti, ad sancti Nominis tui laudandam potentiam : ut tuæ Majestati digne semper famulari, atque pro vivis et defunctis tuam clementiam exorare possim, miserere mei.

Sancta Maria, de cujus utero Dei Filius carnem suscepit, quam ego indignus offerre et sumere præsumpsi : ut salutaria hæc Mysteria efficiantur mihi salus et vita, ora pro me.

Omnes sancti Angeli et Archangeli, qui Filium Dei, hominem factum, adorastis, jamque regnanti illi assistitis in cœlis : ut ego, qui ex ejus Altaris participatione Corpus et Sanguinem ipsius sumpsi, omni benedictione cœlesti et gaudio replear, orate pro me.

Sancte Joannes Baptista, qui Christi Domini corrigiam calceamenti solvere indignum te reputabas ; dignus tamen ab ipso habitus fuisti qui sacrum ejus verticem contingeres : ut ego hæc salutis Sacramenta humiliter semper et digne tractare et sumere possim, ora pro me.

Sancte Joseph, qui Jesum in Bethlehem natum et pannis involutum adorasti et sedulo postea custodisti : ut eundem Jesum, sub speciebus panis et vini latentem, et nunc in animam meam ingressum, adorem semper devote et in corde meo fideliter custodiam, ora pro me.

Omnes sancti Apostoli, quos Christus Jesus in ultima cœna Sacerdotes suos consecravit : ut gratiam per manuum impositionem mihi collatam non negligam, sed quotidie incremento debito augeam, orate pro me.

Omnes sancti Evangelistæ, qui Institutionis hujus sancti Sacrificii scripto testimonium reliquistis : ut ego plena fide, charitate ferventi et perfecta devotione semper Sacrificium hoc offerre possim, orate pro me.

Omnes sancti Martyres, qui Christo, Regi martyrum, Corpus et Vitam suam in passione litanti, per vestri martyrii oblationem vicem rependistis: ut ego, hoc cibo confortatus, adversa omnia pro ipso patienter perferam, orate pro me.

Omnes sancti Pontifices et Confessores, qui digna sacrorum communione multiplicem a Deo benedictionem et vitam recepistis: ut meum hoc Sacrificium ipsi quoque sit acceptabile, mihi que et omnibus pro quibus illud obtuli propitiabile, orate pro me.

Omnes sanctæ Virgines, quæ per castitatis studium dignum Filii Dei habitaculum fuistis: ut et ego, supparatis et expurgatis carnis concupiscentiis, gratum ei semper in anima mea exhibeam tabernaculum, orate pro me.

Omnes Sancti et Sanctæ Dei, qui beatifica jam visione aspicitis et adoratis, quem nos hic non nisi sub speciebus et quasi in ænigmate videmus: ut per salutiferum hujus Sacramenti usum vestro semel digno consortio inveniar, orate pro me.

ŷ. Panem de celo præstitisti eis.

ŕ. Omne delectamentum in se habentem.

Oratio.

Deus, qui nobis sub Sacramento mirabili Passionis tuæ memoriam reliquisti; tribue quæsumus, intercedentibus omnibus Sanctis tuis, ita nos Corporis et Sanguinis tui sacra Mystera venerari, ut Redemptionis tuæ fructum in nobis jugiter sentiamus: Qui vivis et regnas cum Deo Patre, in unitate Spiritus Sancti, Deus. Per omnia sæcula sæculorum. Amen.

DIES XVI.

ANTE MISSAM.

Vos estis, o Sacerdotes, Christi vicarii, quia vicem ejus geritis. (S. Aug. Serm. 36 ad fratres.) Dei personam in terris gerentes. (Conc. Mediol.) Pro Christo legatione fungimur. (II. Cor. 5.)

Precatio ad Patrem.

Tibi, Pater cœlestis, humiliter supplico per eam charitatem qua in tantum dilexisti mundum, ut Filium tuum unigenitum pro ejus reparatione dares: qua etiam Patriarcharum et Prophetarum corda movisti, ut Filii tui dilectissimi adventum enixis precibus flagitarent; per hanc charitatem et illorum merita, lacrymas et desideria rogo, ut ad ejusdem Filii tui Sanctissima Sacramenta suscipienda et Sacrificium offerendum me præparare digneris; quatenus corde puro et ardenti desiderio illa digne conficere et suscipere merear, eamque mentis munditiam consequar, qua Filii tui Jesu templum gratissimum fieri possim.

Precatio ad Filium.

Tibi quoque, Jesu-Christe, supplico, ut qua charitate dignatus es in mundum venire, eumque per Sanctissimam tuam Mortem ab æterna morte eripere, me tuo nunc adventu vivifices, a maculis omnibus in tuo pretiosissimo Sanguine emundes et quidquid mihi deest ornamenti, clementer de tuo communicare digneris, et tuis divitiis, divinisque Cordis

tui thesauris paupertati mere subvenias; ut sancte ad tuum Altare accedam et te in cordis mei hospitio, bene ornato, ardentè ad meam salutem suscipiam et requiescere faciam: ut sit vicissim in te requies mea in sæculum sæculi.

Precatio ad Spiritum Sanctum.

Tibi denique, Spiritus Sancte, supplico, ut qua charitate Apostolorum corda ad te recipiendum præparasti, et adveniens replevisti, eadem nunc cor meum inflammes et ita præpares, ut te toto corde totisque viribus amem, qui te nobis cum tanta dedisti charitate. Orna me tuis donis et gratis, o Sanctissime Spiritus, meosque omnes occlude sensus et animæ potentias ab exterioribus revoca, ut Deo soli vacans, Sanctissimum Sacrificium piè et fervide offerre, et Panem Angelorum et Calicem salutis digne valeam degustare. Amen.

Directio intentionis.

Omnipotens, sempiternè Deus, ego N. minister tuus licet indignissimus, tibi hoc mane augustissimum missæ Sacrificium offerre volo eadem intentione, qua Dominus meus, Jesus Christus, Sacrificium suum obtulit in Cruce; nempe in Sacrificium Latentium, Eucharisticum, Propitiatorium et Impetratorium. Simul offero omnia alia missarum solemnità et sancta opera, quæ hodie per totum mundum fiunt, orans et obsecrans, ut ea tibi sint grata et acceptabilia, et fructus optati ex illis nobis obveniant.

Actus Contritionis.

O benignissime Creator cœli et terræ, Domine Deus

meus, ecce in conspectu Divinæ Majestatis tuæ et totius curiæ cœlestis ego indignus peccator confundor ac erubesco de omnibus iniquitatibus meis, quibus te, Deum meum omnipotentem justum et misericordem, qui me ad imaginem tuam creasti, toties adoram concitavi. Ideo ex intimis cordis mei visceribus pœnitet me et doleo vehementissime de omnibus mortalibus et venialibus meis delictis, cogitatione, verbo, opere, omissione, aut quovis alio modo commissis, ab illo instanti, quo primum peccare potui usque in præsentem diem. Doleo etiam, dulcissime Jesu, quod te tam benignum et misericordem Patrem et Redemptorem ausus fuerim tot enormibus culpis offendere; qui usque adeo me dilexisti ut pretiosum Sanguinem pro me effunderes et mortem ignominiosissimam sustineres. Utinam, o infinita Bonitas, te numquam offendissem quem ex intimis animæ medullis super omnia intensissime nunc diligo, et in vicem imperfecti doloris mei offero tibi amorem illam contritionem, qua peccata sua deflexerunt Sanctus Propheta David, Sanctus Apostolus Petrus, Sancta Maria Magdalena cum cæteris omnibus vere pœnitentibus, qui unquam fuerunt, sunt, et erunt usque ad consummationem sæculi. Et firmissime statuo, divinam tuam opitulante gratia, in qua omnem meam fiduciam colloco, nullum unquam post hæc admittere peccatum. Amplius igitur lava me, Domine, ab iniquitate mea et a peccato meo munda me, ut mundus ab omni delicto ad sacri Altaris ministerium digne accedere valeam. Amen.

Oratio ad B. M. V.

O Mater Dei et Virgo, quæ, quia gratia plena, omni sanctitudine conspicua, ac sanctitatis operibus jugiter addicta, merito laudaris ut *Vas spirituale*, *Vas*

honorabile, Vas insigne devotionis, adsis mihi propitia, ut cor meum ab omni macula emundetur, et gratia sanctitate et devotione decorum, fiat vas dignum, quod Dominum sanctitatis in se recipiat, atque continuo novis, iisque pretiosioribus, gratiæ donis, ab ipso ornatur. Amen.

Oratio ad Sanctos.

Ingressurus ad Sancta Sanctorum te suppliciter oro, Domine Deus meus, ut intercessione S. Angeli Custodis, S. Joseph, SS. Patronorum meorum N. N. et Sancti N. illa pietate illoque fervore quibus ipsi erga te, in Sacramento vere, realiter et substantialiter presentem, æstuant, sacra Mystera celebrem, ut copiosum inde charitatis spiritum valeam percipere. Amen.

DIES XVI.

POST MISSAM.

Adoratio ex B. P. Canisio.

Ave verum Corpus, natum ex Maria Virgine; vere passum, immolatum in Cruce pro homine: cujus latus perforatum vero fluxit Sanguine. Esto nobis prægestatum mortis in examine. O clemens, o pie, o dulcis Jesu, filii Mariæ, miserere mei; et da, ut sicut te nunc videre et sumere merui sub forma panis, ita cum ad judicandum veneris, securus et gaudens te merear videre in gloria tuæ majestatis et perpetuo perfrui in regno æternæ claritatis; ubi cum Deo Patre et Spiritu Sancto vivis et regnas Deus in sæcula sæculorum. Amen.

Salve quoque nobilissime Sanguis, de latere Domini mei Jesu-Christi profluens et totius veteris et nove

culpæ maculas diluens. Ablue, sanctifica, et custodi animam meam in vitam æternam. Sit mihi Sanguis tuus, Domine Jesu, in remissionem omnium peccatorum meorum, negligentiarum et ignorantiarum meorum, in robur et augmentum fidei, spei, charitatis et omnium virtutum; in salutem animæ et corporis, et adaptionem gloriæ æternæ. Amen.

Aspirationes ad Jesum.

Imprime, obsecro Domine Jesu, in cor meum dulcem tui memoriam, ut igne amoris tui semper ardeam, tui desiderio æstuem et diluvio charitatis tuæ penitus absorbear. Penetret, quæso, hujus tui Sacramenti virtus omnia interiora mea, et quidquid in me pravum, quidquid vitiosum est, mortificet et eradicet. Quid enim mihi est in cælo, Domine, et a te quid volui super terram! Tu es plenitudo mea, omne bonum et omne desiderium meum. Fiat itaque, Domine, cor et corpus meum immaculatum in justificationibus tuis, ut non confundar. Amen.

Anima Christi, etc. pag. 45.

Oratio ex Conc. Trid.

Omnipotens, sempiternus Deus, per viscera misericordie tuæ te rogo et obsecro, ut nos omnes et singuli, qui Christiano nomine censemur, in hoc unitatis signo, in hoc vinculo charitatis, in hoc concordie symbolo jam tandem aliquando conveniamus et concordemus; memoresque tantæ majestatis et tam eximii amoris Domini nostri Jesu Christi, qui dilectam animam suam in nostræ salutis pretium, et Carnem suam nobis dedit ad manducandum, hæc sacra mysteria Corporis et Sanguinis ejus ea fidei constantia et firmitate, ea animi devotione, ea pietate

et cultu credamus et veneremur : ut Panem illum supersubstantialem frequenter suscipere possimus. Et vere nobis sit Panis iste animæ vita et perpetua mentis sanitas, cujus vigore confortati ex hujus miseræ peregrinationis itinere ad cœlestem patriam pervenire valeamus, eundem Panem Angelorum, quem modo sub sacris velaminibus edimus, absque ullo velamine manducaturi. Per eundem Christum Dominum nostrum. Amen.

Oratio ad Cor Jesu.

O superdignissima Trinitas, te laudo, glorifico, et benedico, quod volueris nobilissimo Cordi Jesu mei, cui cor meum miserrimum nunc tam intime est unitum, multiplicia illa dona amoris, pietatis, misericordiæ et gloriæ, gratiarumque abundantiam conferre; orans, ut per illud ipsum supplere ac perfecte restaurare digneris quidquid mali commisi et quidquid boni neglexi. Amen.

Oratio ad B. M. V.

O Virgo et Mater, quæ vere es *Vas spirituale, Vas honorabile* et *Vas insigne devotionis*, pro me cliente tuo intercede, ut in carne terrestri vitam ducam cœlestem, et in spiritu orationis et devotionis quotidiano Eucharistiæ usu jugiter proficiens, tandem merear immortalitatis stola vestiri et Sanctorum Sacerdotum, cum Christo in cœlis regnantium, consortio annumerari. Amen.

Oratio ad Sanctos.

Intercedere pro me dignentur, Benignissime Deus, S. Angelus Custos, S. Joseph, SS. Patroni mei N.N.

et Sanctus N., ut cuncta illa beneficia tum temporalia tum spiritualia mihi et omnibus vivis atque defunctis obtingant pro quibus obtinendis hodie Sacrificium Corporis et Sanguinis Jesu-Christi adorandæ tuæ Majestati obtuli. Amen.

DIES XVII.

ANTE MISSAM.

Ipsis profecto sacerdotibus licet non tantum semel in anno ut olim, sed diebus singulis introire Sanctorum Sanctorum, et tam pro seipsis, quam pro populi reconciliatione offerre hostiam. (S. Laur. Just. de inst. præl. c. 10). *Tria sunt, quæ celebraturus intendere debet, scilicet Deum colere, Christi mortem memorari, et totam Ecclesiam jubare.* (S. Bernar. de præp. ad miss.)

Oblatio Sacrificii.

Domine, Jesu Christe, qui Carnem et Sanguinem tuum in vovi Testamenti Sacrificium, nobisque in cibum et potum præparare dignatus es, in eorumque oblatione et sumptione Passionis et Mortis tuæ memoriam recolere voluisti ; da mihi gratiam, ut huic Sanctissimæ voluntati tuæ satisfacere, uberesque hujus Sacrificii simul et Sacramenti, quod ad intentionem N. et N. offerre propono, fructus percipere valeam ; qui vivis et regnas cum Deo Patre, in unitate Spiritus Sancti, Deus. Per omnia sæcula sæculorum. Amen.

Oratio pro seipso Sacerdote.

Deus, qui de indignis dignos facis, de peccatoribus justos et de immundis mundos, munda cor et corpus

et cultu credamus et veneremur : ut Panem illum supersubstantialem frequenter suscipere possimus. Et vere nobis sit Panis iste animæ vita et perpetua mentis sanitas, cujus vigore confortati ex hujus miseræ peregrinationis itinere ad cœlestem patriam pervenire valeamus, eundem Panem Angelorum, quem modo sub sacris velaminibus edimus, absque ullo velamine manducaturi. Per eundem Christum Dominum nostrum. Amen.

Oratio ad Cor Jesu.

O superdignissima Trinitas, te laudo, glorifico, et benedico, quod volueris nobilissimo Cordi Jesu mei, cui cor meum miserrimum nunc tam intime est unitum, multiplicia illa dona amoris, pietatis, misericordiæ et gloriæ, gratiarumque abundantiam conferre; orans, ut per illud ipsum supplere ac perfecte restaurare digneris quidquid mali commisi et quidquid boni neglexi. Amen.

Oratio ad B. M. V.

O Virgo et Mater, quæ vere es *Vas spirituale, Vas honorabile* et *Vas insigne devotionis*, pro me cliente tuo intercede, ut in carne terrestri vitam ducam cœlestem, et in spiritu orationis et devotionis quotidiano Eucharistiæ usu jugiter proficiens, tandem merear immortalitatis stola vestiri et Sanctorum Sacerdotum, cum Christo in cœlis regnantium, consortio annumerari. Amen.

Oratio ad Sanctos.

Intercedere pro me dignentur, Benignissime Deus, S. Angelus Custos, S. Joseph, SS. Patroni mei N.N.

et Sanctus N., ut cuncta illa beneficia tum temporalia tum spiritualia mihi et omnibus vivis atque defunctis obtingant pro quibus obtinendis hodie Sacrificium Corporis et Sanguinis Jesu-Christi adorandæ tuæ Majestati obtuli. Amen.

DIES XVII.

ANTE MISSAM.

Ipsis profecto sacerdotibus licet non tantum semel in anno ut olim, sed diebus singulis introire Sanctorum Sanctorum, et tam pro seipsis, quam pro populi reconciliatione offerre hostiam. (S. Laur. Just. de inst. præl. c. 10). *Tria sunt, quæ celebraturus intendere debet, scilicet Deum colere, Christi mortem memorari, et totam Ecclesiam jubare.* (S. Bernar. de præp. ad miss.)

Oblatio Sacrificii.

Domine, Jesu Christe, qui Carnem et Sanguinem tuum in vovi Testamenti Sacrificium, nobisque in cibum et potum præparare dignatus es, in eorumque oblatione et sumptione Passionis et Mortis tuæ memoriam recoli voluisti ; da mihi gratiam, ut huic Sanctissimæ voluntati tuæ satisfacere, uberesque hujus Sacrificii simul et Sacramenti, quod ad intentionem N. et N. offerre propono, fructus percipere valeam ; qui vivis et regnas cum Deo Patre, in unitate Spiritus Sancti, Deus. Per omnia sæcula sæculorum. Amen.

Oratio pro seipso Sacerdote.

Deus, qui de indignis dignos facis, de peccatoribus justos et de immundis mundos, munda cor et corpus

meum ab omni contagione et sorde peccati ; et fac me dignum ac strenuum sanctis tuis Altaribus Ministrum. Concede propitius, ut in hoc Altari, ad quod indignus accedo, hostias acceptabiles atque placabiles offeram pietati tuæ pro peccatis et offensionibus meis, atque cunctorum simul Christianorum culpis abluendis ; et per eum sit tibi votum meum acceptabile, qui se tibi Deo Patri, pro nobis obtulit Sacrificium, et tecum et cum Spiritu Sancto vivit et regnat in sæcula sæculorum. Amen.

Oratio ad Jesum

EX IMITATIONE CHRISTI.

Cum summa devotione et ardenti amore, cum toto cordis affectu et fervore, desidero te Domine, suscipere, quemadmodum multi Sancti et devotæ personæ in communicando te desideraverunt, qui tibi maxime in sanctitate vitæ placuerunt et in ardentissima devotione fuerunt. O Deus meus, amor æternus, totum bonum meum, felicitas interminabilis, cupio te suscipere cum vehementissimo desiderio et dignissima reverentia, quam aliquis sanctorum umquam habuit et sentire potuit.

Et licet indignus sim omnia illa sentimenta devotionis habere, tamen offero tibi totum cordis mei affectum, ac si omnia illa gratissima inflammata desideria solus haberem. Sed et quæcumque potest pia mens concipere et desiderare, hæc omnia tibi cum summa veneratione et intimo fervore præbeo et offero. Nihil opto mihi reservare, sed me et omnia mea tibi sponte et libentissime immolare. Domine, Deus meus, Creator meus, et Redemptor meus, cum tali affectu, reverentia, laude et honore, cum tali gratitudine, dignitate et amore, cum tali fide, spe et puritate

te affecto hodie suscipere, sicut te desideravit et suscepit sanctissima Mater tua gloriosa Virgo Maria, quando Angelo, evangelizanti sibi Incarnationis Mysterium, humiliter ac devoto respondit: Ecce ancilla Domini, fiat mihi secundum verbum tuum.

Et sicut beatus Præcursor tuus, excellentissimus Sanctorum, Joannes Baptista, in præsentia tua lætundus exultavit in gaudio Spiritus Sancti, dum adhuc maternis clauderetur visceribus ; et postmodum cernens inter homines Jesum ambulantem, valde se humilians, devoto cum affectu dicebat : Amicus autem sponsi, qui stat et audit eum, gaudio gaudet propter vocem sponsi : sic et ego magnis et sacris desideriiis opto inflammari et tibi ex toto corde me ipsum præsentare. Unde et omnium devotorum cordium jubilationes ardentes affectus, mentales excessus, ac supernaturales illuminationes et cœlicas visiones tibi offero et exhibeo cum omnibus virtutibus et laudibus, ab omni creatura in cœlo et in terra celebratis et celebrandis, pro me et omnibus mihi in oratione commendatis, quatenus ab omnibus digne lauderis et glorificeris in perpetuum.

Oratio ad B. M. V.

O Virgo sanctissima, quæ vere diceris *Rosa mystica* ob tuarum splendorem et odorem virtutum, tuarumque cruciatuum spinas, obtine mihi gratiam, ut anima mea, virtutum splendore et odore coruscans et in adversis omnibus, quæcumque illa sint integre et libenter se Divino beneplacito submittens, mereatur semper Eucharistico Cibo sancte cibari. Amen.

Oratio ad Sanctos.

Intervenant pro me, Domine Jesu Christe, apud

thronum misericordiae tuae S. Angelus Custos, S. Joseph, SS. Patroni mei NN. et Sanctus N., ut cum propter peccata mea indignus sim qui ad Sacrificium offerendum accedam, ipsorum meritis et intercessione dignus reddar, et ex oblatione et perceptione Sacrorum Mysteriorum remissionem peccatorum et gratiae incrementum valeam accipere. Amen.

DIES XVII.

POST MISSAM.

Gratiarum actio.

O Clementissime Salvator, Christe Jesu, quam suavis es et mitis et multae misericordiae omnibus invocantibus te! Cum enim non essemus, divina potentia creasti nos: cum inimici tui essemus e caelo veniens mira sapientia redemisti nos: et quia sine te, tam corpore quam spiritu, vivere, moveri et esse non possumus, immensa bonitate tua tot Sacramentis et auxiliis gratiae nos usque conservas, imo Corpus et Sanguinem tuum, id est te ipsum, modo prorsus admirabili in hoc Sacramento largiris. O Charitas! o pietas! o novum et grande Mysterium!

Tunc, Deus meus, ad me venire dignatus es? Rex ac Dominus summæ majestatis ad infimum servum? Creator ad creaturam? Unde hoc mihi? Quid est homo, quod memor es ejus, aut filius hominis, quia visitas eum? Numquid ego pulvis sum et cinis, vas sordium et escæ vermium? Et ad hunc tu de caelo venis, ut mihi amorem tuum demonstras, utque vitam habeam et abundantius habeam? O Deus et Dominus noster, quam admirabile est nomen tuum in universa terra.

Oratio ad Jesum

EX IMITATIONE CHRISTI.

O quam magna multitudo dulcedinis tuae, Domine Jesu, quam abscondisti timentibus te! Quando recordor devotorum ad Sacramentum tuum, Domine, cum maxima devotione et affectu accedentium; tunc in me ipso confundor et erubesco, quod ad Altare tuum et sacrae Communionis mensam tam tepide et frigide accedo; quod ita aridus et sine affectione cordis maneo; quod non sum totaliter accensus coram te, Deo meo, nec ita vehementer accensus et affectus, sicut multi devoti fuerunt, qui præ nimio desiderio Communionis et sensibili cordis amore, a fletu se non potuerunt continere: sed ore cordis et corporis pariter ad te fontem vivum medullitus inhiabant, suam esuriem non valentes aliter temperare nec satiare, nisi Corpus tuum cum omni jucunditate ac spirituali aviditate acceperunt.

O vere ardens fides eorum, probabile existens argumentum sacrae praesentiae tuae! Isti enim veraciter cognoscunt Dominum suum in fractione panis, quorum cor tam valide ardet in eis de Jesu, ambulante cum eis. Longe, prohi dolor, est a me saepe talis affectus et devotio, tam vehemens amor et ardor. Esto mihi propitius, Jesu bone, dulcis et benigne, et concede pauperi mendico tuo, vel interdum modicum de cordiali affectu amoris tui in sacra Oblatione, et Communione sentire, ut fides mea magis convescat, spes in bonitate tua proficiat et caritas semel perfecte accensa et caeleste manna experta, numquam deficiat. Potens est autem Misericordia tua etiam gratiam desideratam mihi praestare et in spiritu ardoris, cum dies beneplaciti tui venerit, me clementissime visitare. Etenim licet tanto desiderio tam

specialium devotorum tuorum non ardeo, tamen de gratia tua, illius magni inflammati desiderii desiderium habeo, orans et desiderans omnium talium fervidorum amatorum tuorum participem me fieri, ac eorum sancto consortio annumerari.

Alia Oratio ad Jesum.

O Domine Jesu, qui tam dignanter venisti ad me non dimittam te, nisi benedixeris mihi, tu qui aperis manum tuam et impleas omnia animal benedictione. O utinam accipiam benedictionem et misericordiam a te, Deo salutari meo ! quatenus a peccatis et vitiis magis magisque purificor et eam de virtute in virtutem, donec te clare videam Deum deorum in Sion, quem nunc sub sacris speciebus velatum et perspiculum in ænigmate video.

Anima Christi, etc. pag. 45.

Oratio ad B. M. V.

Sancta Maria, ab ardore charitatis et dolorum vehementia *Rosa mystica* dicta, impetra mihi, ut dominum meum Jesum-Christum, quem nunc presentem in anima mea possideo, exemplo tuo toto cordis affectu diligam, cunctaque aspera et dura, quæ mihi evenire poterunt, sive per demonis nequitiam, sive per propriam meam culpam aut hominum iniquorum perversitatem, pro ejus amore libenter perferam. Amen.

Oratio ad Sanctos.

Intercedant pro me, Domine Deus, apud tuam clementiam S. Angelus Custos, S. Joseph, SS. Patroni mei N.N. et Sanctus N., ut per Sacrosancta, quæ

sumpsi, Sacramenta confortatus, certem certamen fidei tamquam bonus miles Christi per arma justitiæ a dexteris et a sinistris, quatenus certam meam vocationem et electionem facere, omnesque Christo lucrifacere valeam. Amen.

DIES XVIII.

ANTE MISSAM.

Sacerdotes propter officii dignitatem deorum nomine nuncupantur (Inn. III in Can.)

Munus Spiritus Sancti Sacerdotis officium. Ne ergo sit honor sublimis et vita deformis, deifica professio et illicita actio. Actio respondeat nomini. (S. Ambr. de Sac. c. 2.)

Instante celebratione, totis viribus curare debet sacerdos, ut in ara cordis sui ignem divini amoris succendat actusque eliciat diversarum virtutum, qui heroici sint et tanto sacrificio, quantum fieri poterit, convenientes. (Card. Bona de celebr.)

Oratio præparatoria.

Gratias tibi ago, mi Jesu, pro ineffabili tua charitate, qua transiturus ex hoc mundo ad Patrem mensam mihi parasti in dulcedine tua, mensam pretiosissimi Corporis et Sanguinis tui, ut adipe et pinguedine repleatur anima mea, et secreto illapsu nutritionis lux roboretur infirmitas mea. Utinam ab omni labe purus, ab omni inordinata affectione perfecte emundatus, omni virtutum genere decorus, ac celestibus donis omnibus exornatus essem, ut te Deum meum, Panem Angelorum ea, qua par est, dispositione recipere valerem. Sed infirmus, miser et nudus obsecro Beatissimam Virginem Mariam, Matrem

tuam, et omnes Sanctos tuos, ut tibi pro me offerant charitatem, fidem et devotionem, quibuscum hoc Sanctissimum Corporis et Sanguinis tui Sacramentum in terris susceperunt. Et quia particeps sum omnium timentium te, offero tibi omnium Sacerdotum, omniumque fidelium hac die celebrantium et communicantium pietatem et puritatem. Offero omnium justorum ab origine mundi usque ad ejus consummationem virtutes et merita ac pios erga te, dulcissime Jesu, affectus in supplementum infirmitatis ac insufficientiæ meæ. Ast quidquid, eheu, tibi obtulero debito semper impar erit. Misericordissime Deus, qui mundum de immundo facis, me fac talem, quæsem me desideras: para ipse thronum, adorna thalamum, vitis omnibus expurga et meritis tuis instrue; in me veniens succende me ignita vi amoris tui, ut sim tecum consummatus in unum, omnino abstractus a me ipso et ab omni creatura, ut, vere cum sancto tuo Apostolo exclamare possim: vivo, jam non ego, vivit vero in me Christus.

Actus Contritionis.

Domine Jesu Christe, verus Deus et Homo, Creator ac Redemptor meus, pœnitet me ex toto corde, quod offenderim te Dominum ac Deum meum, quem amo super omnia. Et nunc ad Sancta tua ingressurus, statuo firmiter amplius non peccare, omnesque peccandi occasiones devitare. Et in satisfactionem peccatorum meorum offero tibi sacratissimam Vitam, Passionem et Mortem tuam, totamque pretium Sanguinis tui pro nobis effusi, merita quoque Beate Mariæ semper Virginis et omnium Sanctorum, atque omnia bona opera mea et totam vitam meam. Et confido in bonitate et misericordia tua infinita quod per merita pretiosissimi Sanguinis tui remissurus mihi

sis omnia delicta mea et gratiam uberem largiturus, qua vitam sancte instituere, tibi que perfecte et fideliter usque ad ultimum vitæ meæ halitum in sancta mea vocatione servire valeam. Amen.

Oratio ad Jesum.

Venio ad te, Domine Jesu, ego miserrimus peccatorum tot plagis saucius, tot pravis passionibus graviter affectus; sed tu, Domine, si vis, potes me sanare; tu es enim verus ille Samaritanus, verus animarum medicus, qui languores nostros portasti; tu es, qui dedisti in animæ meæ medicamentum pretiosi Corporis et Sanguinis tui Sacramentum. Miserere ergo mei, Domine, et sana animam meam, quia peccavi tibi. Sacrificium tibi spiritus contribulatus; hoc prius offero tibi, ut Sacrificium pretiosi Corporis et Sanguinis tui securius offerre valeam. Tu igitur dirumpe vincula peccatorum meorum, et sanctissima tua gratia orna peccatricem meam animam, et tunc digne sacrificabo tibi hostiam laudis, et victimam salutis, qua tolluntur peccata et delicta totius mundi, et ima summis reconciliantur.

Oratio ad B. M. V.

O Maria, ex David oriunda, inimicorumque nostrorum tela a nobis avertens, et ideo *Turris Davidica* nuncupata; *Turris* quoque *eburnea*, eboris lenitatem, fortitudinem et candorem in te exhibens; defende me contra hostes meos; redde me lenem, fortem et castum et intercede pro me, ut digne semper et fructuose sacratissimis Altaris mysteriis participem. Amen.

Oratio ad Sanctos.

Orate pro me S. Angele Custos. S. Joseph, SS. Patroni mei N.N. et Sancte N. ut mihi misero peccatori copiosa gratia obyeniatur, quatenus Sacrificium meum non obstante mea indignitate, Divinæ Majestati fiat acceptabile, mihiq̄ et omnibus, pro quibus illud offerre proposui, ipsa miserante, sit propitiabile. Amen.

DIES XVIII.

POST MISSAM.

Gratiarum actio.

Quid retribuam Domino pro omnibus, quæ retribuit mihi? Utinam aperiantur labia mea et repleatur os meum laude, ut cantem gloriam tuam, tota die magnitudinem tuam, et enarrem universa mirabilia tua. Magnificet anima mea Dominum tot tantisque affecta beneficiis, et exultet spiritus meus in Deo salutari meo. quia respexit humilitatem servi sui, et fecit mihi magna qui potens est, et esurientem implevit bonis. Benedic ergo nunc anima mea Domino, et omnia, quæ intra me sunt, Nomini sancto ejus. Benedic anima mea Domino, et noli oblivisci omnes retributiones ejus; qui propitiatur omnibus iniquitatibus tuis et sanat per hujus Sacramenti virtutem omnes infirmitates tuas. Utinam exhibeam deinceps corpus meum hostiam viventem, sanctam tibi placentem. Vivam ego, jam non ego, vivat vero in me Jesus Christus, quem intra me ipsum habeo. Juravi, o Deus, et statui custodire judicia justitiæ tuæ. Verum, o Domine, velle quidem adjacet mihi,

perficere autem non invenio; ad te igitur levavi oculos meos, quia imperfectum meum viderunt oculi tui. Tu respice, præcor, oculis misericordiæ tuæ infirmitatem meam et deduc me in semitam mandatorum tuorum, quia, ipsam volui.

Oratio ex Imitatione Christi.

Quis mihi det, Domine, ut inveniam te solum et aperiam tibi totum cor meum, et fruatur te, sicut desiderat anima mea; et jam me nemo despiciat nec ulla creatura me moveat vel respiciat; sed tu solus mihi loquaris, et ego tibi, sicut solet dilectus ad dilectum loqui et amicus cum amico convivari? Hoc oro, hoc desidero, ut tibi totus uniar, et cor meum ab omnibus creatis rebus abstraham, magisque per sacram Communionem ac frequentem Celebrationem cœlestia et æterna sapere discam. Ah, Domine Deus, quando ero tecum totus unitus et absorptus meique totaliter oblitus? Tu in me, et ego in te et sic nos pariter in unum manere concede. Vere tu es dilectus meus, electus ex millibus, in quo complacuit animæ meæ habitare omnibus diebus vitæ suæ. Vere tu es pacificus meus, in quo pax summa et requies vera, extra quem labor et dolor et infinita miseria. Vere tu es Deus absconditus, et consilium tuum non est cum impiis sed cum humilibus et simplicibus sermo tuus. O quam suavis est, Domine, spiritus tuus, qui, ut dulcedinem tuam in filios demonstrares Pane suavissimo, de cœlo descendente, illos reficere dignaris. Vere non est alia natio tam grandis, quæ habeat deos appropinquantés sibi, sicut tu, Deus noster, ades universis fidelibus tuis; quibus ob quotidianum solatium et cor erigendum in cœlum, te tribuis ad edendum et fruendum. Quæ est enim alia gens tam incluta, sicut plebs Christiana? Aut quæ creatura

sub cœlo tam dilecta ut anima devota, ad quam ingreditur Deus, ut pascat eam carne sua gloriosa? O ineffabilis gratia, o admirabilis dignatio, o amor immensus, homini singulariter impensus! Sed quid retribuam Domino pro gratia ista, pro caritate tam eximia? Non est aliud, quod gratius donare queam, quam ut cor meum Deo meo totaliter tribuam et infime conjungam. Tunc exultabunt omnia interiora mea, cum perfecte fuerit unita Deo anima mea. Tunc dicet mihi: si tu vis esse mecum, ego volo esse tecum, Et ego respondebo illi: Dignare, Domine, manere mecum, ego volo libenter esse tecum. Hoc est totum desiderium meum, ut cor meum tibi sit unitum.

Anima Christi, etc. pag. 45.

Oratio pro remissione peccatorum.

O clementissime Deus, in multitudine miserationum tuarum introivi ad altare tuum, a quo propter iniquitates meas repellendus eram. Malum coram te feci, Domine; sed ne proicias mea facie tua, pro cujus salute te abiecasti et eulte in alimoniam dedisti. Parce mihi, et da mihi veniam omnium meorum delictorum per Venera et Sanguinem dilectissimi Filii tui, Domini mei Jesu-Christi. Amen.

Oratio ad B. M. V.

O Mater Dei et Virgo, Turris Davidica, Turris chirena, oculos misericordie tue ad me converte, et Dominum Jesum Christum pro me precare; ut frumento electorum et vino, quod germinat Virgines, nutritus, forti animo et mundo corde et corpore in Dei servitio usque ad ultimum vite meae halitum constanter perseverem. Amen.

Oratio ad Sanctos.

S. Angele Custos, S. Joseph, SS. Patroni mei N.N. et Sancte N. pro me orare dignemini, ut ex sumptione quotidiana Corporis et Sanguinis Jesu-Christi, Salvatoris mei, copiosum charitatis spiritum hauriam, quo illi semper placeam, et me verbo et opere impendam salutem animarum, quas pretioso suo Sanguine redemit. Amen.

DIES XIX.

ANTE MISSAM.

In qualibet Missa invenitur omnis fructus, quem Christus operatus est in Cruce. (S. Thom. in Cap. 6 Is).

Tantum valet celebratio Missæ, quantum valet mors Christi in Cruce. (S. Chrys. Ap. disc. serm. 48.)

Nullus profecto valet humano explicare eloquio, quam locuples fructus, quanta ex oblatione sacrificii Missæ exuberent dona. (S. Laur. Inst. serm. de Euch.)

Applicatio generalis Sacrificii.

Miserere, clementissime Domine, per virtutem hujus vivifici Sacrificii, ad quod nunc de tua confisus misericordia accedo, sanctæ et universalis Ecclesiæ; et omnia mala, hæreses, discordias et dissensiones ab ea avelle. Errantes in ea corrige, incredulos ad veram fidem converte. Schismaticos ad Unitatem Ecclesiæ fac redire, ipsisque lumen tuæ veritatis ostende. Peccatoribus veram poenitentiam largire; justos in bono proposito fac perseverare, populo Christiano pacem dona. Clerum defende, Religiosos in

tuo servitio conservare digneris. Omnes laborantes confortar, tristes consolare, infirmis sanitatem animæ et corporis restitue : pauperibus ac egentibus omnia necessaria tribue : peregrinantibus et exultantibus cum salute ad propria remeare concede. In periculis aquarum positos ad portum fac pertingere : in vinculis et carceribus detentos sanctam da resignationem. Omnibus, quos malo exemplo ad peccandum induximus, tu Pater misericordissime indulge. Omnibus, quos conturbavimus, læsimus, vel scandalizavimus gratiose bona cuncta concede. Omnibus parentibus, amicis et inimicis, confratribus et benefactoribus, et quorum utimur vel usi sumus beneficiis, omnibusque pro nobis Deum orantibus, vel nostris orationibus se commendantibus, omnia bona retribue et eos ab omni malo defende in tuoque servitio fac eos perseverare ; et post hujus miserissima vitæ cursum ad te, qui ipse es vera nostra merces, præmium æternum et gloria, da pervenire. In tribulationibus, in persecutionibus, in tentationibus ad te clamantibus auxiliare. In agone positis et de hoc sæculo exiituri succurre, et animas eorum a faucibus rugientis inimici eripe. Nobis omnibus veram charitatem largire, omnibusque tuis fidelibus, vivis atque defunctis, per hujus Sacrificii et Sacramenti virtutem præsta subsidium, auxilium et solamen, nobis adhuc in carne presentibus tuam gratiam largiendo et hac vita functis æternam requiem tribuendo.

Actus Contritionis.

O dulcissime Deus, Creator et Salvator meus, doleo ex intimo corde, quod umquam offenderim te, Dominum ac Deum meum, te, quem amare debeo super omnia, quia et super omnia bonus es, et plurima eaque

magnifica mihi bona tribuisti ; et eheu ! infelix et ingratus ego peccator non retribuisti nisi mala pro bonis. Verum propitius esto peccatis meis, Domine, nunc enim firmiter propono non amplius te offendere, omnesque peccandi occasiones fugere ; ideoque nunc hoc augustissimum Sacrificium offerre et salutariferum hoc Sacramentum sumere cupio, ut in amore tuo confirmer et contra omnes peccandi occasiones muniar, ut ita tu in me et ego in te perpetuo maneam.

Actus desiderii.

O Panis sancte, Panis cor hominis confirmans, quem qui manducat, vivet in æternum, et qui non manducat, vitam non habebit. Quam dilecta tabernacula tua, Domine virtutum ! Concupiscit et deficit anima mea in atria tua, Domine, ubi Panem illum dispensas et das escam timentibus te. Inclina aurem tuam et exaudi me, quoniam inops et pauper sum ego ; et refice esurientem animam meam, ut in fortitudine cibi illius ambulem per hujus mundi desertum usque ad montem Dei, donec manducem te pleno ore in regno tuo, et satier ab ubertate domus tue.

Oratio ad B. M. V.

O Mater Divini Verbi, ob ardentem tuum erga Deum et erga nos amorem *Domus aurea* vocata, scintillam illius incomprehensibilis erga Jesum amoris mihi largire ; ut illum, in sancto amoris sui Sacramento, totis cordis mei viribus diligam semper, et nunc sancte et fervide hoc augustissimum Sacrificium offeram. Amen.

Oratio ad Sanctos.

Te quoque deprecor, Domine Deus meus ut intercessionem S. Angeli Custodis, S. Joseph, SS. Patronorum meorum N. N. et Sancti N. ab omni macula merear mundari et gratis ornari vestimento, et nihil ita in me sit, quod oculos tuæ majestatis offendere vel fructibus Sacrificii, nunc a me offerendi, me indignum reddere valeat. Amen.

DIES XIX.

POST MISSAM.

Exercitium post Missam

EX P. ANTONIO MOLINA.

O Pater misericordiarum et Deus totius consolationis ! qui ex abundantia infinite charitatis tuæ dedisti nobis unigenitum Filium tuum, ut omnis, qui credit in eum, non pereat, sed habeat vitam æternam ; utque ex immenso meritorum ejus thesauro nostra suppleatur inopia : en ego, miser peccator, sed per misericordiam tuam vocatus in numerum ipsius Sacerdotum nunc quoque particeps factus sum Corporis et Sanguinis ejus. Proinde illum jam in pectore meo complector, et tamquam rem meam, intime mihi conjunctam, possideo. Atque ut talem, in unione charitatis, qua seipsum olim dedit pro nobis, in ara crucis, et modo se dat et communicat in Sacramento Altaris, tibi eum offero una cum omnibus ejus meritis atque virtutibus in æternam laudem et gloriam tuam ; ut in illo tibi perfecte placeas : et nos, qui tibi placere de actibus nostris non valemus, di-

lectissimi Filii tui meritis et patrocinio perfecte placeamus. Offero tibi, Pater sanctissime, omnem ejus charitatem, religionem, obedientiam, humilitatem, paupertatem, mansuetudinem, patientiam, cum aliis omnibus virtutibus quibus excelluit, ut totum, quod mihi deficit, per illas suppleatur. Cumque ego debitas tibi gratias agere nequeam pro beneficiis mihi collatis, offero tibi omnes laudes, quas ipse obtulit, cum visibilis inter homines versaretur in terra, et quas tibi nunc offert in gloria. Cum vero satisfacere nequeam tibi pro debitis ac peccatis meis, offero tibi omnes ejus labores, jejunia, vigilias, fatigationes, orationes, quidquid denique fecit aut pertulit a primo Incarnationis instanti, quousque spiritum emisit in cruce : omnes angustias, dolores ac tormenta passionis, omnem sanguinem pro me effusum, omnia vulnera pro me accepta ac mortem pro me toleratam. Ecce hic est thesaurus, Pater clementissime, in quo totam spem reposui ; hæ sunt divitiæ, quas offero in satisfactionem omnium debitorum meorum. Aspice, pie Pater, in faciem Christi tui, et cum sit hic Filius tuus dilectus, in quo tibi semper bene complacuit, qui nunc mihi intime conjunctus est, supplex rogo, ut me quoque respicias oculis misericordiæ tuæ. Sub ejus protectione et tutela, sub umbra meritorum ipsius compareo coram te, ut illum præcipue intuens, me quoque clementer ac benigne respicias tamquam mancipium ejus et servum perpetuum. Ne permittas, obsecro, ut pereat illa anima, quæ toties in se recipit Filium tuum, qui a te missus, venit in mundum querere et salvum facere quod perierat. Hoc præsta mihi per infinitam misericordiam tuam. Amen.

Anima Christi, etc. pag. 45.

Laus SS. Sacramenti.

Laudetur sanctissimum Sacramentum Corporis et Sanguinis Domini mei Jesu-Christi tot laudibus, quot in cælo stellæ, in igne scintillæ, in aere atomi, in mari guttulæ, in terra pulveres, quot vere flores, æstate gramina, autumno folia, hieme nives et grandines, quot corporea in universo creaturæ; quia dignus es Domine universorum, qui sub corporeis vini panisque speciebus lates.

Laudetur sanctissimum Sacramentum Corporis et Sanguinis Domini mei Jesu Christi tot laudibus, quot ullo opere exhiberi, quot ore proferri, corde omnium hominum et omnium Angelorum intelligentia unquam excogitari potuerunt vel possunt; quia dignus es tu, Domine, Pater noster, qui nos cibus et potas quotidie.

Laudetur sanctissimum Sacramentum Corporis et Sanguinis Domini mei Jesu Christi tot laudibus, quot sanctissima Trinitas sua Sapientia concipere, sua Bonitate optare potest, omni modo, omni loco, omnique tempore in æternum et ultra: quia dignus es, Domine Deus meus, qui nobis donas non tantum Humanitatem sed et Divinitatem tuam, Dominus meus, et Deus meus, vere laudabilis et gloriosus et super-exaltatus in sæcula. Amen.

Oratio ad B. M. V.

Sancta Maria, quæ, quia Mater Dei et Domini nostri Jesu-Christi fuisti, ab Ecclesia ut *Domus aurea* laudaris, intercedere pro me digneris; ut anima mea Angelorum alimonia nutrita, dignum semper totius sanctæ Trinitatis permaneas habitaculum, et nulla amplius peccati, nequidem minimi, macula deturpetur. Amen.

Oratio ad Sanctos.

Omnipotens, sempiterna Deus, per intercessionem S. Angeli Custodis, S. Joseph, SS. Patronorum meorum N. N. et Sancti N. te deprecor, ut cœlestibus reffectus Mysteriis, jam non ego vivam, vivat vero in me Jesus-Christus, Filius tuus; et ut, in ejus charitate usque ad mortem fideliter perseverans, tandem æternæ hæreditatis bravium accipiam. Amen.

DIES XX.

ANTE MISSAM.

Missa cum devotione celebrata excitat fidem in corde adstantium; ubi e contra Missa sine devotionis sensu celebrata presentium fidem et pietatem destruit. (S. Alph. Selva Inst. 1.) Ecclesia ceremonias adhibuit, ut majestas tanti Sacrificii commendaretur, et mentes fidelium per hæc visibilia religionis signa ad rerum altissimarum, quæ in hoc Sacrificio latent, contemplationem excitarentur. (S. Conc. Trid. sess. 22.)

Directio intentionis.

O summe ac potentissime Deus, in laudem et gloriam supremæ Majestatis tuæ; in memoriam sanctissimæ Vitæ, Passionis ac Mortis Jesu Christi, Salvatoris mei; in gratiarum actionem pro omnibus donis et beneficiis tuis, mihi indigno peccatori et toti Ecclesiæ tuæ concessis; in propitiationem pro innumeris peccatis meis; pro salute mea et proximorum N. N. pro solatio quoque defunctorum N. N. ego, indignus peccator, sanctissimi Corporis et Sanguinis tui Mysteria recolere et recipere cupio. Vere, Domi-

ne, in te solo totum est, quod satiare possit cordis mei desiderium. Quid enim mihi est in cœlo, et a te quid volui super terram? Nonne tu ipse eris merces nostra magna nimis?

Actus contritionis.

Sacrificium spiritus contribulati tibi, mi Domine Deus, una cum Sacrificio et Sacramento Corporis et Sanguinis Filii tui, Salvatoris mei, humiliter offero. Doleo enim ex intimo corde, quod te, Deum meum, summe bonum, et in me tam beneficum, ac in Sacramento me reficientem, umquam offenderim peccatis meis, præsertim talibus N. et N., quæ tu nosti, o scrutator cordium, sed et ego miser peccator in amaritudine animæ meæ dolens confiteor. Utinam nunquam offenderissem te! sed cor contritum et humiliatum, Deus, non despicias; tu, qui amore nostri dedisti nobis Unigenitum tuum, ut nos lavaret a peccatis nostris in Sanguine suo.

Actus humilitatis.

Sed quomodo audeo accedere ad te, Domine? Nonne tu Deus Creator ac Judex meus, Rex cœli et terræ? At quis ego? Vilius terræ vermiculus, pulvis et cinis, et quod indignius est, toties erga te inobediens et ingratus peccator? Vere, Domine, non sum dignus, ut intres sub tectum meum; sed memento, Domine, quia cum esses Dominus omnium, assumpta forma servi, venisti ad nos et familiariter egisti cum publicanis et peccatoribus; denique humiliasti temetipsum usque ad mortem. Illa, quæso, te moveat humilitas, ut me vilem et humilem non despicias; sed clementer ad me venias et me venientem ad te benigne suscipias.

Actus fiduciæ.

O Pater æternæ! per merita Filii tui concede mihi gratiam digne celebrandi Missam et recipiendi non solum Sacramentum sed etiam rem et virtutem Sacramenti. Offero tibi humilitatem et sanctitatem gloriosæ semper Virginis Mariæ, fervorem et devotionem omnium Sanctorum; ut illorum merita suppleant quidquid mea non valet infirmitas.

Domine Jesu, propitius esto mihi peccatori, et sacris mysteriis Corporis et Sanguinis tui fac me ita digne semper uti, ut copiosum fructum et robur contra omnes mundi, carnis ac dæmonis insidias consequar; vitia hæc N. et N. maxime fugiam; virtutes vero statui meo maxime necessarias, charitatem, humilitatem et puritatem diligentius exercere satagam et indes fidelius tibi servire studeam.

Spiritus Sancte, Deus amor Patris et Filii, adsit mihi virtus tua, quæ cor meum ab omni terrena affectione et peccatorum maculis clementer expurgans, dignum Domino meo, Jesu Christo, in me præparet habitaculum. Orna me virtutum meritis et gratiarum tuarum donis, ut fiat anima mea et maneat semper dignum totius sanctissimæ Trinitatis tabernaculum.

Oratio ad B. M. V.

Tu vere, o Beatissima Virgo Maria, es *Arca fœderis*, quæ castis tuis visceribus auctorem utriusque fœderis oclusisti; præpara, quæso, templum cordis mei, ut eundem Dominum Jesum Christum digne et reverenter in illud introducam, et ipse perpetuum sibi in illo dignetur figere tabernaculum, ita ut nunquam, sive in vita sive in morte, a Jesu separer. Amen.

Oratio ad Sanctos.

Oro te, Domine Jesu, ut suffragiis S. Angeli Custodis, S. Joseph, SS. Patronorum meorum N. N. et Sancti N. valeam gaudere, quatenus digne et devote semper merear celebrare, et quotidiana Missæ celebratione quotidie quoque in virtutibus, statui meo Sacerdotali consentaneis, proficiam. Amen.

DIES XX.

POST MISSAM

Oratio ad Jesum.

O Jesu, dulcis hospes animæ meæ ! prospere processeris ad hunc pauperculum et humilem servum. Intraveris fauste sub hoc angustissimum et vile tectum. Benedictus et superexaltatus, qui venisti in cor meum, oriens ex alto. O Rex pacifice ! fuga ex animo et corde meo catervas vanarum cogitationum ; ut te solum, pacis auctorem, contemplari et diligere queat anima mea. Ecquid, præter te, o pax, tranquillitas et dulcedo cordis mei, querat et gustet anima mea ? O fons amoris perpetui ! quomodo tui oblivisci poterò, qui mei dignatus es recordari, et te ipsum mihi dare ? Fecisti, ultra omnem spem, misericordiam cum servo tuo ; et ultra omne meritum, gratiam et amicitiam exhibuisti. Quid retribuam tibi pro gratia ista ? Utinam possem tibi servire cunctis diebus vitæ meæ ! Utinam vel uno die dignum servitium exhibere sufficerem ! Vere tu es dignus omni servitio, omni honore et laude æterna. Vere Dominus meus es, et ego pauper servus tuus, qui totis viribus teneor tibi servire, nec umquam in laudibus tuis deo fastidi-

re. Sic volo, sic desidero ; et quidquid mihi deest, tu digneris supplere. Concede mihi, benignissime Jesu, gratiam tuam, ut mecum sit et mecum laboret, mecumque usque in finem perseveret. Da mihi semper desiderare et velle, quod tibi magis acceptum est et charius placet. Tua voluntas mea sit, et mea voluntas tuam semper sequatur et optime ei concordet. Sit mihi unum velle et nolle tecum ; nec aliud posse velle aut nolle, nisi quod tu vis, et non vis. Da mihi omnibus mori, quæ in mundo sunt, et propter te amare contemni et nesciri in hoc sæculo. Da mihi super omnia desiderata in te quiescere et cor meum in te pacificare. Tu vera pax cordis, tu sola requies : extra te omnia sunt dura et inquieta. In hac pace, in idipsum, hoc est, in te uno, summo et æterno bono, dormiam et requiescam. Amen.

Gratiarum actio.

Quid tibi, Domine Jesu, retribuam pro omnibus, quæ retribuisti mihi, præsertim hodie ? Sollicitus mei, dedisti mihi Corpus tuum in cibum et Sanguinem in potum et utrumque in pignus futuræ gloriæ. Quis audivit umquam tale ? Quis vidit huic simile ? Utinam aperiantur labia mea, et repleatur os meum laude, ut cantem gloriam tuam, tota die magnitudinem tuam, et enarrem universa mirabilia tua ! Magnificet anima mea Dominum, tot tantisque affecta beneficiis ; et exultet spiritus meus in Deo salutari meo : quia respexit humilitatem servi sui, et fecit mihi magna qui potens est et esurientem implevit bonis. Laudate Dominum omnes gentes, laudate eum omnes populi : quoniam confirmata est super me misericordia ejus. Laudate eum omnes Angeli ejus ; laudate eum omnes virtutes ejus ; reges terræ et omnes populi : principes et omnes iudices terræ ;

juvenes et virgines, senes cum junioribus. Sed et lingua mea, o pie Jesu, meditabitur justitiam tuam, tota die laudem tuam. Omnia ossa mea dicent: Domine, quis similis tibi? Potens es, Domine, et veritas tua in circuitu tuo: magnificus in donis tuis, et sanctus in omnibus operibus tuis. Jucundum sit tibi eloquium meum; ego vero delectabor in te, et in mandatis tuis exercebor; tene manum dexteram meam, et in voluntate tua deduc me, ut aliquando cum gloria suscipias me. Amen.

Aspiratio ad Jesum.

Obsecro te, mitissime ac bone Jesu, ut hæc immortalis hostia pro me tibi gratias referat, me tibi reconciliet, me tibi restituat, mihiq; peccatori veniam tribuat et ad vitam perducat æternam. Amen. Anima Christi, etc. pag. 45.

Oratio ad B. M. V.

Sancta Maria, quæ in Incarnatione Domini nostri Jesu Christi facta es *Arca fœderis*, me, o Mater, benigne respice, qui dignum nunc objectum oculorum tuorum factus sum, et impetra mihi, ut ad exemplum tuum cor meum ab omni sorde peccati mundum custodiam, illudque, benigna manu tua auxiliante, virtutibus fidei Sacerdote dignis omni die magis ac magis exornare studeam. Amen.

Oratio ad Sanctos.

Concede mihi, Domine Jesu Christe, intercedentibus S. Angelo Custode, S. Joseph, SS. Patronis meis N. N. et Sancto N., tibi, in Eucharistia vere, realiter et substantialiter præsentī, semper magis cre-

dere, in te spem habere, te diligere, donec, te revelata cernens facie, visu sim beatus tuæ gloriæ. Amen.

DIES XXI.

ANTE MISSAM.

O veneranda Sacerdotum dignitas, in quorum manibus, veluti in utero Virginis, Dei Filius incarnatur! (S. Aug. Hom. 2 in Ps. 37.) *Virgo benedicta, excusa me, quia non loquor contra te: Sacerdotium Filius tuus prætulit super te.* (S. Bernardinus Sen. Tom. 1 Serm. 20.)

Actus fidei.

Credo firmiter, o Jesu, et viva fide profiteor, quia tu ipse, Deo Patri æqualis in gloria et potestate, verus Deus et Homo, vere et realiter præsens es in hoc Sacramento. Tu enim ipsa veritas dixisti: Hoc est Corpus meum. Hic est calix Sanguinis mei. Credo quidquid dixit Dei Filius; nil hoc verbo veritatis verius. Adjuva, Domine Deus meus, incredulitatem meam, adauge mihi fidem, in qua, auxiliante tua divina gratia, vivere volo et mori.

Actus spei.

O Christe Jesu! sum quidem ego pulvis, cinis et peccator; sed tu Pater es misericordiarum et Deus totius consolationis. Quis umquam intellexit misericordias tuas? Nonne tu laborantes et oneratos vocas ad te, ut eos reficias? Nonne tu es refugium meum? Ad quem ergo irem? Tu solus verba æternæ vitæ

juvenes et virgines, senes cum junioribus. Sed et lingua mea, o pie Jesu, meditabitur justitiam tuam, tota die laudem tuam. Omnia ossa mea dicent: Domine, quis similis tibi? Potens es, Domine, et veritas tua in circuitu tuo: magnificus in donis tuis, et sanctus in omnibus operibus tuis. Jucundum sit tibi eloquium meum; ego vero delectabor in te, et in mandatis tuis exercebor; tene manum dexteram meam, et in voluntate tua deduc me, ut aliquando cum gloria suscipias me. Amen.

Aspiratio ad Jesum.

Obsecro te, mitissime ac bone Jesu, ut hæc immortalis hostia pro me tibi gratias referat, me tibi reconciliet, me tibi restituat, mihiq; peccatori veniam tribuat et ad vitam perducat æternam. Amen. Anima Christi, etc. pag. 45.

Oratio ad B. M. V.

Sancta Maria, quæ in Incarnatione Domini nostri Jesu Christi facta es *Arca fœderis*, me, o Mater, benigne respice, qui dignum nunc objectum oculorum tuorum factus sum, et impetra mihi, ut ad exemplum tuum cor meum ab omni sorde peccati mundum custodiam, illudque, benigna manu tua auxiliante, virtutibus fidei Sacerdote dignis omni die magis ac magis exornare studeam. Amen.

Oratio ad Sanctos.

Concede mihi, Domine Jesu Christe, intercedentibus S. Angelo Custode, S. Joseph, SS. Patronis meis N. N. et Sancto N., tibi, in Eucharistia vere, realiter et substantialiter præsentī, semper magis cre-

dere, in te spem habere, te diligere, donec, te revelata cernens facie, visu sim beatus tuæ gloriæ. Amen.

DIES XXI.

ANTE MISSAM.

O veneranda Sacerdotum dignitas, in quorum manibus, veluti in utero Virginis, Dei Filius incarnatur! (S. Aug. Hom. 2 in Ps. 37.) *Virgo benedicta, excusa me, quia non loquor contra te: Sacerdotium Filii tuis prætulit super te.* (S. Bernardinus Sen. Tom. 1 Serm. 20.)

Actus fidei.

Credo firmiter, o Jesu, et viva fide profiteor, quia tu ipse, Deo Patri æqualis in gloria et potestate, verus Deus et Homo, vere et realiter præsens es in hoc Sacramento. Tu enim ipsa veritas dixisti: Hoc est Corpus meum. Hic est calix Sanguinis mei. Credo quidquid dixit Dei Filius; nil hoc verbo veritatis verius. Adjuva, Domine Deus meus, incredulitatem meam, adauge mihi fidem, in qua, auxiliante tua divina gratia, vivere volo et mori.

Actus spei.

O Christe Jesu! sum quidem ego pulvis, cinis et peccator; sed tu Pater es misericordiarum et Deus totius consolationis. Quis umquam intellexit misericordias tuas? Nonne tu laborantes et oneratos vocas ad te, ut eos reficias? Nonne tu es refugium meum? Ad quem ergo irem? Tu solus verba æternæ vitæ

habes : tu solus consolaris me in omni tribulatione mea. Sum quidem æger et infirmus : sed tu es salus mea : non est opus bene valentibus medico sed male habentibus. Si solummodo pertransiens curabas omnes ; si umbra Petri curabat infirmos : nonne ego confidere debeo, quia, intrante te sub tectum meum, et in me inhabitante cum plenitudine Divinitatis, sanabor ab infirmitatibus meis ? Igitur cum nihil, te propitio, mihi conscius sim, surgo et vado ad te Patrem, medicum et refugium meum ; sperans, quod hoc Sacrificium et hæc Communio futura mihi sint fidei, spei et charitatis augmentum : contra inimicorum meorum insidias firmissima tuitio ; turpium cogitationum effugatio ; hujus defectus et vitii N. exterminatio ; operum tibi placentium et præsertim hujus virtutis N. salubris efficacia ; et tandem pignus futuræ gloriæ. Reposita est hæc spes mea in sinu meo ; quia miserator et misericors es et in promissis fidelissimus.

Actus charitatis.

O Dulcissime Salvator, Christe Jesu, quanta fuit vis amoris, quæ te traxit e sinu Patris in hanc lacrymarum vallem, ut humanam carnem assumeres ; infuitas miserias, injurias, imo crucem mortemque subires ; idque solum propter miseros nos homines et propter nostram salutem ! O quantus amor damnare nos poteras et salvare maluisti ! nos rei eramus, et tu innocens subis supplicium, ut reos liberes ! Ex amore itaque ad nos in carnem venisti, et demum abiturus ex hoc mundo ad Patrem, in pignus amoris, hoc Sacramentum nobis reliquisti : ut modo prorsus novo et admirabili semper nobiscum maneres, cujus deliciæ sunt esse cum filiis hominum. O Domine : quantum dignus es amari, qui tanta facis amore no-

stri ! Diligam itaque te, Domine, fortitudo mea, refugium meum et liberator meus. O Deus charitas ! qui in charitate manet, in te manet. Cupio te suscipere in hoc Sacramento, ut tibi firmiter uniar amoris vinculo. Quis me separabit a charitate Christi, Salvatoris mei ? Utinam hoc nec vita, nec mors, nec ulla fortunæ sors, aut ulla valeat creatura !

Actus contritionis

EX MISSA S. JACOBI APOST.

Domine, Deus noster, Panis cœlestis, Vita universi, peccavi in cœlum et coram te, et non sum dignus particeps fieri immaculorum tuorum Mysteriorum. Sed ut misericors Deus, dignum me fac gratia tua, ut citra condemnationem particeps fiam sancti Corporis et pretiosi Sanguinis in remissionem peccatorum et vitam æternam. Amen.

Oratio ad B. M. V.

O Maria, o *Janna Cœli*, per quam, ut confido, ad æterna aliquando introibo tabernacula, auxiliare mihi, qui ad Altaris Sacramentum accedere paratus sum : ut, divino illo cibo confortatus, ambulem per hujus mundi desertum usque ad montem Dei, et ibi Jesum non amplius oculis fidei, sed facie ad faciem tecum videam in sæcula sæculorum. Amen.

Oratio ad Sanctos.

Suppliciter te deprecor, dulcissime Jesu, per merita S. Angeli Custodis, S. Joseph, SS. Patronorum meorum N. N. et Sancti N. concede mihi illa semper fide, illa devotione et reverentia sanctissima Mystera

Corporis et Sanguinis tui celebrare, ut quotidie mihi prosit, quod quotidie ad salutem meam mihi recolare donasti. Amen.

DIES XXI.

POST MISSAM.

Offer Deo Patri Filium suum.

Clementissime Pater, qui sic dilexisti me, ut Unigenitum tuum mihi dares in pretium et in cibum, et cum eo omnia : respice in faciem Christi tui, in quo tibi bene complaces. Hunc ego dilectum Filium, et cum eo cor meum retribuo tibi pro his, quæ hodie retribuisti mihi. Complaceat tibi, Pater, hodie in illo, et per eum indignationem tuam avertas a me. Ecce mediator Dei et hominum, Christus Jesus, advocatus et pontifex, qui interpellat pro me. Hunc ego offero tibi ; ipsum, qui peccatum non fecit, sed tulit peccata mundi, et languores nostros suo livore sanavit. Suscipe igitur, O Sancte Pater, hanc immaculatam Hostiam, in laudem et gloriam nominis tui ; in gratiarum actionem pro omnibus beneficiis tuis in me collatis ; in remissionem quoque peccatorum meorum, et in supplementum omnium defectuum meorum.

Offer teipsum Christo.

O Domine ! quia ego servus tuus et filius ancillæ tuæ ; abrenuntio satanæ et omnibus operibus ejus, et omnibus pompis ejus : tu solus Deus cordis mei et pars mea Deus in æternum : tu solus pars hæreditatis meæ et calicis mei : tu es qui restituas hæreditatem meam mihi. Suscipe ergo solus universam libertatem

meam ; accipe memoriam, intellectum atque voluntatem omnem ; quidquid habeo, vel possideo, mihi largitus es ; id totum tibi restituo, ac tuæ prorsus voluntati trado gubernandum : amorem tui solum cum gratia mihi dones, et dives sum satis, nec quidquam aliud ultra posco.

Postula dona Dei.

Omnipotens, sempiterna Deus, conservator animarum, mundique Redemptor, me famulum tuum ante majestatem tuam prostratum benignissime respice, et Sacrificium, quod, in honorem nominis tui, pro salute fidelium tam vivorum quam etiam defunctorum, et peccatis et offensionibus meis obtuli, piissime respice : iram tuam a me remove, gratiam et misericordiam mihi concede, januam paradisi mihi pande, ab omnibus malis me potenter eripe ; et quidquid proprio commisi reatu, clementer indulge. Sic in hoc sæculo in præceptis tuis fac me perseverare, ut dignus electorum gregi copulari efficiar, te præstante, Deus meus ; cujus nomen benedictum, honor atque regnum permanet in sæcula sæculorum. Domine, qui benedicis benedicentes te, et sanctificas eos, qui in te confidunt ; salva populum tuum, et benedic hæreditati tuæ et custodi Ecclesiæ tuæ plenitudinem. Sanctifica diligentes decorem domus tuæ. Tu eis gloriam retribue per Divinam potentiam tuam, et ne derelinquas, Deus, sperantes in te. Ægrotis da auxilium, remedium et consolationem. Peregrinantibus pacem tribue. Aerem tempera. Fructibus terræ benedic. Conserva in pace mundum, ecclesias, reges, sacerdotes et omnem populum tuum. Defunctis requiem præsta ; eorumque, qui dona obtulerunt et pro quibus obtulerunt, memor esto. Eos qui in qua-

cumque tribulatione et angustia sunt, salva, et nobis gratiam tribue. Amen.

Anima Christi, etc. pag. 45.

Oratio

EX MISSA S. JACOBI APOST.

Imple os nostrum laude tua, Domine, et gaudio reple labia nostra, ut laudemus gloriam tuam, tota die magnificentiam tuam. Gratias agimus tibi, Christe, Deus noster, quoniam dignatus es nos participes facere Corporis et Sanguinis tui in remissionem peccatorum et vitam æternam. Nos a condemnatione conserves, obsecramus, ut qui bonus es etiam benignus sis. Amen.

Oratio ad B. M. V.

Ad te, o Mater et *Cæli janua*, recurro, humillime orans, ut, te intercedente, gratias cunctas, quas pro me et aliis mediante hoc sancto Sacrificio impetrare desidero, nobis Dominus Jesus Christus concedat, tandemque nos omnes ad vitam perducat sempiternam, illic cum Angelis et Archangelis illius in nos amorem, et maternam tuam erga nos dilectionem in æternum decantaturus. Amen.

Oratio ad Sanctos.

Rogo te, piissime Jesu, ut suffragiis S. Angeli Custodis, S. Joseph, SS. Patronorum meorum N. N. et Sancti N. a charitate tua nec in vita, nec in morte separer, et quotidie æmuler charismata meliora; donec, consummato hujus vitæ labore, ut servus bonus et fidelis intrare merear in gaudium tuum. Amen.

DIES XXII.

ANTE MISSAM.

Sacerdos est inter Deum et hominem mediis constitutus, minor Deo sed major homine. (Inn. III Serm. 2. in Cons. Pont.)

Qui sacerdotem dicit, prorsus divinum insinuat virum. Angelica imo Divina ejus est dignitas. (S. Dion. de cæl. Hier. c. 3.)

Oratio preparatoria.

O dulcissime Salvator, Christe Jesu, adoro te ex toto corde meo, et gratias ago tibi ex intimis visceribus animæ meæ, quod tanta charitate nos misere perditos redemeris pretio Sanguinis tui; et in hujus amoris tui memoriam, nec non in pignus futuræ gloriæ tam admirabili potentia, sapientia et bonitate, dederis nobis in cibum et potum ipsum Corpus et Sanguinem tuum. Denique ad hæc Divina Mysteria celebranda me vilissimum peccatorem in numerum Sacerdotum tuorum tua ineffabili clementia vocare dignatus sis. Sed eheu infelix ego homo! qui hactenus tam indigne vocatione tua vixi, et toties et tam graviter te Deum meum offendi peccatis meis, præsertim his N. N. At nunc de iis doleo ex intimo corde meo ob amorem tui super omnia, et deinceps tibi soli servire, placere, et adhærere propono. Proinde, nunc accedens ad mensam convivii tui, ex omni affectu cordis mei dignissimum Sacrificium Corporis et Sanguinis tui, quod tu ipse semel pro nobis in Ara Crucis obtulisti, pura et simplici intentione offero ad laudem et gloriam æternæ Majestatis tuæ; in memoriam sacratissimæ Incarnationis, Vitæ, Pas-

sionis et Mortis tuæ. In gratiarum actionem pro omnibus donis et beneficiis, toti cœtui Electorum et mihi, licet indignissimo, hucusque præstitis vel umquam præstandis : in propitiationem peccatorum meorum et totius mundi : pro salute quoque fidelium vivorum N. N. et solatio defunctorum N. N. Et utinam ex omni affectu, fervore et desiderio amicorum tuorum, vel jam regnantium in cœlo, vel adhuc militantium in terris, hoc tam grande pietatis opus peragere possem !

Oratio ad Jesum.

Audivi vocem tuam, Domine Jesu ; venite ad me omnes qui laboratis et onerati estis, et ego reficiam vos. O Sancte Sanctorum ! ecce tu inclinas te ad me ; tu vis esse mecum ; tu me invitas ad convivium tuum ; tu mihi dare vis cœlestem cibum et Panem Angelorum ad manducandum ; non alium sane, quam te ipsum, Panem vivum, qui de cœlo descendisti et das vitam mundo. O invisibilis conditor mundi ! quam mirabiliter agis nobiscum ! quam suaviter et gratiose cum electis tuis disponis, quibus temetipsum in Sacramento sumendum proponis ! Lætare, anima mea et gratias age Deo pro tam nobili munere et solatio singulari, in hac lacrymarum valle tibi relicto.

Actus contritionis.

Terrent me, Domine, delicta mea, et ad capiendâ tanta Mystéria me reverberat impura mea conscientia. Provocat me dulcedo verborum tuorum ; sed onerat me multitudo vitiorum meorum. Quis ego sum, Domine, ut ad te præsumam accedere ? Quomodo ausus ero ad te venire, qui nihil boni mihi conscius sum, unde possum præsumere ? Quomodo te introducam in domum meam, qui sæpius offendi

benignissimam faciem tuam, quam reverentur Angeli et Archangeli, quam metuunt sancti et justi ? Peccavi, Domine, peccavi ; miserere mei, ignosce mihi. Quid possum agere pro peccatis meis, nisi humiliter ea confitendo et lamentando, et tuam propitiationem ardentè deprecando ? Deprecor te, exaudi me propitius, Deus meus. Omnia peccata mea mihi maxime displicent ; nolo ea umquam amplius perpetrare ; pro eis doleo, et dolebo quamdiu vixero. Omnia totius vitæ meæ delicta pariter incende et combure igne charitatis tuæ ; dele universas maculas eorum ; conscientiam meam ab omni delicto emunda, et restitue mihi gratiam tuam, quam peccando amisi, omnia mihi plene indulgendo, et ad osculum pacis me misericorditer assumendo. Amen.

Oratio ad E. M. V.

Virgo superbenedicta, ad te tamquam ad *Stellam matutinam*, quæ animam meam lætificat et ad omnem virtutem viam indicat, oculos attollo, suppliciter orans ; ut pro me apud Dominum meum Jesum-Christum intercedas, quatenus peccata mea mihi remittere et Corporis et Sanguinis sui perceptione mihi augmentum suæ gratiæ largiri dignetur, et ita mundatus et ditatus sanctius quotidie vivam in ordine sacerdotali. Amen.

Oratio ad Sanctos.

Dulcissime Domine Jesu-Christe, qui me ad officium Sacerdotale eligere dignatus es, te oro ut per intercessionem S. Angeli Custodis, S. Joseph, SS. Patronorum meorum N. N. et Sancti N. Officium ipsis Angelicis creaturis formidandum nunc et semper sancte obire valeam, et, soluto mortalitati humanæ

debito cum omnibus tuis sanctis Sacerdotibus partem habeam in cœlis. Amen.

DIES XXII.

POST MISSAM.

Gratiarum actio.

O elementissime Salvator, Christe Jesu! quam suavis es et mitis, et multæ misericordiæ omnibus invocantibus te! Cum enim non essemus, divina potentia creasti nos; cum inimici tui essemus, e cœlo veniens mira sapientia redemisti nos; et quia sine te tam corpore quam spiritu vivere, moveri et esse non possumus, immensa bonitate tua tot Sacramentis et auxiliis gratiæ nos usque conservas; imo Corpus et Sanguinem tuum, id est teipsum, modo prosum admirabili in hoc Sacramento largiris. O Charitas! o Pietas! o novum et grande Mysterium! Tune, Deus meus, ad me venire dignaris? Rex ac Dominus summæ Majestatis ad infimum servum? Deus ad hominem? Creator ad creaturam? Unde hoc mihi, ut tu, Domine, venias ad me? O Deus et Dominus roster! quam admirabile est nomen tuum in universa terra! et quis narrabit potentias et auditas faciet omnes laudes tuas? Ego quidem, etsi omnia membra mea verterentur in linguas et omnes vitæ meæ respirationes in tui laudes et gratiarum actiones; attamen longe minor essem cunctis miserationibus tuis. Unde agnoscens insufficientiam meam, id unum votis omnibus exopto, ut omnes creaturæ tuæ mecum et pro me laudent et benedicant nomen tuum in æternum.

Piæ aspirationes ad Jesum.

Inveni quem diligit anima mea; tenui eum, nec dimittam. Te, mi Jesu, amplector. Te, amorem et gaudium meum, obtineo. Te cordis mei thesaurum comprehendo, in quo omnia possideo. De omnibus necessitatibus meis erue me, Domine, et fac, ut tam plene tibi sim, quam tu mihi. Tu es, o Jesu, Creator meus; cor mundum crea in me, et Spiritum rectum innova in visceribus meis. Tu es Rex et Dominus meus; posside me et nemo præter te. Tu es Doctor et Magister meus; bonitatem et disciplinam et scientiam doce me. Tu es Advocatus meus apud Deum Patrem; fac ut avertat indignationem suam a me. Tu es qui venturus es judicare vivos et mortuos; ne intres in judicium cum servo tuo. Tu es dilectus meus Sponsus; desponsa me tibi in misericordia et miserationibus. Tu Dux et Defensor meus; pone me juxta te, et ejusvis manus pugnet contra me. Tu Victima pro me factus es; in Domino sperans non infirmabor. Tu Salvator et Redemptor meus es; consumma opus tuum, et labor tuus non sit cassus. Tu es Pars hereditatis meæ, et Portio mea in terra viventium; hereditatem meam restitue mihi. Tu es Gloria mea, Corona et Merces mea magna nimis; admitte me in bona Domini, quæ præparasti diligentibus te. O Jesu! o piissime Jesu! o Jesu, fili Mariæ Virginis! infunde in me gratiam, sapientiam, charitatem, castitatem, humilitatem; ut possim te perfecte diligere, te laudare, te perfrui, tibi servire, et in te gloriari, nunc et in perpetuum. Amen.

Alia ad Jesum oratio.

O Jesu! vita mea, gaudium meum et summa suavitas! quid poterit me separare a te? An voluptas

brevis, opes caducae, honores falsi, nugae nugarum? Nec illae, nec istae facient, o bone Jesu! mihi enim tibi adherere bonum est et ponere in te spem meam. Adjuva me, pie Jesu, in sancto proposito meo; promissionum mearum ne me sinas umquam oblivisci. Sit mihi Sacratissimum tuum Sacramentum contra omnium peccatorum meorum vulnera efficacissimum medicamentum, ac omnis gratiae et virtutis victoriosum complementum: sit contra omnia mala et pericula validissimum tutamentum, aeternaeque beatitudinis solidissimum fulcimentum. Amen.

Anima Christi, etc. pag. 45.

Oratio ad B. M. V.

Sancta Virgo Maria, *Stella matutina* quae viam nobis ad patriam caelestem indicas, pro me indigno cliente tuo precari digneris; ut te, stellam, sequens et nec ad dexteram nec ad sinistram declinans, ad te et ad Jesum, Filium tuum, secure perveniam, ac te, eundemque dilectissimum tuum Jesum, in societate omnium Sanctorum et Electorum, sine fine amem et collaudem. Amen.

Oratio ad Sanctos.

Sancti Angeli Custodis, S. Joseph, SS. Patronorum meorum N. N. et Sancti N. confisus suffragiis, te, Domine Jesu Christe, suppliciter rogo, ut cum perceptione Corporis tui sacri et Sanguinis tui pretiosi concedas mihi in cunctis tribulationibus et adversitatibus patientiam et cum tua sancta voluntate conformitatem; quatenus tecum patiens, tecum glorificari merear. Amen.

DIES XXIII.

ANTE MISSAM.

Stat Sacerdos, non sicut Elias ignem gestans, sed Spiritum Sanctum; preces multo tempore fundit, non ut fax demissa caelitus apposita, consumat, sed ut gratia in Sacrificium delapsa per illud omnium animos inflammet, et argento igne purgato splendidiore exhibeat. Hoc itaque terribilissimum ministerium quis tandem, nisi admodum insaniat, vel mente captus sit, despiciere queat? (S. Chrys. L. 3. de Sac.)

Actus diversarum virtutum.

Corde credo, o Jesu, et ore confiteor, quia Pater aeternus, Deus in seipso summe beatus, potens, perfectus, et nullius egens, secundum infinitam misericordiam suam sic dilexit mundum ut te Filium suum Unigenitum nobis daret Salvatorem. Credo quoque, quod tu ipse, Patri aequalis per omnia, ex vi immensae charitatis tuae de sinu Patris descendisti in uterum Virginis, et propter nos homines Homo factus es. Credo, quod, ex amore nostri hoc sanctissimum Sacramentum in ultima cena instituens, verum Corpus et Sanguinem tuum nobis ad manducandum et bibendum dedisti. Et denique, Patri tuo factus obediens usque ad mortem, temetipsum pro nobis hostiam in Ara Crucis obtulisti.

Ideoque spero in te, et magna fiducia venio ad te, o Domine, qui nostri causa tam mira facere et tam dura pati voluisti. Quid enim negare poteris, qui sic amasti, ut teipsum dares?

Amo te quoque, o bone Jesu, et tota virtute cordis mei; et semper deinceps et in aeternum te amabo, si tu, Deus meus, dederis.

Sed quid retribuam tibi, Domine, pro tanto munere, et pro omnibus quæ retribuisti mihi? Ecce abego memetipsum; et totum me, corpus et animam, et omnia mea in omne beneplacitum benignissimæ voluntatis tuæ plene et ex toto corde resigno. Verum quid habeo, quod non acceperim? Quid est homo, si comparetur factori suo? Quid vilis creatura, vermibus terræ, miser peccator, servus inutilis præstare poterit Deo, Creatori ac Domino suo?

Agnosco, quia pauper et inops sum ego, ideoque humilio me sub potenti manu tua. Tu vero, o Domine Jesu, utpote advocatus et mediator meus, dives in meritis et miserationibus, suscipe causam meam et ex thesauro immensæ charitatis tuæ fer opem inopia meæ, et pretium Sanguinis tui omniumque meritorum tuorum repræsentâ æterno Patri tuo; et hinc supple omnem defectum meum, præcipue hujus meæ, heu! nimis modicæ et imperfectæ præparationis, qua ad hæc Sancta Mysteria venio; ut sic per te ei placeat obsequium indignissimæ servitutis meæ.

Fac etiam o bone Jesu, per omnes miserationes tuas, ut hoc tremendum Mysterium et admirabile donum charitatis tuæ, debita semper fide, reverentia et gratitudine prosequar, idque puro et ardenti corde nunc et semper recipiam. Statum hunc quoque Sacerdotalem, ad quem me ex singulari gratia vocare dignatus es, charitate, castitate, humilitate, mansuetudine, patientia, sobrietate, moribusque tibi placitis et Sacerdote fideli dignis, excolere studeam; idque, ut servitus mea magis tibi placeat, ad majorem gloriam tuam, Ecclesiæ utilitatem, et propriam proximique salutem.

Unde tandem supplex rogo, ut per virtutem Corporis et Sanguinis tui abstrahas cor meum efficaciter ab his meis noxiis affectibus N. N. qui gustum ac fructum hujus Sacramenti impediunt; et intime tibi

me unias et incorpores, ut gustem quam suavis sis, Domine, et unus tecum efficiar spiritus, ut tu in me, et ego in te maneam; adeoque nihil sit, quod me umquam valeat separare a te. Nam tibi adhærere mihi bonum est. Quid enim mihi est in cælo, et a te quid volui super terram? Opars mea, Deus, in æternum!

Directio intentionis.

Domine Jesu, qui universorum es conditor, omniumque bonorum largitor, en ego pauper, nudus, miser et miserabilis ad te confugio, ut mei miserearis et cuncta mea peccata deleas et ita digne ad tuum sanctum Altare accedam. Tibi enim offerre cupio Sacrificium immaculatum in memoriam Passionis et Mortis tuæ, obsecrans ut illud per Cor tuum suscipias et Patri offeras in unione omnium meritorum tuorum et Mortis tuæ in Cruce et in unione illius intentionis, quibus tu illud obtulisti in Ara Crucis. Parce itaque Domine generi humano, quod tu creasti et per Mortem tuam ab æterna morte redemisti, da unicuique sicut tu scis, potes et vis ad gloriam tuam et omnium salutem. Amen.

Oratio ad B. M. V.

O benedicta inter omnes Virgo Maria, tu qui es *Salus infirmorum et afflictorum Consolatrix*, mihi infirmo et afflicto servo tuo materna pietate succurre; ut animæ robur et Spiritus Sancti consolationem per hanc Jesu-Christi Corporis et Sanguinis communionem percipere valeam, quatenus in mediis perversis hujus mundi perturbationibus et dæmonum tentationibus, Deo animo semper inconcusso adhæream. Amen.

Oratio ad Sanctos.

Omnipotens, sempiternæ Deus, oro te suppliciter, at intercessionem placatus S. Angeli Custodis, S. Joseph, SS. Patronorum meorum N. N. et Sancti N. omnia delicta mea abstergere animamque meam super nivem dealbare digneris, ut purus ad te Deum puritatis accedere, et ex perceptione Divinorum Mysteriorum gratias desideratas valeam percipere. Amen.

DIES XXIII.

POST MISSAM

Oratio ex Imitatione Christi.

O dilecte mi, electe ex millibus, Jesu Domine, in quo complacuit animæ meæ habitare omnibus diebus vitæ suæ. O pacifice mi, in quo pax summa, requies vera! O Deus abscondite, cujus sermo cum humilibus! o vere ineffabilis gratia tua! o vere admirabilis dignatio tua! o amor immensus, animæ meæ singulariter impensus! o Jesu, quanta est dulcedo in convivio tuo! O quam dulce mihi foret in præsentia tua ex intimo affectu lacrymas fundere, et cum pia Magdalena pedes tuos lacrymis irrigare! Certe in conspectu tuo et sanctorum Angelorum tuorum totum cor meum ardere deberet et ex gaudio flere. O quam magnum suscepi Dominum! quam dilectum induxi hospitem! quam jucundum recepi socium! quam fidelem acceptavi amicum! quam speciosum et nobilem amplector sponsum! O Jesu bone! sileant a facie tua cælum et terra, et omnis ornatus eorum. Mane in secreto, anima mea, et frue Deo tuo: ipsum enim habes, quem totus mundus tibi auferre non potest.

Oblatio.

O Pater misericordiarum, et Deus totius consolationis, qui ex abundantia infinitæ charitatis tuæ dedisti mihi Unigenitum Filium tuum! En ego, miser peccator, nunc particeps factus Corporis et Sanguinis ejus, illum in pectore meo complectens et tamquam rem meam intime mihi conjunctam possidens; illum ipsum, in unione charitatis, qua seipsum dedit in Ara Crucis, tibi offero. Ecce hic est thesaurus, Pater clementissime, in quo totam spem reposui; hæc sunt divitiæ, quas offero in satisfactionem debitorum meorum. Aspice, pie Pater, in faciem Christi tui; et cum sit hic Filius tuus dilectus, in quo tibi bene semper complacuit, qui mihi nunc intime conjunctus est, supplex rogo, ut me quoque aspicias oculis misericordiæ tuæ. Sub ejus protectione ac tutela, sub umbra meritorum ipsius compareo coram te; ut, illum præcipue intuens, me quoque clementer ac benigne respicias tamquam mancipium ejus ac servum perpetuum. Ne permittas, obsecro, ut pereat illa anima, quæ toties in se recipit Filium tuum, qui, a te missus, venit in mundum quærere et salvum facere quod perierat. Hoc præsta mihi per infinitam misericordiam tuam. Amen.

Invocatio.

Sit, quæso Domine, hæc præcellentissima Hostia, quam tibi modo obtuli, in plenam emendationem, expiationem atque satisfactionem, pro omnibus peccatis et negligentis meis et pro peccatis totius mundi. Per illam instaure omnes ruinas meas spirituales et supple omnem inopiam meam. Per illam mortifica in me quicquid tibi displicet, et effice me hominem secundum cor tuum. Per illam conforma spiritum,

animam et corpus meum, Spiritui, Animæ et Corpori sacre Humanitatis tuæ, meque totum luce Divinitatis tuæ illustra. Per illam largire, ut in te stabiliar, te perfecte et perseveranter diligam, intime tibi uniar ac totus in te transmuter, ad laudem nominis tui, quod invocatum est super nos. Convertè, Domine, miseros peccatores; revoca hæreticos atque schismaticos; illumina infideles te ignorantes; adesto omnibus, qui in necessitate et tribulatione aliqua sunt constituti; adesto his, qui se meis precibus commendarunt, aut commendatos esse cupiunt; adesto parentibus, propinquis et benefactoribus meis, vivis et defunctis. Miserere omnium, pro quibus orare debeo et tu rogari vis; da vivis veniam et gratiam; da fidelibus defunctis requiem et lucem sempiternam. Tibi laus, Christe Jesu, in sæcula sæculorum. Amen.

Anima Christi, etc. pag. 45.

Oratio ad B. M. V.

O benignissima Virgo Maria, tu quæ es *Salus infirmorum et afflictorum Consolatrix*, pro me intercede apud dilectissimum Filium tuum, ut Corpus et Sanguis ejus, quæ modo suscepi præsentent mihi robur contra tentationes inimici, et animam meam spiritali gaudio repleant; quatenus Domino ac Deo meo in sancta lætitia serviens, in ejus amore et status Sacerdotalis perfectione jugiter crescere valeam. Amen.

Oratio ad Sanctos.

Per merita et intercessionem S. Angeli Custodis, S. Joseph, SS. Patronorum meorum N. N. et Sancti N. te suppliciter deprecor, Domine Jesu Christe, ut qui me Pane Angelorum cibare dignatus es, tribuas

etiam Angelicis moribus vivere, et ea quæ sursum sunt sapere et quærere, non quæ super terram. Amen.

DIES XXIV.

ANTE MISSAM.

Quo non oportet esse puriorem tali fruentem Sacrificio? Quo solari radio non splendidiorem manum Carnem hanc dividentem? Os quod igne spiritali repletur? Linguam quæ tremendo nemis Sanguine rubescit? (S. Chrys. Hom 83 in Matt.)

Necesse est. Sacerdotem sic esse purum, ut, si in ipsis Cælis collocaretur, inter cælestes virtutes medius staret. (Idem de Sac. Lib. 6.)

Actus fidei.

Credo et confiteor, quia tu præsens es in Altaris Sacramento, Deus meus, Sanctus Sanctorum, Creator omnium et Dominus Angelorum. Quidquid de hoc Augustissimo Mysterio non valeo intelligere, tibi Deo omnipotenti secure commendo: non fallis me, Deus meus. Et si talia essent opera tua, ut facile ab humana ratione caperentur, non essent mirabilia nec ineffabilia dicenda. O quam admirabilis operatio tua Domine! quam potens virtus tua: quam ineffabilis veritas tua? dixisti enim et facta sunt omnia; et hoc factum est, quod ipse jussisti.

Actus spei.

Super bonitate tua et magna misericordia tua, Domine, confisus, accedo æger ad Salvatorem, esuriens et sitiens ad Fontem vitæ, egenus ad Regem cæli, servus ad Dominum, creatura ad Creatorem, deso-

latus ad meum pium Consolatorem : sperans, quod in hoc Sacramento mihi conferetur spiritualis gratia et reparabitur in anima mea virtus amissa, et per peccatum deformata redibit pulchritudo, et demum conservabitur cor meum et corpus immaculatum.

Actus charitatis.

O Dilecte mi, da mihi pro te omnes dilectos relinquere, et te solum super omnia amare et te mihi venti et morienti amicum retinere. Esse sine te gravis est infernus ; et esse tecum dulcis paradus. O thesaurus inestimabilis ! o bonum super omne bonum ! o Deus meus et omnia ! intelligenti satis dictum est, et saepe repetere jucundum est amanti. Purifica, lætifica, clarifica et vivifica spiritum meum cum suis potentiis, ad inhærendum tibi jubilosis excessibus.

Actus desiderii.

Ecce, Domine, in te est totum, quod desiderare possum et debeo. Tu salus mea et redemptio, spes et fortitudo, decus et gloria. Desidero te nunc devote et reverenter suscipere. Cupio te in domum meam inducere ; quatenus cum Zachæo merear a te benedicti ac inter filios Abrahæ computari. Anima mea Corpus tuum concupiscit ; cor meum tecum uniri desiderat. Noli avertere faciem tuam a me ; noli visitationem tuam abstrahere. Veni, Domine, veni ad pauperculum tuum et lætum fac eum ; veni et satia me tua præsentia. Quamdiu hoc datum non fuerit, nec plenum gaudium meum erit.

Actus contritionis.

Confiteor tibi, Domine, Deo meo omnipotenti omnia

peccata mea, quæcumque ab infantia mea usque nunc scienter aut ignoranter commisi. Et quæcumque præsertim in hac die ac nocte, dormiens et vigilans, in verbis, factis, cogitationibus contra tuam sanctissimam voluntatem patravi, tibi confiteor, et veniam peto, ut ira tua non veniat super me miserum peccatorem, sed benedictio Dei omnipotentis descendat super me et maneat semper. Suscipe hanc confessionem meam, unica spes salutis meæ, Domine Deus meus, de quibuscumque meis peccatis gulæ, ebrietatis, libidinis, acediæ, somnolentiæ, iræ, cupiditatis, invidiæ, detractionis, murmurationis, mendacii, vanæ gloriæ, levitatis, inobedienciæ atque superbiæ : de omni cogitatione, locutione atque multis malis meis, quorum coram te reus sum. Qui justificas impium et vivificas mortuos, resuscita me et indulge famulo tuo ; quia peccator indignus sum, qui præsumam ad tuum sanctum Altare accedere et te invocare. Merear, Domine, percipere Sacrosanctum Corpus et Sanguinem tuum, non in iudicium et condemnationem, sed in remissionem omnium peccatorum meorum et in augmentum tui sancti amoris et gratiæ ; ut illuc tandem merear introire, ubi summum bonum es et ineffabile gaudium omnium Sanctorum. Amen.

Directio intentionis.

Ego volo istam Missam cum debita attentione et devotione celebrare et offerre illud Sacrificium ad laudem Dei, in gratiarum actionem pro beneficiis ab eo acceptis, in remissionem meorum et totius mundi peccatorum. Tandem volo hujus Sacrificii fructus communicare mihi, parentibus, fratribus, sororibus, consanguineis et omnibus mihi commendatis, præcipue N. et N. quibus tu, Domine Deus, vis et scis

me obligatum : et hanc mihi et illis communicatio-
nem volo et a te Deo meo, postulo, in quantum licite
et secundum leges justitiæ ac charitatis velle et postu-
lare possum.

Oratio ad B. M. V.

O Sancta Virgo Maria, *Refugium peccatorum* et
Christianorum Auxilium, omni cum fiducia ad ma-
ternam et benignissimam tuam protectionem confu-
gio. Ah ! pro me misero et christiano nomine indig-
no peccatore intercedere digneris ; ut perceptio
Corporis et Sanguinis Domini mei Jesu-Christi non
proveniat mihi in judicium et condemnationem, sed
prosit mihi ad tutamentum mentis et corporis. Amen.

Oratio ad Sanctos.

In auxilium meum properate S. Angele Custos, S.
Joseph, SS. Patroni mei N. N. et Sancte N. ut, vo-
bis intercedentibus, det mihi Dominus Deus meus
cor contritum et humiliatum, quatenus tanta mun-
ditia et devotione Sacrosanctum Missæ Sacrificium
celebrem, ut ipsi cedat ad honorem, mihi et omni-
bus, pro quibus celebrare intendo, ad salutem.
Amen.

DIES XXIV.

POST MISSAM.

Laudatio.

O dulcissime Salvator, laudent te universi populi,
tribus et linguæ, et sanctum et mellifluum nomen
tuum cum summa jubilatione et ardenti devotione
magnificent. Ecce omnium devotorum cordium jubi-

lationes, spirituales affectus, mentales excessus, ac
supernaturales illuminationes et cœlicas visiones tibi
offero et exhibeo, cum omnibus virtutibus et lau-
dibus, ab omni creatura in cœlo et in terra celebra-
tis et adhuc celebrandis. Accipe vota mea, Domine
Deus meus, desideria infinitæ laudationis, ac immen-
sæ benedictionis, quæ tibi secundum multitudinem
ineffabilis magnitudinis tuæ jure debentur. Hæc tibi
reddo et reddere desidero per singulos dies et mo-
menta temporum.

Gratitudo.

O benignissime Jesu ! quanta tibi gratiarum actio
pro susceptione Sacri Corporis tui debetur, cujus
dignitatem nullus hominum explicare potest. Gra-
tias tibi, o pastor æternæ, qui me pauperem et exu-
lem dignatus es pretioso Corpore et Sanguine tuo
reficere ! O quid retribuam tibi, Domine, pro gra-
tia ista, pro charitate tam eximia ? Non est aliud,
quod gratius dare queam, quam ut cor meum tibi,
Deo meo, totaliter tribuam, et intime jungam.
Dignare, Domine, manere mecum : ego volo liben-
ter esse tecum. Hoc est totum desiderium meum, ut
cor meum tibi sit unitum.

Petitiones.

Præsta, Domine Deus, salutaris meus, ut cum fræ-
quentatione Mysterii crescat meæ devotionis affec-
tus. Salva animam meam, quam pretioso tuo San-
guine redemisti. Age mecum secundum misericor-
diam tuam, non secundum malitiam meam et ini-
quitatem. Vide omnia bona mea, quam pauca sint
et imperfecta ; illa emenda et sanctifica ; ea grata
habe et accepta tibi fac et semper ad meliora trahe.
Me quoque pigrum et inutilem homuncionem ad

laudabilem perduc finem. O dulcissime atque amantissime Jesu ! ecce sto ante te pauper et nudus, gratiam postulans et misericordiam implorans ; accende frigiditatem meam igne amoris tui ; verte mihi omnia terrena in amaritudinem ; omnia infima et creata in contemptum et oblivionem. Tu solus mihi ex hoc jam dulcescas usque in sæculum. Utinam me totaliter ex tua presentia accendas, comburas et in te transmutes ; ut unus tecum efficiar spiritus per gratiam internæ unionis et liquefactionem ardentis amoris ! operare, Domine, mecum misericorditer, sicut sæpius operatus es cum sanctis tuis mirabiliter. O ignis semper ardens et nunquam deficiens ! O amor corda purificans et intellectum illuminans !

Intuere quoque, benignissime Jesu, pia desideria devotorum, necessitates parentum, amicorum, fratrum, sororum, omniumque charorum meorum et eorum qui mihi vel aliis propter amorem tuum benefecerunt, et qui orationes et Missas pro se suisque omnibus dici a me desideraverunt et petierunt, sive in carne adhuc vivant, sive jam sæculo defuncti sint ; ut omnes sibi auxilium gratiæ, opem consolationis, protectionem a periculis, liberationem a poenis advenire sentiant ; et ut ab omnibus malis erepti, gratias tibi magnificas læti persolvant. Offero etiam tibi preces et hostias placationis pro iis qui mihi unquam damnum aliquod vel gravamen intulerunt, vel quos ego gravavi vel scandalizavi. Aufer, Domine, a cordibus nostris omnem suspicionem, indignationem, iram et disceptationem, et quidquid potest charitatem lædere aut fraternam dilectionem minnere. Miserere, Domine, misericordiam tuam poscentibus ; da gratiam indigentibus et fac nos tales existere, ut simus digni gratia tua perfrui et ad vitam proficiamus æternam. Amen.

Anima Christi, etc. pag. 45.

Oratio ad B. M. V.

Sancta Maria, Mater Dei, tu quæ es *Refugium peccatorum et Christianorum auxilium*, in me oculos misericordiæ tuæ e summo cælorum habitaculo conjice, benignoque tuo interventu obtine mihi remissionem omnium meorum peccatorum, summum de peccatis commissis dolorem et gratiam Dei fortem et triumphatricem, ut nunquam amplius ea perpetrem. Amen.

Oratio ad Sanctos.

Obsecro elementiam tuam, omnipotens, sempiternus Deus, da mihi per hæc immaculata Mysteria, quæ tibi hodie obtuli, intercessione S. Angeli Custodis, S. Joseph, SS. Patronorum meorum N. N. et Sancti N., Spiritum tuum bonum, Spiritum sapientiæ et intellectus, Spiritum consilii et fortitudinis, Spiritum scientiæ et pietatis, et requiescat super me Spiritus timoris tui. Amen.

DIES XXV.

ANTE MISSAM.

Aliud est etiam, lacrymis uberrimis dignum, quod ob nonnullorum sacerdotum incuriam aut impietatem sacrosancta Mysteria tam indigne tractentur, ut qui illa tractant, videantur non credere Majestatem Domini esse presentem. Sic enim aliqui sine spiritu, sine affectu, sine timore, festinatione incredibili Sacrum perficiunt, quasi fide Christum non viderent, aut ab eo se videri non crederent. (Bened. XIV in Bullario.)

laudabilem perduc finem. O dulcissime atque amantissime Jesu ! ecce sto ante te pauper et nudus, gratiam postulans et misericordiam implorans ; accende frigiditatem meam igne amoris tui ; verte mihi omnia terrena in amaritudinem ; omnia infima et creata in contemptum et oblivionem. Tu solus mihi ex hoc jam dulcescas usque in sæculum. Utinam me totaliter ex tua presentia accendas, comburas et in te transmutes ; ut unus tecum efficiar spiritus per gratiam internæ unionis et liquefactionem ardentis amoris ! operare, Domine, mecum misericorditer, sicut sæpius operatus es cum sanctis tuis mirabiliter. O ignis semper ardens et nunquam deficiens ! O amor corda purificans et intellectum illuminans !

Intuere quoque, benignissime Jesu, pia desideria devotorum, necessitates parentum, amicorum, fratrum, sororum, omniumque charorum meorum et eorum qui mihi vel aliis propter amorem tuum benefecerunt, et qui orationes et Missas pro se suisque omnibus dici a me desideraverunt et petierunt, sive in carne adhuc vivant, sive jam sæculo defuncti sint ; ut omnes sibi auxilium gratiæ, opem consolationis, protectionem a periculis, liberationem a poenis advenire sentiant ; et ut ab omnibus malis erepti, gratias tibi magnificas læti persolvant. Offero etiam tibi preces et hostias placationis pro iis qui mihi unquam damnum aliquod vel gravamen intulerunt, vel quos ego gravavi vel scandalizavi. Aufer, Domine, a cordibus nostris omnem suspicionem, indignationem, iram et disceptationem, et quidquid potest charitatem lædere aut fraternam dilectionem minnere. Miserere, Domine, misericordiam tuam poscentibus ; da gratiam indigentibus et fac nos tales existere, ut simus digni gratia tua perfrui et ad vitam proficiamus æternam. Amen.

Anima Christi, etc. pag. 45.

Oratio ad B. M. V.

Sancta Maria, Mater Dei, tu quæ es *Refugium peccatorum et Christianorum auxilium*, in me oculos misericordiæ tuæ e summo cælorum habitaculo conjice, benignoque tuo interventu obtine mihi remissionem omnium meorum peccatorum, summum de peccatis commissis dolorem et gratiam Dei fortem et triumphatricem, ut nunquam amplius ea perpetrem. Amen.

Oratio ad Sanctos.

Obsecro elementiam tuam, omnipotens, sempiternus Deus, da mihi per hæc immaculata Mysteria, quæ tibi hodie obtuli, intercessione S. Angeli Custodis, S. Joseph, SS. Patronorum meorum N. N. et Sancti N., Spiritum tuum bonum, Spiritum sapientiæ et intellectus, Spiritum consilii et fortitudinis, Spiritum scientiæ et pietatis, et requiescat super me Spiritus timoris tui. Amen.

DIES XXV.

ANTE MISSAM.

Aliud est etiam, lacrymis uberrimis dignum, quod ob nonnullorum sacerdotum incuriam aut impietatem sacrosancta Mysteria tam indigne tractentur, ut qui illa tractant, videantur non credere Majestatem Domini esse presentem. Sic enim aliqui sine spiritu, sine affectu, sine timore, festinatione incredibili Sacrum perficiunt, quasi fide Christum non viderent, aut ab eo se videri non crederent. (Bened. XIV in Bullario.)

Præparatio ex S. Augustino.

Pulcherrime Jesu Christe, rogo te per illam sacratissimam Sanguinis tui pretiosi effusionem, da mihi cordis contritionem et lacrymarum fontem dum Mysterium nostræ Redemptionis, manifestum misericordiæ tuæ indicium, recolo, cupiens offerre illud mirabile et celeste Sacrificium, omni reverentia et devotione dignissimum, quod tu, Domine Deus meus, Sacerdos immaculate, instituisti et facere præcepisti in commemorationem tuæ charitatis, Mortis scilicet et Passionis, pro salute nostra, pro quotidiana nostræ fragilitatis reparatione. Confirmetur mens mea inter tanta Mystèria dulcedine præsentis tuæ, sentiat te sibi adesse et letetur coram te. O Ignis, qui semper lucet; amor qui semper ardet. Dulcis Christe, bone Jesu, lumen æternum et indeficiens, Panis vitæ, qui nos reficis et in te non deficis; quotidie comederis et semper integer manes. Resplende mihi, accende me, illumina et sanctifica animam meam, de malitia evacua, imple de gratia et plenam conserva; ut ad salutem meam manducem cibum Sanctissimæ Carnis tuæ; quatenus manducando te, vivam de te, vivam per te, perveniam ad te et requiescam in te.

Actus adorationis, fidei et amoris.

O Domine, Deus meus, qui Trinus es in Personis, et Unus in Essentia, et tu, Domine mi Jesu Christe, verus Deus et Homo, te adoro, ex toto corde meo, et confiteor te verum et unicum creatorem, salvatorem et unicum finem meum, in Altaris Sacramento, vere, realiter et substantialiter sub speciebus Panis et Vini præsentem. Et quia nimis humilis est mea adoratio, offero tibi excellentissimas adorationes, quas tibi incessanter offerunt et sine fine offerent tua sanctissima

Humanitas et immaculatissima tua Mater et Regina nostra cum tota cœlesti curia, sanctaque Mater Ecclesia, dilecta tua sponsa.

Insuper, o Domine Deus meus, toto corde, tota mente, tota fortitudine et omnibus viribus meis amote et semper te volo amare super omnia. Et, si fieri posset, optarem ac vellem te posse amare illo perfectissimo amore, quo tu teipsum amas et quo te amat sanctissima tua Humanitas, Sacratissima Virgo Maria, tota Cœlestis Curia, et universa Ecclesia Catholica.

Oratio S. Joannis Damasceni.

Princeps Domine noster Jesu Christe Deus noster, solus habens potestatem hominibus remittendi peccata, ut summe bonus et benevolus in homines remitte mihi omnia, quæ scienter et ignoranter commisi, delicta. Atque concede, ut citra condemnationem particeps efficiar divini, gloriosi, puri et vivifici Sacramenti, non in angorem, non in supplicium, non in accessionem peccatorum; sed in purificationem, in sanctificationem et arrabonem vitæ et regni, quæ ventura sunt. In munimentum et auxilium, in depulsionem adversariorum, in abolitionem multitudinis peccatorum meorum. Tu enim es Deus misericordie et miserationum et dilectionis in genus humanum. Et tibi gloriam impendimus cum Patre et Spiritu Sancto, nunc et semper, et in sæcula sæculorum. Amen.

Directio intentionis.

Deus, qui de indignis dignos facis, et de peccatoribus justos, et de immundis mundos: munda cor et corpus meum ab omni contagione et sorde pec-

cati et fac me dignum atque strenuum sanctis Altaribus tuis ministrum. Concede propitius, ut in hoc Altari, ad quod indignus accedo, Hostias acceptabiles atque placabiles offeram pietati tuæ pro peccatis et offensionibus, innumerisque et quotidianis excessibus meis, atque cunctorum simul Christianorum culpis abluendis : et per eum sit tibi votum meum acceptabile, qui se tibi, Deo patri, pro nobis obtulit sacrificium, et tecum vivit et regnat in unitate Spiritus Sancti Deus, per omnia sæcula sæculorum. Amen.

Oratio ad B. M. V.

Regina Angelorum, super quorum choros exaltari meruisti ad cœlestia regna, impetra mihi, ut semper *Mysteria Domini mei Jesu-Christi* pertractem summa illa cum reverentia et amoris ardore, quibuscum Angeli illum adorant in cœlo, illique tremantes assistunt ; et per vitæ puritatem cor meum semper maneat amœnum *Regis Angelorum habitaculum*. Amen.

Oratio ad Sanctos.

Tibi Domine Deus, merita *S. Angeli Custodis*, *S. Joseph*, *SS. Patronorum meorum N. N.* et *Sancti N.* offero, ut quod mihi deest ipsa suppleant ; ne ad Altare tuum et ad Sacram Corporis et Sanguinis tui communionem accedam indebite, et maledictionem inde loco benedictionis referam. Amen.

DIES XXV.

POST MISSAM.

Oratio post Missam ex B. Petro Canisio.

Benignissime Jesu, miratur *Ecclesia* quod divæ *Virginis*, omnibus virtutibus ornata, uterum non horrueris ; et ecce in meo pectore, velut in immundo stabulo, inter fœda monstra turbamque tumultuantem passionum effrœnatarum, nec grave nec indecorum putas divinæ *Majestati tuæ* versari. Adoro te, et quanta possum animi corporisque submissione palam agnosco, me esse opus manuum tuarum. Credo, te *Redemptorem* meum hic sub speciebus Panis et Vini esse presentem. Flagrantissime desidero nunc et semper *Sanctorum omnium adorationibus* *Divinam Majestatem tuam* venerari. Ex animo tibi gratias ago, quod me cibaveris tua *Sanctissima Carne*, potaveris pretiosissimo *Sanguine*, me feceris convivam tuum et *sanctissimæ Trinitatis domicilium*, templum, thronum. In gratiarum actionem, cum ex parte mea indignus sim et imbecillus totus, offero tibi gratitudinem, quæ tibi a *Beatis omnibus*, a *Virgine Matre tua* exhibetur, et simul offero honorem, quem *Sanctissima Trinitas ipsa tibi tribuit*. Confige nunc, Domine, timore tuo carnes meas, et fac me semper tuis inherere mandatis, et a te, me numquam separari permittas. Da gratiam, Domine Jesu, præbe mihi auxiliatricem manum tuam, sine qua nihil possum.

Oratio

QUE ATTRIBUITUR S. THOME APOST.

Sit nobis hoc Sacramentum tuum, Domine Jesu,

ad vitam, sit ad remissionem peccatorum. Siquidem pro nobis Passio tua celebrata est. Tu pro nobis fel illud bibisti, ut omnis in nobis adversarii amaritudo moreretur. Pro nobis tu quoque bibisti acetum, ut nostra lassitudo confortaretur. Pro nobis consputatus es, ut immortalis nos rore perfunderes. Percussus es a calamo fragili, ut fragilitatem nostram vitæ perpetuæ æternitatisque firmares. Coronatus es spinis, ut virenti semper in te credentes charitatis tuæ laurea coronares. Involutus præterea fuisti sindone, ut nos quoque virtutis tuæ involucre vestires. In sepulchro poni voluisti novo, ut nobis novam gratiam, nova sæcula reformares. Fiat igitur nobis hæc Eucharistia ad vitam et viscera misericordiæ, et gratiam salutis, sanitatemque animarum nostrarum. Amen.

Anima Christi, etc. pag. 45.

Oratio ex S. Thoma Aquinate.

Concede mihi, quæso, omnipotens et misericors Deus, quæ tibi placita sunt ardentem concupiscere, prudenter investigare, veraciter cognoscere et perfecte adimplere.

Ad laudem et gloriam nominis tui ordina statum meum ; et quod a me requiris ut faciam, tribue ut sciam, possim et velim ; et da exequi sicut oportet et expedit salutis animæ meæ.

Via mihi, quæso, ad te sit tuta, recta et consummata, non deficiens inter prospera et adversa : ut in illis non extollar et in istis non deprimar : In prosperis gratias tibi referam et in adversis servem patientiam : de nullo gaudeam vel doleam, nisi quod promoveat ad te, vel quod abducat a te. Nulli placere appetam, vel displicere timeam, nisi tibi.

Omnia in charitate da facere, et quod ad cultum tuum non pertinet, quasi mortuum reputare.

Vilescent mihi omnia transitoria propter te, et cara mihi sint omnia tua, et tu, Deus meus, plus quam omnia. Delectet me omnis labor, qui est pro te, et tædiosa sit mihi omnis quies, quæ non est in te.

Frequenter et ferventer da mihi, dulcissime Domine, cor meum ad te dirigere, et defectionem meam cum emendationis proposito dolendo pensare.

Fac me, Deus meus, humilem sine fictione, hilarem sine dissolutione, tristem sine dejectione, maturum sine gravitate, agilem sine levitate, veracem sine duplicitate, timentem sine desperatione, in te sperantem sine præsumptione, castum sine corruptione, proximum corripere sine indignatione, ipsumque edificare verbo et exemplo sine elatione, obedientem sine contradictione, patientem sine murmuratione.

Da mihi, dulcissime Jesu, cor pervigil, quod nulla a te abducat curiosa cogitatio : da immobile, quod nulla deorsum trahat indigna affectio : da invictum, quod nulla fatiget tribulatio : da liberum, quod nulla sibi vindicet violenta delectatio : da rectum quod nulla seorsum obliquet sinistra intentio.

Largire mihi, dulcissime Deus intellectum te cognoscentem, diligentiam te quærentem, sapientiam te invenientem, conversationem tibi placentem, perseverantiam te dulciter et fiducialiter expectantem, fiduciam te fideliter amplectentem. Da tuis penis configi per penitentiam, tuis beneficiis uti in vita per gratiam, et tandem tuis gaudiis in patria frui per gloriam. Qui cum Patre et Spiritu Sancto vivis et regnas in sæcula sæculorum. Amen.

Oratio ad B. M. V.

Concede mihi, o benignissima Virgo et Regina An-

gelorum, tuarum precum auxilium ; ut qui toties Angelorum Pane et Vino germinante virgines in sacra Communione nutritor, vita etiam undequaque pura et casta me tanto honore et gratia dignum exhibeam Amen.

Oratio ad Sanctos.

Interveniant pro me, Domine Jesu-Christe, apud tuam clementiam S. Angelus Custos, S. Joseph, SS. Patroni mei N. N. et Sanctus N., ut ipsorum meritis quidquid in oblatione hujus Sacrificii tum negligentia, tum preparationis insufficientia commiserim, misericorditer mihi condonetur, et Panis Eucharisticius, omnem in se habens delectamentum, dulcedine saporis sui viscera animæ meæ repleat. Amen.

DIES XXVI.

ANTE MISSAM.

Non breviorẽ triente non longiorẽ dimidia hora debere esse Missam ; quia breviori spatio non possunt omnia debito honore peragi ; et longior tædio esset adstantibus (Card. Lambertini Not. 29.).

Non sis in celebrando nimis prolixus aut festinus sed serva bonum communem modum cum quibus vis. (Imit. Christi, Lib. 4).

Directio intentionis.

O Domine Jesu Christe, ego intendo celebrare et consecrare eo modo, quo tu instituisti et dedisti mihi tuam auctoritatem. Intendo offerre istud Sacrificium, ante thronum Sanctissimæ Trinitatis, in tui memoriam, sicut tu, Deus meus, ordinasti.

O sancta Trinitas, suscipe hoc sanctum Sacrificium ad honorem, laudem, et gloriam tuam, salutemque animæ meæ, atque proximi mei. Accipe, Domine, oblationem istam pro illis, quibus promisi, et teneor, et vis a me orari.

Te precor, Domine Jesu Christe, pro omnibus illis, pro quibus orare decrevi, et quibus sum conjunctus mihi que conjuncti sunt spirituali participatione, consanguinitate, affinitate, familiaritate, commendatione, eleemosynarum largitione, et qui pro me orant, pro quibus debitor sum, et qui se commendarunt orationibus meis ; et pro cuncto populo christiano, et pro Congregatione nostra ; et pro omnibus Prælatiis sanctæ Romanæ Ecclesiæ et Congregationis nostræ ; ut eos in tuo sancto servitio humiliter, fideliter et devote perseverare facias : et pro omnibus fidelibus Christianis, vivis atque defunctis, in quacumque angustia et tribulatione positis, tam in terra quam in mari : miserere et tribulatis succurre. Amen.

Actus fidei ex S. Chrysostomo.

Credo et confiteor, te verum esse Christum, Filium Dei viventis, qui in hunc mundum venisti ad servandum peccatores, inter quos primus ego sum. Credo etiam quod hoc idem est immaculatum Corpus tuum, et hoc idem pretiosus Sanguis tuus. Te deprecor igitur miserere mei et remitte mihi delicta mea spontanea et non spontanea, in dictis et factis, scienter vel ignoranter commissa. Dignare me citra judicium fieri participem immaculatorum Mysteriorum tuorum, in remissionem peccatorum et vitam æternam. Amen.

Actus contritionis et fiduciae

EX S. BASILIO.

Novi, Domine, indignum me, qui fiam particeps immaculati tui Corporis et Sanguinis pretiosi. Et reus sum et iudicium mihi manduco et bibo, non dijudicans Corpus et Sanguinem tuum, Christe Deus meus. Sed miserationibus tuis fretus ad te venio, qui dixisti: qui manducat meam Carnem et bibit meum Sanguinem, in me manet, et ego in eo. Miserere ergo, Domine, ne traducas me peccatorem; sed age mecum secundum misericordiam tuam. Et fiant mihi hæc sancta Mystra in medelam, in purificationem, in illustrationem, in antidotum, in salutem et sanctificationem animæ et corporis; in aversionem omnis imaginationis et actionis prave efficaciamque diabolicæ, quæ secundum sensum in me operatur. Sint in fiduciam et dilectionem quæ tendit in te. In emendationem vitæ et securitatem. In augmentum virtutis et perfectionis. In consumptionem mandatorum. In Spiritus Sancti communionem. In viaticum æternæ vitæ. In defensionem acceptabilem apud tremendum tribunal tuum.

Oratio ad B. M. V.

Regina Patriarcharum, quorum expectationem dando nobis Salvatorem implevisti, quibusque sanctæ spei merito excellentior evasisti, fac benignissimo tuo interventu, ut fiducialiter ad Altaris mysteria accedam, et vitam, quam Filius tuus sumentibus se promisit, ex Eucharistico cibo abundanter haurire merear. Amen.

Oratio ad Sanctos.

Illa me fide, spe, charitate, devotionis fervore cœ-

terisque virtutibus orna, Domine Jesu-Christe, quibus ornatî omnes sancti Sacerdotes ab initio usque ad præsens tremendum Sacrificium tibi obtulerunt; hoc oro te ut mihi concedas per merita et intercessionem S. Angeli Custodis, S. Joseph, SS. Patronorum meorum N. N. et Sancti N. cujus hodie festum sancta recollit Ecclesia. Amen.

DIES XXVI.

POST MISSAM.

Gratiarum actio

EX NICOLAO SALICETO.

Gratias tibi ago, vera vita viventium, Jesu Christe, Redemptor alme, qui propter nos pauperes consolandos, quos tamquam peregrinos et orphanos in hac terra reliquisti, per ministerium Sacerdotis aperis cœlos, et descendis et implem omnem terram benedictionis. Qui manibus hominis non dedignaris atrectari, benedici, et consecrari in nostram salutem. Tibi, Domino, Deo nostro, magno et immenso, æterno et excelso, laus, gloria et gratiarum actio nunc et in perpetuum. O inæstimabilis dilectio charitatis tuæ, Domine Jesu Christe benigne, ut nos indignos Patri tuo reconcilies, teipsum exhibes victimam salutarem. Immensam igitur misericordiæ tuæ clementiam suppliciter exoro, quatenus hoc summæ charitatis Sacramentum mihi, cunctisque fidelibus, sit contra vulnera peccatorum efficacissimum medicamentum, ac omnis virtutis et gratiæ complementum. Amen.

Pii affectus ad Jesum.

O Jesu bone! quid mihi est in cœlo et a te quid

volui super terram ? Jam plenum est desiderium meum, plenum gaudium cordis mei : quia tu es plenitudo mea, omne bonum et desiderium meum. Refice, Domine, esurientem animam meam : accende frigiditatem meam igne amoris tui : illumina cæcitatem meam claritate præsentis tuæ. Verte mihi omnia terrena in amaritudinem ; omnia infima et creata in contemptum et oblivionem. Erige cor meum ad te in cœlum, et ne permittas me vagari super terram. Penetret, queso, hujus Sacramenti virtus omnia intima mea : et quidquid in me pravum, quidquid vitiosum est, mortificet et eradicet. In te, Jesu suavissime, sit omnis delectatio mea : tedeat me gaudii, quod est sine te ; amara sit mihi omnis quies, quæ non est in te. Emitte ex te, benignissime Jesu, amoris tui radios, qui me succendant, et quidquid terrenum in me est comburant et consumant : ut igne inextinguibili charitatis tuæ ardeam, et vetus in me homo totus deficiat. Utinam me rapiat ignita vis amoris tui, quæ me transformet in te, et in te absorbeat, ac me tecum unum efficiat !

Aspirationes ad Jesum.

Da mihi, Domine Jesu, ut dulcedine amoris tui plenus, flamma cœlestis charitatis totus exardescam. Confige, et transverbera cor meum acutissimo dilectionis tuæ telo, ut langueam amore tui. Da mihi, ut anima mea amoris tui dulcedine tota colliquescat in te ; posside eam totam, ut ipsa possideat te. Utinam, o Jesu, me tibi ita conjungas, me tibi ita conglutines, ut nunquam a te separer ! Amen.

Anima Christi, etc. pag. 45.

Oratio.

CLEMENTIS I. PAPÆ.

Domine, Deus omnipotens, Pater Christi, Filii tui benedicti, exauditor invocantium te in recitudine, qui scis interpellationes tacentium, gratias tibi agimus, quod fecisti nos dignos participationis sanctorum Mysteriorum tuorum, quæ præbuiti nobis in confirmationem eorum, quæ bene cognita sunt ; in custodiam pietatis, in remissionem peccatorum, quoniam nomen Christi tui invocatum est super nos, et tibi conciliati sumus. Qui segregasti nos a communicatione impiorum, conjunge nos cum consecratis tibi ; confirma nos in veritate Sancti Spiritus super-ventione. Ignorate revela, quæ desunt exple ; cognita corrobora ; Sacerdotes immaculatos tuere in servitute tua ; Reges conserva in pace ; magistratus in justitia ; cœlum in salubritate ; fructus in fertilitate ; mundum in providentia omni ex parte sufficienti Nationes bellicosas reprime ; errantes converte ; populum tuum sanctifica ; virgines conserva ; matrimonio junctos custodi in fide ; ignorantes corrobora ; infantes ad virilem ætatem perduc ; novitios confirma ; catechumenos instrue et imitatione dignos redde, nosque omnes congrega in regnum cœlorum, in Christo Jesu, Domino nostro, cum quo tibi gloria, honor, cultus, et Sancto Spiritui in sæcula. Amen.

Oratio ad E. M. V.

Sancta Maria, *Regina Patriarcharum*, tu me pauperimum famulum tuum potenti tuo patrocínio adjuva, ut mihi, infirmo et ad peccandum proclivi, cibus Eucharisticus sit contra insidias inimicorum meorum firma defensio et mei finis felix consumma-

tio, ac tandem eundem Deum, et Dominum meum, Jesum-Christum, tecum sine velamine videre, æternumque possidere valeam. Amen.

Oratio ad Sanctos.

Te quoque deprecor, Domine Deus meus, ut intercessionem S. Angeli Custodis, S. Joseph, SS. Patronorum meorum N. N. et Sancti N. sacrosancta Sacramenta, quæ sumpsi, amorem proprium in me enecent, fomentum ardentis libidinis in me extinguant, et accendant in me tui amoris ignem, quem venisti mittere in terram. Amen.

DIES XXVII.

ANTE MISSAM.

O quam magnum et honorabile est officium sacerdotum, quibus datum est Dominum majestatis verbis sacris consecrare, labiis benedicere, manibus tenere, ore proprio sumere et cæteris ministrare ! O quam munde debent esse manus istæ, quam purum os, quam sanctum corpus, quam immaculatum cor sacerdotis, ad quem totius ingreditur auctor puritatis ! (Imit. Christi, Lib. 4)

Actus virtutum Theologicarum.

O Christe Jesu, verus Deus et Homo, unius cum Patre substantiæ, majestatis et potentiæ ; firma fide credo ac profiteor, quia tu vere ac reipsa præsens es in hoc Sacramento. Tu enim ipsa veritas dixisti : Hoc est Corpus meum ; hic est Calix Sanguinis mei. Credo quidquid dixit Dei Filius, nil hoc verbo veritatis verius.

O Domine virtutum, beatus homo, qui sperat in te. Quare tristis es anima mea, et quare conturbas me ? Spera in Deum omnis boni fontem et gratiæ auctorem, quem in hoc Sacramento possides. Accede, o anima mea, ad eum confidenter, quoniam suavis et mitis, et multæ misericordiæ est omnibus invocantibus se. Ille solus dare potest omnia, quia super omnia potens est ; imo dare vult omnia, quia summe bonus est. O spes mea, Deus, propter hoc lætatum est cor meum, dum te ipsum in hoc Sacramento recipio ; quia spero, plane te nihil non daturum, qui nobis dedisti teipsum. In te, Domine, confido, non confundas me ab expectatione mea.

O dulcissime Salvator, Christe Jesu, quanta fuit tui vis amoris, quæ te traxit e sinu Patris in hanc lacrymarum vallem, ut humanam carnem assumes, infinitas miseras, injurias, imo crucem mortemque subires ; idque solum propter miseros nos homines et propter nostram salutem. Ex amore itaque ad nos in carnem venisti : et demum abiturus ex hoc mundo ad Patrem, in pignus amoris hoc Sacramentum nobis reliquisti, ut modo prorsus novo et mirabili semper maneres nobiscum, cujus deliciæ sunt esse cum filiis hominum. O Domine, quantum dignus es amari, qui tanta facis amore nostri ? Diligam itaque te, Domine fortitudo mea, Domine firmamentum meum, et refugium meum et liberator meus. Cupio nunc te, Domine Jesu, suscipere in hoc Sacramento, ut tibi firmius uniar amoris vinculo, et perpetuo tibi unitus maneam.

Oratio

S. HIERONYMI, VIATICUM SUSCEPTURI.

Propitius quæso, Domine, esto huic peccatori, ut sis mihi in adiutorium et in locum refugii ; ut saluum me facias ; et tunc, si ambulem in medio umbræ mortis, non timebo mala, quoniam tu mecum es. Mortuus en, pie Jesu, jaceo ; exurge, resuscita me et confitebor tibi. Eger et infirmus sum, cui nulla est amplius in carne sanitas ; medicus es, sana me. Nudus affligor frigore : dives es, indue me. Fame in hac solitudine pereo ; cibus es, satia me. Sitio ; salubre poculum es, inebria me. Infixus sum in limo profundi, et non est substantia. Veni in altitudinem maris, et tempestas demersit me. Laboravi clamans, raucæ factæ sunt fauces meæ. Jam intraverunt aquæ usque ad animam meam. Educ me de laqueo isto protector meus, gubernator meus, firmamentum meum, refugium meum, dux meus, rex meus, et Deus meus.

Directio intentionis

EX B. PETRO CANISIO.

Suscipe, Sancta Trinitas, unus Deus, Sacrosanctum hoc Sacrificium Corporis et Sanguinis Domini nostri Jesu-Christi quod ego indignus peccator, juxta potestatem mihi datam, una cum Sacrificiis unquam oblati aut offerendis, unitum sanctissimo Sacrificio, ab eodem Domino nostro in ultima cœna et in ara Crucis oblato, offero divinæ tuæ Majestati, cum omni possibili pietatis affectu, ex puro amore divinæ tuæ bonitatis, secundum sanctissimam ejus-

dem Domini nostri et sanctæ Matris Ecclesiæ intentionem. Amen.

Oratio ad B. M. V.

Regina Prophetarum, a prophetis prænuntiata, et majore præ illis fidei lumine ditata, fac ut vivida fide in realem Jesu-Christi præsentiam reverenter semper et devote sanctissimum Missæ Sacrificium offerens, continuo fides illa, quæ vere est medulla sacerdotalis ministerii, profundiores in me radices agat. Amen.

Oratio ad Sanctos.

Misericordissime Domine Jesu, rogo te per intercessionem S. Angeli Custodis, S. Joseph, SS. Patronorum meorum N.N. et Sancti N., ut qui me in numerum tuorum Sacerdotum tua ineffabili benignitate admittere voluisti, animam meam, per quotidianam divinis Sacrificii oblationem, omnibus virtutibus Sacerdotalibus ornare digneris. Amen.

DIES XXVII.

POST MISSAM.

Gratiarum actio

EX MISSA S. CHRYSOSTOMI.

Gratias tibi agimus, elementissime Dominator, Redemptor animarum nostrarum, quoniam et præsentī hac die cœlestibus et immortalibus Mysteriis nos dignos fecisti. Tu dirige viam nostram. Serva nos in timore tuo. Tuere vitam nostram. Gressus

nostros firma orationibus et intercessionibus sanctæ et gloriosæ Dei Genitricis et semper Virginis Mariæ. Exaltare super cælos, Deus, et super omnem terram gloria tua, nunc et semper et in sæcula sæculorum. Amen.

Gratiarum Actio

EX MICHAËLE, EPISC. MEROBURGENSEI.

Omnipotens Deus, gratias ago tuæ paternæ bonitati, quam in me et in omnes miseros peccatores hoc ipso declarasti, quod nostræ salutis causa Filium tibi unice dilectum pro peccatis nostris mortem pati voluisti. Gratias tibi ago, benignissime Deus, Jesu Christe, Filii Dei vivi, pro obedientia tua promptissima, quam pro me et omnibus miseris peccatoribus Deo Patri prestitisti, quodque innocens nostrorum criminum debita in te sumpsisti ac mortis supplicium nostræ salutis causa pertulisti; ut nos tua morte vivificares et a morte perpetua liberares. Gratias ago tibi, qui mihi indigno Corpus et Sanguinem tuum, quæ jam olim mihi redimendo impendisti, nunc in cibum largiri dignaris, quo in te conserver et habeam vitam æternam.

Oratio S. Thomæ Aquinatis.

Piissime Deus meus, misericordia meâ, remitte mihi indigno Sacerdoti, quod ad celebranda sacramentissima Altaris tui Mysteria accedere præsumpsi tam indigne et impudenter; quod sanctissimum Corpus tuum et sacramentissimum Sanguinem tuum tractavi et sumpsi tam inderote et irreverenter. Remitte mihi, clementissime Deus, quidquid in hac Missa, tam in dicendis quam in agendis, transivi incaute et negligenter. Mi Domine, Deus, omnem indignitatem et impudentiam, omnem indevoctionem et irreveren-

tiam, omnem injuriam et negligentiam, omnemque ingratitude et indecentiam meam, quam commisi circa hoc tuum Venerabile Sacramentum, oro, dimitte mihi, Pater misericordiarum, pro tua misericordia in æternum.

Anima Christi, etc. pag. 45.

Pii affectus ad Jesum.

Ecce, Domine Jesu, jam habeo te, qui habes omnia. Possideo te, qui potes et possides omnia. Ergo, o Deus meus et omnia, abstrahe cor meum a cæteris omnibus extra te, in quibus nihil nisi vanitas et spiritus afflictio. In te uno fixum sit cor meum. In te sit requies mea, in quo est thesaurus meus, summa veritas, vera felicitas et felix æternitas.

Sentiat, o Jesu, mens mea dulcedinem præsentis tui: gustet quam suavis sis, Domine, ut inescata amore tuo, nihil quærat extra te.

Tu es Medicus animæ meæ, languores nostros tuo livore sanasti; ego vero sum infirmus ille, ad quem sanandum de cælo venisti. Itaque sana animam meam, quia peccavi tibi.

Tu es Pastor meus, qui posuisti animam tuam pro ovibus tuis, et ego ovis illa, quæ perierat; et tamen dignaris me pascere Corpore et Sanguine tuo: suscipe me nunc in humeros tuos. Quid negabis mihi, qui teipsum dedisti? Rege me, et nihil mihi deerit in loco pascuæ, ubi me collocasti: donec ad pascua vitæ æternæ perducatur.

O Lux vera, quæ illuminas omnem hominem venientem in hunc mundum, illumina oculos meos, ne umquam obdormiam in morte.

O Ignis jugiter ardens, ecce me tepidum et frigidum: ure renes meos et cor meum, ut ardeant amore tui.

O Rex cœli et terræ, ecce ego egenus et pauper sum ; adjuva me et ex thesauris bonitatis tuæ succurre inopi animæ meæ.

O Dominus meus, et Deus meus, ecce servus tuus sum ego : da mihi intellectum, et excita affectum, ut sciam et faciam voluntatem tuam.

Tu es Agnus Dei, qui tollis peccata mundi ; tolle de me, quod mihi nocet et tibi displicet.

O Deus meus et omnia, absorbeat, quæso, mentem meam vis ignita et melliflua amoris tui : ut amore amoris tui moriar, qui amore amoris mei dignatus es mori. O Deus meus et omnia ! Amen.

Oratio ad B. M. V.

Intercedere digneris pro me, o *Regina Prophetarum*, apud Filium tuum, Dominum nostrum Jesum-Christum, qui nunc animam meam sanctissimo Corpore, et pretiosissimo Sanguine suo cibare dignatus est ; ut viva fide semper cœlestia Mystera pertractem, cunctaque illa præ cæteris curem, quæ ad Eucharistiam, sive sancte sumendam, sive devote adorandam, sive digne distribuendam et conservandam spectant. Amen.

Oratio ad Sanctos.

Suppliciter te deprecor, dulcissime Jesu, per meritam et intercessionem S. Angeli Custodis, S. Joseph, SS. Patronorum meorum N. N. et Sancti N., tribuant mihi tua, quæ sumpsi, Sancta fervorem, ut tibi, Domino Deo meo, omnibus diebus meis, inter adversa sicut inter prospera, serviam corde magno et animo volenti. Amen.

DIES XXVIII.

ANTE MISSAM.

Totus homo paveat, totus mundus contremiscat et cœlum exulset, quando super altare in manibus Sacerdotis est Christus, Filius Dei vivi. O admiranda altitudo ! O stupenda dignatio ! O sublimitas humilis ! quod Dominus universitatis, Deus et Dei Filius sic se humiliat, ut pro nostra salute sub modica panis formula se abscondat. (S. Franc. Ass. Epist. 12.)

Præparatio

EX MISSA S. JACOBI APOST.

Domine, qui visitasti nos in misericordia et commiseratione, et nobis abjectis peccatoribus et indignis servis tuis concessisti, ut confidentes accedere-mus ad sanctum Altare tuum, et offerremus tibi tremendum hoc et incruentum Sacrificium pro nostris peccatis et ignorantis populi. Respice in me servum inutilem, et dele per viscera misericordiæ tuæ delicta, et pura redde labia mea et cor ab omni iniquatione carnis et spiritus, et averte a me omnem cogitationem turpem et insipientem, et idoneum me fac virtute Spiritus tui sanctissimi ad hoc sacrum Ministerium, et recipe me tua bonitate accedentem ad sanctum Altare tuum.

Placeat tibi, Domine, ut hæc quæ offerimus dona manibus nostris accepta tibi sint, meisque infirmitatibus condones, et ne projicias me a facie tua ; neque meam indignitatem averseris ; sed miserere mei secundum magnam misericordiam tuam, et secundum multitudinem miserationum tuarum dele ini-

quitates meas, ut inculpate accedens ante gloriam tuam, dignus sim, qui operiar protectione unigeniti Filii tui, et illuminatione Spiritus tui sanctissimi; nec ut servus peccati reprobus flam, sed ut servus tuus gratiam inveniam et misericordiam, ac peccatorum remissionem coram te, nunc et in futuro sæculo.

Deus, qui propter magnum atque ineffabilem erga homines amorem misisti Filium tuum unigenitum in mundum, ut ovem errantem reduceret, ne averse-
ris nos peccatores, tremendum hoc et incruentum Sacrificium attractantes. Non enim in nostra justitia confidimus, sed in benigna misericordia tua, qua genus nostrum redemisti. Supplicamus et imploramus bonitatem tuam, ne Mysterium hoc, quod ad salutem nobis dispensatum est, in condemnationem populo sit, sed in abolitionem peccatorum, ac animarum et corporum renovationem; utque tibi, Deo et Patri, gratum sit, per misericordiam et Humanitatem unigeniti Filii tui, cum quo benedictus es cum sanctissimo et vivificante Spiritu tuo, nunc et semper et in sæcula.

Actus virtutum Theologicarum.

Credo, Domine Jesu, quod tu in Sanctissimo altaris Sacramento vere, realiter et substantialiter sis præsens, quia tu ipse dixisti. Spero in te, qui sumentibus te vitam promisisti. Amo te, qui ex amore nostri mortem subire voluisti et teipsum nobis in cibum reliquisti in augustissimo altaris Sacramento. Utinam, Domine Jesu, illa fide, illa spe et charitate ad sanctum altare possem accedere, cum quibus sancti tui hæc sacra Mysteria peragebant! Illorum merita, Domine Deus, meam suppleant inopiam!

Pii affectus ad Jesum

EX S. HIERONYMO.

Domine Jesu, quis ego sum, ut intres sub tectum meum? An melior ego sum quam tot Patriarchæ antiqui fœderis, quibus tamen non concessisti, ut te sic haberent, sicut ego te habeo? Quam profunde te dimittis, Domine, ut visites me pauperem et publicanum! Satis tibi non erat, o dulcissime Salvator in terris his videri et cum hominibus conversari; sed insuper præcepisti nobis, ut te comedamus. O mira tuæ circa nos pietatis dignatio!

Oratio

S. ANSELMI CANTUAR.

Oro dulcissimam misericordiam tuam, suavissime Jesu, pascere miseram animam meam, ne fatigata in hac peregrinatione deficiat. Tua me, Domine, bonitas creavit, et patienter hactenus me quotidie peccantem expectavit. Potentia Divinitatis tuæ fecit me, humilitas autem Humanitatis tuæ refecit me. Tu, Domine Jesu, qui natus de sancta Virgine, veram ex ea Carnem accepisti, pascere peccatricem animam meam hac eadem tua sancta Carne, et satia illam tua sancta dulcedine.

Oratio ad B. M. V.

Regina Apostolorum, quos post mortem dilectissimi Filii opera et consilio in Evangelii propagatione adjuvisti, quæque plus illis omnibus pro consolidanda Ecclesia laborasti, ora pro me, ut in sacris peragen-

dis Mysteriis eorum fidei et fervoris flam particeps et officium meum sacerdotale pariter Deo cedat in honorem, Ecclesie in ædificationem et cunctis fidelibus, vivis et defunctis, in salutem. Amen.

Oratio ad Sanctos.

Offero tibi, Domine, merita et virtutes S. Angeli Custodis, S. Joseph, SS. Patronorum meorum N. N. et Sancti N., quibus desiderarem ut essem ornatus, dum ad totius Sanctitatis auctorem sum accessurus. Ipsis intercedentibus; oro Te Domine, condona mihi indignitatem meam, et ad sacrum tuum convivium me misericorditer admitte, ut tibi in gaudio spiritus manducem Panem Cœli, omne delectamentum in se habentem. Amen.

DIES XXVIII.

POST MISSAM.

Oratio ad Patrem et Filium

EX B. PETRO CANISIO.

O Pater æternæ, ecce hic est Filius tuus dilectus, in quo tibi semper complacuit. Respice in faciem Christi tui et averte faciem tuam a peccatis meis, propter quæ Unigenitus tuus humiliavit semetipsum, tibi factus obediens usque ad mortem Crucis. Ecce hic est advocatus noster apud te et propitiatio pro peccatis nostris. Ipse enim peccata nostra pertulit in corpore suo super lignum et livore ejussanati sumus. Percutio itaque cum Publicano, ex intimo dolore, cor meum tantis reatibus obnoxium, quæ sola ad tanta supplicia traxerunt Unigenitum tuum. Per hunc ergo

propitiussis mihi peccatori. Ecce vox Sanguinis Filii tui clamat ad te de terra, non vindictam, sed veniam et misericordiam. Passio et Mors ejus sint mihi, precor, in remedium et indulgentiam peccatorum meorum Vulnere ejus medela fiant animæ meæ in vitam æternam.

O Redemptor meus, Jesu-Christe, benedico te pro amabili memoria, quam nobis in venerabili Sacramento Eucharistiæ reliquisti; et obsecro te per conversionem Panis et Vini in Corpus et Sanguinem tuum, et per conversionem divinæ iracundiæ in misericordiam tempore crucifixionis et mortis tuæ, et per omnia viscera paternæ clementiæ tuæ, ut me et omnes peccatores convertas ad te et transmutes in te, et me et omnia mea dirigas ad bonum finem. Amen.

Brevis Paraphrasis precatonis

Anima Christi.

Anima Christi sanctifica me. Anima sanctissima sanctifica animam meam peccatricem, tribuendo illi Fidem vivam et firmam, Spem robustam atque inconcussam. Amorem Dei et proximi ardentem, Contritionem de omnibus peccatis meis perfectam, Humilitatem profundissimam, Mansuetudinem immutabilem, Castitatem animæ et corporis mundissimam, in adversis Patientiam et cum voluntate divina Conformitatem. Zelum vere sacerdotalem pro gloria tua et animarum salute, atque affectuosam devotionem erga sanctissimum tuum Sacramentum, tuumque Cor divinissimum.

Corpus Christi salva me. Per Corpus tuum sanctissimum, Domine Jesu, merear ab omni malo tum corporis tum animæ liberari, ab omni peccato et pec-

cati periculosa occasione defendi, a morte æterna præservari, et post mortem tecum in cœlis uniri.

Sanguis Christi inebria me; ut hoc spirituali musto spiritualiter ebrius mei obliviscar, mundo mortuus mundum despiciam et sancto æstuans amore, pro Dei causa quidvis agam et patiar.

Agua lateris Christi lava me; ut anima mea ab omni peccatorum sorde et macula mundetur, et per virtutem divinissimæ hujus Aquæ super nivem dealbetur.

Passio Christi conforta me. Tribue mihi in sanctis meis propositis constantiam. Contra omnia mihi adversantia me tua virtute confirma; ut in infirmitatibus meis, in contumeliis, in necessitatibus, in persecutionibus, in angustiis potens flam, omniaque gravia propter te forti et alacri animo sustineam.

O bone Jesu exaudi me. Tu, o Jesu, es dives in omnes, qui invocant te; tu es Deus misericordiarum, et ego sum miser et miserabilis, et pauper et cæcus et nudus; pro tua benignitate ergo de tuis divitiis dita me.

Intra vulnera tua absconde me. Vulnera tua asylum misericordiæ constituisti; in illis ergo absconde me, ne præda hostium flam, aut in manus offensi mei Domini incidam.

Ne permittas me separari a te. Per virtutem sacratissimorum tuorum vulnerum obsecro te, Domine Jesu, ne umquam permittas, ut separer a te, sive per peccatum hic in terris, sive in altera vita per damnationem.

Ab hoste maligno, qui tamquam leo rugiens circuit quærens quem devoret, defende me; ne umquam dicat inimicus meus: prevalui adversus eum;

In hora mortis meæ, in hora illa terribili, dum domum æternitatis ingrediar, non meis meritis, sed tua permotus misericordia, voca me, et jube me venire ad

te, summum et unicum bonum meum, ad cujus fruitionem vocatus sum; ut cum Sanctis tuis, in quorum consortio, licet indignus, a tua infinita misericordia admissus, laudem te, Deum et Salvatorem meum, in sæcula sæculorum. Amen.

Oratio ad B. M. V.

Adesto mihi, o Maria, *Regina Apostolorum*; ut sub tua protectione fideliter pro Jesu-Christo legatione fungar, et ex frequenti usu cœlestium Sacramentorum magis magisque zelo apostolico accendar, quatenus fidelem populum viam salutis æternæ verbo et exemplo doceam, et ad illam sequendam consilio et opera jugiter adjuvem. Amen.

Oratio ad Sanctos.

Domine, Deus omnipotens, qui me in misericordia tua ad officium Sacerdotale eligere dignatus es, te oro per intercessionem S. Angeli Custodis, S. Joseph, SS. Patronorum meorum N. N. et Sancti N., ut hoc sentiam in me quod et in Christo Jesu, quem in partem hæreditatis meæ et calicis mei elegi, quatenus non solum nomine sed et omine sim alter Christus. Amen.

DIES XXIX.

ANTE MISSAM.

Sacerdotis aspice dignitatem: agitur quidem in terra, sed officium ejus cœlestibus negotiis continetur. Non enim homo, non Angelus, non Archangelus, non aliqua alia creatura, non Virtus, sed ipse Spiritus Sanctus hoc munus instituit, atque adhuc in carne manentes

cati periculosa occasione defendi, a morte æterna præservari, et post mortem tecum in cœlis uniri.

Sanguis Christi inebria me; ut hoc spirituali musto spiritualiter ebrius mei obliviscar, mundo mortuus mundum despiciam et sancto æstuans amore, pro Dei causa quidvis agam et patiar.

Agua lateris Christi lava me; ut anima mea ab omni peccatorum sorde et macula mundetur, et per virtutem divinissimæ hujus Aquæ super nivem dealbetur.

Passio Christi conforta me. Tribue mihi in sanctis meis propositis constantiam. Contra omnia mihi adversantia me tua virtute confirma; ut in infirmitatibus meis, in contumeliis, in necessitatibus, in persecutionibus, in angustiis potens flam, omniaque gravia propter te forti et alacri animo sustineam.

O bone Jesu exaudi me. Tu, o Jesu, es dives in omnes, qui invocant te; tu es Deus misericordiarum, et ego sum miser et miserabilis, et pauper et cæcus et nudus; pro tua benignitate ergo de tuis divitiis dita me.

Intra vulnera tua absconde me. Vulnera tua asylum misericordiæ constituisti; in illis ergo absconde me, ne præda hostium flam, aut in manus offensi mei Domini incidam.

Ne permittas me separari a te. Per virtutem sacratissimorum tuorum vulnerum obsecro te, Domine Jesu, ne umquam permittas, ut separer a te, sive per peccatum hic in terris, sive in altera vita per damnationem.

Ab hoste maligno, qui tamquam leo rugiens circuit quærens quem devoret, defende me; ne umquam dicat inimicus meus: prevalui adversus eum;

In hora mortis meæ, in hora illa terribili, dum domum æternitatis ingrediar, non meis meritis, sed tua permotus misericordia, voca me, et jube me venire ad

te, summum et unicum bonum meum, ad cujus fruitionem vocatus sum; ut cum Sanctis tuis, in quorum consortio, licet indignus, a tua infinita misericordia admissus, laudem te, Deum et Salvatorem meum, in sæcula sæculorum. Amen.

Oratio ad B. M. V.

Adesto mihi, o Maria, *Regina Apostolorum*; ut sub tua protectione fideliter pro Jesu-Christo legatione fungar, et ex frequenti usu cœlestium Sacramentorum magis magisque zelo apostolico accendar, quatenus fidelem populum viam salutis æternæ verbo et exemplo doceam, et ad illam sequendam consilio et opera jugiter adjuvem. Amen.

Oratio ad Sanctos.

Domine, Deus omnipotens, qui me in misericordia tua ad officium Sacerdotale eligere dignatus es, te oro per intercessionem S. Angeli Custodis, S. Joseph, SS. Patronorum meorum N. N. et Sancti N., ut hoc sentiam in me quod et in Christo Jesu, quem in partem hæreditatis meæ et calicis mei elegi, quatenus non solum nomine sed et omine sim alter Christus. Amen.

DIES XXIX.

ANTE MISSAM.

Sacerdotis aspice dignitatem: agitur quidem in terra, sed officium ejus cœlestibus negotiis continetur. Non enim homo, non Angelus, non Archangelus, non aliqua alia creatura, non Virtus, sed ipse Spiritus Sanctus hoc munus instituit, atque adhuc in carne manentes

ministerio præstitit Angelorum jungi. Propter quod oportet Sacerdotem, quasi qui in ipso consistat celo illisque Virtutibus misceatur, ita vitæ splendore radiatum. (S. Chrys. Lib. 3. Dial.)

Oratio preparatoria.

Deus, Pater omnipotens, ea, qua decet, reverentia et devotione collaudo misericordiam tuam infinitam, qua perditæ humano generi subvenisti, mittendo in terras unigenitum Filium tuum; ut evangelizaret pauperibus, ut sanaret contritos corde et prædicaret captivis indulgentiam. Nunc accedens ad Altare tuum, offero Divinæ Majestati tuæ, eundem dilectissimum Filium in gratiarum actionem pro eximiiis donis et bonis, quibus nos cumulasti et cumulare non cessas. In satisfactionem pro peccatis meis innumeris et peccatis totius mundi, et in recognitionem supremæ tuæ Majestatis et domini in omnem creaturam. Offero tandem pro cunctis vivis et defunctis; præsertim pro iis, pro quibus tu, Domine, vis, ut orem et sacrificem.

Oratio S. Anselmi.

O vita animarum te amantium ! veni, præcor, per sanctam tui Corporis et Sanguinis susceptionem in cor meum et ab ubertate voluptatis tuæ inebria illud, ut cunctorum temporalium obliviscar. Pudet ac piget me illa cogitare, quæ mundus diligit. Tristia mihi sunt, quæ in terris video. Gravia omnia, quæ de transitoriis audio. Veni ad me, Domine Deus meus, ut videam te, ut audiam te, ut habeam te, et amplectar te. Angusta est mihi interim domus animæ meæ, quousque venias ad eam et dilatetur a te. Ruinosa est domus mea, refice eam. Habet equidem

plurima, quæ offendunt oculos tuos; fateor et scio: sed quis mundabit eam? aut ad quem alterum clamabo, nisi ad te: Ab occultis meis munda me, Domine?

Oratio S. Laurentii Justiniani.

Omnipotens sempiternæ Deus, qui Filium tuum unigenitum per carnis nostræ susceptionem sic ad nos misisti, ut non discederet a te, nosque prædicationibus suis, vitæ exemplo, et Sanguinis sui effusione elevaret ad te; concede nobis, ad Sacra Mystéria nunc accedentibus, misericordiam tuam, ut famulatus noster tibi sit gratus et acceptus. Da nobis, famulis tuis, donum lacrymarum, compunctionis gemitum, nostri ipsorum cognitionem, orationis affectum, devotionis gustum et tui amoris iuge solatium; ut internæ consolationis pabulo refecti, tuæque veritatis splendore illuminati, mereamur esse in adversis fortes, in prosperis humiles, in tribulationibus læti, in infirmitate patientes, in tentationibus animosi, in moribus graves, in consiliis providi, in sacra lectione assidui, in precibus attentissimi et in gratiarum actione impigri. Rogamus te, Domine Deus, ut per Sacramentorum tuorum sumptionem cor nostrum charitate ignescat, spiritus noster proficiendi desiderio ferveat et exterior noster homo omnium virtutum exercitatione clarescat. Infunde mentibus nostris spiritum sapientiæ et intellectus, consilii et fortitudinis, scientiæ et pietatis, atque timoris tui salutaris, quo præcedente, comitante, protegente et dirigente, formidolosa nostræ peregrinationis discrimina inoffenso pede ita percurramus, ut consummato vitæ presentis agone, securi veniamus ad te, exultemus in te, de te repleamur in te, et tota virtute laudemus te, sociati cum lætantibus Angelorum

agminibus atque jubilantibus Sanctorum omnium choris, quibuscum, te largiente, erit nobis perpetua requies, jucunda felicitas, sempiterna laudatio, pax secura, lumen indeficiens, bonum ineffabile, tuique visio sine fine beata. Hæc nobis humiliter supplicantibus præstare digneris, Pater clementissime. Qui vivis et regnas in sæcula. Amen.

Oratio ad B. M. V.

Regina Martyrum, quæ longiori et atrociori martyrio glorioso hoc titulo coonestari digna facta es, ad sis mihi in hac hora celebrationis cœlestium Mysteriorum, sicut Divino Filio tuo, in cruce eruentium suum sacrificium offerenti, adstitisti, et intercede pro me, ut cibo Eucharistico confortatus, nullos umquam labores pertimescam, nullis minis deterrear, ubi de Dei honore aut animarum salute res agitur. Amen.

Oratio ad Sanctos.

Participem me fac, Domine, meritorum S. Angeli Custodis, S. Joseph, SS. Patronorum meorum N. N. et Sancti N., ut ipsis suffragantibus, quamvis indignus, gratum Majestati tuæ Sacrificium pro vivis et defunctis offerre, et gratiæ tuæ dona inde ubertim valeam percipere. Amen.

DIES XXIX.

POST MISSAM.

Gratiarum actio.

Gratias ago tibi, benigne Domine, benefactor animæ mee, quod me modo dignum fecisti cœlestium

tuorum et immortalium Mysteriorum. Sed quid reddam tibi? Vere minor sum omnibus donis tuis. O clementissime Deus, accipe laudes et gratiarum actiones, quas Filius tuus, Salvator noster, in assumpta Humanitate ab instanti Incarnationis, toto vitæ suæ decursu persolvit: et illas præcipue, cum instituens hoc Sacramentum et quasi tum agnoscens impares nos esse gratis tanto beneficio referendis, elevatis oculis in cœlum ad te Deum Patrem suum omnipotentem omnium nostrum nomine tibi gratias egit. Suscipe etiam, o mitissime Pater, illas gratiarum actiones, quas Beata Virgo, unigeniti Filii tui Mater tibi obtulit, quando eum, quem ego ipse jam inclusum pectori meo complector, ipsa suis castissimis visceribus concepit, gestavit et peperit: nec non et illas, quas toto vitæ suæ tempore, et potissimum quoties eum, jam sublatum in cœlos, in Sacramento recepit, ex ardenti cordis desiderio et intima devotione persolvit. Benedicant quoque et laudent te omnes angeli Spiritus, qui throno Majestatis tuæ jugiter et trementes assistunt, et cantant incessabili voce dicentes: Sanctus, Sanctus, Sanctus. Desidero quoque ex toto corde, ut omnes Sancti et amici tui, tecum modo regnantes in cœlis, quorum communionem credimus, meam insufficientiam compensent suis dignis laudibus, quas umquam hic in terris in usu et veneratione hujus Sacramenti devotissime obtulerunt; et quas tibi modo decantant, cum revelata facie comedunt panem vitæ et torrente voluptatis tuæ potantur. Participem me fac, Deus, omnium timentium te et custodientium mandata tua. O! utinam pariter omnium plorum fidelium affectus, fervores, et omnia tibi in terris placentium vota, desideria et merita in me unum colligere possem; et sic tota animi intentione te amare et honorare pro tanto amore et honore, quo me in hoc Sacramento dignatus es.

Oratio sancti Ephrem.

Domine Jesu Christe, qui constitutus es Judex vivorum et mortuorum, in die illa terribili, quando omnes homines sententiam suis operibus debitam audituri circumstabunt, tum quæso Domine, mecum misericordia utere, cui nulla potest oratio par inveniri. Quo enim aufugiam, aut ubi me abscondam a facie iræ tuæ, cum nullum inveniri aut excogitari queat tam in cælo quam in terra, aut in profundo, spatium, quod tuæ magnitudinis immensitate non impleatur? Enimvero, si metuendam diem illum recogito, summoperè exhorresco, ac mente prope attonitus hæreo, non ignarus, quale incendium impies sit excepturum. Deus bone! Deus misericors! ne me, precor, existimes inter mortuos amandandum quem tuo Corpore parvisti et Sanguine potasti tuo. Corpus tuum me mundet et Sanguis tuus aspersas mihi labe detergat.

Anima Christi, etc. pag. 45.

Petitiones pro aliorum necessitatibus

EX S. AUGUSTINO.

O Domine, cujus viscera misericordiam patent omnibus, qui neminem vis perire, sed omnes homines salvos fieri, ideoque pro omnibus mortem subiisti et hoc Sacramentum instituisti, da, quæso, Sacerdotibus concordiam et innocentiam, Regibus et principibus tranquillitatem et pacem; virginibus castitatem; Deo dicatis continentiam; conjugatis sanctimoniam; poenitentibus indulgentiam; justis perseverantiam; peccatoribus, ut mihi misero, veniam; viduis et orphanis sustentationem; pauperibus protec-

tionem; peregrinantibus reditum; lugentibus consolationem; omnibus denique fidelibus Christianis, vivis atque defunctis, gratiam et vitam sempiternam. Amen.

Oratio ad B. M. V.

Obtine mihi, o Sancta Virgo Maria, *Martyrum Regina*; ut dum quotidie ad sacra altaria accedo, quotidie quoque per Corporis et Sanguinis Jesu-Christi sumptionem in ejus amore proficiam, crucem meam tollam, ipsumque fideliter sequar, firmissime tenens, quod si ipsi in passione sim socius, socius quoque futurus sim gaudii in cælis. Amen.

Oratio ad Sanctos.

Dulcissime Domine, Jesu-Christe, quem cognoscere vita æterna est, te deprecor per intercessionem S. Angeli Custodis, S. Joseph, SS. Patronorum meorum N. N. et Sancti N. ut perceptione tui Corporis Sacri et pretiosi Sanguinis quotidie magis magisque a sæculo exuar, sancti Sacerdotis in me exhibeam imaginem, et non nisi in te et pro te vivam, qui pro me vivere et mori dignatus es. Amen.

DIES XXX.

ANTE MISSAM.

Audite Sacerdotes Dei; Si beata Virgo Maria honoratur, ut dignum est quia portavit Dominum in sanctissimo utero suo; si beatus Joannes Baptista contremuit, et non audebat tangere Domini verticem; si sepulchrum, in quo per aliquod tempus jacuit, sic veneratur: quanto magis debet esse sanctus, et justus, et

dignus qui non jam moriturum, sed in æternum victurum et glorificatum, in quem desiderant Angeli prospicere, contractat manibus, corde et ore sumit, et aliis ad sumendum præbet? (S. Franc. Epist. XII.)

Actus diversarum virtutum

EX LUDOVICO BLOSIO.

Adoro, et gratias tibi ago, amantissime Domine Jesu-Christe, pro innumeris beneficiis donisque tuis mihi indignissimo præstitis; omnia illa in te refundo, et tibi offero in laudem æternam. Gratias ago pro Incarnatione, Nativitate, Infantia, Pueritia, Adolescentia, Laboribus, Ærumnis, Passione, Morte, Resurrectione et Ascensione tua. Gratias ago, quod me vilissimum peccatorem admittere dignaris ad splendidum, vivificumque sacræ Mensæ tuæ convivium. Bone Jesu, per illum amorem, qui te incarnari, pati et mori pro me coëgit, rogo te, ut ab omni peccato me plene emundes, et tibi per omnia placentem reddas. Exorna egenam animam meam meritis ac virtutibus tuis. Præsta ut humili reverentia, ardenti desiderio, et sancto affectu offeram tibi sanctum Missæ Sacrificium in memoriam eorum omnium, quæ pro salute mea facere, loqui et tolerare voluisti. Perficiam hoc purissime ad gloriam Nominis tui sempiternam, ad honorem dulcissimæ Genitricis tuæ Virginis Mariæ, ad honorem omnium Sanctorum, omniumque bonorum Angelorum, ad salutem meam, ad salutem N., ad salutem omnium fidelium, vivorum et defunctorum. Miserere, Domine, miserere Ecclesiæ tuæ; adesto omnibus, pro quibus pretiosum Sanguinem tuum fudisti. Da vivis veniam et gratiam. Da fidelibus defunctis requiem, lucemque sempiternam. Tibi laus, Christe Jesu, in sæcula sæculorum. Amen.

Oratio ad Jesum Eucharisticum

EX B. PETRO CANISIO.

Ego infelix atque miser peccator, et indignus Christianus, flecto genua ante Dominum et Salvatorem meum, qui me creavit, redemit, sustinet et conservat, qui que Veritas ac Vita in æternum permanet. O Jesu Christe, verus Deus et Homo, ego te hic presentem adoro et invoco, de vivæ Carnis tuæ et Sanguinis, Corporisque et Animæ tuæ veritate et præsentia nihil omnino dubitans. Atque o utinam eo te modo contemplari, cognoscere, diligere et laudare queam, quo te summo cum gaudio tot sanctorum millia Angelorum læti contemplantur, perfecte cognoscunt, diligunt atque laudant, nullo umquam in tuo obsequio tædio vel molestia affecti. Ave salus mundi, æternum Patris Verbum, Hostia vera, viva Caro, Deltas integra et vita æterna. O vere pretiosum thesaurum refertum gaudio et mundorum cordium habitaculum. O vivum Angelorum cibum. O Panem cœlestem longe præstantissimum. O æternum Patris Verbum, quod pro nobis factum est Caro, in eadem tamen Persona Deus permanens, verus, inquam, tu Deus, et verus Homo, modo admirabili in Altari consecratus. Tu spes certa ac vera peccatorum salus. Tu languentium efficacissima medicina. Tu miserorum ac inopum ingens thesaurus, Benedictus sis igitur, mi dilectissime Jesu Christe, Tibi omnes creaturæ laudes et gratiarum actiones concinant, quod ferventissimo amore nostri, e cœlo descendens, innocens, mundum et nobile Corpus tuum pro nobis in ara Crucis obtuleris, quodque e mortuis resurgens et Cælum conscendens, nobis hoc ipsum vivum et immortale in solatium simul ac salutem

tam benigne, amanter et affectuose donaveris; ac in monumentum discessus tui, et pignus erga nos summi amoris, in hoc Sacramento reliqueris. O tu, Agnus Dei, qui tollis peccata mundi, miserere nobis et dona nobis pacem. Quin et animam nostram solatio ac cibo hoc spirituali refice, præsertim in extremo hujus sævi nostri termino, ut nec in vita, nec in morte, abs te et immensa misericordia tua umquam separemur. Qui cum Deo Patre et Spiritu Sancto vivis et regnas in sæcula sæculorum. Amen.

Oratio ad B. M. V.

Regina Confessorum et Virginum, quibus omnibus ad perfectam sanctimoniam exemplo tuo viam monstrasti, quosque ad illam sequendam patrocinio tuo sustentasti, merear ego quoque a te adjuvari, ut fidelis sæpè Jesu-Christi Minister existam, et, sanctæ conversationis exemplo forma gregis effectus, mihi commissos ad æternæ vitæ pascua deducere valeam. Amen.

Oratio ad Sanctos.

Respice in me oculis misericordiæ tuæ, piissime Domine Jesu, et quem tam benigne ad participationem Corporis et Sanguinis tui invitas, tanta me gratia reddas dignum. Hoc a te enixe efflagito per merita et intercessionem S. Angeli Custodis, S. Joseph, SS. Patronorum meorum N. N. et Sancti N. cujus hodie solemnia colimus. Amen.

DIES XXX.

POST MISSAM.

Oblatio Sacrificii peracti.

Protector meus aspice, Deus, et respice in faciem Christi tui. En Filius tuus ita se mihi communicavit, ut ego in illo et ille in me sit; en factus est unum mecum, et ego unum cum illo. Ipsum igitur tibi offero, Pater amantissime, ut thymiana suavissimi odoris ad maximam tui gloriam et honorem, in gratiarum actionem pro universis beneficiis tuis; in remissionem peccatorum meorum et totius mundi; ad impetrandum mihi et omnibus, pro quibus oravi et orare debeo omnia subsidia vitæ temporalis et æternæ et pro animabus omnium fidelium defunctorum. Suscipe, Domine, cum hac sacratissima oblatione Sacrificii Missæ animam meam et corpus meum, omnes vires et affectus meos, ut sim perpetuum holocaustum, jugiter ardens Majestati tuæ. Præsta, ut deinceps nec membra, nec sensus; nec potentias, nec vitam habeam, nisi ut te amem et serviam tibi.

Gratiarum actio

EX S. LAURENTIO JUSTINIANO. ®

O Jesu, Fili Dei, lætificasti animam meam dulci hac præsentia tua. Ingenti nunc et liquidissimo perfusus gaudio, veneror et adoro te, Salvatorem meum, realiter præsentem in corde meo. Grata mente laudo et glorifico te, tam benevolam in me. Non equidem

omnia et singula, quæ mihi hæcenus contulisti, beneficia nosco ; eorum tamen, quorum probe recordor, tanta est magnitudo, multitudo tanta, ut nec ullo tempore, nec ulla ratione me satis tibi gratum pro illis exhibere valeam. Summa plane, et omnino divina est tua in homines benignitas. Tam ingentia, tam multiplicia in nos, indignos, contulisti munera, Domine Jesu, ut numquam pares illis gratias tibi referre possimus. Descendisti de cælo in Incarnatione, descendisti nunc inter manus meas, propter nos homines et propter nostram salutem, in solatium peregrinationis nostræ, in signum dilectionis tuæ, in testimonium misericordiæ tuæ, in pignus fœderis, in vinculum charitatis et in pretium Redemptionis nostræ. Acquisivisti per mortem tuam nobis veniam delictorum, gratiam merendi stolam immortalitatis et perpetuæ jucunditatis. Tu cælestis gloriæ nobis introitum patefecisti. Quamobrem totum, quod habemus meriti, quod virtutis, quod veritatis, quod fidei, quod spei, quod charitatis, quod gratiæ et quod speramus gloriæ, totum tibi, Salvatori nostro, adscribimus. Omne quod possumus, omne quod habemus, omne quod vivimus, omne quod sumus, tibi soli debemus, qui sic nos dilexisti, sic salvasti, sic sanctificasti, sic sublimasti.

Anima Christi, etc. pag. 45.

Precatio Ecclesiæ ad Jesum Eucharisticum.

O salutaris Hostia,
 Quæ cœli pandis ostium :
 Bella premunt hostilia,
 Da robur, fer auxilium.
 Uni Trinoque Domino
 Sit sempiterna gloria ;
 Qui vitam sine termino
 Nobis donet in patria. Amen.

Oratio ad Jesum

PRO REPARATIONE INJURIARUM.

O Jesu patientissime, qui innumeris contumeliis in Sacramento tui amoris afficeris, tum per multorum contemptum, indifferentiam, et blasphemias, tum per sacrilegas tui Sacramenti susceptiones et in loco sancto irreverentias ; detestor o bone Jesu, o Salvator dulcissime, et abominor ex toto corde meo omnes illas tibi illatas a peccatoribus injurias. Obsecro te per sacratissimi tui Cordis ineffabilem charitatem, ut pro illis sis apud omnipotentem Patrem tuum propitiatio. Accende in me, o Jesu, per Corporis tui sacri præsentiam, zelum urentem, ut et commissa sacrilegia in amaritudine animæ meæ coram te plangere, et committenda pro viribus avertere satagam.

Oratio ad B. M. V.

Pretioso Corpore et adorando Sanguine Domini nostri Jesu-Christi, Filii tui, recreatus, et ita dignum objectum oculorum tuorum effectus, denuo omni cum fiducia ad te, o *Regina Confessorum* et *Virginum*, venio, te humiliter rogans, ut sicut sanctis Confessoribus et Virginibus tum exemplo tum patrocinio iter ad cœlestem Jerusalem pandisti, ita et ego tuo ductu ad eorum post hanc vitam merear pervenire consortium. Amen.

Oratio ad Sanctos.

Da mihi, Domine Jesu, per intercessionem S. Angeli Custodis, S. Joseph, SS. Patronorum meorum NN. et Sancti N. ut cibo Eucharistico frequenter et

fructuose nutriri merear quatenus mens mea, novis continuo gratiis repleta, in vita et in morte tibi fideliter adhæreat, et quotidie amoris vinculo intimius uniatur, donec aspiret dies claritatis æternæ. Amen.

DIES XXXI.

ANTE MISSAM.

Grande Mystrium, et magna dignitas Sacerdotum, quibus id datum est quod Angelis non est concessum. Ecce Sacerdos factus es et ad celebrandum consecratus; vide nunc, ut fideliter et devote in suo tempore Deo Sacrificium offeras et teipsum irreprehensibilem exhibeas. (Imit. Christ. L. IV.)

Oratio præparatoria

EX NICOLAO BUSIO.

Gratias agimus tibi, Trinitas sancta, et Unitas indivisa. Tibi Pater ingenite, tibi unigenite Fili tibi Spiritus Sancte, tibi uni, soli vivo et vero Deo, Dominatori universæ creaturæ, qui me miserum peccatorem ad Sacerdotii ordinem vocare dignatus es et sacri Altaris voluisti esse Ministrum, ad quod et nunc accedere statui, fretus multitudine miserationum et misericordiarum tuarum, quæ a sæculo sunt. Non enim, agnosco, dignus sum, ut corpore meo gravissimis peccatis obnoxio adstem sacrosanctæ Mensæ tuæ; nec dignus, ut per os meum pollutum nomen tuum magnificum et sacrosanctum assumam. Postremo non dignus sum, ut manibus meis peccatricibus tractem Sacramenta benedicti et pretiosissimi Corporis et Sanguinis Domini nostri Jesu Christi. Quare, o Trinitas Veneranda, utinam ego inveniam gra-

tiam in oculis tuis benedictis, et tu, remissis ac teetis omnibus peccatis meis, facias me vere idoneum Altaris tui Ministrum.

Oratio S. Ephrem.

Domine Jesu, qui lumine gratiæ tuæ universum terrarum orbem illuminasti: illumina quoque cordis mei oculos ut te diligam et cum gaudio tuam jugiter voluntatem perficiam. Ecce, Calix tremendi Sanguinis tui lumine ac vita plenus est. Intelligentiam mihi lumenque largire, ut cum fide et desiderio ad ipsum accedam; sitque mihi in remissionem peccatorum et non ad judicium.

Oratio S. Anselmi ante Missam.

Trepidus ego et anxius, criminumque funibus captivatus, te unicum miserorum refugium deprecor, Domine Jesu Christo, ut indigno mihi, Sacerdoti tuo, indulgeas, quod Altaris Sacramentum, Angelis tremendum et adorandum, sceleratis labiis consecrare et profanis manibus audeo atrectare. Sed dum accedo per me, fateor Domine, præsumo de te. Memor enim miseriarum mearum et misericordiarum tuarum quæ a sæculo sunt, te rogo, Domine, ut sacrosanctum hoc Sacrificium non sit mihi ad judicium, neque ad condemnationem, sed potius ad liberationem iniquitatum et angustiarum mearum et ad perennem animæ meæ salutem. Idipsum, Domine Jesu, supplicans repeto, non elata, ut ipse conspicis, præsumptione, sed prona et pavida submissione, quod miser et immundus ego peccator Carnis tuæ sanctæ et pretiosi Sanguinis tui Sacramentum immundis manibus consecrare audeo. Supplex oro te, Domine, Ministerium meum benigne respi-

ce, et mihi misero ministro miserere. Sacrificentem purifica, et Sacrificium sanctifica. Quidquid est in me contra me, clementer aufer a me. Apta me tuo sancto servitio, ac idoneum me tibi Ministrum perface; et annue, ut quæ tibi sunt placita inter hæc sancta Mysteria postulem, et quæcumque postulo a benignissima misericordia tua percipiam. Exaudi, Domine, deprecationem meam et propitius esto cuncto populo tuo; propitiare omnibus fidelibus christianis: succurre delinquentibus; ut cito se corrigant; propitiare hæreticis et schismaticis, judæis atque paganis, ut revertantur a viis suis pessimis; propitiare animabus defunctorum, ut per hæc sacrosancta Mysteria pervenire mereantur ad requiem sempiternam. Amen.

Oratio ad B. M. V.

Regina Sanctorum omnium, quos omnes gratiæ abundantia et virtutum meritis superasti, intercede pro me, ut illa fide, spe et charitate, quibus ipsi hunc sanctissimum cibum susceperunt, iisdem et ego illum suscipere valeam, et sicut ipsi, ex cœlesti hac alimonia novas quotidie vires hauriam pro continuo in vita spirituali progressu. Amen.

Oratio ad Sanctos.

Intercedere dignentur pro me, Domine Jesu-Christe, S. Angelus Custos, S. Joseph, SS. Patroni mei N. N. et Sanctus N., ut dum Divinissimis cum donis ad te venio, a pietate tua non repellar; sed a te misericorditer excipiar, et per virtutem Sacrorum Mysteriorum tuorum vitam habeam et abundantius habeam. Amen.

DIES XXXI.

POST MISSAM.

Adoratio.

Ave verum Corpus, natum de Maria Virgine: vere passum, immolatum in cruce pro homine: cujus latus perforatum unda fluxit cum sanguine. Esto nobis prægustatum mortis in examine. O Jesu dulcis! o Jesu pie! o Jesu, Fili Mariæ.

Pii ad Jesum affectus.

Mirantur, bone Jesu, creaturæ omnes te in purissimum Mariæ, Matris tuæ, uterum descendisse, cum tamen illa integerrima ac gratia refertissima fuerit. An non mirari magis debeo, quod volueris ad me divertere, a me attractari, a me recipi, a me paupere, nudo, misero et vere miserabili? Tune, Domine, Sanctus Sanctorum, in me manere dignatus es, qui sum sordēs peccatorum? Itane voluisti honorare me, qui tandiu vas fui immundum, ut flerem templum tuum, tabernaculum tuum, et quasi theca sacrarum Reliquiarum Corporis et Sanguinis tui, quæ longe omnes Sanctorum reliquias excedunt? Benedicant te omnes Angeli tui pro tanta in me dignatione. Efficere ergo, ut taliter a te honoratus, non amplius mihi sed tibi vivam. Da mihi, dulcissime Jesu, præsentiae tuæ effectus sentire. Memini benedictionum, quibus cumulasti eos, qui te aliquando in domum suam exceperunt. Maria, Mater tua, ubi te in suum recepit uterum, omnibus gratiæ donis repleta est. Zachæo Publicano, cujus usus es hospitio, salus a Deo facta est. Simul atque, obita pro nobis morte, in lymbum

descendisti, illum in paradisum quemdam commutasti. Domum Obededom et omnia ejus propter Arcam Testamenti large benedixisti. Benedic quoque domum cordis mei, in quam ingressus es! Eam, quæso, in paradisum converte, et tuo Sancto imple Spiritu. Olim omnis turba quærebat te tangere, quia virtus de te exibat et sanabat omnes. Ecce ego te jam non tetigi tantum, sed in me quoque recepi: exeat itaque, quæso, a te virtus illa divina, quæ sanet animam meam, curet omnem ejus languorem, et novas ei addat vires, ad serviendum tibi omnibus diebus in sanctitate et justitia.

Oratio ex Liturgia S. Basilli.

Deus noster, Deus salvans, tu nos doce digne gratias agere tibi pro benefactis quæ fecisti et facis nobiscum: tu es Deus noster, qui accepisti munera ista, munda nos ab iniquitate carnis et spiritus, et doce nos perficere sanctificationem in timore tuo; ut in testimonio mundæ conscientie suscipientes portionem sanctificationis tuæ, coadunemur sancto Corpori et Sanguini Christi tui, et habeamus semper Christum habitantem in cordibus nostris. Efficiamur quoque per hoc templum tui Sancti Spiritus, et da nobis usque ad novissimum halitum digne suscipere spem sanctificationum tuarum in Viaticum vite eternæ, in excusationem acceptabilem ante terribile tribunal Christi tui, ut et nos cum omnibus Sanctis tuis, qui a sæculo tibi placuerunt, fiamus particeps æternorum bonorum, quæ præparasti diligentibus te, Domine.

Anima Christi, etc. pag. 45

Obsecratio pro peccatoribus

Memento, Domine Deus, Filium tuum, Jesum Christum, pro salute nostra atrocissimam subisse mortem. Noli ergo permittere, ut peccatores in suis iniquitatibus perseverent; sed precibus Sanctorum tuorum et Sanctissimæ Ecclesiæ, Filii tui Sponsæ, placatus, recordare misericordiæ tuæ; et oblitus inobediendiæ et prævaricationis eorum, effice ut et ipsi tandem ex toto corde convertantur ad eum, quem misisti, Dominum nostrum Jesum Christum, per quem salvati et liberati sumus; cui sit gloria per infinita sæcula sæculorum. Amen.

Oratio ad B. M. V.

O Maria *Sanctorum omnium Regina*; ad quam in cunctis tribulationibus nobis patet refugium, benigne me respicere digneris; ut qui tam frequenter Sanctissimum Corpus et Sanguinem Domini mei Jesu Christi recipio, pretioso hoc cibo confortatus feliciter in gratia perseverem et de virtute in virtute eam, donec tandem, in societate omnium Cœlitum, videam Deum Deorum in Sion. Amen.

Oratio ad Sanctos.

Sancte Angele Custos, Sancte Joseph, Sancti Patroni mei N.N. Sancte N. cujus festum celebramus, omnesque Sancti Dei pro me intercedere dignemini; ut in sancto Dei amore perseverem et semper cresciam, donec eum æternaliter vobiscum amem et colaudem in cœlo. Amen.



UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

DIES I.

INTE MISSAM.

IN BARBARIA, SYRACUSIS.

MEDITATIONES

ANTE ET POST MISSAM.

®

DIES I.

ANTE MISSAM.


Jesus, in Eucharistia, *Sacrificium*.

Punctum I.

Considera, Eucharistiam esse verum et solum Legis Novæ *Sacrificium*, a *Malachia* Propheta prædictum, (*Malachiae* 1. 11.) hujusque *Sacrificii* Sacerdotem simul et victimam, esse JESUM CHRISTUM Dominum nostrum; cui cum non sufficeret, se ipsum pro nobis in Cruce immolasse, nunc quoque eandem sui ipsius immolationem in Altaribus nostris continuat, et nos in hujus *Sacrificii* elegit Ministros. O Honorem nobis quidem, qui ad aras tam Sancti Pontificis vice fungimur! an illo digni sumus? o amorem quoque JESU, qui se quotidie pro nobis sacrificat! an etiam parati sumus, pro JESU nos ipsos offerre in *Sacrificium*? Eja! ad Altare accedamus, sic animo dispositi, ut cum S. Apostolo Thoma exclamare possimus: *Eamus et nos, ut moriamur cum eo.* (Joan. 11. 16.)

Punctum II.

Considera JESUM in S. Missæ *Sacrificio* sese offerre totum et integrum; id est, non solum Corpus suum naturale, in B. V. Mariæ utero formatum; verum etiam mysticum, quod est Ecclesia, ejus cum membrum sis, et tu proinde una cum ipso sacrificaris et immolaris, si modo in ipso maneas, et ipse in te: *Manete in me, et ego in vobis* (Joan. 15. 4.) Vide, quam habeas cum JESU unionem, ut cum illo simul immoleris. Ah! quanta a spiritu et affectionibus JESU



UNIVERSIDAD AUTÓNOMA DE NUEVO LEÓN

DIRECCIÓN GENERAL

in te discrepantia! confer te cum JESU; expende, quis ipse, quis tu sis, ut confundaris; internis ejus dispositionibus tuas rede conformes, ut fias dignus, qui cum ipso offeraris.

DIES I.

POST MISSAM

Jesus, in Eucharistia, *Sacramentum.*

Punctum I.

Considera, Eucharistiam verum esse *Sacramentum*, quoniam sub Panis Vinique speciebus vere continentur Corpus, Sanguis, Anima et Divinitas JESU, quem jam sub S. Missæ Sacrificio suscepisti. *Credis hoc?* (Joan. 11. 26.) Qui ergo fit, ut vix JESU CHRISTI præsentia movearis? Jacob horrore totus percillitur, ubi Deum vidit in somnio: Salomon, totus in admirationem rapitur, recogitans, immensam Dei Majestatem dignari habitare in Templo, quod ipsi ædificarat. O quantum oporteret esse tuum religionis et devotionis affectum hoc ipso momento, quo Deum tuum substantialiter possides! igitur, quam potes maximos honores infinite ejus Majestati exhibe, et te coram illa humilia profundissime.

Punctum II.

Considera, te, hoc *Sacramentum* suscipiendo, suscepisse illud ipsum JESU Corpus, quod ex purissimo B. V. Mariæ Sanguine a Spiritu Sancto fuit formatum; quod tot, tantaque patravit miracula; tot, tantasque pro nobis tulit ærumnas, et modo glorio-

sum sedet ad dexteram Dei; illum ipsum JESU Sanguinem, qui primo in Circumcisione, postremo in Ara Crucis ad ultimam usque guttulam fuit effusus; illam ipsam JESU animam, quæ a primo Incarnationis instanti, gratis virtutibusque fuit cumulata; quæ ad limbos descendit, quæque se dein glorioso et immortale suo Corpori iterato conjunxit; illam ipsam denique JESU Divinitatem, quæ creavit coelum et terram. o Bonum ineffabile sic totum JESUM possidere! ægri, quos Evangelium memorat, felices se æstimabant, quod sibi liceret JESUM videre in transitu, vestimenti ejus tangere fimbriam, manuum ejus sentire impositionem, et vel uno ejus honorari aspectu: ego vero totum ipsum in corde gesto! *Benedic, anima mea, Domino, et omnia, quæ intra me sunt, Nomini Sancto ejus* (Psalm. 102 1.) o Sacrum JESU Corpus, te adoro. O pretiose JESU Sanguis in te confido. O sanctissima JESU Anima! me tecum unio. o Augustissima JESU Divinitas! me tibi subjicio.

DIES II.

ANTE MISSAM.

Jesus, in Eucharistia, *Figura.*

Punctum I.

Considera, hoc *Sacramentum* esse compendium et complementum omnium antiquarum figurarum; puta, Arboris Vitæ in Paradiso terrestri; Panum Propositionis in templo; Mannæ in deserto; Agni Paschalis, et Arcæ Testamenti; illudque omnes istarum figurarum fines in animabus nostris complere. Vere nobis in hoc Mysterio *Memoriam fecit mirabilium suorum misericors et miserator Dominus.*

(Psalm, 110. 4.) Compara reverentiam, quæ figuris hisce exhibebatur, cum ea, quam veritati ipsi exhibes. Quam lex puritatem non exigebat a Sacerdotibus, ipsoque populo, dum ad umbras illas et infirma imperfectaque signa, cultus gratia, accedebant! at, quanto major exigitur ad recipiendam veritatem, quæ umbras illas et signa omnia infinite transcendit? *Amplius lava me ab iniquitate mea, et a peccato meo munda me.* (Psalm. 50. 3.)

Punctum II.

Considera, hoc Sacramentum insuper figuram esse et commemorationem Mortis JESU CHRISTI, secundum hoc, quod ipse Apostolis suis, et in Apostolis, Sacerdotibus omnibus dixit: *Hoc facite in meam commemorationem* (Luc. 22. 19.) Ideoque nullam esse celebraturi Sacerdotis vestem, nullam Missæ ceremoniam, quæ non aliquam Passionis Domini circumstantiam repræsentet. Eodem igitur spiritu ad Altare accedamus, quo JESUS Calvariam moriturus ascendit; eodem mentis affectu Ornamenta sacra induamus, quo tunc JESUS accepit vestimenta, quibus se indui passus est. Ex nostra exteriori agendi ratione pateat, quod interiori mortis JESU memoria simus commoti: *Christo passo in carne, et vos eadem cogitatione armamini.* (1. Pet. 4. 1.) Præsta, o JESU, ne, dum sacrificando Passionem tuam innovo, innovem unquam crimen, quod tuæ Passionis causa fuit; imo vero da, ut *novum fugiter percipiam tuæ redemptionis effectum.* Hanc a te gratiam, mi Deus, cum Ecclêsia prostratus imploro.

DIES II.

POST MISSAM.

Jesus, in Eucharistia, *Veritas.*

Punctum I.

Considera, te in Altari JESUM suscepisse in *veritate*; non autem in figura, in qua eum dumtaxat suscipiebant Judæi, dum Agno vescebantur Paschali: nec tantum suscepisse spiritualiter, prout in Communionibus spiritualibus suscipitur; sed realiter, vere, substantialiter; eundem prorsus, quem Pater in sinu suo ab omni æternitate gignit, quemque B. V. Maria novem mensibus in suo gestavit. *Credo, Domine; adjuva incredulitatem meam.* (Marc. 9. 23.) Sic est, mi JESU, in Altari *ego hodie genui te*, (Psalm. 2. 7.) qui es unigenitus Dei Filius. Felicitatis sanctissimæ tuæ Matris, cujus venter te portavit, sum factus particeps. Cum ipsa te laudo, glorifico, tibi gratias ago: *Magnificat anima mea Dominum*, etc. (Luc. 1. 46.)

Punctum II.

Considera, te non modo suscepisse JESUM in *veritate*, et talem, qualis olim in terra fuit, et nunc in Cælo est; sed etiam suscepisse cum omnibus suis perfectionibus, qualitatibus, virtutibus ac meritis. Hæc serio perpende jam in te hic JESUS habitat, qui Deus est æternus, immensus, infinitus; hic JESUS, qui tuus Creator est, Conservator, Salvator, Judex; hic JESUS, qui omnia potest in ordine naturæ, gratiæ et gloriæ; hic JESUS tam mitis, tam humilis, tam patiens, tam benignus; hic JESUS, cujus vel unus actus majoris

fuit meriti, quam omnia Angelorum Sanctorumque omnium opera. *In omnibus divites facti estis in illo.* (1. Cor. 1. 5.) Quam non exigunt gratiarum actionem tot tantique favores ! pudeat, o anima, tam parum illis profecisse, tam parum respondiſſe. Ah ! mi bone JESU, concede, ut Corpus tuum accipiens, tuum quoque accipiam spiritum ; et ut sacratissimæ tuæ Carni, pretiosissimoque tuo Sanguini communicans, communicem et tuis meritis tuisque virtutibus, mihi tantopere necessariis.

DIES III.

ANTE MISSAM.

Jesus, in Eucharistia, *Sacerdos.*

Punctum I.

Considera, JESUM CHRISTUM esse *Sacerdotem* summum, æternum, universalem. *Summus* est, quia in ipso residet omnis tum sanctitatis, tum potestatis Sacerdotum omnium plenitudo, cum ab ipso accipiant quidquid habent virtutis et potentia. *Æternus* est, quia ejus Sacerdotium sine fine durare debet in Cœlis, ubi se æternum offert et offeret suo Patri. *Universalis* est, quia ipse est, qui agit et loquitur in omnibus Sacerdotibus, dum Sacro Ministerio funguntur. *Habentes itaque Sacerdotem magnum super domum Dei, accedamus cum vero corde in plenitudine fidei aspersi corda a conscientia mala.* (Heb. 10. 22.) Agnosco te, o JESU, summum meum *Sacerdotem* ; participem me fac gratiæ et sanctitatis tui Sacerdotii, ut digne sacra celebrem Mysteria.

Punctum II.

Considera, te, qua *Sacerdos* es, JESU CHRISTI esse organum et Ministrum, ejus nomine te agere et loqui, ipsique tam arcte esse conjunctum, ut, quodcumque nomine ejus agis et loqueris, tecum id ipse agat et loquatur. Quando baptizas, *hic est qui baptizat* ; (Joan. 1. 33.) quando exhortaris, hic est qui exhortatur, *tamquam Deo exhortante per nos* ; (2. Cor. 5. 20.) quando celebras sacrosanctum Missæ Sacrificium, hic est qui celebrat. Statim ad Altare comparabis, non ut homo mortalis, sed ut alius JESUS CHRISTUS. o Quam tibi hoc est gloriosum ! verum an modo in eo statu es, in quo personam adeo dignam digne representes ? JESU potestatem habes, sed num ejus quoque habes virtutes, sanctitatem, humilitatem, mortificationem ? Nonne *Sacerdos* es, mundo, sensibus, commodis addictus ? Talis si sis, quo pergis adeo dissimilis ipsi JESU ? Exue veterem hominem, et novum indue : *Induimini Dominum JESUM CHRISTUM.* (Rom. 13, 14.)

DIES III.

POST MISSAM.

Jesus, in Eucharistia, *Victima.*

Punctum I.

Considera, JESUM in Eucharistia Cœlesti suo Patri continuo se offerre, tanquam generalem omnium hominum, *Victimam*, ad ipsi, eorum nomine, debitos tribuendum honores, et divinæ satisfaciendum Ju-

stitiæ pro peccatis, quæ admiserunt : etiam dum cor tuum, in quo moratur modo, illi Altare est, in quo suum offert Sacrificium ; ita ut dicere cum Propheta possis : *Apud me Oratio Deo vita mee.* (Psalm. 41. 9.) Magne Deus ! non sum, fateor, ex me sufficiens, qui te digne glorificem, qui te mihi propitium reddam ; sed, *respice in faciem CHRISTI tui* (Psalm. 83. 10.) Offero tibi ejus sanguinem et vitam, et, quoad possum, infinitis ejus me unio meritis.

Punctum II.

Considera, si olim ii, qui idolothya comedebant, cultus Idolorum participes erant, teste Apostolo, et sæpe demoniorum fiebant mancipia ; quanto sit æquius, ut qui manducas *Victimam* viventem, sanctam et Deo acceptam, ejus animeris et implearis spiritu, quod quidem proprie est de Altari participare, dicente Domino : *Qui manducat me, et ipse vivet propter me.* (Joan. 6. 58.) o Mi JESU ! gratiam mihi largire, qua spiritui mundi mortuus, spiritu tuo vivam.

DIES IV.

ANTE MISSAM.

Jesus, in Eucharistia, *Sacrificium holocausti.*

Punctum I.

Considera, cum omnia legis veteris sacrificia, Deum, ut par erat, honorando nequaquam sufficerent, JESUM in Lege Nova instituisse Eucharistiæ *Sacrificium*, quod, cum sit pretii infiniti, pro nobis condignum Deo defert honorem : ipsumque hoc

pacto, debiti nostri solvendi impotentiam abunde supplere : *Hostias, et oblationes, et holocaustomata nolisti, nec placita sunt tibi ; tunc dixi : ecce venio.* (Heb. 10. 8. et 9.) O admirabilem JESU Sapientiam, qua efficacissimum reperit remedium, ut meritum Deo cultum adorationemque perfecte exhiberemus ! ejus igitur intentioni, quam in hujus *Sacrificii* institutione habuit, jungamus et nostram, atque hoc *Sacrificium* offeramus ad adorandum cum ipso Patrem *in spiritu et veritate.* *Tales querit, qui adorent eum* (Joan. 4. 23.) o JESU ! renuntio omnibus, quæ tibi displicent ; in me veni, ut mearum adorationum, petitionum, gratiarum actionum, satisfactionum indignitatem et insufficientiam suppleas, et meos omnes repares defectus : plurimum namque, eheu ! defui innumeris meis erga Deum debitis obsequiis.

Punctum II.

Considera, sicut in *holocausti Sacrificio* tota victima flammis consumebatur, ad testandum supremum Dei in creaturas dominium ; ita JESUM, ex singulari erga nos charitate, semetipsum in Consecratione et Communionem destruere et exinanire, ad honorandam Patris sui omnipotentiam, ac immensam Majestatem. *Holocaustum* hoc oblaturus, animi tui dispositiones examina : sunt ne JESU dispositionibus similes ? An cum ipso te totum immolare paratus es ? Nihilne in mundo est, quod te sibi affixum teneat ? Non consanguinei, familiares, honores, voluptates, commoda ? Non etiam tuæ naturæ dotes, tua sanitas, tua fama, tua vita, proprius tui amor ? Nihil, divine JESU ! omnia abduco, ut tecum immoler : *Suscipe me secundum eloquium tuum et vivam ; et non confundas me ab expectatione mea* (Psalm. 118. 116.)

DIES IV.

POST MISSAM.

Jesus, in Eucharistia, *Sacrificium gratiarum actionis.*

Punctum I.

Considera, homines, qui a Deo innumeros favores tam internos, quam externos, ex ejus infinito erga illos amore profuentes, momentis singulis accipiunt, gratis ipsi rependendis indesinenter occupari debere : sed, cum ob naturæ infirmitatem id assidue præstare nequeant, vult Jesus in Eucharistia supplere illorum defectum, et pro illis Deo Patri suo continuas *agere gratias*, prout et nunc pro nobis agit. O quam hæc JESU gratiæ sanctæ sunt ! quam Deo Patri acceptæ ! felicem me, cujus tam strictam obligationem per semetipsum exsolvere dignatur JESUS ! quomodo enim, mi Deus, tuis, tot et tantis, in me meritis unquam respondere possim ! Quæ tibi, pro iis retribuere munera ? tibi qui *Bonorum meorum non egēs*, (Psalm. 15. 2) et qui, quæcumque possideo, mihi es largitus ? Placeant ergo tibi grates, quas tibi pro me JESUS refert ; has tibi offero, et quantum possum, me his unitum desidero.

Punctum II.

Considera, quam sis JESU obstrictus, pro eo quod tibi modum ministraverit, quo Deo, pro collatis tibi ab ipso favoribus, gratus existas ; usque adeo, ut, dum ipsi suum Filium offers non modo tuo hoc munere exæques, sed etiam superes quæcumque tibi munera contulit. Is ipse enim Filius, omnis boni origo est, bonum summum, bonum per essentiam,

bonum universale ; et quidquid boni, præter ipsum dare tibi potest Deus nil nisi distillatio quædam est, ab hoc infinite fœcundo bonitatis fonte emanaas. O Qualis hæc tibi consolatio ! vide igitur, ut semper de illa *gratias agas Deo, et Patri per JESUM CHRISTUM*, (Coloss. 3, 17.) sicque et novis favoribus te dignum efficias. Hoc te monet Ecclesia in *Præfatione*, quam quotidie, utinam satis attente, recitas : *Vere dignum et justum est, nos tibi semper et ubique gratias agere, Domine sancte, Pater omnipotens, æterne Deus, per CHRISTUM Dominum nostrum.*

DIES V.

ANTE MISSAM.

Jesus, in Eucharistia, *Sacrificium Propitiatoris.*

Punctum I.

Considera, quandoquidem tota natura humana satisfacere non poterat pro uno dumtaxat peccato, JESUM, ut nobis peccatorum veniam mereretur, et Deo Patri satisfaceret, esse Hominem factum et in Cruce mortuum, ac præ nimia bonitate in Eucharistia presentem se constituisse, ut nobis applicaret suæ satisfactionis effectum : quapropter, etiam statuit Ecclesia, ut in hoc Mysterio de ipso dicamus : *Ecce Agnus Dei, ecce, qui tollit peccata mundi.* (Joan. 1. 29.) Proh ! quanto id nobis solatio est, toties offerre Sacrificium, quod vim habet nostra tollendi peccata ; nostra, inquam eaque innumera ; cum et plurima jam patra-verimus, et plurima patremus indies, et plurimis, donec vixerimus, patrandis simus obnoxii. O JESU ! tibi me sisto gravibus inquinatum peccatis ; *Miserere mei, secundum magnam misericordiam tuam,*

(Psalm. 50. 1.) et per pretiosissimi Sanguinis tui virtutem omnes vitæ meæ iniquitates dele. An modo re ipsa eas deleveris, quid scio? Illas equidem, tui solius amore, ex toto corde detestor: *Cor contritum et humiliatum Deus, uti promisisti, non despicias.* (Palm. 50. 18.)

Punctum II.

Considera, JESUM prævidentem, semper in mundo futuros homines, qui Deum offenderent, sese stitisse in Eucharistia, tamquam hostiam propitiationis, ad assidue a Patre suo omnium offensarum, quas committerent, veniam petendam, et ad pacandam justam ipsius adversus illos iracundiam. *Ipse, inquit S. Evangelista Joannes, est propitiatio pro peccatis nostris; non pro nostris autem tantum, sed etiam pro totius mundi.* (Joan. 2. 2.) Fuitne ulla umquam charitas extensior charitate JESU? Offergo Deo hanc propitiationis hostiam, non pro tuis solum, sed etiam pro totius populi christiani, et illorum, quos noveris Deum gravius offendere, delictis. Ex officio tibi incumbit, plorare *inter Vestibulum et Altare*, et dicere: *Parce, Domine, parce populo tuo.* (Joel. 2. 17.)

DIES V.

POST MISSAM.

Jesus, in Eucharistia, *Sacrificium impetrationis.*

Punctum I.

Considera, cum homines propter peccata sua indigni essent ullius apud Deum gratiæ demerendæ, JESUM sese in Eucharistia constituisse, ut pro iis a

Deo omnes omnino impetraret gratias quarum tam corpori quam animæ, tum pro tempore, tum pro æternitate indigerent; ipsumque pro te, posteaquam sumpseris, idem in tuo corde præstare: *Semper enim est vivens ad interpellandum pro nobis.* (Heb. 7. 25.) o dignum intercessorem! per ipsum omnia, sine ipso nihil valemus, ne quidem vel minimam a Deo exorare favorem. Mi JESU! gratias tibi habeo, quod mihi apud Patrem tuum advocatus esse digneris: mea omnia tibi committo, tuis precibus meas jungo, nec quidquam a Deo postulo, nisi quod pro me postulas, et me postulare docuisti: *Pater, sanctificetur nomen tuum etc.* (Luc. 11.)

Punctum II.

Considera, licet JESUS in Eucharistia pro nobis indesinenter oret, nihilque illi Pater suus Cœlestis neget umquam, prout JESUS ipse testatur: *Sciebam, quia semper me audis;* (Joan. 11. 42.) nihilominus, ut ejus oratio nobis prosit, oportere, ut dispositionibus, quibus orat, conformemur, et cum ipso, sicut ipse, oremus. Quam Sancta JESU oratio! quam Deo Patri accepta! quanta ejus mentis collectio! quanta attentio! quantus fervor! quanta devotio! eximium sane tibi, quod orans imiteris, exemplum: *Hoc sentite in vobis, quod et in CHRISTO JESU.* (Phil. 2. 5.) Forte in nomine, et per merita ejus, *Usque modo non petistis quidquam.* Quid mirum si ex hoc interpretationis Sacrificio, toties a te oblato, tam exiguum retuleris fructum? *Petite ergo cum JESU, et quemadmodum JESU petit, et accipietis.* (Joan. 16-24.)

DIES VI.

ANTE MISSAM.

Jesus, in Eucharistia, *Deus noster.*

Punctum I.

Considera, JESUM vere ut *Deum*, proindeque cum omnibus suis infinitis et incomprehensibilibus perfectionibus, Majestate, Omnipotentia, Aternitate, Immensitate, Sanctitate, Sapientia, Bonitate, Patientia, Justitia, Misericordia præsentem in Eucharistia. o Mi JESU ! in hoc Mysterio *Vere tu es Deus absconditus.* (Isai. 45. 15) Nequidem hic mihi ut Homo appares, et tamen reipsa hic et ut Homo es, et *Deus.* Id credo, id confiteor ex toto corde : *Dominus meus, et Deus meus* (Joan. 20. 28.) Ah ! quis ego sum, ut ad te veniam, te offeram, te sumam ?

Punctum II

Considera, *Deum*, quem suscepturus es, Sanctum Sanctorum esse, et ipsammet Sanctitatem, eumque ab his, qui ad se accedunt, magnam puritatem semper exegisse. Attende, quid a Moysè exigit, priusquam ei accessum ad rubum ardentem permittat : *Soloe*, inquit, *calceamentum de pedibus tuis : locus enim in quo stas, terra sancta est.* (Exod. 3. 5.) Attende, quid mandet Aaroni ejusque filiis, antequam Tabernaculum ingrediantur, ipsique incensum offerant : vult, ut pedes lavent et manus, (Exod. 30. 19.) illisque si hoc mandatum negligant, mortem minatur. Ah ? Mi Deus ! tu ipse mihi necessariam puritatem tribue, ut ad te appropinquare valeam : *Cor mundum crea in me, Deus, et spiritum rectum innova in visceribus meis :*

(Psalm. 50. 12.) Namque, *quis potest facere mundum de immundo conceptum semine, nonne tu qui solus es?* (Job 14. 4.) Alioqui, *si totus fuero quasi aquis nivis et fulserint velut mundissima manus meæ,* (Job. 9. 30.) tamen sordibus intinctum me invenies.

DIES VI.

POST MISSAM.

Jesus, in Eucharistia, *Rex noster.*

Punctum I.

Considera, eundem JESUM, qui in SS. Scripturis appellatur *Rex regum et Dominus dominantium*, (Apoc. 19. 16.) nunc residere in tuo corde, instar Regis in suo solio, ubi reverentiam, submissionem, fidelitatem, quæ a te sibi debentur, expectat. Agnosce JESU, *Regis tui*, auctoritatem et in te Dominium. o JESU ! *Tu es ipse Rex meus, et Deus meus.* (Psalm. 43. 5. Animæ meæ facultatibus, corporisque potentiis æternum dominare. Quam hoc mihi honorificum, subdî *Regi*, qui in Cœlis sedet ad dexteram Patris ; cui data est omnis potestas ; quem Angeli et Sancti omnes adorant ; a quo terræ reges sua habent diademata ! profecto, tantæ Majestatis *Regi servire, regnare est.* Quam etiam hoc mihi commodum, vivere sub legibus *Regis* tam æqui, tam clementis ; cujus jugum adeo suave est et leve ! o JESU ! in perpetuum mihi eris *Rex* ; tibi inviolabilem juro fidem.

Punctum II.

Considera, quam variis titulis JESU, *Regi tuo*, sis devinctus ; te a crudeli dæmonis tyrannide, et infami

peccati servitute liberavit; in amicitiam suam admittit; suum creavit Ministrum: ad mensam suam quotidie recipit, tibi que suam omnem, qua ipsis terrarum regibus antecellis, credidit potestatem, *Sic honorabitur, quemcumque voluerit Rex honorare*, (Esth. 6, 9.) Mi Jesu, quam Magnificus es Rex! quam benevolus! usque ad Thronum tuum me exaltavisti; ego vicissim, in grati animi testificationem, *Exallabo te, Deus meus Rex, et benedicam Nomini tuo in seculum et in seculum seculi*. (Psalm. 144. 1.)

DIES VII.

ANTE MISSAM.

Jesus, in Eucharistia, *Creator Noster*.

Punctum I.

Considera, cum Jesus in Eucharistia sit Deus vivus et verus, ipsum consequenter tuum esse *Creatorem*, qui tibi, cujus nullatenus egebat, existentiam, et quidquid habes, ex mera misericordia est largitus. Ita est, Domine: *Manus tue fecerunt me, et plasnaverunt me totum in circuitu* (Job 10. 8.) *Creator* ille omnipotens cor tuum intrare desiderat, in quod supremum habet Dominium. Quanta igitur sollicitudine cor istud exornare debes, ut in hoc eum digne recipias? Imo vero, quanto ardore illud ipsi offerre? Deus meus et *Creator, tuus sum ego*. (Psalm. 118. 94.) *Habitaculum* ne dedigneris, quod ipse tibi edificasti: manum illi admove, et perfice opus tuum, eique, per peccatum deformato, pristinam formam et nitorem restitue. Domine, creasti me propter te, nec aliud concupisco quam te: *Silivit in te anima mea, quam multipliciter tibi caro mea!* (Psalm. 62. 2.)

Punctum II.

Considera, ab eodem Jesu, qui te creavit, existentiam tuam et vitam continue conservari, adeo ut, si unico dumtaxat momento cessaret te sustinere, statim in nihilum, unde te extraxit, recideres. Utique Domine, *Vitam et misericordiam tribuisti mihi, et visitatio tua custodivit spiritum meum*. (Job 10. 12.) Quantum tibi ob tantum beneficium sum obstrictus! enim vero, quid modo de me foret, si, dum te offendebam, dum ad Altare tuum tam modice devotus, forte etiam male dispositus accedebam, a me recessisses? Itaque me felicem, qui etiamnum subsisto, te offerre ac suscipere paratus! concede mihi, ut ad præteritas meas negligentias corrigendas, hodie et deinceps majori fervore Altare ascendam. Eheu! fortasse ultimum est Sacrificium, quod a me tibi offerendum restat. *Conserve me, Domine, quoniam speravi in te*. (Psalm. 15. 1.) *et holocausta medullata offeram tibi*. (Psalm. 63. 14.)

DIES VII.

POST MISSAM.

Jesus, in Eucharistia, *Redemptor noster*.

Punctum I.

Considera, nos per primi hominis inobedientiam factos esse dæmonis et peccati mancipia, mortisque et inferni reos; Deum vero nobis misisse Filium suum, qui nos ex universis hisce malis eriperet; quique, ne quid deesset suæ in nos gratiæ et misericordiæ, adhuc in Eucharistia pergit pro nobis fungi *Redemptoris* officio: *Dedit semetipsum pro nobis, ut*

nos redimeret ab omni iniquitate. (Tit. 2. 14.) o Benignissime *Redemptor!* quid tibi pro tanto beneficio retribuam? *Drupisti vincula mea; tibi sacrificabo hostiam laudis.* (Psalm. 115. 7.) Perge, mi JESU, divine *Redemptor,* perge Redemptionis fructuum, quibus egeo, indies me participem efficere: *Redime me, miserere mei.* (Psalm. 25. 11.)

Punctum II.

Considera, te, a JESU redemptum, totum illius esse, *Non estis vestri.* (1 Cor. 6. 19.) Ad JESUM pertinet tamquam hæreditas, quam sibi emit pretio magno. Itaque, non licet tibi de tuo labore, de tuis bonis, de tua libertate, de tua vita decernere in JESU præjudicium. At, quoties interim, ex quo a JESU es redemptus, te peccato, mundo, inordinatis animi tui motibus tradidisti! Vide, quantam ipsi intuleris injuriam: quid ages, ut illi damnum repares! o Mi JESU! tibi uni vivam posthac: *Nunc magnificabitur CHRISTUS in corpore meo, sive per vitam sive per mortem: mihi enim vivere CHRISTUS est, et mori lucrum.* (Phil. 1. 20. et 21.)

DIES VIII.

ANTE MISSAM.

JESUS, in Eucharistia, *Legifer noster.*

Punctum I.

Considera, JESUM in Eucharistia eundem esse, qui in mundum venit, figuras et cæremonias Legis Veteris aboliturus, et Legem Novam fundaturus; Le-

gem nempe gratiæ et amoris. Est ergo *Dominus Legifer noster.* (Isai. 33. 22.) Quantum illi obstricti sumus, quod nos exemerit a præceptorum et cæremoniarum, quæ Judæos opprimebant, multitudine? Legem adeo sanctam, adeo facilem hisce substituerit, gratiam illi implendæ nobis meruerit; atque ad implendam et copiosis promissis, et minis terrificis nos provocare dignetur? *Fatere, quod Nullus ei similis in Legistoribus* (Job 35. 22.) Verum, si Deus, Legem Veterem populo suo traditurus, ab illo requisiverit, ut se sanctificaret, vestimenta sua lavaret, seque triduo ab uxoribus contineret; quam tibi, Legis ipsum auctorem suscepturo, mentis dispositionem putas afferendam? Hanc mihi tu ipse, obsecro, largire, mi Deus; da timorem, amorem, puritatem; meque per gratiæ tuæ effusionem sanctifica.

Punctum II.

Considera, nostrum *Legislatorem* JESUM, cum seipsum a Lege, quam nobis imposuit, excipere posset, huic se voluisse subjicere, ut suo exemplo et nos doceret omnes rejicere prætextus, quibus utimur, ne Legi subdamur; et simul damnaret mollimenta, ad rigorem ejus eludendum a nobis excogitata: *Non veni, inquit, solvere Legem sed adimplere* (Matt. 5. 17.) Examina, hinc, Evangelii Leges et praxes; illinc, JESU facta et vitam, perfectam inter hæc et illa reperies conformitatem. Dein, cum tua negligentia sedulitatem JESU, cum tuo tepore ejus fervorem conferens, erubescere, illumque modo accede cum firmo proposito, Legem ejus implendi in omnibus: *Paratus sum et non sum turbatus ut custodiam Mandata tua.* (Psalm. 118. 60.)

DIES VIII.

POST MISSAM.

Jesus, in Eucharistia, *Caput nostrum.*

Punctum I.

Considera, JESUM esse tuum *Caput*; Ecclesiam, ejus Corpus; teipsum, illius membrum: *Ipsum dedit Pater Cœlestis, Caput supra omnem Ecclesiam* (Eph. 1. 22.) Adverte, quam multimode JESUS in Eucharistia *Capitis* munus obeat. Corpus suum, Ecclesiam, gubernat, regit, protegit; spiritum suum suasque gratias in omnia sua membra diffundit, eademque vivificat et sibi unit. Quanta nobis gloria, quantus honos, quod tam Sancti, tamque augusti *Capitis* membra simus, illique eo vinculo juncti, quo membra junguntur corpori! *Membra sumus corporis ejus de carne ejus et de ossibus ejus* (Eph. 5. 30.) inquit Apostolus. Et: *Estis in illo repleti qui est Caput omnis Principatus et Potestatis.* (Coloss. 2. 10.) o JESU, *Caput* meum! tuo me Spiritu fove, gratiaque tua et sanctitate in omnes animæ meæ potentias infue!

Punctum II.

Considera, quid JESU, qua *Capiti* tuo, debeas; nimirum, honorare ipsum et amare, ipsi adhærere, ipsius vivere spiritu, ipsi obedire in omnibus. Expende, quomodo debitis istis satisfeceris. Heu! quantum hic habes, quod tibi exprobres! quam sæpe *Caput* illud adorandum deonestasti! quam cum ipso egisti frigidè! quam ejus es adversatus spiritui et

mandatis! tandem prævaricationes illas repara. Adoro te, mi JESU, ut *Caput* meum; ex toto corde te amo; tibi me, quantum possum, unio, solo tuo spiritu vivere, et in omnibus tibi parere desiderans: *Paratum cor meum, Deus: paratum cor meum.* (Psalm. 56. 8.)

DIES IX.

ANTE MISSAM.

Jesus, in Eucharistia, *Pater noster.*

Punctum I.

Considera Patris æterni charitatem, qua nobis unicum Filium suum dedit *Pastorem*, qui nos ab hostium liberaret furore, nos defenderet contra eorum incursus, nos quæreret, duceret, pasceret. Admirare, quam amanter JESUS in Eucharistia agat boni *Pastoris* partes; nos quærat, paratus vitam profunderè, animamque suam dare pro nobis. Quomodo tu erga eum es effectus? Quam rebellis, quam infidelis inveniris! fateor, divine *Pastor*, *Erravi sicut ovis qua perivi: quare servum tuum.* (Psalm. 118. 176.) Sub tali tantoque, qui me regit, *Pastore nihil mihi deerit: in Ecclesia sua, quasi in loco pascuæ me collocavit.* (Psalm. 22. 1.) *Introibo ad Altare,* (Psalm. 42. 4.) illic fertilem illam inveniam pascuam. Concede, bone JESU, ut mihi prosit, ut ea enutriar, et in eam ferar nova indies fame, novo ardore.

Punctum II.

Considera, bonum *Pastorem* suas cognoscere oves: *Cognosco meas;* (Joan. 10. 14.) atque adeo *Pastorem* tuum JESUM melius te cognoscere, quam te tu ipse

cognoscas. Hoc ipso momento, quo ad Altare introire cogitas, videt abscondita cordis tui, tua consilia, intentiones, cogitationes, desideria, tuam omnem dispositionem; time ne te multorum defectuum, ad quos minime attendis, nocentem deprehendat. Ah! mi JESU! detestor quidquid in me culpæ reperis: *Ab occultis meis munda me.* (Psalm. 18. 13.) Cæterum expe-
 pende, an, sicut te Jesus cognoscit, ita tu quoque
 JESUM cognoscas; nam oves ejus eum cognoscunt:
Cognoscunt me mea. (Joan. 10. 14.) Nonne exprobra-
 re tibi jure posset, quod, a quo tempore Sacerdos
 factus es, et cum ipso versaris frequentius, nun-
 quam ipsum probe cognoveris? Quod si talem, qua-
 lis est, ipsum cognoscas, tuas illi cognitioni disposi-
 tiones accommoda; secundum cognitionem illam
 tegere.

DIES IX.

POST MISSAM

Jesus, in Eucharistia, *Pater noster.*

Punctum I.

Considera, JESUM in Eucharistia vere esse nos-
 tram *Patrem*, quandoquidem, postquam nos ex late-
 re suo, in Cruce transfixo, veluti mater ex utero, ge-
 nuerat, ab alio, quam a se ipso, nutrirî no; noluit,
 hunc in finem nobis præbens proprium suum Corpus
 et Sanguinem; prout et tibi mox præbuit, ut sint
 animæ tuæ spirituale alimentum, et in ipsa vitam
 gratiæ conservent et augeant. O Charitatem plane
 paternam! an unquam Pater extitit melior, et nostro
 dignior amore? Patres nostri secundum carnem, se-
 mel dumtaxat nobis dederunt vitam, eamque morta-

lem, et miseris infinitis obnoxiam; JESUS autem
 nobis dat vitam corporis et animæ, et nos proprio
 suo Corpore pascit. Agnosce itaque cum Propheta,
 ipsum in te genuini *Patris* affici teneritudine, et ver-
 ba sequentia, solatii plena, tibi dici existima: *Fili,
 tu semper mecum es, et omnia mea tua sunt.* (Luc.
 15. 31). Num *Patri* tuo JESU dicere tantumdem pos-
 ses? Utique, dilectissime JESU, et omnia mea tua
 sunt, et semper tecum esse volo.

Punctum II.

Considera, si JESUS in Eucharistia sit tuus *Pater*,
 te ipsi eundem, quem Filius patri, debere honorem,
 amorem, obedientiam. Te ipsum inspice, an hæc ei
 præstes. Responde ad id, quod ex te quærit per *Ma-
 lachiam* Prophetam: *Si Pater ego sum, ubi est honor
 meus?* (Mal. I. 6.) Quo zelo gloriam meam curas?
 Qua diligentia, dum fert occasio, res meas agis?
 Quæ tua in me fiducia? Quæ meæ voluntati sub-
 missio? o JESU! *Patrem* te meum agnosco, et ut ta-
 lem, sicut debeo, veneror. Quomodo non amarem te,
 qui in me, quamdiu vixi, tot tantaque contulisti be-
 neficia? Ad mortem usque fidelis tibi esse volo et
 obsequens.

ANTE MISSAM.

Jesus, in Eucharistia, *Sponsus noster,*

Punctum I.

Considera, JESUM titulum *Sponsi* nostrarum ani-
 marum sibi ipsi tribuere, et, cum Deus esset influi-
 tæ Majestatis, vili nostræ, humilique naturæ nubere

voluisse; primum quidem generaliter, per Incarnationis Mysterium; deinde vero, peculiari modo, per nimiam et numquam satis admirandam erga unumquemque nostrum Charitatem suam in Eucharistiæ Sacramento, quod ideo Incarnationis extensio appellatur. *Ecce, jamjam ad te ingressurus tibi in intime uniendus, Sponsus venit: exite obviam ei* (Matt. 25. 6.) Adinstar prudentum Evangelii Virginum, ad eum recipiendum te accinge; et cura, ut sacro ipsius Amore, per ardentibus lampades adumbrato, ardeas.

Punctum II.

Considera hujus divini *Sponsi* qualitates. Est *speciosus forma præ filiis hominum*. (Ps. 44. 3.) et *Sponsorum omnium longe tenerrimus, amantissimus, fidelissimus, et constantissimus*, secundum hoc Osee Prophetæ: *sponsabo te mihi in sempiternum*. (Os. 2. 19.) Quam tibi cogitationem incipiunt hujusmodi Jesu *Sponsi* tui perfectiones? Numquid cor tibi movent? Sentisne flagrans quoddam desiderium illi te uniendi? An solus tibi placet? Sed, an etiam vicissim tu ipsi places? Num vel tantillum cor ejus vulneras? Forte erga ipsum nonnisi indifferenter te habes: forte et ipse te vice-versa fastidit. Ah! divine mi *Sponse!* a me procul amove quidquid te offendere potest: unum dumtaxat mihi votum est: tibi nempe placere, æternumque uniri.

DIES X.

POST MISSAM.

Jesus, in Eucharistia, *Frater noster*.

Punctum I.

Considera, JESUM, dum in Incarnatione naturam assumpsit nostræ similem, *Fratrem* nostrum esse effectum; hinc a S. Paulo, *Primogenitus in multis Fratribus* (Rom. 8, 29.) vocatur. O! Quæ nobis gloriatio, quod JESUS *Frater noster* sit; et quidem, si peccatum, ignorantiam et concupiscentiam exceperis, nobis per omnia similis! factus enim Homo, *debuit*, dicente eodem Apostolo, *Fratribus per omnia similari*, eorum misérias necessitatesque experiri, *ut misericors feret*. (Heb. 2. 17.) Cum ipso igitur, quasi cum *Fratre*, age; nec dubita tuas calamitates ipsi aperire; fiduciam tuam omnem in ipso colloca; grates ipsi exhibe, quod usque eo sese humiliare dignatus sit, ut se tibi assimilaverit.

Punctum II.

Considera, JESUM præterea modo specialiori *Fratrem* nostrum effici in Eucharistia, ubi nobis se tradit, ut non tantum natura, sed effectibus quoque et cogitationibus ita ipsi evadamus similes, ut cum ipso quodam modo unum simus. O Jesu! in me prodigiosam hanc mutationem perface, ut cum Apostolo tuo Paulo dicere queam: *Vivo autem, jam non ego, vivit vero in me Christus*. (Gal. 2, 20.) Profecto, qui Jesu spiritum, cor, sensa, desideria habet; qui de omnibus idem plane, quod Jesus, *judicium fert*;

qui amat, quod JESUS amat; qui facit Dei voluntatem, sicut eam JESUS fecit, is proprie ejus *Frater* est, ipso JESU testante: *Qui enim fecerit voluntatem Dei, hic Frater meus est.* (Marci 3. 35.)

DIES XI.

ANTE MISSAM.

Jesus, in Eucharistia, *Magister noster.*

Punctum I.

Considera Dei bonitatem, qui, postquam nos per Angelos, Patriarchas et Prophetas erudierat, ad nos proprium suum Filium misit ut is nobis esset *Magister*, Legem divinam nos doceret, et ad ejusdem extimularet observantiam. Quantumcumque tibi videaris instructus, ipsi te siste discipulum, omnis instructionis egentissimum. Tu, qui *Magister* esse deberes, utpote qui alios doces, agnosce ignorantiam tuam et tenebras in ipsis, quæ ad salutem et perfectiorem attinent; refuge ad divinum illum *Magistrum*. *Ipsam audite* (Matt. 17. 5.) Ille te, quæ ignoras, docebit, dummodo ea simplicitate sis, ut ipsi credas; ea submissione, ut ipsi obtemperes. *Loquere Domine; quia audit servus tuus.* (1. Reg. 3. 9.) *Vias tuas demonstra mihi, et semitas tuas edoce me.* (Ps. 24. 4.)

Punctum II.

Considera, divinum nostrum *Magistrum* JESUM, non contentum verbis nos docere, primum cœpisse facere quodcumque a nobis fieri volebat: *Cœpit JESUS facere et docere.* (Act. 1. 1.) Quoad vixit, suos

sermone semper operibus suis confirmavit, pergitque in Eucharistia exempla præbere omnium virtutum, quas nobis exercendas præscripsit. Proh! quantum ab ejus tua discrepat agendi ratio! ubi loquendum est, *Magistrum* agis; verum an dictis facta respondent? Egregias ab aliis dispositiones postulas, ut sæpius communicent Corpori Domini; tu vero, qui quotidie celebras, quas ad tam augustam actionem dispositiones affers? Conscientiam tuam coram Domino scrutare, et tibi metipsi dic, quod toties pœnitentibus, ad te recurrentibus, dicis. Pudet, mi Deus! tot sanctas videre animas, quæ ad Altaria tua majori, quam ego, puritate et devotione accedunt, cum tamen illas ex omni parte superare deberem. Noli permittere, ut aliquando tam ex aliorum factis, quam propriis meis verbis a te condemner.

DIES XI.

POST MISSAM.

Jesus, in Eucharistia, *Salvator noster.*

Punctum I.

Considera, uni JESU proprium esse *salvatoris* nomen; et, si ante ipsum alii *Salvatores* fuerint dicti, sensu valde improprio id illis obtigisse vocabulum: hi enim studio suo et labore dumtaxat salvarunt, JESUS autem salvavit Sanguinis sui pretio; hi, certum modo hominum numerum, JESUS, omnes omnino homines; hi, a malis solum temporalibus, JESUS, ab æternis; hi, tantum illo, quo hic vixerunt, tempore, JESUS, tempore omni, adeo ut salvare neque hactenus destiterit, neque usque ad consummatio-

qui amat, quod JESUS amat; qui facit Dei voluntatem, sicut eam JESUS fecit, is proprie ejus *Frater* est, ipso JESU testante: *Qui enim fecerit voluntatem Dei, hic Frater meus est.* (Marci 3. 35.)

DIES XI.

ANTE MISSAM.

Jesus, in Eucharistia, *Magister noster.*

Punctum I.

Considera Dei bonitatem, qui, postquam nos per Angelos, Patriarchas et Prophetas erudierat, ad nos proprium suum Filium misit ut is nobis esset *Magister*, Legem divinam nos doceret, et ad ejusdem extimularet observantiam. Quantumcumque tibi videaris instructus, ipsi te siste discipulum, omnis instructionis egentissimum. Tu, qui *Magister* esse deberes, utpote qui alios doces, agnosce ignorantiam tuam et tenebras in ipsis, quæ ad salutem et perfectiorem attinent; refuge ad divinum illum *Magistrum*. *Ipsam audite* (Matt. 17. 5.) Ille te, quæ ignoras, docebit, dummodo ea simplicitate sis, ut ipsi credas; ea submissione, ut ipsi obtemperes. *Loquere Domine; quia audit servus tuus.* (1. Reg. 3. 9.) *Vias tuas demonstra mihi, et semitas tuas edoce me.* (Ps. 24. 4.)

Punctum II.

Considera, divinum nostrum *Magistrum* JESUM, non contentum verbis nos docere, primum cœpisse facere quodcumque a nobis fieri volebat: *Cœpit JESUS facere et docere.* (Act. 1. 1.) Quoad vixit, suos

sermone semper operibus suis confirmavit, pergitque in Eucharistia exempla præbere omnium virtutum, quas nobis exercendas præscripsit. Proh! quantum ab ejus tua discrepat agendi ratio! ubi loquendum est, *Magistrum* agis; verum an dictis facta respondent? Egregias ab aliis dispositiones postulas, ut sæpius communicent Corpori Domini; tu vero, qui quotidie celebras, quas ad tam augustam actionem dispositiones affers? Conscientiam tuam coram Domino scrutare, et tibi metipsi dic, quod toties pœnitentibus, ad te recurrentibus, dicis. Pudet, mi Deus! tot sanctas videre animas, quæ ad Altaria tua majori, quam ego, puritate et devotione accedunt, cum tamen illas ex omni parte superare deberem. Noli permittere, ut aliquando tam ex aliorum factis, quam propriis meis verbis a te condemner.

DIES XI.

POST MISSAM.

Jesus, in Eucharistia, *Salvator noster.*

Punctum I.

Considera, uni JESU proprium esse *salvatoris* nomen; et, si ante ipsum alii *Salvatores* fuerint dicti, sensu valde improprio id illis obtigisse vocabulum: hi enim studio suo et labore dumtaxat salvarunt, JESUS autem salvavit Sanguinis sui pretio; hi, certum modo hominum numerum, JESUS, omnes omnino homines; hi, a malis solum temporalibus, JESUS, ab æternis; hi, tantum illo, quo hic vixerunt, tempore, JESUS, tempore omni, adeo ut salvare neque hactenus destiterit, neque usque ad consummati-

nem sæculi sit destitutus. Itaque nunc potissimum, cum amabilissimum hunc *Salvatore*m possides, grato amante animo exclama : *Hic est vere Salvator mundi.* (Joan. 4. 42.) Omnino, mi *JESU!* alium, quam te, *Salvatore*m non novi ; nec meam ab alio, quam a te. Salutem expecto : *Non est in alio aliquo Salus.* (Act. 4, 12.)

Punctum II.

Considera, tibi, quantumvis per *JESUM* salvato, etiamnum opus esse, ut pro te *Salvatoris* munus continuet ; quia semper habens peccata, quæ deleantur ; pugnâs, quas sustineas : tentationes, quas metuas ; nihil potes, et assidue periculis exitio, ni fulciaris divina gratia, quæ per sola hujus *Salvatoris* merita peti debet et impetrari. Magna igitur cum fiducia ejus implora auxillum, et inter tot mala, quæ te undequaque circumstant, ingemiscens exclama : *Domine, salva nos ; perimus.* (Matt. 8. 25.) In medio mundo, tamquam in procelloso mari, versor : actum est de me, perii, si vel unico temporis puncto me deserueris. Ab infirmitate tua plurimum time, omnia a *JESU, Salvatore* tuo, spera ac propone vitare peccati occasiones.

DIES XII.

ANTE MISSAM.

Jesus, in Eucharistia, *Hospes noster.*

Punctum I.

Considera, eundem Deum, qui medius inter Angelos et Sanctos in cœlis habitat, dignari in corde

tuo, instar *Hospitis* in sua domo, mansionem facere, et mirabundus cum *Propheta* quære : magne Deus ! *Quid est homo, quod memor es ejus, aut filius hominis* (id est, justus, secundum interpretationem divi Augustini) *quoniam visitas eum ?* (Ps. 8. 5.) Non sum nisi pulvis et cinis, portio mea non est alia, quam corruptio et peccatum ; quoniam tamen ita tibi placitum est, obsecro, *Domine, si inveni gratiam in oculis tuis, ne transeas servum tuum.* (Gen. 18. 3)

Punctum II.

Considera, Domum Dei speciatim decere Sanctitudinem, et *JESUM* sibi semper habitacula munda expetisse. Elegit sibi casta Virginis sanctissimæ viscera ; in nitido et bene strato cœnaculo Eucharistiam instituit ; post mortem voluit nova sindone involvi, et novo condi Sepulcro. Porro considera, ipsum suos *Hospites*, puta beatissimam Virginem, Zachariæ domum, alteram Nuptiarum in Cana, Mariæ Magdaleneæ castellum, et tandem, post suum obitum, Limbos largissime remunerasse. Igitur *Hospitis* hujus Majestas, tum etiam copiosi favores, quos sua affert præsentia, te exstimulent, ad dignam ipsi præparandam habitationem. Ora, ut ille ipse te in virtutibus, quæ necessariæ sunt ad nitorem tui cordis, quod sibi delegit in Tabernaculum ; Etenim *Nisi Dominus edificaverit domum, in vanum laboraverunt, qui ædificant eam.* (Ps. 126. 1.)

DIES XII.

POST MISSAM.

Jesus, in Eucharistia, *Viativum nostrum.*

Punctum I.

Considera, nos in hoc mundo velut peregrinos esse et viatores; terram nobis exilium et viam; cœlum patriam nostram et cursus nostri terminum: JESUM que in Eucharistia sese nobis præbere tamquam *Viativum*, quo in nostra peregrinatione sustentemur, et iter ceptum usque ad finem continuemus. Sane, tam potenti præsidio indigebamus ad vires nostras instaurandas. Illud nobis subministravit JESU misericordia, ne absque *Viativo* dimissi, in via deficeremus: *Si dimisero eos jejunos, deficient in via.* (Marc. 8. 3.) O JESU mi, o tua in me Charitas! quomodo condigne te laudem atque glorificem? Concede propitius, ut mihi prosit tam salutare remedium. *Viativum* mihi sto in vita, et in hora mortis: *Quoniam ego advensum apud te et peregrinus, sicut omnes Patres mei: remitte mihi, ut refrigerer, priusquam abeam et amplius non e.o.* (Psalm. 38. 13. et 14)

Punctum II.

Considera, te, hoc Sacro *Viativo* refectum, teneri novo fervore incedere; propterea enim tibi datum est. In via perfectionis et salutis pergere debes, numquam gradum sistere, aut alio deflectere, donec ad viæ terminum perveneris; prout et Elias fecit, qui cum Panem, sibi ab Angelo, Dei jussu, allatum, manducasset, *Ambulavit in fortitudine cibi illius,*

quadraginta diebus, et quadraginta noctibus, usque ad mortem Dei Horeb. (3. Reg. 19. 8.) Te quidem, qui toties hoc Sacro *Viativo* es roboratus, in semita virtutis jam longe profecisse oportuerat; et tamen vix eam tenere cœpisti. Confundere coram Domino: time, ne te ex improvise nox occupet, et tempus perditum redimere stude.

DIES XIII.

ANTE MISSAM.

Jesu, in Eucharistia, *Medicus noster.*

Punctum I.

Considera JESUM et animarum et corporum nostrorum supremum esse *Medicum*. Morbos nostros apprima novit; iis condolet; ad eos curandos in terram venit; in hoc, dum vixit, totus fuit, ut ægris succurreret; et, si ad ipsum tanta fiducia, qua quondam infirmi, de quibus meminit Evangelium, recurramus, etiam nunc potens est tollere nostras infirmitates, tam spirituales, quam corporales. Te ergo coram ipso agnosce infirmum, ejus ope quam maxime indigentem. Ah! JESU! *Ecce, quem amas, infirmatur.* (Joan. 11. 3.) De tua, modo velis, me sanandi potentia nequaquam dubito, *Domine, si vis, potes me mundare.* (Matt. 8. 2.) Age itaque, *Divine Medice, ad adjuvandum me festina* (Ps. 69. 1.) *Sana animam meam, quia peccavi tibi.* (Psalm. 40. 5.)

Punctum II.

Considera, quod Divinus hic *Medicus* non solum noscat morbos nostros, istosque solo verbo sanandi

voluntatem habeat atque potentiam, verum quod dolores nostros nostrasque infirmitates ipse quoque portaverit: *Vere languores nostros ipse tulit et dolores nostros ipse portavit.* (Is. 53. 4.) Ut propria sua experientia nosceret medicinam, qua indigemus, illicque efficaciam posset tribuere, ipse tentari voluit, jejunavit, sudavit, fatigatus fuit, tristis factus est et turbatus, imo passus est in omnibus animæ suæ potentiis et in cunctis corporis sui membris. O *Medice* misericordissime! Quis umquam vidit tibi similem? Quis magis idoneus, ut nostris compati possit infirmitatibus, cum ipse, peccato excepto, cunctas nostras miseras fueris expertus? *Tentatum per omnia pro similitudine absque peccato.* (Heb. 4. 15.) Quid efficacius, o Sacerdos, fidem tuam excitare poterit? *Adeamus ergo cum fiducia ad thronum gratiæ, ut misericordiam consequamur, et gratiam inveniamus in auxilio opportuno.* (Heb. ibid.)

DIES XIII.

POST MISSAM.

Jesus, in Eucharistia, *Medicina nostra.*

Punctum I.

Considera **JESUM** in Eucharistia non solum esse animarum et corporum nostrorum summum Medicum, verum etiam seipsum in hoc Sacramento nobis dare, ut sit cunctis infirmitatibus nostris *Medicina*. Non minorem nunc quam olim habet virtutem; si tunc absens sicut et præsens ægrotos sanabat, quid nunc in te efficere non poterit, dum ipsum in corde tuo præsentem possides? *Benedic, anima mea, Domino, qui sanat omnes infirmitates tuas.* (Ps. 102. 3.)

Quomodo igitur tot adhuc subiaceo infirmitatibus, qui toties hanc sumpsisti *Medicinam*? Defectus non est in *Medicina*, summa est, efficax, universalis, infinitas alias sanat infirmitates. Culpa itaque, confiteor coram te, mi Deus, in me est. Da mihi gratiam, ut ornem meam in hac divina *Medicina* fiduciam colloquem.

Punctum II.

Considera, quales esse debeant tuæ dispositiones, ut *Medicina* hæc in te operari valeat. 1º Oportet, ut sincere velis sanari. *Vis sanus fieri?* (Jois 5. 6.) Num cuncta facere, cuncta moliri, cuncta pati, cuncta vis sacrificare, ut sanari possis a tua superbia, a tua iracundia, a tua avaritia, a tua sensualitate? Sine hæc dispositione inutilis porro tibi erit hæc celestis *Medicina*. 2º Necesse est, ut firmiter credas, quod sumpta *Medicina* sanare te possit! hæc ipsa est dispositio, quæ infirmis, quos Evangelium citat, sanitatem reddidit; uti patet ex sæpius ibidem a fide petita sanationis causa: *Fides tua te salvam fecit.* (Matt. 9. 22.) Denique necesse est, ut nullus in te sit obex, id est, nullum saltem peccatum mortale, quo impediatur *Medicinæ* effectus. Has dispositiones assume, et, ne tibi tam præstans *Medicina* in toxicum vertatur, Deum ora, ut ipsemet ad vulnera tua illam applicare dignetur.

DIES XIV.

ANTE MISSAM.

Jesus, in Eucharistia, *Consiliarius noster.*

Punctum I.

Considera, JESUM a Propheta *Isaia Consiliarium* vocari, et reipsa nostrum esse in Eucharistia. Si quondam Judæi, in minimis etiam dubiis, consulabant Deum ante Arcam Fœderis, quæ divinæ præsentia duntaxat symbolum erat: quanto magis oportet, ut nos JESUM consulamus in Eucharistia, ubi verè et substantialiter est præsens. Ejus sane consilio tum nobis, tum aliis egemus plurimum in variis casibus, qui subinde recurrunt. Quotquot in Ministerio nostro committimus errores, ex eo proveniunt, quod Dominum non satis consulimus. Hunc igitur *Consiliarium* adi; eo nec fideliozem invenies, nec sapientiozem, nec prudentiozem, nec rebus tuis addiciozem. Ipse est omnium bonorum consiliorum fons et auctor: *Ego sapentia, inquit, habito in consilio et eruditus intersum cogitationibus. Meum est consilium et æquitas, mea est prudentia* (Prov. 8. 12. et 14.) o Jesu! in dubiis meis ad te refugiam: esto mihi *Consiliarius.*

Punctum II.

Considera, Divinum illum *Consiliarium*, ut consiliorum suorum nos faciat participes, duo a nobis exigere, docilitatem nempe, et fidelitatem. Incipe igitur tua deponere præjudicia, privatis tuis sensis et studiis renuntiare propriam tuam abdicare voluntatem, omnemque humanam prudentiam exuere ut

solius JESU audias et sequaris consilia. Hunc in finem suppliciter cum Salomone ora: *Domine Deus, ego sum puer parvulus, et ignorans egressum et introitum meum; et servus tuus in medio est populi, quem elegisti, dabis ergo servo tuo cor docile, ut populum tuum judicare possit, et discernere inter bonum et malum.* (3. Reg. 3.)

DIES XIV.

POST MISSAM.

Jesus, in Eucharistia, *Amicus noster.*

Punctum I.

Considera JESUM in Eucharistia modo prorsus sensibili declarare, se vere nostrum *Amicum* esse; quandoquidem in illa cum nobis agit adeo familiariter, ut quidquid habet, et quidquid est, nobiscum communicet, omnes nostras necessitates inspiciat et sublevet; non solum ad nos veniat, verum etiam in nos introat; denique tam intime se nobis conjungat, ut quodammodo quid unum cum ipso efficiamur. Vehementer exulta, quod dignus sis, qui JESUM, verissimum *Amicum* tuum, totum possideas: ipsi, ut amicorum optimo, tua deprome concilia, miserias detege, omnia revela, nihil ceta: necessariam tibi consolationem apud ipsum reperies. Dic cum Cantatorum Sponsa: *Dilectus meus mihi, et ego illi.* (Cant. 2. 16.)

Punctum II.

Considera, JESUM *Amicum* esse, ab amicis aliis omnino diversum, Amico sincero, fido, stabili, a propriis commodis alieno nihil est rarius, propria tua experientia indice. An talem umquam amicum in mundo invenisti? Nonne plerique amici falsi sunt? Vitulis nostris blandiuntur et addunt fomitem. Tandiu tantum nos colunt, quamdiu eis honori et utilitati esse possumus. Temporis et fortunæ cedunt vicissitudinibus, ambientes scilicet nostram amicitiam, cum in prosperis: vitantes autem, cum in adversissimum. Curigitur erga tales afficeris? Quidni JESUM tibi solum et unicum *Amicum* habere cupias? An tibi, in ulla angustias redacto, umquam defuit? Num perfectior ipso inveniri potest? o JESU! te unum posthac amare, tibi uni confidere statuo: *Inveni quem diligit anima mea; tenui eum nec dimittam.* (Cant. 3. 4.)

DIES XV.

ANTE MISSAM.

Jesus, in Eucharistia, *Itineris Dux noster.*

Punctum I.

Considera, JESUM e caelis in terras descendisse, ut in vitæ nostræ itinere *Dux* nobis esset, atque nunc quoque in Eucharistia *Ducis* nostri officium implere. Ante nos viam cæli emensus, hanc certo novit, et tuto proin ducere non potest. O JESU! *Notam fac mihi viam, in qua ambulem.* (Psalm. 142. 8.) Eheu!

vias forte hactenus secutus sum fallaces; vias, quæ ducunt ad mortem: quare iterum te iterumque oro: *Deduc me in semitam mandatorum tuorum, quia ipsam volui.* (Psalm. 118. 35)

Punctum II.

Considera, JESUM, qui *Dux* tuus est, etiam esse viam quam tenere debes. Quærebat ex JESU S. Thomas Apostolus: *Domine, quomodo possumus viam scire,* (Joan. 14. 5.) qua nobis incedendum? Cui respondit Jesus: *Ego sum via, nemo venit ad Patrem nisi per me* (Joan. 14. 6.) o Quam hæc via sancta est! quam tuta! sed quam parum illam huc usque es secutus! Tua interest, ut hanc viam in eas, et in ea ad mortem usque perseveres. Ad hoc gratiam enixe flagita ab ipso JESU, cum non aliud detur medium ad salutem: *Per me si quis introierit, salvabitur.* (Joan. 10. 9.)

DIES XV.

POST MISSAM.

Jesus, in Eucharistia, *Itineris Comes noster.*

Punctum I.

Considera, JESUM in Eucharistia quodammodo agere itineris nostri *Comitem*: quamvis enim gloriosus sit et immortalis; videtur tamen in Eucharistia vitam resumere viatoris, non solum applicando unicuique nostrum singulatim, quicquid generatim pro omnibus operatus, locutus et passus est; verum etiam nobis cohabitando, nos, dum ægritudine detenti sumus, visitando, dum angustis pressi, juven-

do. Nonne maximo tibi ducis honoris, JESUM habere *Comitem* tui itineris? Ergo meritas ei gratias refer; et, quia tecum habitare ipse dignatur, nihil æque te, quam cum ipso habitare delectet. Cave, ne te culpa tua deserat: *Ne derelinquas me, Domine Deus meus; ne discesseris a me.* (Ps. 37. 22.)

Punctum II.

Considera, cum velit JESUS *Dux et Comes* noster esse, nos teneri ad ipsum sequendum, ejusdemque fideliter insistendum vestigiis. Quid autem est sequi JESUM, nisi ipsum imitari? Quid insistere JESU vestigiis, nisi vivere, uti ipse vixit, vel uti viveret, si in eo foret statu, in quo nos sumus? Interim quotidie JESUM, *Comitem* nostrum, recipimus, ac nihilominus vias carpinimus, viis, per quas nos ducere vult, prorsus contrarias. An non hoc est velle deviare, et nobis ipsis illudere? Divinissime JESU! infideliter egi, præteritos ignosce errores; deinceps *Sequar te quocumque ieris*: (Matt. 8. 19.) Quinimo *Domine, tecum paratus sum et in carcerem, et in mortem ire.* (Luc. 22. 33.)

DIES XVI.

ANTE MISSAM.

Jesus, in Eucharistia, *Mediator* noster.

Punctum I.

Considera, JESUM, qui fuit noster *Mediator* in Cruce, nunc quoque *Mediatorem* nostrum esse in coelo sed modo specialiori in Eucharistia. Deus est, æqualis Patri; Homo est æqualis nobis; atque adeo causam

Patris sui et nostram perfecte gerere potest. Quantum nostra refert, novit totam multitudinem et gravitatem nostrarum offensarum; novit omnes nostras necessitates; preces nostras audit. Quantum vero Patris sui Cœlestis interest, ipsi offert satisfactionem condignam, honores tribuit infinitos, et nostras exhibet miseras. o Nos felices, qui talem habemus *Mediatorem* apud Deum infinitæ Majestatis, quem tam enormiter offendimus! *Si quis peccaverit*, ait S. Evangelista *Joannes, advocatum habemus apud Patrem JESUM CHRISTUM justum.* (1. Joan. 2. 1.) Cum fiducia ad divinum illum *Mediatorem* refuge; et, ut tibi prosit ejus mediatio, tuas ejus uni intentionibus.

Punctum II.

Considera, JESUM, etiamsi solussit *Mediator* Deum inter et homines, quia Patri suo solus reconciliare nos potest; tamen ex singulari gratia voluisse nobis concedere reconciliationis Ministerium, ut suo loco, nomine et meritis, munus *Mediatoris* per nos continuaretur; *Dedit nobis Ministerium reconciliationis.* (2. Cor. 5. 18.) Hoc Ministerio fungimur in Sacramento Penitentiae; potissimum autem in Altari, ubi æterno Patri Filium suum unigenitum JESUM CHRISTUM immolamus. Quam sanctitatem, quem zelum, quam penitentiam a nobis non requirit augustum illud *Mediatoris* officium? At, quam procul ab his dispositionibus distamus! Piissime JESU! supple quod mihi ex hac parte deest; Patri tuo me concilia, priusquam de aliis conciliandis cogitem: tua mediatio mihi magis, quam populo opus est; quia graviora mea delicta. Quis alius præter te mihi illorum impetret remissionem? Ea igitur delere digneris, ut Sacrificium, quod offerre paratus sum, tibi sit acceptum.

DIES XVI.

POST MISSAM.

Jesus, in Eucharistia, *Pax nostra.*

Punctum I.

Considera, JESUM per suam virtutem mundo Pacem dedisse, eandemque conservare per Eucharistiæ Sacramentum, quod propterea a sanctis Patribus dicitur *Vinculum Pacis*; cum Deo scilicet, cum proximo, et cum nobismetipsis. Sancta illa Pace nunc frueris: JESUS enim nunc in medio cordis tui eandem tibi Pacem et optat et dat, quam discipulis suis dedit, dum stabat in medio eorum, dicens: *Pax vobis.* (Luc. 24. 36.) An aliquid in universo terrarum orbe inveniri potest, quod felicem adæquet sortem illius animæ, cui Pax est cum Deo? Non est donum eo excellentius; quippe quod, divo Paulo teste, omnem sensum exsuperat. *Pax Dei, quæ exsuperat omnem sensum.* (Phil. 4. 7.) De eo lætare, et gratias age.

Punctum II.

Considera, cum Pax sit donum adeo pretiosum et præstans, tibi totis viribus connitendum esse, ut eam custodias: primo, vitando peccatum: *Non est Pax impiis.* (Is. 48. 22.) Secundo, te in omnibus submittendo divinæ voluntati: *Quis restitit ei, et Pacem habuit?* (Job 9. 4.) Tertio, fideliter ferventerque implendo, quidquid est status tui et conditionis: *Justitia enim, et Pax osculata sunt.* (Ps. 84. 11.) Prædicta Pacis media executioni mandare statue.

Omnino, mi Deus! sic statuo, et pro nulla re mundi, Pacem, quæ mihi tecum intercedit, amittere volo. Firmissime propono, illam, divina tua gratia aspirante, ad extremum usque halitum conservare, quidquid natura inde pati debuerit.

DIES XVII.

ANTE MISSAM.

Jesus, in Eucharistia, *nostrarum actionum Testis.*

Punctum I.

Considera, JESUM quarumlibet hominum actionem esse *Testem*, cum, qua Deus, ubique sit, et, quidquid intra et extra nos agitur, perspiciat; peculiari tamen modo in Eucharistia nostrarum actionum est *Testis*; quia quotidie in Templis nostris stamus in ejus conspectu, et præcipuas religiosi debiti nostri coram ipso obimus functiones; quarum longe nobilissima, in sacrosancto Missæ Sacrificio, circa augustissimam ipsius Personam versatur. Quodeumque ergo facimus, et modum, quo facimus, videt. Jam nunc *Testis* est earum, in quibus es, dispositionum. Circa hanc veritatem Actum Fidei elice: *Vivit Dominus Deus Israel, in cujus conspectu sto.* (3. Reg. 17. 1.) Summe Deus, qui cordis mei arcana intueris, idoneusne tibi videor, qui ad te veniam? An anima mea munda satis? An nihil in ea, quod divinæ tuæ displiceat præsentiae? Quam juste hic mihi timeo! fac, quæso, cognoscam, quod mihi est occultum, et detestabor, quod tibi est odiosum.

Punctum II.

Considera, plerosque defectus nostros inde oriri, quia non sat firmiter credimus, quod Deus nos videat et ubique sit præsens; atque idcirco JESUM, modo sensibili sub Sacramentalibus Eucharistiæ speciebus, inter nos degere voluisse. Sed heu! numquid, ex quo tempore hoc Mysterium cognoscimus, fidem habemus vividiorum? Numquid attentiores, reverentiores, religiosiores sumus in Templo et ad Altare? O! Quot Ministerii nostri functionibus miscentur immodestiae, irreverentiae, dissipationes? Quis nos Sacra operantes intuens, dicat, nos credere realem JESU CHRISTI in Eucharistia præsentiam? Repara tandem, quidquid in hoc sacro Mysterio in JESUM deliquisti, et te dispone ad eum jamjam majori, quam antehac, devotione suscipiendum: *Qui timent Dominum, præparabunt corda sua, et in conspectu illius sanctificabunt animas suas.* (Eccl. 2. 20.)

DIES XVII.

POST MISSAM.

Jesus, in Eucharistia, nostrarum actionum Judex.

Punctum I.

Considera, eundem JESUM, qui in fine sæculorum, summa cum Majestate, veniet judicaturus vivos et mortuos, quique in fine vitæ nostræ, decidet de salute aut damnatione nostra æterna, in Eucharistia, quasi in suo tribunali, residere, ubi quotidie in nos fert sententiam vel gratiæ, vel mortis; prout nempe ipsum vel digne, vel indigne sumimus: *Qui*

enim, dicente Apostolo, *manducat Corpus Domini, et bibit ejus Sanguinem indigne, judicium sibi manducat et bibit.* (1. Cor. 11. 29.) Adora Jesum, tamquam tuum in Eucharistia *judicem: ipse est, qui constitutus est a Deo judex.* (Act. 10. 42.) Honora omnes ipsius, qua *judicis*, perfectiones; potestatem, sapientiam, justitiam; time a *judiciis*, quæ pronuntiavit de omnibus Sacrificiis, quæ celebrasti a primo die, quo es factus Sacerdos, usque hodie: Totum te ipsi committe. o Mi Deus! *In manibus tuis sortes meæ.* (Psalm. 30. 16.) Sortium mearum te constituo arbitrum et ex nunc omnibus, quæ de mea vita, morte, æternitate statuisti, me ultro et lubens subjicio.

Punctum II.

Considera, quousque se JESU, tui in Eucharistia *Judicis*, extendat Bonitas. Omnem suæ Majestatis splendorem abscondit, ut tibi liberorem ad se præbeat accessum, paratus te quolibet tempore audire tuisque favere postulatis. Gratulare tibi tam benigno tam facili *judice*; in rem tuam utere hoc gratiæ et misericordiæ tempore, antequam furoris et vindictæ ejus dies adveniat; dum potes, contende ipsum flectere: *Domine, ne in furore tuo arguas me, neque in ira tua corripas me.* (Psalm. 6. 1.) Corripe me ut Pater, non ut *Judex*; corripe me, ut salves, non ut perdas. *Miserere mei, Domine; quoniam infirmus sum* (Ibid. 2.) Offensas meas, non pro contumeliis divini Majestati tuæ illatis sed pro infirmitatibus habe: *Misericordiam peto; misericordiam præsta: Deus, propitius esto mihi peccatori.* (Luc. 18. 13.)

DIES XVIII.

ANTE MISSAM.

Jesus, in Eucharistia, *Pretium nostrum.*

Punctum I.

Considera, *Pretium* animæ tuæ esse inestimabile : *Non corruptibilibus auro vel argento redempti estis, sed pretioso Sanguine, quasi Agni immaculati.* (1. Pet. 1. 18. 19.) Hoc animæ tuæ *Pretium* in Eucharistia habes. Quanti hoc igitur æstimare te oportet ? Quantum JESU causa facere, qui tantum tui causa fecit ? Nonne justum est, ut te totum illi consecres ? illi soli servias, illum, quoad maxime potes, glorifices, et venerabundus portes in tuo corpore ? Ita quidem concludit gentium Apostolus : *Empti enim estis pretio magno : glorificate et portate Deum in corpore vestro.* (1. Cor. 6. 20.) Divine JESU ! de meo corpore, de mea anima dispone, ut tibi sint pro Tabernaculo et Sanctuario : tibi, quæ tua sunt, offero : perpetuum in ea exerce dominium.

Punctum II.

Considera, *Pretium*, quod JESUS ad nos redimendos persolvit, quantumvis infinitum sit, et solvendis mille mundis plus quam sufficiens, tamen effectum non sortiri nisi in quantum nos ipsi illud nobis applicamus per dignam Sacramentorum frequentationem. Quantum adhuc egemus JESU Sanguine purificari ? Quid non nobis agendum restat, ut meritum ejus nobis applicemus ? Labores et Mors JESU quam paucis prosunt ! de hoc ipse JESUS conqueri-

tur per Prophetam suum *Isaiam*; cave, ne in te quæret : *In vacuum, inquit, laboravi, sine causa et vane fortitudinem meam consumpsi : ergo judicium meum cum Domino, et opus meum cum Deo meo.* (Is. 49. 4.) o Mi JESU ! noli permittere, ut mihi tantum *Pretium* pereat : quin potius pretiosissimi Sanguinis tui virtute animam meam emunda.

DIES XVIII.

POST MISSAM.

Jesus, in Eucharistia, *Merces nostra.*

Punctum I.

Considera, eundem JESUM, qui in cælo *Merces* est Angelorum Sanctorumque omnium, tuam quoque esse in Eucharistia ; sub hac differentia, quod ipsum Beati in cælo videant facie ad faciem ; tu vero Sacramenti velamine obductum dumtaxat possideas. o Admirabilem JESU bonitatem, qua nobis in Eucharistia, Mercedem nostram per anticipationem tribuit ! Miles non coronatur, nisi postquam strenue certaverit : non solvitur stipendium operanti, nisi absolute opere : at nos JESUS, nondum meritos, præveniendocompensat. Exulta, anima mea, et ex gaudio, quo nunc in terris afficeris, metire gaudium, quod postea percipies in cælis, ubi Deo tuo, quem hic tantum imperfecte sub velamine possides, perfecte frueris : *Quam dilecta Tabernacula tua, Domine virtutum ! concupiscit et desit anima mea in atria Domini* (Ps. 83. 1.) o Mi JESU ! da, obsecro, ut te, quem toties in hac vita suscipio, in altera æternum perfruar. *Confiteantur tibi, Domine, omnia opera tua, et Sancti tui benedicant tibi.* (Ps. 144. 10.)

Punctum II.

Considera quanta sit in nos liberalitas et magnificentia JESU. Se nobis quotidie dat, ut exiguum, quod ejus gratia facimus, abunde remuneret. Si ipsum in hoc Sacramento semel tantum in vita acciperemus, tamen major nostro merito merces foret: hanc autem dat toties, quoties sacrificamus. O! quam nos oporteret in ejus Ministerio esse ferventes, dum interim tam torpidi, tam tepentes sumus, ut vix, quod nostræ obligationis est, faciamus! Confundere, anima mea, et in posterum *Da Altissimo, secundum datum ejus, et in bono oculo adinventionem facito manuum tuarum: quoniam Dominus retribuens est, et septies tantum red-det tibi.* (Ecc. 35. 12. et 13.)

DIES XIX.

ANTE MISSAM.

Jesus, in Eucharistia, *Vita nostra.*

Punctum I.

Considera, JESUM in Eucharistia aequè vivere, ac ante in terra vixit, et modo vivit in cælo. Cum autem in actione vita consistat, sequitur, ipsum in Eucharistia continue agere. Hinc non cessat ibi pro se et pro nobis, plures Patri suo dare laudes et honores, quam unquam dederint ac daturi sint simul omnes Angeli et Sancti: tibi de nobis cogitat, pro nobis orat, et ultra quam meremur, nos donis suis prævenit, adeo ut dicere idem possit in Eucharistia, quod in vita mortali dixit: *Sicut misit me vivens Pater, et ego vivo propter Patrem* (Joan. 6. 58.) o Quam *Vita* JESU in Eucharistia sancta est! utinam illam aliquatenus saltem

imitemur! non alteram ob causam facti sumus Sacerdotes, quam ut in terris *Vita* JESU in nobis perennet. Ah! mi JESU, gratiam concede, qua in me destruas quancumque vitam aliam; vitam scilicet, quæ sensibus, quæ passionibus, quæ natura aut etiam ratione, superbia et amore proprio præoccupata, regitur, ut deinceps non nisi *vita Fidei, et Vita tua Divina* vivam.

Punctum II.

Considera JESUM, qui est *Vita* æterna, quæ, uti loquitur S. Joannes, *Erat apud Patrem*, quæque nobis in ejus Humanitate, sub vitæ mortalis velamento, est manifestata, in Eucharistia esse fontem omnis vitæ gratiæ, quæ diffusa est in cordibus nostris: ipsum *Vidimus*, inquit idem S. Evangelista, *plenum gratiæ et veritatis* (Joan. 1. 14.) Accurre ad exundantem hunc fontem, ut gratiæ et virtutis *Vita* tibi tantopere necessaria, implearis: in te salutarem esuriem ardentemque sitim illius justitiæ excita, ut ea refocilleris ac satieris: et dic cum muliere Samaritana: *Domine, da mihi hanc aquam ut non sitiam.* (Joan. 4. 15.)

DIES XIX.

POST MISSAM.

Jesus, in Eucharistia, *Mors nostra.*

Punctum I.

Considera, JESUM, qui habet Vitam in semetipso manentem, estque nobis in Eucharistia fons Vitæ,

seipsum, sub hujus Sacramenti inanimatis speciebus, redegisse ad statum *Mortis* cujusdam *Mysticæ*, ut sic Patrem suum honoraret amplius et evidentiora sui erga nos amoris daret testimonia ; ita ut jure potiori, quam aliquando S. Paulus, dicere possit : *Quotidie morior.* (1. Cor. 15. 31.) Jamjam pro te in Altari est mortuus ; quid illi pro tanto benefacto es retributurus ? Si forent tibi mille vitæ, nonne te promptum esse oporteret, ut illas ad unam omnes ipsi impenderes ? Saltem paratus esto, tuam in ejus obsequium dare, et, quavis occasione Oblata, exponere ad ejus gloriam, et proximi salutem. o JESU ! non sum equidem dignus, qui pro tuo nomine subeam martyrium, quod tot Sancti subierunt ; hoc tamen firmissime propono, propter te omnis perpeti, *Desiderium habens dissolvi, et esse cum Christo.* (Phil. 1. 23.)

Punctum II.

Considera, JESUM sese redegisse ad hunc *Mortis* statum, ut suo exemplo te doceret ita vivere, ac si fores mortuus ; id est, sine ulla erga mundum, et sine inordinata erga te ipsum et quaslibet creaturas affectione. Atque hoc pacto, quoties Corpori JESU communicabis, toties annuntiabis ejus *Mortem*: *Quotiescumque enim, ait Apostolus, manducabitis panem hunc, Mortem Domini annuntiabitis* (1 Cor. 11. 26.) Verum, quam longe abes ab illo *Mortis* statu, in quo te esse oporteret ! In memoriam revoca, quod JESUS olim dixit : *Nisi granum frumenti cadens in terram mortuum fuerit, ipsum solum manet ; si autem mortuum fuerit, multum fructum affert.* (Joan. 12. 24. et 25.) Fac, o mi JESU ! fac, ut mundo moriar et mihi : ut oculos habeam, et non videam ; aures habeam, et non audiam ; omnes meos sensus immoderatosque animi motus per mortificationem destruas, et sic

tandem configurer statui *Mortis*, quem propter me assumere non es dedignatus.

DIES XX.

ANTE MISSAM.

Jesus, in Eucharistia, *Cibus noster.*

Punctum I.

Considera, JESUM in Eucharistia velle nostrum esse *Cibum*, ad vitam divinam, quam accepimus, nutriendam in nobis et conservandam : nam Spiritus Sanctus datus est nobis ut in nobis habitet, et sit vita animæ nostræ, quam vitam *Cibus* Eucharisticus in nobis fovere debet et conservare. Ideo JESUS dicit, se venisse, *Ut vitam habeant, et abundantius habeant ;* (Joan. 10. 10) Hoc est, se venisse in mundum, ut nobis primam daret vitam, peccata nostra tollendo : et se nunc quoque in nos venire in Eucharistia, ut primam illam vitam conservet et augeat. o Infinitam sapientiam et bonitatem JESU, modo adeo mirabili animam nostram nutrientis in hoc Mysterio ! qua cura sacer ille *Cibus* mihi est sumendus ! qua puritate ! monente Apostolo : *Probet autem seipsum homo, et sic de pane illo edat.* (1. Cor. 11. 28.)

Punctum II.

Considera igitur, divinum hunc *Cibum*, siquidem digne sumitur, stupendos in anima nostra effectus producere : 1°. Intime nos cum JESU unit, secundum hæc JESU ipsius verba : *Qui manducat meam Carnem, et bibit meum Sanguinem, in me manet, et ego*

in illo. (Joan. 57.) 2º In nobis spiritualem vitam gratiæ conservat et auget. 3º Mentis nostræ cupiditates et inordinatos motus coerces et subigit, nobisque rerum divinarum dat gustum. Inspice; an cælestis ille *Cibus* hos omnes effectus sit in te consecutus. Fortasse hactenus nihil ex illo utilitatis percepisti. Si ita est, time ne *Cibum* illum acceperis male dispositus, sine gustu, et cum aliqua ad peccatum adhesionem. Ah! mi Deus! ne mihi tantum malum eveniat, da, ut gratia et virtute crescam ad mensuram, qua sacrum hunc *Cibum* accipio: eum a te hodie peto tanta aviditate, quanta famelicus alimenta petit: *Panem nostrum quotidianum da nobis hodie.* (Luc. 11. 3.)

DIES XX.

POST MISSAM.

Jesus, in Eucharistia, *Gratia* nostra.

Punctum I.

Considera, hanc esse differentiam inter Eucharistiam et reliqua Sacramenta, quod hæc quidem gratiam conferant ea rite suscipientibus; illa vero, et *Gratiam* conferat, et *Gratiarum* omnium auctorem et plenitudinem, JESUM CHRISTUM Dominum nostrum, verum Deum, verumque hominem, contineat: *In ipso*, inquit S. Paulus, *inhabitat omnis plenitudo Divinitatis corporaliter*; (Col. 2. 9.) id est, substantialiter; non autem in figura, vel per solam gratiæ inhabitationem. Quæ tua modo felicitas, qui *Gratiæ* auctorem in propria substantia possides! debitum cultum et adorationem illi redde; postula, ut te sanctificet, tibi que conferat mensuram *Gratiæ*, convenientem necessitatum tuarum multitudini, et status tui sanctitati.

Punctum II.

Considera, te, dum accepisti JESUM, auctorem *Gratiæ*, accepisse fontem omnium *Gratiarum*, quibus cumulati fuerunt Apostoli, Martyres, Confessores, Virgines, sancti Sacerdotes et Pœnitentes, teque nunc omnes illas *Gratias* in JESU possidere. Quanta honorum abundantia! quam ineffabiles divitiæ! an tuis me tam parum profecisse oportuit? Qui sit, ut non habeam Apostolorum zelum, patientiam et fortitudinem Martyrum, fidem Confessorum, puritatem Virginum, pietatem sanctorum Sacerdotum, et sanctorum Pœnitentium mortificationem, cum toties omnium illarum virtutum auctorem et fontem recipiam? Ah! Domine, *Anima mea sicut terra sine aqua tibi.* (Psalm. 142. 6.) Pudore suffundor, reus sum, Sanctorum tuorum me damnat exemplum: *Gratiæ* tuæ fuerunt fideliores quam ego, qui tamen eo tuæ *Gratiæ* sum indigentior, quo sum virtutum pauperior: *Sicut adipe et pinguedine repletur anima mea; et labiis exultationis laudabit os meum.* (Psalm. 62. 6.)

DIES XXI.

ANTE MISSAM.

Jesus, in Eucharistia, *Refugium* nostrum.

Punctum I.

Considera, JESUM in Eucharistia esse *Refugium* nostrum: sicut enim Deus Judæis in Lege Veteri constituerat civitates Refugii, quo se, dum certa commiserant delicta, recipere potuissent, ubi adversus aggressores suos se tutarentur; ita JESUS in No-

va Lege instituit hoc Sacramentum, ut nobis sit in locum *Refugii* contra *hostes*; qui animam nostram circumdant undique, et illi diu noctuque struunt insidias. Utique, mi JESU, *Tu es Refugium meum a tribulatione, quæ circumdedit me* (Psalm. 31. 7.) Igitur, *Esto mihi in Deum protectorem, et in domum Refugii, ut salvum me facias*: (Psalm. 30. 3.) Sine te mandus, caro, dæmon, infensissimi mihi *hostes*, triumphabunt de mea infirmitate: per te autem et *In te eripiar a tentatione*. (Psalm. 17. 30.)

Punctum II.

Considera, JESUM præterea in hoc Sacramento esse *Refugium* nostrum adversus justum Patris sui furorem: Sanguinis namque sui oblatione assidue pro nobis intercedens, ipsum placat nobisque conciliat: *petra Refugium herinacis*. (Psalm. 103. 18.) JESUS, qui *Petra* est, etiam *Refugium* est peccatoribus, qui, instar herinaciorum, suis criminibus toti sunt hirsuti. Felices nos, quibus tam tutum *Refugium* est datum! Ad hoc ergo nos recipiamus; in JESU nos abscondamus *Vulneribus*; neque ad illum reformidemus accedere, quod graves peccatores simus: nos enim benignissime ad se invitat: *Venite ad me omnes, qui laboratis et onerati estis*: (Matt. 11. 28.) Et vero, ad quem, optime mi JESU, fugiam, nisi ad te?

DIES XXI.

POST MISSAM.

Jesus, in Eucharistia, *Spes* nostra.

Punctum I.

Considera, JESUM in Eucharistia esse unicam *Spem* nostram, quia omnium naturæ, gratiæ et gloriæ bonorum fons est; quia nihil, quam per ejus merita, obtinere valemus; quia auxiliari nobis et potest et vult; quia denique se nobis auxiliaturum promisit, et fidelis est in suis promissis. Atque hæ prærogativæ solius JESU sunt, ita ut illas nulla creatura habeat. In quo ergo securius quam in ipso fiduciam tuam reponere potes? Cur interim in tuo, vel ejuspiam mortalis hominis brachio confidis? Quorsum tibi humana *Spes* tua lucusque profuit? Quid a mundo, principibus, amicis tuis expectas? Nonne undequaque deficiunt? Profecto, *bonum est considerare in Domino, quam considerare in homine*. (Psalm. 117. 8.) Itaque, in te uno, mi JESU, fiduciam meam omnem pro tempore, et pro æternitate constituo: in quocumque statu fuero, non in alio, quam in te solo sperabo.

Punctum II.

Considera, JESUM, et si in Eucharistia sit omnis *Spes* nostra, nihilominus velle, ut, quidquid penes nos est, agamus ad promerendum nobis suæ protectionis gratiam. Vult ergo, ut oremus, ut exerceamus bona opera, ut fideliter munia nostra impleamus, et ut, cum fecerimus omnia, quæ præcepta

sunt nobis, dicamus: *Servi inutiles sumus; quod debuimus facere, fecimus.* (Luc. 17. 10.) Alioqui vana nostra Spes est. *Spera in Domino*, monet Regius Psaltes, *et fac bonitatem, et inhabita terram, et pascaris in divitiis ejus.* (Psalm. 36. 3.) Eja anima mea, Jesu gratias age pro omnibus bonis, quibus te hactenus cumulavit; et ab ipso alia, quæ tibi promisit, expecta, statuens, ejus favente gratia, conniti pro viribus, ut illa promerearis.*

DIES XXII.

ANTE MISSAM.

Jesus, in Eucharistia, *Thesaurus noster.*

Punctum I.

Considera, JESUM, in Eucharistia esse vere *Thesaurum* illum absconditum in agro Ecclesiæ, de quo apud S. Evangelistam *Matthæum* est sermo: (Matt. 13. 44. etc.) licet enim in hoc Sacramento nihil nisi infirma Panis et Vini elementa intueamur, continet tamen omnes Dei perfectiones, omnes adorandæ Humanitatis Jesu virtutes et merita, omnes gratiæ divitiis, omnia Spiritus Sancti dona. Si de hac veritate tibi intime sit persuasum, nihil est, quod dare non debeas, ut tibi *Thesaurum* adeo pretiosum compares, ad exemplum illius, qui, prout habet S. Evangelium, *Thesaurum invento, vendit universa quæ habet, et emit agrum illum.* Hujusmodi erat dispositio S. Pauli, quando dicebat: *Omnia detrimentum feci, et arbitror ut stercora, ut CHRISTUM lucrifaciam.* (Phil. 3. 8.) Utinam quoque tua sit!

Punctum II.

Considera, quale sit gaudium illius hominis, qui *thesaurum* invenit; quanto ardore hunc auferat; quanta sollicitudine abscondat; quantum vereatur, ne amittat; quantum eo occupetur: *Ubi est Thesaurus tuus, ibi est et cor tuum.* (Matth. 6. 21.) Examina, num in Eucharistia, in qua reconditus est *Thesaurus* tuus JESUS, sit cor tuum; num spiritu Jesu plenus sis; num solum JESUM desideres. Eheu! quam es frigidus! quam indifferens! forsitan cor tuum in mundo est, in voluptatibus, in honoribus, in divitiis; atque id unum cogitas, ut thesaurizes tibi thesauros, quos ærugo et tinea demoliri, et fures effodere et furari possunt. Ah! demum sape, solumque *Thesaurum* quare infinitum, *Thesaurum* immutabilem, *Thesaurum non deficientem*, (Luc. 12. 33.) qui est JESUS CHRISTUS ipse: cætera omnia nihili fac, et dic cum S. Ignatio Martyre: *Tantum CHRISTO fruar!*

DIES XXII.

POST MISSAM.

Jesus, in Eucharistia, *Beatitudo nostra.*

Punctum I.

Considera, te in sacrosancto Missæ Sacrificio accepisse eundem JESUM, qui in Cælis cum Patre et S. Spiritu felices facit Angelos et Sanctos; quique Divinitatis suæ contemplatione, animas; corpora vero, aspectu suæ Humanitatis beat: unde sequitur, te accepisse illum ipsum, qui omnis nostra *Beatitudo* est, cum nostræ tum essentialis, tum accidentalis

sunt nobis, dicamus: *Servi inutiles sumus; quod debuimus facere, fecimus.* (Luc. 17. 10.) Alioqui vana nostra Spes est. *Spera in Domino*, monet Regius Psaltes, *et fac bonitatem, et inhabita terram, et pascaris in divitiis ejus.* (Psalm. 36. 3.) Eja anima mea, Jesu gratias age pro omnibus bonis, quibus te hactenus cumulavit; et ab ipso alia, quæ tibi promisit, expecta, statuens, ejus favente gratia, conniti pro viribus, ut illa promerearis.*

DIES XXII.

ANTE MISSAM.

Jesus, in Eucharistia, *Thesaurus noster.*

Punctum I.

Considera, JESUM, in Eucharistia esse vere *Thesaurum* illum absconditum in agro Ecclesiæ, de quo apud S. Evangelistam *Matthæum* est sermo: (Matt. 13. 44. etc.) licet enim in hoc Sacramento nihil nisi infirma Panis et Vini elementa intueamur, continet tamen omnes Dei perfectiones, omnes adorandæ Humanitatis Jesu virtutes et merita, omnes gratiæ divitiis, omnia Spiritus Sancti dona. Si de hac veritate tibi intime sit persuasum, nihil est, quod dare non debeas, ut tibi *Thesaurum* adeo pretiosum compares, ad exemplum illius, qui, prout habet S. Evangelium, *Thesaurum invento, vendit universa quæ habet, et emit agrum illum.* Hujusmodi erat dispositio S. Pauli, quando dicebat: *Omnia detrimentum feci, et arbitror ut stercora, ut CHRISTUM lucrifaciam.* (Phil. 3. 8.) Utinam quoque tua sit!

Punctum II.

Considera, quale sit gaudium illius hominis, qui *thesaurum* invenit; quanto ardore hunc auferat; quanta sollicitudine abscondat; quantum vereatur, ne amittat; quantum eo occupetur: *Ubi est Thesaurus tuus, ibi est et cor tuum.* (Matth. 6. 21.) Examina, num in Eucharistia, in qua reconditus est *Thesaurus* tuus JESUS, sit cor tuum; num spiritu Jesu plenus sis; num solum JESUM desideres. Eheu! quam es frigidus! quam indifferens! forsitan cor tuum in mundo est, in voluptatibus, in honoribus, in divitiis; atque id unum cogitas, ut thesaurizes tibi thesauros, quos ærugo et tinea demoliri, et fures effodere et furari possunt. Ah! demum sape, solumque *Thesaurum* quare infinitum, *Thesaurum* immutabilem, *Thesaurum non deficientem*, (Luc. 12. 33.) qui est JESUS CHRISTUS ipse: cætera omnia nihili fac, et dic cum S. Ignatio Martyre: *Tantum CHRISTO fruar!*

DIES XXII.

POST MISSAM.

Jesus, in Eucharistia, *Beatitudo nostra.*

Punctum I.

Considera, te in sacrosancto Missæ Sacrificio accepisse eundem JESUM, qui in Cælis cum Patre et S. Spiritu felices facit Angelos et Sanctos; quique Divinitatis suæ contemplatione, animas; corpora vero, aspectu suæ Humanitatis beat: unde sequitur, te accepisse illum ipsum, qui omnis nostra *Beatitudo* est, cum nostræ tum essentialis, tum accidentalis

Beatitudinis sit objectum. Euge anima ! te Angelorum Sanctorumque gaudio sociā, et cum iis Dominum JESUM, omnis *Beatitudinis* auctorem et fontem, honore, adoratione, amore, gratificatione prosequere : *Laudate Dominum de Caelis : laudate eum in excelsis : laudate eum omnes Angeli ejus : laudate eum omnes Virtutes ejus* (Psalm. 148. 1. et 2.)

Punctum II.

Considera, JESUM in Eucharistia nostram esse *Beatitudinem*, non tantum pro aeternitate, sed et pro tempore : ipse enim universis nos malis liberat, et cumulat bonis, solusque est potens, qui impleat omnia cordis nostri desideria. Agnosce errorem illorum hominum, qui in iis, quæ mundi sunt, suam ponunt *Beatitudinem* : felices aestimant hos omnes, qui opibus abundant, ad honores evecti sunt, voluptatibus potiuntur. *Beatum dixerunt populum, cui hæc sunt*, (Psalm. 148. 15.) sed falluntur : *Beatus populus, cujus Dominus Deus ejus*. (Ibid.) Hac tu, mea anima, *Beatitudine* gaude, hæc fruiere, diligentiusque eam conserva, quam omnes totius mundi thesauros.

DIES XXIII.

ANTE MISSAM.

Jesus, in Eucharistia, *Gloria* nostra.

Punctum I.

Considera, nos nihil prorsus ex nobis habere, unde gloriemur : nihil enim sumus, nihil possidemus, nihil scimus, nihil possumus : *Pro me*, inquit magnus

Apostolus, *nihil gloriabor*. (2. Cor. 12. 5.) Verum, quantum in nobis habemus, quo humilitemur, tantum habemus in JESU, quo gloriemur : hinc idem S. Apostolus : *Gloriamur*, ait, in CHRISTO JESU : (Phil. 3. 3.) namque is ipse est, a quo accepimus totum quod sumus, et totum quod habemus ; qui noster Deus est, nos autem populus ejus ; qui nostrum Caput est, nos autem membra ejus ; qui noster summus Sacerdos est, nos autem ministri ejus ; qui est infinitæ magnitudinis, qui ubique terrarum adoratur, cujus pedibus advolvuntur Reges, qui prope adest nobis. Sic est : solus Tu, *Dominus, Gloria mea* : (Psalm. 3. 9.) Extra te omnia ignobilia sunt, subjecta omnia. O Qualis quantusque honor mihi est, tamquam tuo Ministro, ad Altare tuum introire, te sumere, te possidere, tecum uniri !

Punctum II.

Considera, JESUM non solummodo esse *Gloriam* nostram in Divinitatis suæ splendore, in virtutum miraculorumque suorum claritate, in suorum hostium expugnatione, in suis Mysteriis gloriosis ; verum etiam in humilitate suæ Incarnationis ; in paupertate, quam sibi elegit ; in miseriis, quibus se subiecit ; in opprobriis, quæ tulit ; in tormentis, quæ passus est ; in morte Crucis, quam nostra causa subiit ; etenim JESU humiliationes origo sunt et principium propriæ suæ *Gloriæ* et simul nostræ. Eodem ergo zelo, quo S. Paulus, accensi dicamus : *Mihi autem abst gloriari, nisi in Cruce Domini nostri JESU CHRISTI*. (Gal. 6. 14.) Gloriemur in contemptum, contradictionum, inopie, omniumque vitæ malorum propter JESUM CHRISTUM tolerantia : atque in hac animi dispositione ad Altare accedamus.

DIES XXIII.

POST MISSAM.

Jesus, in Eucharistia, *Gaudium nostrum.*

Punctum I.

Considera, JESUM, qui in Eucharistia omnis nostra Gloria est, in eadem omne nostrum esse *Gaudium* : idem namque JESUS est, qui Prophetas et Patriarchas exhilaravit futuri sui adventus revelatione, sicut ipse Judæis asseruit : *Abraham Pater vester exultavit, ut videret diem meum ; vidit, et gavisus est ;* (Joan. 8. 56.) Idem, qui fecit, ut exultaret Spiritus B. V. Mariæ, cum in utero ejus incarnatus est ; idem, cujus nativitatem, tamquam gaudii magni causam, Angeli annuntiarunt ; idem, quem postquam resurrexerat, tanta cum lætitia reviderunt Apostoli. Gaude igitur communi hoc gaudio, et exulta, o anima, quæ illum JESUM possides ! Deliciæ ejus sunt esse tecum ; sint et tuæ cum ipso esse. Mi JESU ! omne meum in terra *Gaudium* eris : *Melior est dies una in atris tuis, super millia.* (Psalm. 83. 11.) Fallax est mundi Gaudium, fragile, damnosum ! Gaudium vero quod nobis ex te est, semper sincerum, solidum et sanctum est : *Quapropter, letabor et exultabo in te.* (Psalm. 9. 2.)

Punctum II.

Considera, JESUM in Eucharistia *Gaudii* nostræ causam quoque debere esse ob spem, in qua sumus, fore ut ipso aliquando perfruamur in Cælo : *Spe gaudentes* (Rom. 12. 12.) Quanta est lætitia Sanctorum,

qui jam ipsum possident ! quo voluptatis torrente non sunt inebriati ! quantum etiam nostrum erit gaudium, quando liberati de corpore mortis hujus, Deum nostrum videbimus facie ad faciem ! An ex nunc spes tanti poni nos delectat ? aliquid solaminis affert nostris miseris ? An ferventiores et fortiores nos efficit ? Hac spe Apostolos suos sæpe percutabat Jesus : *Tristitia vestra vertetur in Gaudium. Gaudeate, et exultate, quoniam merces vestra copiosa est in Cælis.* (Matt. 5. 42. et Jois 16.) Frequenter et nos id cogitemus, atque spem illam in nobis resuscitemus, cujus nunc possidemus pignus. o JESU ! esto *Gaudium* meum in Cælo, sicut et in terra.

DIES XXIV.

ANTE MISSAM.

Jesus, in Eucharistia, *Hæreditas nostra.*

Punctum I.

Considera, si Deus in Veteri Lege se *Hæreditatem* Ministrorum suorum dixerit : *Ego pars et Hæreditas tua ;* (Num. 18. 20.) JESUM potiori jure, *Hæreditatem* nostram esse, quoniam cum ipso fœdus pepigimus multo sanctius, quam erat Judæorum. Præterea, quando tonsura fuimus insigniti, ipsum *Hæreditatem* nostram solemniter elegimus, his verbis : *Dominus pars Hæreditatis meæ et Calicis mei ; tu es qui restitues Hæreditatem meam mihi.* (Psalm. 15. 5.) Quam nobilis est hæc *Hæreditas* ! quam præcellens ! vere *Hæreditas meæ præclara est mihi.* (Ibid. 6.) Quantam hactenus ex ista non collegimus bonorum abundantiam, et deinceps sperare non licet ? Itaque, hanc *Hæreditatem* pluris faciamus quam omnes mundi

thesauros, ejusque possessione magis, quam ulla re alia lætemur, ad laborando assidue, ut illa Indies magis nobis prosit: quo enim diligentiorem adhibuerimus conatum, eo pleniorum referemus gratiarum mensuram.

Punctum II.

Considera, quemadmodum Deus in Lege Veteri sese Ministris suis non dedit *Hæreditatem*, nisi postquam illis mandat, ut renuntiarent omni possessioni in terra Filiorum Israel: *In terra eorum nihil possidebitis, nec habebitis partem inter eos*; (Num. 18. 20.) Ita JESUM non posse *Hæreditatem* nostram esse, nisi, saltem corde et affectu renuntiemus mundo et omnibus sæculi vanitatibus: tam sacra enim *Hæreditas*, qualis Jesus est non patitur sibi uniri profanas *Hæreditates*, quæ cum affectione retinentur. Examina, quis tibi circa hujus mundi bona sit animus: nonne istis occuparis nimium? An necessarii es contentus? Numquid non aliis, te ditioribus, invides: Nihilne in inordinato affectu possides? Esne paratus pro Jesu abdicare omnia? Dic igitur: *Quid mihi est in Cælo, et a te quid volui super terram? Deus cordis mei, et pars mea, Deus in æternum.* (Psalm. 72. 25. et 26.)

DIES XXIV.

POST MISSAM.

Jesus, in Eucharistia, nobis *Omnia*.

Punctum I.

Considera, JESUM in Eucharistia nobis esse *Omnia*; sive quia Deus, illum nobis tradens, *Cum illo omnia nobis donavit*; (Rom. 8. 32.) Sive, quia in omnibus nostris necessitatibus ille unus nobis sufficit; sive, quia solus nobis post mortem superest. Igitur, quando ipsum possides omnia possides: si vero ipsum non possides, quantumvis mundum lucratus esses universum, nihil possides: nam extra JESUM, *Vanitas vanitatum, et omnia vanitas.* (Eccles. 12. 8.) Eja, JESU, qui tibi *Omnia* est, debite venerationis cultum exhibe! gaude ejus possessione; offer ipsi omnes tuas cogitationes, omnes affectus, omnia opera, omnia vitæ tuæ momenta.

Punctum II.

Considera, cum tibi Jesus sit *Omnia*, aliud præter ipsum a te queri, a te amari non posse, universaque extra ipsum tibi esse contemnenda. Hoc unum tibi curæ sit, ut ipsi placeas, ut ejus gratia non excidas, ut facias omnia, quibus ipsum in æternitate possideas, *Quid enim prodest homini, si mundum universum lucretur, animæ vero suæ detrimentum patiatur?* (Matt. 16. 26.) o JESU! tu solus eris imposterum totæ divitiæ meæ, totum bonum meum, tota consolatio mea, omnis spes, omne gaudium, omnis amor meus; cætera, pro nihilo habeo: *Deus meus, et omnia!*

DIES XXV.

ANTE MISSAM.

Jesus, in Eucharistia, *Donum Dei hominibus.*

Punctum I.

Considera, JESUM, in Eucharistia esse *Donum* preciosissimum, quod Deus umquam est largitus et largiri potest hominibus. Filius ejus est unicus, in quo sibi æternum complacet; est figura substantiæ ejus, ejus imago, ejus Verbum per omnia ipsi simile, et unus idemque cum ipso Deus. o Anima mea! *Si scires Donum Dei,* (Joan. 4. 10.) ejus excellentiam, pretium, necessitatem, omnia, quæ complectitur, bona! o quantum arderes ad illud accipiendum! Domine, *adauge nobis fidem,* (Luc. 17. 5.) ut te noscentes, qualis reipsa es, te omni veneratione, omni puritate, omni amore, quo dignus es, suscipiamus.

Punctum II.

Considera, JESUM a Deo hominibus datum fuisse in diversis *Mysteriis*: in Eucharistia vero, dari cum omni plenitudine omnium suorum *Mysteriorum*, meritorum et perfectionum. JESUS nobis datus in sua Nativitate, vitæ et mortis suæ merita necdum consummaverat; datus in sua Morte, necdum vitæ suæ novæ dignitate, potentia, divitiis eminebat; datus in sua Resurrectione et Ascensione, absconditus in Deo et sublatus hominibus videbatur: ast in Eucharistia, nihil quidquam de suo in Deo recessu, nihil de vitæ suæ novæ abundantia, nihil de sua Majestate deperdens, in illa datur nobis, velut om-

nium suorum statuum et *Mysteriorum* complementum. o Sapientiam! o Amorem! o Magnificentiam Dei mei! *Gratias Deo super inenarrabili dono ejus.* (2 Cor. 9. 15.) Quoties *Donum* hoc, mi Deus, impertivisti, et quidem hac quoque die impertire vis mihi indigno, qui illo tam parum proficilo: et te offendo indes! Ah! si quis alius certe ego jure meritissimo dicere possum: *Ubi abundavit delictum, superabundavit gratia.* (Rom. 5. 20.)

DIES XXV.

POST MISSAM.

Jesus, in Eucharistia, *Donum hominum Deo.*

Punctum I.

Considera, JESUM in Eucharistia esse solum *Donum*, quod Deo sit dignum, quodque homines Deo offerre possint; quia aliud quodlibet *Donum* semper limitatum est, et aliquo defectu mixtum, ac proinde inferius tum Sanctificate, tum Majestate Dei, cujus omnes Perfectiones sunt infinitæ. Hinc omnes nostræ cogitationes, omnia verba nostra, amor noster, actiones nostræ, bona nostra, et ipsa nostra vita, non sunt dona satis pura, satisque præstantia, quæ sola Deo offerantur; ideoque ipsi placuit dare nobis Filium suum, sibi consubstantialem, quem ipsi offerre possumus, ut debitum ipsi honorem, subjectionem et amorem exhibeamus. Gratias Deo age, quod tibi subministraverit modum adeo facilem complendi quidquid ipsi debes. Et, quoniam nunc in corde tuo habes JESUM, possides unicum Dei Filium; *Per ipsum ergo offer hostiam laudis Deo.* (Heb. 13. 15.)

— Considera, Jesum, cum nobis totus ab aeterno Patre in Eucharistia sit datus, totum devenisse nostrum, ac totum cedere in nostrum commodum, in tantum, ut liceat nobis adhibere ipsum ad res omnes, quas erga suum Patrem gerendas habemus; puta, ad mentes nostras in Deum Patrem elevandas, ad eum adorandum, laudandum, invocandum, placandum, amandum: Jesus enim laus nostra est, et gratiarum actio, pax nostra, amor noster; neque ullum ex omnibus istis debitum obsequiis a nobis acceptat Deus, nisi in quantum suo Filio sumus coadunati. o Mi Deus! adoro te, gratias ago tibi, amo te, imploro te, offero me tibi per JESUM, cum JESU, quemadmodum in Sancto Missæ Sacrificio facit Ecclesia: *Per ipsum, et cum ipso, et in ipso, est tibi Deo Patri omnipotenti, in unitate Spiritus Sancti, omnis honor et gloria*; et quemadmodum in Cælo faciunt omnes Angeli et Sancti: *In conspectu Agni adoraverunt Deum dicentes, Amen.* (Apoc. 7., 9. et 12.)

DIES XXVI.

ANTE MISSAM.

Jesus, in Eucharistia, *Finis* noster.


Punctum I.

Considera, JESUM in Eucharistia esse *Finem* nostrum ultimum: et sicut omnes creaturæ in suum quoque *Finem* fortiter inclinant, quia in illo inveniunt omnem quietem, pacem et felicitatem, cujus sunt capaces; ita oportere etiam nos ardenti premi

desiderio appropinquandi in hoc divino Sacramento ad JESUM, tamquam ad nostrum *Finem*, ut in ipso nostram tranquillitatem, consolationem, et felicitatem reperiamus. Interim qui fit, ut adeo tepidi, adeo indifferentes simus? Eheu! quia JESUM non habemus pro solo et unico nostro *Fine*; quia in JESUM non credimus. Ah! *Notum fac mihi, Domine, Finem meum,* (Psalm. 38. 5.) Ut non nisi ad te cum Propheta suspirum: *Quemadmodum desiderat cervus ad fontes aquarum, ita desiderat anima mea ad te, Deus.* (Psalm. 41. 1.)

Punctum II.

Considera, sicut Eucharistia *Finis* est omnium aliorum Sacramentorum, quia hæc præ cæteris instituta sunt, ut ad illam disponamur; ita JESUM in Eucharistia, debere esse *Finem* omnium nostrarum cogitationum, verborum et operum; adeo ut nihil nos facere, dicere aut cogitare oporteat, nisi unde disponamur, ut ipsum quotidie in Altari offeramus et recipiamus; conformiter ad hoc S. Pauli monitum: *omne quodcumque facitis in verbo aut in opere, omnia in nomine Domini nostri JESU CHRISTI* (Col. 3. 17.) sic sane vita nostra foret continua ad S. Missæ Sacrificium præparatio: sed quantum absumus ab hac praxi! omnia pene vel pro mundo agimus, vel saltem absque ulla ad JESUM attentione. o JESU! nihil posthac facere volo, nisi pro te: tu mihi solus omnium mearum functionum, actionum et curarum eris *Finis*.



DIES XXVI.

POST MISSAM.

Jesus, in Eucharistia, *Exemplar nostrum.*

Punctum I.

Considera, JESUM in Eucharistia esse omnium virtutum *Exemplar*, quod Pater nobis ad imitationem proponit; cum nulla omnino sit virtus, cujus nobis in hoc Sacramento non præbeat exemplum, et de qua dicere nequeat, quod de mansuetudine et humilitate aliquando dixit: *Discite a me* in hoc Sacramento, non tantum *quia mitis sum et humilis corde*, sed etiam, quia patiens sum, benignus, obediens, etc: (Matt. 11. 29.) Itaque Divinum illud *Exemplar*, dum ejus frueris præsentia, consule, in illud animum intende, illius mirare Perfectionem et Sanctitatem; erubescere, quod tam procul ab illo distes, illique propius accedere stude. Non alia de causa exemplum tibi dedit Jesus, quam ut imiteris: *Exemplum enim*, inquit, *dedi vobis ut quemadmodum ego feci, ita et vos faciat's.* (Joan. 13. 15.)

Punctum II.

Considera JESUM in Eucharistia *Exemplar* esse, quod omnes, quarum ille nobis præbet exemplum, virtutes communicat; nempe, non solum nobis ostendendo, quid sit faciendum, sed etiam ad faciendum gratias et vires largiter suppeditando: atque in eum finem sese jam tibi in Altari dedit. o Mi JESU! quantum tibi debeo, quia me auxilio gratiæ tuæ, sine qua nihil possum, tam benigne sustentas? Merito me ti-

bi similio rem esse oporteret, quam re ipsa sum, cum te in Altari representem quotidie, et hæc tua sit voluntas, ut Minister tuus te sequatur: *Si quis mihi ministrat, me sequatur.* (Joan. 12. 26.) Ah! *Trahe me: post te curremus in odorem unguentorum tuorum.* (Cant. 1. 3.)

DIES XXVII.

ANTE MISSAM.

Jesus, in Eucharistia, *Potentia.*

Punctum I.

Considera, JESUM in hoc Sacramento egregie suam *Potentiam* exercere; non quidem in nihilum, velut in rerum omnium creatione; non etiam in pulverem et cinerem, velut in resuscitatione mortuorum non denique in Cælum, terram et elementa, velut in tot aliis Miraculis, quæ patravit: sed in proprium suum Corpus, Divinitate unitum, gloriosum et immortale; illud scilicet in terra detinendo expers splendoris, et sub speciebus inanimatis reconditum. Enim vero hoc Corpus, cum sit Divinitati unitum, in Cælo esse: cum sit gloriosum, coruscare splendore; cum sit immortale, totum apparere activum oporteret: at contra, Jesus mirabili sua *Potentia*, et infinita erga nos charitate efficit, ut in nostris Tabernaculis oculos, sub Sacramentalium Specierum velo latitet. Obstupesce, et Jesu *Potentiam* in hoc Mysterio agnosce. O divine mi JESU! Vere *Subest tibi, cum volueris, posse.* (Sap. 12. 18.) Quoniam autem mei gratia factu impossibilia facis, nonne saltem gratia tui difficiliora factu mihi forent faciendâ? Interim vix, ad me vincendum, facillimis me subjecio exercitiis, vix le-

vissimos adhibeo conatus. Pro pudor! humilia te sub omnipotenti Manu Dei, ipsumque ora, ut virtute sua gratia passionum tuarum sistat torrentem.

Punctum II.

Considera, JESU *Potentiam* in hoc Mysterio adhuc amplius eminere, quod nimirum hæc omnia prodigia faciat non per se ipsum, veluti in ultima Cœna, sed per Sacerdotes, qui homines sunt infirmi, mortales, peccatores, et quidem non raro gravioribus inquinati peccatis, quibus confert omnem suam *Potentiam*; quam non eorum probitati, merito, aut fidei annectit, sed Ordinis, quo insigniti sunt, characteri; in tantum, ut quovis tempore et loco, in quocumque statu sint constituti, celebrare valeant, et ipse ad simplicem eorum vocem absque ulla mora, in Altari præsentem se sistat. *Glorifica Deum, qui dedit potestatem talem hominibus; (Matt. 9. 8.)* et tibi speciatim, qui illius es adeo indignus. Expende, quomodo hucusque tam prodigiosa potestate sis usus, eaque formida abuti imposterum: nam, *Cui multum datum est, multum quæretur ab eo. (Luc. 12. 48.)*

DIES XXVII.

POST MISSAM.

Jesus, in Eucharistia, *Sapientia.*

Punctum I.

Considera, JESU *Sapientiam* multum apparuisse in Incarnatione; eo quod, cum nec Deus pati posset, nec merus Homo infinitam reparare injuriam, Homo

factus sit, ut et qua Deus, condigne satisfacere; et qua Homo, pro rata offensæ pati posset. Verum, non minus JESU *Sapientia* in Eucharistia manifestatur; quia, quandoquidem nec in propria sua specie manducari, nec aliunde solus panis animabus nostris quidquam prodesse potest, sese sub Panis Vinique speciebus abscondit, ut suo Corpore et Sanguine nutriamur. *Omnia in Sapientia fecisti, (Ps. 103. 24.)* mi JESU sed nunquam mirabilior *Sapientia* tua extitit, quam dum hunc modum reperisti, quo te dares hominibus. Ah! cur ego quoque non sat ingeniosus sum in adveniendis modis, quibus te colam et amem? Ego, inquam, qui, ut rebus meis et commodi consulam, tot modos invenio? Domine JESU, *Da mihi sedium tuarum assistricem Sapientiam, ut mecum sit, et mecum laboret. (Sap. 9. 4. et 10.)*

Punctum II.

Considera, JESUM, si exhibisset se radiantem gloria et majestate, quæ sibi sunt propria, animabus incensurum fuisse terrorem; unde plures ex iis horrore percussæ, non ausæ fuissent ipsi appropinquare. Propterea infinita sua *Sapientia* ipsi suggestit viam, qua nobis se traderet modo, quam poterat, intimo, ac simul immuni ab omni ratione formidinis; nimirum, instituendo SS. Eucharistiæ Sacramentum, in quo ipsum tanta securitate, tantaque facilitate recipimus. O quam apposite de Dei *Sapientia* dictum est: *Attingit a fine usque ad finem fortiter, et disponit omnia suaviter. (Sap. 8. 1.)* Gratias age JESU, quod tibi tam facilem ad se accessum fecerit; cave tamen, ne ejus bonitas vel tantillum minuatur metum et reverentiam, quæ ipsi debes. *Servite Domino in timore et exultate ei cum tremore. (Ps. 2. 11.)*

DIES XXVIII.

ANTE MISSAM.

Jesus, in Eucharistia, *Bonitas*.

Punctum I.

Considera, Deum sese creaturis suis in triplici ordine communicasse: in ordine *Nature*, per Creationem, eos suæ Essentiæ faciendo participes; in ordine *Gratiæ*, per Sanctificationem, animabus imaginem quamdam Sanctitatis imprimendo; in ordine *Gloriæ*, divina sua Charitate consummando felicem Beatorum sortem: JESUS vero novum adinvenit medium, quo se nobis peculiari modo communicaret, dando videret se ipsum, qui fons est omnis boni et omnis perfectionis: atque id ipsum est, quod in Eucharistia præstat. *Bonus es tu*, (Ps 118. 68.) mi JESU! at vero quis ego sum? Quid de te tantum merui, ut mihi temetipsum et quidquid es largiaris? Gratiarum tuarum minima, simplex oculorum ictus, mihi quidem vermiculo, immensam tuam demonstraret *Bonitatem*: felicem me cum Cananitide ducere, si ex mensa tua mihi darentur micæ. Ah! neque satis mirari queo, neque laudare satis infinitam tuam erga me *Bonitatem*: imo vero confundor, mi Deus, eaque me plane indignum profiteor.

Punctum II.

Considera, tametsi JESUM *Bonitatem* suam erga omnes, sine exceptione personarum, exhibeat, quia nos omnes ad bonum excitat, et avocat a malo: ipsum tamen sese speciali modo præbere illis, qui in illum sperant, et illum quaerunt: *Bonus est Dominus*

sperantibus in eum, animæ quærenti illum. (Thren. 3. 25.) Cum bonis bonus est, sequere nobis eo tradit liberalius, quo illi nosmetipsos liberalius donamus. Pande igitur ipsi cor tuum, ut in illud divitias suæ *Bonitatis* effundat; cortuum evacua, ut illud repleat; paratus esto te totum JESU dare, ut se totum tibi det JESUS.

DIES XXVIII.

POST MISSAM.

Jesus, in Eucharistia, *Amor*.

Punctum I.

Considera, sic Deum dilexisse mundum, ut *Filium suum unigenitum daret* (Jois 3. 16.), eundemque Filium sic nos dilexisse, ut se et singulis nostrum in Eucharistia dederit: neque eum, sive nostra merita, sive propria sua commoda moverunt ad se nobis tam gratiose dandum, sed solus *Amor*, quo erga nos afficitur; *Amor*, inquam, qui imaginationem nostram longe superat, et tanto est mirabilior, quia illi sæpius nil nisi animum ingratum reddimus. A te jam quaerit JESUS, quod olim a S. Petro: *Amas me*, (Joan. 21. 17.) qui te tantopere amavi? Vide, an factis magis, quam dictis ipsi respondere possis: *Domine, tu scis, quia amo te*. (Ibid.) Imo, mi JESU, *amo te*, et amplius te amare desidero: inflamma sacro *Amoris* tui igne cor meum, et ne patere, ut ullam rem creatam amem plus quam te, vel etiam sicut te.

Punctum II.

Considera, quam prodigiosus sit *Amor*, quem JESUS erga nos in hoc Sacramento testatur. Profecto, si serio

expedamus donum quod nobis largitur ; finem, ob quem largitur ; et tempus modumque, quibus largitur, comperiemus, nullam ex his esse circumstantiam, quæ digne perpensa non spirèt summum *Amorem*, et nos in admirationem non rapiat. Enim verò, largitur nobis JESUS se ipsum ; largitur, ut testetur se nos amare ; largitur, jam jam pro nobis moriturus ; largitur denique, vehementissimo affectu, ut nobis sit alimento. O *Amor JESU* ! quam parum es cognitus ! quis latitudinem, et longitudinem, et sublimitatem, et profundum tui *Amoris* comprehendere possit ! Ah ! mi JESU amantissime, utinam habeam omnium Angelorum Sanctorumque Amorem, ut tantum te amem, quantum te illi simul amant ! saltem ex omnibus viribus meis Amare te volo, et ubique et semper meum in te testari Amorem. *Si quis non amat Dominum nostrum JESUM CHRISTUM, sit anathema.* (1. Cor. 16. 22.)

DIES XXIX.

ANTE MISSAM.

Jesus, in Eucharistia, *Obedientia.*

Punctum I.

Considera, non suffecisse JESU sese subjicere morti Crucis, ut Patris sui præcepto pareret : in Eucharistia enim suam quoque *Obedientiam*, et quidem manifestius, ostendit ; dum nempe in illa, ad vocem celebrantis, statim præsentem se exhibet : *Obediente Domino voci hominis* ; (Jos. 10. 14.) dum se intra arctissimos hostiæ limites continet, numquam inde sua sponte egressurus, quantumvis non secus in hoc, quam in suæ Passionis Mystero, variis et gravissi-

mis injuriis sit afficiendus : dum sinit se a Sacerdote contrectari et quolibet reponi loco. O *Obedientiam* inauditam et incomparabilem ! Creator omnipotens infirmæ creaturæ, Dominus servo, Sanctus Sanctorum homini peccatori se subjicit ! quantum, eheu ! adeo præclarum *Obedientiæ* exemplum confudit me miserum, qui tam parce, tam segniter divinis mandatis obtempero ! quæ fronte ausim superbia tumens, ac semper dominandi, numquam obsequendi cupidus, ad Deum obedientissimum accedere ? Ah ! mi JESU ! propriæ meæ voluntati renuntio, et tuæ me totum submitto : *Doce me facere voluntatem tuam, quia Deus meus es tu.* (Psalm. 142. 10.)

Punctum II.

Considera, JESU *Obedientiam* esse plene voluntariam : nam vincula sua dirumpere, et ejusmodi subjectione sese facile eximere potest. Ejus igitur inseparabilis adhesio exiguæ abjectarum Sacramenti Specierum extensioni, omnino fit ex *Obedientiæ* spontanea, quam præstat voluntati Sacerdotis, licet hic ipsi quoad omnia subjiciatur. JESUS proinde in Eucharistia jure dicere potest, quod moriturus de sua anima, seu vita dixit : *Ego pono eam a me ipso.* (Joan. 10. 18.) Atque hæc circumstantia quantum *Obedientiæ* JESU meritum extollit, tantum nos suffundit pudore, quid enim ? An post hujusmodi obtemperantiæ exemplum, nos adhuc decet tanta esse repugnantia ad nostris parendum superioribus ? An eorum jussu non nisi difficulter, obmurmurantes scilicet et conquirentes, exequi ? An nos ipsis ex mera necessitate subdere, quia nimirum *Obedientiæ* nos subtrahere nequimus ? Statuamus superioribus nostris impostorum obedire, *Ut servi CHRISTI, facientes voluntatem Dei eo animo* ; (Eph. 6. 6.) Et in illis, non homines,

sed Deum intuentes ; ut ita conformemur Magistro nostro JESU. In hoc porro spiritu *Obedientiæ* introeamus ad Altare Dei.

DIES XXIX.

POST MISSAM.

Jesus, in Eucharistia, *Patientia*.

Punctum I.

Considera, JESUM in Eucharistia pergere eandem exercere *Patientiam*, quam in vita sua ad mortem usque præstitit. In Eucharistia namque, non solum suffert modicam illam, quæ ipsi a plerisque Christianis, imo et Sacerdotibus exhibetur, fidem, venerationem et devotionem ; sed etiam, omnes irreverentias et immodestias, quæ coram ipso committuntur ; quin ipsas quoque profanationes et sacrilegia, quæ per indignas patrantur Communiones. Ô Sane mira Dei mei *Patientia* ! *Opprobria exprobrantium tibi ceciderunt super me* : (Psalm. 68. 10.) Intime sentis, mi JESU, contumelias, quibus in hoc sacro amoris Mysterio afficeris ; Ah ! cur injurias omnes, quas in eodem perpessus es, reparare nequeo et impedire, ne adhuc novæ tibi inferantur ? Offero tibi, Deus *Patientissime*, profundissimam venerationem, quam tibi in Eucharistia indesinenter exhibent omnes Angeli et Sancti ; cultus obsequia, quibus te unquam fideles tui sunt prosecuti ; debitos honores, quos tibi detulit et etiamnum defert Ecclesia : Hæc omnia suscipe in compensationem ignominiarum, tibi a quocumque hominum illatarum ; sed et meas mihi ignosce irreverentias.

Punctum II.

Considera, JESU *Patientiam* mirabiliter in sequentibus apparere circumstantiis ; 1^o. quod patiatur a creatura vili et contemptibili, ipse, qui Deus est ; magnitudine ac Majestate plenus, et potens statim disperdere quotquot ipsi insultant. 2^o. Quod patiatur ab hominibus injurias atrocissimas, hoc ipso tempore, quo eos favorum omnium maximo prævenit : *Retribuebant mihi mala pro bonis*. (Psalm. 34. 12.) 3^o. Quod patiatur a primo instanti, quo Mysterium istud instituit, et adhuc pati paratus sit. Ô Mi JESU ! qui es ipsamet *Patientia*, quas tibi grates rependam pro eo quod per illam usque adeo me sustinueris ? Ah ! noli permittere, ut divina tua *Patientia*, deinceps abutar ; imo vero da, ut, dum te, qui Deus es tam benignus, tam *Patens*, toties recipio, ad exemplum tuum contemptus et contradictiones æquo animo tolerem.

DIES XXX.

ANTE MISSAM.

Jesus, in Eucharistia, *Paupertas*.

Punctum I.

Considera, JESU in Eucharistia *Paupertatem* : Pro habitaculo viles tantum et communes Species habet, et pluribus in locis ea *Paupertate* tractatur, ut abunde manifestet, eundem se esse Deum, qui natus in Bethleem, fuit in præsepi et feno positus. Verum in hoc *Paupertatis* statu infinite dives et potens est ; dominatur in Reges et Angelos, jubetque omnes, et

Cœli, et Terræ potestates supplices ad ipsum adorandum proci dere, ita ut sit *Simul in unum dives et pauper.* (Ps. 48. 3.) JESUM in hoc paupere statu Deum tuum agnosce, et illius, siquidem ipsi placere vis, exemplum imitare. Memento, quid tibi in Evangelio dixerit: *Qui non renuntiat omnibus quæ possidet, non potest meus esse Discipulus:* (Luc. 14. 33.) Tum vero tibi ipsi audacter exprobra tantam in suppellectili, in vestitu, in omnibus ad vitam necessariis rebus superfluitatem, ubi interim Deus tuus, denudatus omnibus. *Non habet ubi caput reclinet.* (Luc. 9. 58.)

Punctum II.

Considera, JESUM in Eucharistia adeo esse *Pauperem*, ut nec sibi, nec pro se, sed totus nobis et pro nobis existat, ac nostri gratia non solum se bonis suis expoliarit, verum etiam seipso; nempe ut de illo pro nostra disponamus voluntate, et illius *Paupertate* ditescamus: *Propter vos egenus factus est, cum esset dives, ut illius inopia vos divites essetis.* (2. Cor. 8. 9.) o mi bone JESU! divitiarum, gratiarum, virtutum, meritorum tuorum me fac participem; gravi enim egestate premor: *Exaudi me, quoniam inops et pauper sum ego.* (Ps. 85. 1.)

DIES XXX.

POST MISSAM.

Jesu, in Eucharistia, *Humilitas.*

Punctum I.

Considera, si JESU *Humilitas* multum apparuerit

in Incarnatione, quando *Semetipsum exinanivit formam servi accipiens,* (Phil. 2. 7.) illam amplius apparere in Eucharistia, ubi se redegit ad conditionem, quæ in speciem inferior est conditioni cujuscumque viventis creaturæ. Enimvero, JESUS in Eucharistia non nisi panis esse videtur sine vita, sine motu, sine ratione, sine agendi virtute; quodque est mirabilius, non modo in illo statu permanet, sed sibi etiam in illo complacet. Proh! quantum *Humilitas* JESU nostram confundit superbiam! JESUS non vult videri qualis revera est; nos autem quales omnino non sumus, semper videri volumus. Agnosco, mi Deus! tuam magnitudinem, et meum nihilum; tuam potentiam, et meam infirmitatem; tuam Sanctitatem, et meam corruptionem; proindeque tantum abest, ut exinanitionem tuam erubescam, cum ea maxime glorier. Te in illa, mi JESU, adoro, glorifico, amo: *Quanto pro me vilior, tanto mihi carior.* (S. Bern.)

Punctum II.

Considera, JESUM, quantumcumque magnum, voluisse se profundissime in Eucharistia humiliare; ad nos docendum, quod elevatio et magnitudo stare debeant cum *Humilitate*; quinimo, quo quis est major, eo magis se humiliare debeat, quia eget pluribus ad se sustinendum gratis, quæ dumtaxat humilibus dantur; quia amplior reddenda ipsi erit ratio; denique, quia magis tentationibus vanitatis et superbiam est expositus. Atque hinc apud Ecclesiasticum dixit Spiritus Sanctus: *Quanto magnus es, humilia te in omnibus, et coram Deo invenies gratiam.* (Ecc. 3. 20.) JESUS nihil habebat, quod a sua magnitudine metueret, cum peccare non posset;

gratia non indigebat, cum ipse hujus fons sit : sese tamen humiliat, ut nobis, super cæteros exaltatis, ostendat, *Humilitatem* esse prorsus necessariam. Jesu igitur profice exemplo, ultimum hominum te existima, *recumbe in novissimo loco*, (Luc. 14. 10.) et in eo persiste : hoc autem ut melius præstes, **JESUM** ora, ut *Humilitatis* suæ te faciat participem.

DIES XXXI.

ANTE MISSAM.

Jesu, in Eucharistia, *Puritas*.

Punctum I.

Considera, quanta Jesu in Eucharistia sit *Puritas*. Qua Deus, idem est, qui ab omni æternitate, per operationem plane spiritualem, ex Patre est natus : qua Homo, idem, qui per virtutem Spiritus Sancti formatus est ex purissimæ Virginis Sanguine ; idem, qui de Cœlis in terram descendit, homines docturus *Puritatis* exercitium ; qui nunquam sensit illecebras concupiscentiæ ; qui omnia delevit mundi inquinamenta, nec tamen vel minimum inquinatus est : idem ipse Deus, idem Homo est, qui est, Sacerdos simul et victima Sacrificii, jamjam a te offerendi. Adde, quod hoc Mysterium quoque sit Sacramentum, cujus materia est frumentum purissimum, panis azymus, qui est symbolum *Puritatis* ; forma vero, Dei ipsius verba. Hæc mature perpende, et concludere, quantum oporteat esse tuam *Puritatem*, ut oculis aspicias, manibus attrices, offeras et sumas **JESUM**, qui est ipsamet *Puritas*. Sed heu ! quam hic cœcutimus ? tu interim attende, ne ad Altare accedas, priusquam conscientiam tuam super hoc

puncto accurate fueris scrutatus ; tibi que persuade, minimas sæpe sensualitates, esse vitia gravia, et infinite displicere Deo, *Qui pascitur inter lilia*. (Cant. 2. 16.)

Punctum II.

Considera, **JESUM** non dedignari in Eucharistia suam *Puritatem* nobis communicare, qui unus est ex præcipuis hujus Sacramenti effectibus, designatus hisce Prophetæ *Zachariæ* verbis : *Quid enim bonum ejus, et quid pulchrum ejus, nisi Frumentum Electorum, et Vinum germinans Virgines ?* (Zach. 9. 17.) Hic effectus oritur ex unione *Virginæ Carnis Jesu* cum nostra : si namque *Hostia*, quæ in Lege Veteri offerebatur pro peccato, poterat sanctificare quidquid attingebat, quomodo **JESU** Caro, quæ tam pura est *Hostia*, non sanctificaret corpus cum ea unitum ? Præterea, cum hujus Sacramenti effectus sit augere charitatem, sequitur, quod concupiscentiam minuat. o Quam indiges potenti illo præsidio, ut acquiras virtutem adeo arduam *Puritatis* ? Qua ratione eam hactenus, absque frequenti hujus Mysterii participatione, conservasses ? Si tentationi non succubuisti, **JESU** Corpori et Sanguini acceptum id refer : eadem cum fiducia accede, ut et te sustentent imposterum, atque a Domino cor purum pete.



DIES XXXI.

POST MISSAM

Jesus, in Eucharistia, Perseverantia.

Punctum I.

Considera, JESU in Eucharistia *Perseverantiam*; ex quo tempore hoc Sacramentum instituit, semper in eo vere et realiter habitavit. Reliqua Sacramenta in actione transeunte consistunt; hoc autem in se permanens est atque perpetuum. In hoc non cessat Jesus Patrem suum glorificare, ipsi de collatis beneficiis gratias agere, ipsum pro nobis orare, applicare nobis fructum suae satisfactionis: et sicut usque ad consummationem saeculi non cessabit in hoc Sacramento habitare, secundum id quod pollicitus est: *Ecce ego vobiscum sum usque ad consummationem saeculi*: (Matt. 28. 20.) Ita, nec in illo cessabit id ipsum nostri gratia continuo praestare. Mirare *Perseverantem* JESU in Eucharistia tecum habitationem, ad suos in te continuandos favores; grates ipsi repende: sed simul erubescere, quoniam *Ecce! qui serviunt ei non sunt stabiles*. (Job. 4. 18.) Quanta se mutabilitas, quanta inconstantia in tua vita manifestat! hoc forte momento aliquantulum devotionis sentis, te colligis, sanctos foves affectus; verum momento sequenti, tibi nihil horum supererit? Ah! minime, mi JESU! minime; mori mihi satius est, quam ut tibi sim infidelis: *Ego autem divi in abundantia mea: non movebor in aeternum*. (Ps. 29. 7.)

Punctum II.

Considera, JESUM in Eucharistia, non esse dumtaxat nobis exemplar *Perseverantiae*, verum etiam *Perseverantiae* causam: 1º. quia, cum sit cibus animae nostrae, in hac alit et conservat spiritualem vitam gratiae, sicut nutrimenta vitam corporalem sustentant. 2º. Quia nos tuetur a peccatis mortalibus, quae sola nobis eripiunt gratiam. 3º. Quia actualia subministrat auxilia ad superandas tentationes, et ad Perseverandum. Quantum igitur JESU sumus adstricti, quod nobis tam efficax perseverandi praebuerit remedium! Gratias ipsi refer pro tanto favore; time, ne per frequentiores relapsus sis illo abusus; de tuis infidelitatibus dole et a Deo donum *Perseverantiae* postula. Ah! mi JESU! mi Deus! *Perfice grossus meos in semitis tuis, ut non moveantur vestigia mea*. (Ps. 16. 5.)

MISSA VOTIVA	COLOR.	MISSA.	GLORIA.	ORATIONES.
De SS. Trinit.	Albus.	propria in fine Missalis.	omittitur.	2 et 3 die currentis
De Spiritu Sancto.	Rubens.	id.	id.	id.
De SS. Sacramento.	Albus.	id.	id.	id.
De SS. Passione.	Violeceus.	id.	id.	id.
De Sancta Cruce.	Rubens.	id.	id.	id.
De B. Virg. Maria.	Albus.	id.	dicitur tantum in Sabbato et infra Oct. B. M. V.	2 diei currentis. 5 de Spiritu S.
De Angelis.	Albus.	id.	dicitur.	2 et 3 die currentis
De Apostolis.	Rubens.	id.	omittitur.	id.
Pro quacumq. necess.	Violeceus.	id.	id.	id.
Pro remissione peccat.	Violeceus.	id.	id.	id.
Pro infirmis.	Violeceus.	id.	id.	id.
Pro sponsa et sponsa.	Albus.	id.	id.	id.
De Sanctis.	Ut in eorum Festis.	propria aut communis.	id.	id.
Pro defunctis.	Niger.	propria.	id.	una vel plures.

CREDO.	PRÆFATIO.	COMMUNICANTES.	ITÆ MISSA EST 90/ BENEDICAMUS DOMINO.	ULT. EVANG.
omittitur.	propria.	Commune vel proprium de illo tempore.	Benedicamus Domino.	S. Joannis
id.	propria.	id.	id.	id.
id.	de Nativ. Domini.	id.	id.	id.
id.	de Cruce.	id.	id.	id.
id.	de Cruce.	id.	id.	id.
id.	propria.	id.	Itē Missa est, in Sabbato et infra Oct. B. M. V.	id.
id.	communis.	id.	Itē Missa est.	id.
id.	de Apostolis.	id.	Benedicamus Domino.	id.
id.	communis.	id.	id.	id.
id.	id.	id.	id.	id.
id.	id.	id.	id.	id.
id.	id.	id.	id.	id.
id.	propria. aut communis.	id.	id.	id.
id.	communis.	commune	Requiescant in pace.	id.

APPENDIX *

EX OPERIBUS LITURGICIS R. D. ROMSÉE.

ad calcem Tomi I,

DE DEFECTIBUS MAGIS COMMUNIBUS IN CELEBRATIONE MISSÆ.

I. Qui levi ex causa Missam prætermittunt, aut qui raro per annum celebrant. Hic neglectus multiplici bono obest; nam, ut ait Auctor Imitationis Christi Lib. 4. cap. 2. *Quando Sacerdos depote celebrat, Deum honorat, Angelos lætificat, Ecclesiam ædificat, viros adjuvat, defunctis requiem præstat, et sese omnium bonorum participem efficit.*

II. Qui absque debitis et piis præparationibus, licet ex præviis occupationibus pleni forsitan dissipatione, ad Aram accedere non dubitant. Ad hos Sapiens: *Ante orationem præpara animam tuam, ei noli esse quasi homo, qui tentat Deum.*

III. Qui paramentis laceris et linteis sordidis ad Missam utuntur, qui iisdem paramentis indecenter et incompositè se accingunt, qui eadem induentes, vel iisdem induti, vanis et inutilibus colloquiis se occupant, qui preces, dum induuntur, præscriptas negligunt, vel absque attentione eas recitant.

* Utilissimum erit hanc appendicem sæpius legere, ne male consuetudines in celebratione Divinorum Mysteriorum contrahantur.

IV. Qui una tantum manu Calicem portant, ei non imposita dextera, et qui sub Missa Pallam e Calice in Altare non deponunt sed potius projiciunt.

V. Qui alternatim cum Ministro recitantes, præ nimia festinatione finem responsi non expectant.

VI. Qui dicturi *Orenus* ante Collectas, præviæ manus non jungunt, vel qui post earum extensionem illas denno non conjungunt, antequam incipiant Orationem. Item qui sub conclusione Collectarum accelerationis causa vertunt folia Missalis, ante responsum *Amen* a Ministro.

VII. Qui conversi infra Missam ad populum a tergo Altari innituntur, vel qui adstantes oculis attingunt. Hæc libertas est admodum scandalosa, et magnæ dissipationis argumentum.

VIII. Qui inclinati vel Altare osculantes antequam flectant, vel se ad populum convertunt, prius non se corpore et capite erigunt, quam incipiant flectere vel ad populum se convertere.

IX. Qui flectentes sub *Et Homo factus est*, vel ante et post elevationem Specierum, caput inclinatum infra genuflexionem. Idem dic de iis, qui ante initium Missæ, et post illius finem, facta ad gradus Altaris genuflexione seu profunda corporis inclinatione, erecti, capitis inflexione Crucem denuo salutant.

X. Qui se signantes non apponunt manum sinistram ad corpus, et extremitate dexteræ frontem, pectus et utrumque humerum physice non tangunt. Errant quoque qui, dum signant Oblata, nullam Crucem delineant, sed insulsa et ridicula manus varicatione signum cujusdam rotæ exhibent, quam *S. Vincentius Ferrerius* « circulum diaboli » appellat.

XI. Qui non servant tempus et locum ad legendum, vel ad ritus exercendos, v. g. qui dicunt *Kyrie eleison* in itinere, et antequam ad medium Altaris pervenerint, qui Cruces formant non præcise sub

verbis illis respondentibus. Qui dicunt *Unde et memores*, antequam ab ultima adoratione Calicis se erexerint. Qui recitant Communionem in medio Altaris.

XII. Qui absque ullo religionis apparatu, imo et cum gravi fidelium offensione, ita præcipitanter incedunt, et ad Altare se movent, ut malo spiritu agitari videantur. Qui ita festinanter genuflectunt, ut actum derisionis potius quam adorationis exercere videantur. Et qui ita velociter signant Oblata, ut credantur muscas a Speciebus abigere, et non ritum sacrum agere.

XIII. Qui stantes ad Altare, vel incedentes aut genuflectentes, corpus et caput continuo contorquent. Qui extra casum gravis incommodi seu impossibilitatis moralis, ad formandas genuflexiones, genu usque ad terram non deprimunt. Et qui incedentes, intra Altare, latus totaliter ad illud non vertunt se quasi moventes cancrorum more.

XIV. Qui Altare non osculantur in medio, sed ad latus Hostiæ.

XV. Qui alta voce proferunt utrumque *Memento*, et verba Consecrationis tali, ut audiantur a circumstantibus.

XVI. Qui totum Sacrificii cursum alta voce legunt, aut tam submissa, ut ea, quæ alta voce proferri debent, non audiantur a proxime circumstantibus.

XVII. Qui verba Consecrationis pronuntiant magno nisu, aspiratione gaudi, et moram inter illa ponendo.

XVIII. Qui sub utraque Consecratione et *Domine non sum dignus*, pedem dextrum extendunt ultra sinistram.

XIX. Qui sacras Species non elevant ultra caput. Qui in illas, dum elevantur et deponuntur, oculos non intendunt continuo. Qui elevantes Hostiam manus disjungunt, et qui Hostiam et Calicem non ele-

vant linea recta intra corporale, sed ad verticem capitis illa declinant.

XX. Qui sic continue ter dicunt *Domine, non sum dignus*, ut necessario omittant verba sequentia *ut intres etc.* vel qui sub hac Oratione brachio indecenter Altari innixi, corpus contorquent versus cornu Epistolæ.

XXI. Qui caeremonias fingunt; v. g. qui immediate antequam se signent, Missam incepturi, anteriorem partem casulæ elevat et deosculantur.

XXII. Qui ab Altari recedentes devote non recitant Canticum *Benedicite omnia opera*, et alias preces illi substituunt aperte contra Rubricam.

XXIII. Qui festinanter et incomposite deponunt sacras vestes, quique statim, et absque recollectione per medium ad minus quadrantis, ad fabulas, risus vel negotia mundana se convertunt.

XXIV. Qui infra Missam solemnem sedentes, crura complicant, seu qui non tenent pedes decenter juxta se invicem positos.

XXV. Tandem qui ultra medietatem unius horæ Missam communem protrahunt, non sine fastidio populi adstantis; vel (et hi longe turpius peccant) qui non insumunt tertiam saltem partem unius horæ, ad celebrandam Missam licet brevissimam.

His notatis de defectibus in celebratione Missæ committi solitis, ita pergit citatus Auctor: Cum præcipitatio in Missarum celebratione sit admodum, pro-

dolor! frequens et ordinaria, hujus mali sub sole pessimi, causæ et remedia breviter hic requirantur.

Prima causa: est ignorantia crassa et damnabilis sacrorum Rituum et significationis eorum, in qua multi vivunt et usque in finem insordescunt: unde fit, ut viles habeant caeremonias Ecclesiæ, ipsunque Altaris Mysterium indigne pertractent.

Secunda causa est vita mundana, qua terræ ag-

glutinati, negotiis sæcularibus distracti et pleni creaturis, a rerum cœlestium sapore impediuntur: homo quippe animalis non percipit ea, quæ Dei sunt.

Tertia causa est defectus veræ et vivæ fidei circa Sacramentum Corporis et Sanguinis Jesu-Christi; si enim lumine fidei Sacerdotes in manibus suis viderent supremam Dei Majestatem, profecto timore concussi ab omni festinatione et neglectu efficaciter retraherentur.

Quarta causa est inconsideratio et profunda oblitio maledictionum horrendarum, quas Deus irreligiosis et impiis continuo intentat: *Vili Heli*, inquit I Reg. cap. 2. *filii Belial nescientes Dominum, neque officium Sacerdotum ad populum.* Et Jerem. XLVIII. *Maledictus dicitur omnis, qui facit opus Dei negligenter.* Utque in vanum loqui non videatur, Deut. XXVIII legitur: *Quod si audire nolueris vocem Domini Dei tui ut custodias et facias omnia mandata ejus et caeremonias, quas ego præcipio tibi hodie, venient super te omnes maledictiones istæ et apprehendent te.*

In remedium hujus mali exitiosi, et scandalosi nimis, veniunt sequentia


I. Fervens et constans applicatio; tum ut sacramentorum caeremoniarum scientia acquiratur, tum ut earundem sensus et rationes capiantur.

II. Perfecta cordis ab affectibus humanis purgatio; nam qui de mundo est, necessario cogitat quæ mundi sunt, et qui de Deo est quæ sunt Dei.

III. Ante Missam seria meditatio realis Christi Domini in Eucharistia presentis et confessio explicita illius veritatis, quæ sub ipsa Sacrificii actione menti impressa maneat.

IV. Tandem frequens apprehensio maledictionum divinarum, de quibus supra, et poenarum, quibus Deus sub veteri Testamento de minimis contra reli-

gionem peccatis vindictam quæsivit. Oza quippe ob irreverentiam quamdam erga Arcam Fœderis morte a Deo percussus est; Nadab et Abiud, filii Aaron, ob adhibitum in thuribulis ignem profanum, igne consumuntur, et Deus, I. Reg. Cap. VI. percussit de viris Bethsamitibus, eo quod curiose vidissent Arcam Domini, de populo septuaginta viros, et quinque millia plebis. Quam igitur horrendum est Sacerdotes irreligiosos incidere in manus Dei viventis!



UNIVERSIDAD NACIONAL DE NIJEVOLEÓN
BIBLIOTECA GENERAL DE BIBLIOTECAS

Hymni

Sanctissimi Sacramenti.

Pange lingua gloriosi
 Corporis mysterium,
 Sanguinisque pretiosi
 Quem in mundi pretium
 Fructus ventris generosi
 Rex effudit gentium.

Nobis datus, nobis natus
 Ex intacta Virgine,
 Et in mundo conversatus,
 Sparso verbi semine,
 Sui moras incolatus
 Miro clausit ordine.

In supremæ nocte cœnæ
 Recumbens cum fratribus,
 Observata lege plene
 Cibis in legalibus,
 Cibum turbæ duodenæ
 Se dat suis manibus.

Verbum caro, panem verum
 Verbo carnem efficit;
 Fitque sanguis Christi merum,
 Et si sensus deficit,
 Ad firmandum cor sincerum
 Sola fides sufficit.

Tantum ergo Sacramentum
 Veneremur cernui:
 Et antiquum documentum
 Novo cedat ritui:
 Præstet fides supplementum
 Sensuum defectui.

Genitori, Genitoque
 Laus et jubilatio,

Salus, honor, virtus quoque
 Sit et benedictio:

Procedenti ab utroque
 Compar sit laudatio.

Amen.

Sacris solemnibus juncta sint gaudia.
 Et ex præcordiis sonent præconia;
 Recedant vetera, nova sint omnia
 Corda, voces, et opera.

Noctis recolitur cœna novissima,
 Qua Christus creditur agnum et azyma
 Dedit fratribus, juxta legitima
 Præcis indulta patribus.

Post agnum typicum, expletis epulis,
 Corpus Dominicum datum discipulis,
 Sic totum omnibus, quod totum singulis,
 Ejus fatemur manibus.

Dedit fragilibus Corporis ferculum,
 Dedit et tristibus Sanguinis poculum,
 Dicens, Accipite quod trado vasculum,
 Omnes ex eo bibite.

Sic sacrificium istud instituit,
 Cujus officium committi voluit
 Solis Presbyteris, quibus sic congruit
 Ut sumant, et deat ceteris.

Panis Angelicus fit panis hominum;
 Dat panis cœlicus figuris terminum;
 O res mirabilis, manducat Dominum
 Pauper servus, et humilis.

Te trina Deitas, inaque poscimus,
 Sic nos tu visita, sicut te colimus;
 Per tuas semitas duc nos quo tendimus,
 Ad lucem, quam inhabitas. Amen.

Verbum supernum prodiens,
 Nec Patris linquens dexteram,
 Ad opus suum exiens,
 Venit ad vitæ vesperam.

In mortem a discipulo
 Suis tradendus æmullis,
 Prius in vitæ ferculo
 Se tradidit discipulis.

Quibus sub bina specie
 Carnem dedit et sanguinem ;
 Ut duplîcis substantiæ
 Totum cibaret hominem.

Se nascens dedit socium,
 Convalescens in edulium,
 Se moriens in pretium,
 Se regnans dat in præmium.

O salutaris Hostia,
 Quæ cæli pandis ostium !
 Bella premunt hostilia,
 Da robur, fer auxilium.

Uni Trinoque Domino
 Sit sempiterna gloria ;
 Qui vitam sine termino
 Nobis donet in patria.

Amen.

Sequentia.

Lauda Sion Salvatorem, lauda ducem et pastorem,
 in hymnis et canticis.

Quantum potes, tantum aude ; quia major omni
 laude, nec laudare sufficis.

Laudis thema specialis, panis vivus et vitalis ho-
 die proponitur.

Quem in sacræ mensa cœnæ, turbæ fratrum duo-
 denæ datum non ambigitur.

Sit laus plena, sit sonora, sit jucunda, sit decora
 mentis jubilatio.

Diei enim sollemnis agitur, in qua mensæ prima
 consecratur hujus institutio.

In hac mensa novi Regis, novum Pascha novæ le-
 gis, Phase vetus terminat.

Vetustatem novitas, umbram fugat veritas, noc-
 tem lux eliminat.

Quod in cœna Christus gessit, faciendum hoc ex-
 pressit in sui memoriam.

Docti sacris institutis, panem, vinum in salutis
 consecramus hostiam.

Dogma datur Christianis, quod in carnem transit
 panis, et vinum in sanguinem.

Quod non capis, quod non vides, animosa firmat
 fides, præter rerum ordinem.

Sub diversis speciebus, signis tantum, et non re-
 bus, latent res eximie.

Caro cibus, sanguis potus, manet tamen Christus
 totus sub utraque specie.

A sumente non concisus, non contractus, non di-
 visus, integer accipitur.

Sumit unus, sumunt mille : quantum isti, tan-
 tum ille : nec sumptus consumitur.

Sumunt boni, sumunt mali ; sorte tamen inæqua-
 li, vite, vel interitus.

Mors est malis, vita bonis : vide paris sumptionis,
 quam sit dispar exitus.

Fracto demum Sacramento, ne vacilles, sed memen-
 to, tantum esse sub fragmento, quantum toto tegitur.


Nulla rei fit scissura, signi tantum fit fractura :
 qua nec status, nec statura signati minuitur.

Ece panis Angelorum, factus cibus viorum :
 vere panis filiorum, non mittendus canibus.

In figuris præsignatur, cum Isaac immolatur :
 agnus paschæ deputatur, datur manna patribus.

Bone pastor, panis vere, Jesu, nostri miserere :
tu nos pascere, nos tuere : tu nos bona fac videre in
terra viventium.

Tu, qui cuncta scis et vales, qui nos pascis hic
mortales : tuos ibi commensales, cohæredes, et so-
dales, fac sanctorum civium. Amen. Alleluia.



UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

*Hice mi consunción oral, en el Ocaso
de la Cruz del Sado Cor. de Jesús con el P. N.
Leonides Pérez el viernes 17 de Septiembre de 1909
en los Santos Ejercicios para mi consagración*

episcopal.

MECHLINIE, — H. DESRAIN.

+ Emeterio, Ob. E. de León.

UNIVERSIDAD NACIONAL DE NUEVA
GRANADA
BIBLIOTECA

L
e
u